

A R S
R H E T O R I C A
A D
TULLIANAM RATIONEM EXACTA,
I N Q U A
PRÆCEPTA ET EXEMPLA COMPLECTUNTUR,
QUÆ AD ORATORIAM FACULTATEM
PERTINENT.

A U C T O R E P.

GABRIELE FRANCISCO LE JAY
Societatis JESU Presbytero.



V E N E T I I S ,
EX TYPOGRAPHIA VALVASENTIANA
M D C C L X I I .
S U P E R I O R U M P E R M I S S U , AC P R I V I L E G I I S .

1. **Д**еснина
2. **Д**еснина
3. **Д**еснина
4. **Д**еснина
5. **Д**еснина
6. **Д**еснина
7. **Д**еснина
8. **Д**еснина
9. **Д**еснина
10. **Д**еснина
11. **Д**еснина
12. **Д**еснина
13. **Д**еснина
14. **Д**еснина
15. **Д**еснина
16. **Д**еснина
17. **Д**еснина
18. **Д**еснина
19. **Д**еснина
20. **Д**еснина
21. **Д**еснина
22. **Д**еснина
23. **Д**еснина
24. **Д**еснина
25. **Д**еснина
26. **Д**еснина
27. **Д**еснина
28. **Д**еснина
29. **Д**еснина
30. **Д**еснина
31. **Д**еснина
32. **Д**еснина
33. **Д**еснина
34. **Д**еснина
35. **Д**еснина
36. **Д**еснина
37. **Д**еснина
38. **Д**еснина
39. **Д**еснина
40. **Д**еснина
41. **Д**еснина
42. **Д**еснина
43. **Д**еснина
44. **Д**еснина
45. **Д**еснина
46. **Д**еснина
47. **Д**еснина
48. **Д**еснина
49. **Д**еснина
50. **Д**еснина
51. **Д**еснина
52. **Д**еснина
53. **Д**еснина
54. **Д**еснина
55. **Д**еснина
56. **Д**еснина
57. **Д**еснина
58. **Д**еснина
59. **Д**еснина
60. **Д**еснина
61. **Д**еснина
62. **Д**еснина
63. **Д**еснина
64. **Д**еснина
65. **Д**еснина
66. **Д**еснина
67. **Д**еснина
68. **Д**еснина
69. **Д**еснина
70. **Д**еснина
71. **Д**еснина
72. **Д**еснина
73. **Д**еснина
74. **Д**еснина
75. **Д**еснина
76. **Д**еснина
77. **Д**еснина
78. **Д**еснина
79. **Д**еснина
80. **Д**еснина
81. **Д**еснина
82. **Д**еснина
83. **Д**еснина
84. **Д**еснина
85. **Д**еснина
86. **Д**еснина
87. **Д**еснина
88. **Д**еснина
89. **Д**еснина
90. **Д**еснина
91. **Д**еснина
92. **Д**еснина
93. **Д**еснина
94. **Д**еснина
95. **Д**еснина
96. **Д**еснина
97. **Д**еснина
98. **Д**еснина
99. **Д**еснина
100. **Д**еснина

P R A E F A T I O
B R E V I S E T I N S T I T U T I
O P E R I S D E S I G N A T I O .

CUM ad bene ornateque dicendum tota, Tullio teste, nata sic Rhetorica, cujus præceptiones ad Tullianam rationem exactas tradituri sumus, supervacaneum putamus, pro brevitate instituti Operis, vel de illius natura, vel de necessariis ad eam afféquendam cum corporis, tum ingenii præsidiis ditputare. Imo neque eum, quem vulgo tenent Eloquentiæ Magistri, sequemur ordinem, ut de Inventione primum, deinde de Dispositione Partium, tum de Elocutione, ejusdemque Amplificatione atque Ornatu tractemus. Nam cum acuendus sit statim & exercendus Candidatorum Rethorum stylus, eam docendi viam duximus potiorem, quæ a facilitioribus ad difficiliora progrederetur. Quare in Oratione, ad quam informardam ornandamque Rhetorica potissimum incumbit, spectabimus primo Elocutionem, secundo Amplificationem, tertio Ornatum, quarto Argumenta rationesque, quibus Oratio nititur. Denique Argumentationem, seu rationem atque argumentorum dilatationem.

Primum præstabimus, cum artem informandi Periodos cuiuscumque generis trademus. Alterum, cum easdem amplificandi modum docebimus. Tertium, quod Ornatu continetur, ex tractatione

Troporum ac Figurarum planum fiet. Quartum, quod Argumenta spectat, ex Locis tam intrinsecus, quam extrinsecus petitis eruemus. Denique argumentationis partes singulas, easque dilatandi rationem, quod est in Rhetorica longe difficillimum, explanabimus. Quæ vero ad Partes Orationis varias earumque dispositionem attinent, nos, propter brevitatem, cui conluctum volumus, ex Auctoribus bene multis, qui de Rhetorica copiosius scripserunt, cognoscenda relinquemus.

Verum quia nihil tam juvat ad defigendas animis præceptiones ipsas, quam si exempla ad easdem accommodata subjiciantur, non satis habebimus, illustria quæque Ciceronis loca, quibus Rheticæ præcepta designantur, aut describere, aut saltem diligenter indicare; sed explicatis præceptionibus singulis, unam & alteram Exercitationem adjiciemus, quæ eisdem utendi norma ac regula sit. Atque ut elucubrandæ Orationis artificium studiæ juventutem ne fugiat, brevem argumenti, secundum leges traditas, informandi synopsim præmittemus.

Quoniam autem nobis proposuimus Ciceronem unum sequi ducem, & exactam ad Tullianas leges Rheticam promittimus, operæ pretium est de ratione ipsa legendi & imitandi Ciceronis pauca attexere. Quam sunt enim qui Ciceronem evolvunt, multi; tam pauci, qui, quo pacto sit legendum & imitandus, sciant.

Sunt, qui nihil fere præter verba, & quosdam elocutionis modos, quos vulgo Phrases vocant, annotent, ac bene multos ejusmodi ubi saepius ac

ac veluti per vim in Orationem intruferint, non possunt sibi temperare, quin egregiam Ciceronis imitationem sibi gratulentur. Atque hoc præsternit juvenile vitium est, & eorum, qui primis Rheticæ elementis vacant.

Alii, iisque doctiores, id fere unum observant, quod ipsi dictioni subest, & elocutionis ornatu neglecto, sententiam dumtaxat sensusque verborum consequuntur.

Alii denique nihil aliud student, quam ut ex lectione Ciceroniana communes excerpant Locos, quos applicare deinde cuilibet argumento possint: quæ quidem exercitatio, licet utilissima sit, nondum tamen assequitur imitandi Ciceronis artem, quæ tria potissimum complectitur.

Primum. Ut orationis copulae dumtaxat, non autem ipsa verba, neque sensus qui verbis subest, subripiantur. Quod si tibi Periodus occurrerit, cuius elocutio adeo sit opportuna, ut inventire ad rem tuam aptiorem non possis, eam poteris assumere, sed ea lege, ut alio, quam posita est, ordine collocetur. Quod ut facias, alia tibi erit querenda Periodus, cuius ad exemplum verba ipsa accommodentur. Atque hoc ipsum præstandum tibi est, quoties vel Sententiam aliquam Tullianam, vel Elocutionem aliquam Orationi tuae applicare volueris.

Secundum. Ut minus pateat, siquid in Periodo conficienda mutuatus e Cicerone fueris, satis erit tibi proponere unam aliquam Ciceronianam Periodum, cuius particulæ aliquas, quæ vinciendæ orationi deserviunt, non omnes accipias,

Tertium, idque momenti non levis, in eo positum est, ut si caussam agas in genere Judiciali, hoc est, si accusandus, aut defendendus aliquis, Periodos ac Figuras imiteris, quas in simili genere Caussarum adhibuit Orator, potius quam alias quascumque. Si quid in genere Deliberativo probandum tusepias, consulenda tibi erit Oratio pro Lege Manilia, quæ tota ad Deliberativum genus pertinet. Si caussam agas in genere Exornativo, consules Orationem pro M. Marcello, quæ Caii Cælaris, vel eam partem Orationis pro Lege Manilia, quæ Pompeji laudes complectitur.

Denique si placet in aliquem vehementius invenhi, leges Orationes in Verrem, in M. Antonium, in Pisonem, in Catilinam. Idque propterea moneo, quod plerumque varia sint pro varietate caussarum Orationis vincula, neque tam multa in accusando, quam in defendendo, aut deliberando requirantur. Quamquam quædam sunt magis communes Orationis commissuræ, quæ in omni caussarum genere usurpantur.

Ut autem illa Ciceronis imitatio vitiosa non videatur, varianda est oratio Figuris: quod ut præstes, proponenda tibi erit una aut altera Ciceronis Oratio, in qua diligenter observes varia Figurarum lumina, quibus illustrare pariter propositam tibi Orationem possis.

7

A R S R H E T O R I C A

A D

TULLIANAM RATIONEM EXACTA.

L I B E R P R I M U S

D E E L O C U T I O N E O R A T O R I A .

C A P U T P R I M U M .

D E P E R I O D O .

Quid est Elocutio Oratoria?

R. Est modus seu ratio loquendi ac scribendi Oratorum propria, quam stylum vocant.

Quænam est Elocutio Oratoris propria?

R. Debet esse primo numerosa, deinde ornata, denique accommodata rei, de qua dicitur. Fit autem numerosa per Periodos, ornata per Figuras, denique accommodata per rationes & argumenta.

Quid est Periodus?

R. Periodus a Cicerone definitur in libro qui *Orator* inscribitur, n. 207. *Oratio in quodam quasi orbe inclusa procurrens, quæad insitat in singulis perfectissimis absolutisque Sententiis.* Hoc enim ipsum est, quod Periodus sonat, quæ vox est Græca Περίοδος, nihil aliud significans, quam ambitum quemdam atque circuitum: quia Periodus est comprehensio verborum totam sententiam ab initio usque ad finem complectens.

Vox autem illa & significatio metaphorica est a Ludis Olympicis deduxta, in quibus Quadrigæ a Carceribus ad Metam pergebant, eamque circumflectentes redibant deinde ad Carceres. Sic Periodus a priori sententia parte, quæ Protagōs vocatur, ducitur ad partem sententiae posteriorem, quæ appellatur *Apodosis*.

Huic explicationi cōgruit Aristotelica Periodi Definitio. Dicit enim, Periodum esse Orationem, quæ initium habet & finem ex sese, & eam magnitudinem interjectam, quæ aspectabilis facile sit.

Quæres, quid sit habere initium & finem ex sese?

R. Initium illud vocatur ab Aristotele, post quod aliquid sequi sua sponte debet, quo semel posito, nihil amplius exquiritur. Neque enim Sententia quælibet habere initium & finem dicenda est, licet a quibusdam vocibus inchoetur, & per alias voces desinat: v. gr. Si dixeris: virtus multas habet & magnas illecebras. In hac sententia nullum initium aut finis agnoscitur, quia nihil debet sequi, neque quidquam aliud ultra expectatur. Si vero dixeris: cum virtus multas & magnas habet illecebras: tunc suspensus erit sensus; & expectabitur alia sententia, quæ priori sententiæ, & præmissæ particulæ, Cum, respondeat, absolvatque Periodum. V.gr. Cum virtus multas & magnas habet illecebras, tum ab ea tam amanda, quam consestanta quis temperare possit? Erit hæc vera ac germana Periodus, quæ habet initium & finem, & ad leges Aristotelicæ Definitionis exacta sit.

Quid significant voces illæ, Et magnitudinem interjectam, quæ aspectabilis facile sit?

R. Designant spatium aliquod inter initium finemque Periodi interjectum: justum illud quidem; ut & spiritum dicentis juvet, nec aurem audientis, aut longiori ambitu obruat, aut breviori fallat.

Eodem pene recidit illa Phalerii Definitione; qui dicit, Periodum esse continuationem quamdam Membrorum ac Commatum, ita inter se apte & rotunde connexorum, ut plenam sententiam & conclusionem referant. Quare, secundum ipsius mentem, Periodus simillima est forniciis, in quibus lapides ita aptantur inter se ac vinciuntur, ut serie omnes quodammodo fulciant, & compagem unam, quam efficiunt, ab omni parte sustentent.

Tam egregiis Periodi Definitionibus aliam adjicimus, si magnificam minus, breviorem certe & fortasse clariorem.

Igitur quid est Periodus?

R. Est Oratio habens sensum & numerum perfectum.

Quot sunt partes Periodi?

R. Partes Periodi majores vocantur Cola, Κῶλα, seu Membra: minores Commata, Κόμματα, seu Incisa.

Quid est Cōsum, seu Membrum?

R. Est

R. Est Oratio habens sensum & numerum, sed utrumque imperfectum.

Quid est Comma seu Incisum?

R. Est Oratio habens sensum perfectum, sed nullum numerum, nisi Periodus ex multis incisis confletur, quæ simul composita numerum efficiant: v. gr. Nihil agis, nihil cogitas, nihil moliris, quod ego non videam planeque sentiam.

Itaque Membrum cum Periodo convenit quidem, quod Oratio sit habens aliquem sensum ac numerum: disconvenit vero, quod sensus ac numerus, qui in Periodo perfectus est & absolutus, in Membro suspensus & imperfectus inveniatur. Incisum autem habet hoc commune cum Periodo, quod perfectum sensum habeat; ut patet in illa Oratione: *Nihil agis*: differt ab eadem & a Membro pariter, quod omni numero propter Orationis brevitatem spoliatur.

Sit in exemplum illa Ciceroniana Periodus pro Marcello, n. 19. quæ ex geminis membris coalescit. Tantus est enim splendor in laude vera, tanta in magnitudine animi & consilii dignitas; (hæc oratio seu sententia prioris Membri rationem habet, in qua sensus est aliquis, ut patet, & numerus, propter aptam vocum singularum dispositionem; sed imperfectus uterque, donec altera pars Periodi, seu Membrum quod sequitur, advenerit) ut hæc a virtute donata, cetera a fortuna commodata esse videantur.

Ex dictis colliges, tria esse dicendi genera. Primo, Periodice is dicit, qui ambitu finito Periodorum effert explanque sententiam. Ita Cicero de Provinciis Consularibus, num. 1. *Si quis vestrum expectat, quos sim provincias decretrurus, consideret ipse secum, qui mibi homines ex provinciis potissimum detrabendi sint: non dubitabit, quid me sentire conveniat, cum quid nibi sentire necesse sit, cogitarit.*

Secundo Membratim, cum singulis Membris insistit Oratione: ut in Pisonem, num. 56. *Audistis Philosopbi vocem? Negavit se triumphi cupidum umquam fuisse. Cum extinguebas Senatum, vendebas auctoritatem bujus ordinis, addicebas Tribuno plebis consulatum tuum, Rem publicam evertebas, prodiebas caput & salutem meam una mercede provincie: si triumphum non cupiebas, cuius tanquam rei te cupiditate arsisse defendes?*

Tertio Incisim, cum oratio Incisis constat; ut in Pisonem, ibidem: *O scelus! o pestis! o labes!*

Et post Reditum in Senatu, n. 13. Cum hoc homine, an cum stipite Æthiope si in foro constitisses, nihil crederes interesse. Sine sensu, sine sapore, elinguem, tardum, inhumanum, neglectum, Cappadocem modo abruptum de gregè venantium diceres. Idem domi quam libidinosus, quam impurus! quam intemperans!

Interdum Membra Incisis miscentur: ut pro Archia. n. 16. Hæc studia adolescentiam alunt, senectutem oblectant, securas res ornant, adversis perfugium ac solatium præbent. Delectant domi, non impediunt foris, pernoctant nobiscum, peregrinantur, rusticantur.

Primum genus in usu est præsertim in Exordiis & in rebus gravioribus. Posteriora duo adhibentur, cum Orator arguit & increpat aliquem.

C A P U T II.

De divisione Periodorum.

Pro numero & varietate Membrorum multiplex est avaria Periodus. Alia enim, ut quidam volunt, unius Membri est, quæ dicitur a Græcis, Μονόκλων, a voce μόνος solus, & altera voce κῶλον Membrum. Alia Bimembris, sive δίκλων. Alia trium Membrorum, sive τρίκλων. Alia quatuor Membrorum, sive τετράκλων.

Exemplum illud esto Periodi Bimembris lib. 1. de Ora-
tore, n. 31. Quid tam est admirabile, quam ex infinita mul-
titudine existere unum, (1. Membrum) qui id quod omnibus
natura sit datum, vel solus, vel cum paucis facere possit?
(2. Membrum)

Exemplum Periodi Trimembris habes pro Cælio, n. 28.
Datur enim concessu omnium huic aliquis ludus ætati,
(1. Membrum) & ipsa natura profundit adolescentie cupi-
ditates; (2. Membrum) quæ si ita erumpunt, ut nullius
vitam labefactent, nullius domum evertant, facile tolerabiles
haberi solent. (3. Membrum)

Exemplum Periodi Quadiimembris sufficiet exordium pro Milone. Etsi vereor, Judices, ne turpe sit, pro fortissimo vi-
ro dicere incipientem timere; (1. Membrum) minimeque
deceat, cum T. Annus Milo ipse magis de Reip. salute, quam
de sua perturbetur, me ad ejus caussam parem animi magni-
tudinem afferre non posse; (2. Membrum) tamen hæc novi
judicij forma terret oculos, (3. Membrum) qui, quocum-
que inciderint, veterem consuetudinem fori & pristinum mo-
rem judiciorum minime vident. (4. Membrum)

Quæ

Quæ vero Periodus quatuor Membris admodum similibus & ejusdem fere magnitudinis constat, vocatur *Quadrata*; eadem quæ valde numerosa sit, *Rotunda* dicitur. Erit in exemplum Periodi hujuscemodi exordium pro Rabirio Perduelli. *Etsi, Quirites, non est meæ consuetudinis, initio dicendi rationem dicere, qua de causa quemque defendam,* (1. Membrum) propterea quod cum omnibus civibus in eorum periculis semper satis justum mibi causam necessitudinis esse duxi: (2. Membrum) *tamen in hac defensione capitii, famæ, fortunarum omnium C. Rabirii, proponenda ratio videtur esse officii mei:* (3. Membrum) propterea quod, quæ *justissima mibi causa ad hunc defendendum esse visa est, eadem vobis ad absolvendum debet videri.* (4. Membrum) Ejusdem naturæ est prima Periodus de provinciis Consularibus jam laudata.

Quæ vero Periodus sic inter se disposita Membra numerat, ut eodem manente sentu & Orationis concinnitate pars prior Periodi, quæ *Protasis* dicitur, collocari possit loco posterioris, quæ appelliatur *Apodosis*, & postrema Membra fiant prima, vocatur *Decussata* a vocabulo *Decussis*; cuius figuram exhibet numerus major Denarii Romani: quæ figura sic est disposita, ut, si eani invertas, & partem imam ponas loco summæ, maneat tamen eadem figura & nota Numeri Denarii X. Talis est illa Periodus, quæ initio Orationis pro *Cæcina* legitur. Si, quantum in agro locisque desertis audacia potest, tantum in foro atque in iudiciis imprudentia valeret; (*Protasis*) non minus in causa cederet *Cæcina Sex. Æbutii impudentiae*, quam tum in vi facienda cessit audaciæ. (*Apodosis*)

Nam si *Protasin* postponas *Apodosi*, seu duo priora Membra posteriorum loco colloces, & duo posteriora vicissim priorem locum occupent, manebit idem sensus, qui prius: v. g.

Non minus in causa cederet *Cæcina Sex. Æbutii impudentiae*, quam tum in vi facienda cessit audaciæ; si, quantum in agro locisque desertis audacia potest, tantum in foro atque in iudiciis impudentia valeret.

Quod diximus superius, ambitum Periodicum similem esse Quadrigis procurrentibus a Carceribus ad Metas, & a Metis ad Caïceres recurrentibus; tanto verius est, quod Periodus, cujuscumque generis illa sit, ex duabus tantum partibus componatur; quarum prior quæ *Protasis* dicitur, itus; posterior quæ vocatur *Apodosis*, reditus rationem habeat.

Has porro partes geminas facile comprehendere est in Bimembri Periodo, cuius Membrum prius *Protasin*, posterius *Apodosin* constituit. Item in Quadrimembri, ubi duo priora Membra ad *Protasini*, duo posteriora ad *Apodosim* pertinent. At in Trimembri Periodo, quæ tribus membris constat; quatuor 1. *Protasis* ne *Apodosi*, an *Apodosis* debeat esse productior *Protasi*; sive an duo Membra *Protasis* complecti debeat, *Apodosis* unum; an contra geminum in *Apodosi*, unum in *Protasi* magis convenienter Membrum contineri?

R. Nullam dari posse certam super ea re regulam, cum apud Ciceronem in Trimembri Periodo nunc *Protasis Apodosi*, modo *Apodosis Protasi* inveniatur productior; at consulendum esse judicium aurum, quo nihil est in hac arte sagacius.

Quæres 2. Quomodo discernere quis potest in Periodo Trimembri, quæ Membra sibi *Protasis*, quæ *Apodosis* vindicet?

R. Attendendum esse præsertim ad secundum Periodi Membrum, quod si vinculo aut particula conjunctum aliqua cum primo Membro inveniatur, tunc duo priora Membra spectabunt *Protasin*: sin ab eo penitus solutum sit, tunc duo posteriora Membra pertinebunt ad *Apodosin*. Hoc planum fiet ex sequentibus exemplis.

Primum petitur ab illa Periodo Trimembri, quæ legitur pro Archia, n. 14. *Nisi multorum preceptis multisque litteris mihi ab adolescentia suassim*, nihil esse in vita magnopere experendum, nisi laudem atque honestatem; (1. Membrum) in ea autem persequenda omnes cruciatus corporis, omnia pericula mortis atque exilii parvi esse ducenda: (2. Membrum) (*Protasis*) numquam me pro salute vestra in tot ac tantas dimicationes, atque in hos profligatorum hominum quotidianos impetus objecissim. (3. Membrum) *Apodosis*.

Hic primum est observare particulam autem in 2. Membro positam habere vim connectendi secundum Membrum cum primo, adeoque duo priora Membra ad *Protasim* referri.

Secus accidit in exemplo sequenti, quod ab Oratione pro Quintio, num. 26. depromptum est: ubi secundum Membrum, quia nullo vinculo connectitur cum primo, censeri debet ad *Apodosin* pertinere.

Etenim si veritate amicitia, fide societas, pietate propinquitas colitur; (1. Membrum) (*Protasis*) necesse est iste, qui amicum, socium, affinem fama & fortunis spoliare conatus est; (2. Membrum) vanum se & perfidiosum & impium esse fauerit. (3. Membrum) *Apodosis*.

Antequam progrediamur ulterius, operæ pretium est illustriores omnis generis e Cicerone Periodos aliquot proferre, quarum ad normam atque imitationem aliæ Periodi, pro ratione propositi nobis consilii, exigantur.

C A P U T III.

Periodi ad Ciceronis imitationem exactæ.

B I M E M B R E S.

C I C E R O N I A N A E P E R I O D I.

De Claris Oratoribus. num. 7.

S E N T E N T I A C I C E R O N I A N A .

Numquam plus valet boni civis auctoritas & oratio,
quam belli tempore.

Si fuit in Republica tempus ullum, cum extorquere arma posset e manibus iratorum civium boni civis auctoritus Oratio, tum profecto fuit, cum patrocinium pacis exclusum est aut errore hominum, aut timore.

I M I T A T I O.

S E N T E N T I A .

Numquam virtus probatur melius, quam in adversis.

Si est in vita tempus ullum, cum probari possit viri fortis magnanimitas atque constantia, tum profecto est, cum fortunæ reflantis æstim experitur, aut inimicorum injuria, aut amicorum infidelitate.

A L I A S E N T E N T I A .

Nullum est tempus aptius ad induendam virtutem,
quam adolescentia.

Si est in vita tempus ullum, cum institui facile possunt ad virtutem hominum animi, tum profecto est, cum ætas flexilis ac cerea moderatoris manum non abnuit, aut prævitare cordis, aut morum corruptela.

CICERONIANA SENTENTIA.

Libro i. de Oratore. n. 31.

Nihil est tam admirabile, quam virum aliquem infinitæ multitudini dominari posse.

Quid est tam admirabile, quam ex infinita multitudine hominum existere unum, qui id, quod omnibus natura sit datum, vel solus, vel cum paucis facere possit?

IMITATIO.

SENTENTIA.

Nihil laudabilius est in Principe victore, quam animum ad pacem adjungere.

Quid tam dignum est aut præsentium aut futurorum temporum præconio, quam in medio victoriæ cursu, quæ natura superba est atque insolens, existere virum Principem, qui propriæ laudis contemptor animum ad pacem ultiro ac volens adjungat?

ALIA SENTENTIAS.

Nihil admirabilius in Eloquentia, quam vis, qua pollet ad flectendos animos.

Quid tam est admirabile inter ceteras Eloquentiæ dotes, quam existere vim illam, quæ quod rerum omnium longe difficillimum est, hominum animos regere, & quamcumque in partem flectere possit?

CICERONIANA SENTENTIA.

Pro Archia Poeta. n. 1.

Archias Ciceroni Auctor fuit ad perdiscendas Artes liberales.

Quoad longissime potest mens mea respicere spatium præteriti temporis, & pueritiae memoriam recordari ultimam, inde usque

usque repetens, hunc video mihi Principem & ad suscipiendam & ad ingrediendam rationem orationis studiorum extitisse.

I M I T A T I O.

S E N T E N T I A.

Cicero Artis Rhetoricae Princeps fuit.

Quam curiose quis velit perscrutari scripta Oratorum omnium, qui per singulas ætates floruerunt, vel ab ipsius nascentis Eloquentiae temporibus inde usque repetens, Ciceronem intelliget & in tradendis Rhetoricae præceptis, & in iisdem exercendis Principem extitisse.

A L I A S E N T E N T I A.

Sensit Europa, nullo hostium robore aut multitudine opprimi Galliam posse.

Quam pertinaciter tot abhinc annis in Gallia ruinam atque exitium Europa tota conjuraverit, copiarum suarum labore ac numero confusa, sensit tandem aliquando tutissimum illam semper contra vim ac multitudinem in virtute sua præsidium habuisse.

C I C E R O N I A N A S E N T E N T I A.

Pro Lege Manilia. n. 1.

Plus Ciceronem deterruit initi ab adolescentia consilii ratio, ne in Senatu diceret; quam ipsa dicendi gloria & opportunitas illexit.

Quamquam mihi semper frequens conspectus vester multo jucundissimus, hic autem locus ad agenaum amplissimus, ad dicendum ornatissimus est visus, Quirites: tamen hoc aditu laudis, qui semper optimo cuique maxime patuit, non mea mea voluntas, sed mee vite rationes ab ineunte etate susceptae prohibuerunt.

I M A T A T I O.

S E N T E N T I A.

*Non tam valere debet apud virum Principem vincendi
cupido, quam amor pacis.*

Quamquam plenum illecebris victoris nomen ex se se, hæc autem commendatio fortissimis quibusque jucundissima, ipsoque capitis periculo redimenda videri solet: tamen in tanta vincendi opportunitate, quanta viro Principi offerri possit, plus apud eum rationes pacis, quam Victoriae cupido debent valere.

A L I A S E N T E N T I A.

*Rerum a Ludovico Magno gestarum amplitudo Oratorem
plus deterret, quam ubertas invitat.*

Quamquam præconem esse rerum a Ludovico Magno domi forisque gestarum longe honorificentissimum, hoc autem argumenti genus factorum ubertate operatissimum, victiarum magnitudine præstantissimum videri potest: tamen in tanta dicendi copia ac varietate, in qua nemini oratio defuerit, plus ipsa operis dignitas & amplitudo prudentem Oratorem deterrere, quam copiosa dicendi seges invitare debet.

C I C E R O N I A N A S E N T E N T I A.

Pro Marcello. n. 19.

Laus vera unius virtutis merces est.

*Tantus est splendor in laude vera, tanta in magnitudine
animi & consilii dignitas, ut hæc a virtute donata, cetera
a fortuna commodata esse videantur.*

I M I T A T I O.

S E N T E N T I A.

Unius Beatitudinis necessarius amor est.

Tantas habet ex se Beatitudo suavitates atque illecebras , tantam cum ipsa hominum indole necessitudinem , ut ceteris quidem rebus facile carere , ab illa conjectanda temperare non posse videantur.

A L I A S E N T E N T I A.

*Conscientiam malam nemo non execrari , bonam
seculari nemo non debet .*

Tanta est inculpatæ mentis suavitas , tam graves conscientiæ malæ stimuli , ut hanc execrari penitus , illam expetere votis omnibus nemo non debeat .

C I C E R O N I A N A S E N T E N T I A.

Pro Rabirio Perduelli . n. 1.

Consulis officium cum officio Civium collatum .

Si est boni Consulis , cum cuncta auxilia Reipublicæ labefactari convellique viderit , ferre opem patriæ , consulere saluti fortunisque communibus , imploare Civium fidem , suare salutem posteriorem salute communi ducere : est etiam bonorum & fortium Civium , quales vos omnibus Reipublicæ temporibus exitistis , intercludere omnes seditionum vias , munire præsidia Reipublicæ , summum in Consultibus imperium , summum in Senatu consilium putare .

I M I T A T I O.

S E N T E N T I A.

Parentis officium cum officio Liberorum comparatum .

Si est boni Parentis , cum Liberos feliciter suscepere informare statim ipsos ad virtutem , sufficere iisdem quotidiana recte factorum incitamenta , liberalem educationem ,

nem vita ipsa , quam dedit , antiquiorem ducere : bonorum quoque Liberorum est , cum talem naecti fuerint Parentem , dociles afferre ad institutionem animos , insisterre bonorum exemplis , vitam bene moratam quibuscumque fortunis anteferre .

ALIA SENTENTIA.

Viri prudentis est , res adversas prævidere , fortis , cum advenerint , patienter ferre .

Sicut viri prudentis est , cum fortunam secundam habet , varios rerum eventus providere , declinare , si potest , casas ingratissimos , & contra mala diligenter se munire ; ita viri fortis est , cum quid adversum evenerit , sortem alteram tamquam multo ante prævisam excipere , gravissimas ærumnas ferre patienter , & inter acerbissimas rerum humarum tempestates fortunam meliorem expectare .

TRIMEMBRES PERIODI.

CICERONIANA SENTENTIA.

Pro Archia Poeta . n. 14.

Devovi caput meum multis periculis amore laudis & honestatis .

Nisi multorum præceptis multisque litteris mihi ab adolescentia suassenti , nihil esse in vita magnopere expetendum , nisi laudem atque honestatem ; in ea autem persequenda omnes crux iatus corporis , omnia pericula mortis atque exsili parvi esse ducenda : numquam me pro salute vestra in tot ac tantas dimicaciones , atque in bos profigatorum bominum quotidianos impetus objectissim .

IMITATIO.

SENTENTIA.

Peccant plerumque homines rerum æternarum inconsiderantia .

Nisi in media rerum cœlestium luce miseri mortales plerumque cœcutirent , negligenterque cogitare , dum peccant , bre-

brevem fœdæ voluptatis usuram poenarum æternitatem esse aliquando redimendam; numquam se vitiorum illecebris aut vinci aut demulceri paterentur.

ALIA SENTENTIA.

Ludovicus Magnus multa victoriarum monumenta studio pacis devovit.

Nisi fatigatis jandiu longiore bello populis amicum pacis munus totis ambiri animis Ludovicus Magnus intellexisset, suorumque utilitates atque commoda sua iphius gloria duxisset antiquiora; numquam profecto tot victoriarum suarum, & rerum belle fluentium monumenta studio pacis devovisset.

CICERONIANA SENTENTIA.

Pro M. Cælio. n. 28.

Tolerantur in juventute cupiditates quædam, si modum non excedant.

Datur concessu omnium huic aliquis ludus etati, & ipsa natura profundit adolescentie cupiditates, que si ita erumpunt, ut nullius vitam labefactent, nullius domum evertant, faciles ac tolerabiles haberi solent.

IMITATIO.

SENTENTIA.

Incultus animus nullam spem facit bona frugis.

Eget assidua diligentique cultura hominis cuiusvis animus, & ab ipsa statim adolescentia mala quædam cupidatum semina profunduntur, quæ nisi resecantur quamprimum, ac penitus evellantur, vix ullani bona frugis praetinentur expectationem superesse.

ALIA SENTENTIA.

Singulis etatibus laudabiles Oratores extiterunt.

Non est tam rarus , quam videtur ipse Tullius profiteri ,
Oratorum numerus , & etates singulæ tulerunt viros uber-
tate atque elegantia dicendi eximios , qui si tales forte non
fuerunt , ut summum Artis illius apicem adepti videantur ,
laudem certe aliquam , eamque non vulgarem meruere .

CICERONIANA SENTENTIA.

Pro Quintio. n. 26.

*Vanus ille , perfidiosus , impius , qui amicum , so-
cium , affinem spoliare conatus est.*

*Si veritate amicitia , fide societas , pietate propinquitas co-
litur , necesse est , iste , qui amicum , socium , affinem fama ac
fortunis spoliare conatus est , vanum se & perfidiosum esse fa-
reatur .*

IMITATIO.

SENTENTIA.

*Dignus omnium amore & benevolentia , qui propriam
gloriam communi utilitati devovit .*

*Si contemptu gloria vera laus , amore benevolentia , be-
neficentia gratus animus comparatur , necesse est , ille , qui
propriam gloriam , studia , opes communibus populorum
votis & commodis devovit , laudem ab omnibus , benevo-
lentiam , & animi grati monimentum ferat .*

ALIA SENTENTIA.

*Qui contempto labore sectatur otium , is aut ignarum se , aut
fovende doctrinæ parum cupidum profitetur .*

*Si doctrina comparatur labore , fovet studio , diligen-
tia promovetur , necesse est , ut , qui vel perpetuo vixit
in otio , vel prioris diligentiae pertæsus totum se inertiae
permisit , is aut nullam doctrinæ partem umquam adeptus ,
aut*

aut illius tuendæ atque excolendæ parum cupidus esse videatur.

SENTENTIA CICERONIANA.

Pro Domo sua. n. i.

Sapienter institutum a Romani Imperii Moderatoribus, ut Pontifices Religioni & Reipublicæ regendæ præcessent.

Cum multa divinitus, Pontifices, a majoribus nostris inventa atque instituta sunt, tum nihil præclarus, quam quod vos eosdem & religionibus Deorum immortalium, & summæ Reipublicæ præesse voluerunt: ut amplissimi & clarissimi Civis, Rempublicam bene gerendo, Religiones sapienter interpretando, Rempublicum conservarent.

M I T A T I O.

SENTENTIA.

Sapienter constituta sunt virtuti præmia, & Jupplicia sceleri.

Cum multa in omni Republica laudabiliter inventa felicitate instituta sunt, tum nihil præclarus, quam quod virtuti præmia, supplicia sceleri proponerentur: ut boni mercedis expectatione, mali poenarum metu in officio continerentur.

ALIA SENTENTIA.

Prudenter provisum est in Romana Republica ut in largiendis honoribus non tam nobilitatis, quam virtutis ratio haberetur.

Cum ad tuendam Imperii Romani dignitatem plenæ singulari prudentia leges a Reipublicæ Moderatoribus constitutæ sunt, tum illa certe præstantissima, quod in largiendis honoribus non tam generis quam virtutis haberetur ratio, ut nobiles viri repulsæ metu, ignobiles gloriæ desiderio ad magna quæque accenderentur.

QUADRIMEMBRES PERIODI.

SENTENTIA CICERONIANA.

Pro Milone. n. 1.

Timet Cicero dicere pro Milone, vel dum turpe est pro ipso dicentem timere.

*Etsi vereor, Judices, ne turpe sit pro fortissimo viro dice-
re incipientem timere, minimeque deceat, cum T. Annus
Milo ipse magis de Republicæ salute, quam de sua perturbetur,
me ad ejus caussam parem animi magnitudinem afferre non
posse: tamen hæc novi judicij forma terret oculos, qui, quo-
cumque incident, veterem consuetudinem Fori, & pristi-
num morem judiciorum non vident.*

IMITATIO.

SENTENTIA.

Præcepta Rhetorice quantumvis difficilia neminem eloquentiae
candidatum debent deterrere.

*Etsi multa sunt in eloquentia studio, quæ primo aditu
difficultatis nonnihil præ se ferant, ipsaque adeo præcepto-
rum multiplicitas atque varietas totidem veluti loca sen-
tibus aspera Rhetoricae Candidatis videri solent: tamen
hæc eadem, qualiacumque sunt, documenta neminem di-
cendi cupidum debent deterrere, quæ labore, usu, atque
exercitatione molliuntur.*

ALIA SENTENTIA.

*Tempus res omnium pretiosissima incautis atque etian-
tibus deperditur.*

*Etsi pretiosissimum quoddam est particula quæcumque
temporis, nihilque se offert rerum omnium, cuius jactura
resarciri minus ac reparari possit: tamen vel ipsum totius
vitæ tempus plerisque hominum deperditur incautis atque
etiantibus, qui vel ignorare temporis pretium, vel non
allud, ut par est, videntur satis estimare.*

CICERONIANA SENTENTIA.

Actione 1. in Verrem. n. 5.

Fallere Verres potuisset, si quam est audax, tam esset obscurus in agendo.

Si quam audax est ad conandum Verres, tam esset obscurus in agendo, fortasse aliqua in re nos aliquando fefelleret: verum hoc adhuc percommode cadit, quod cum incredibili eius audacia singularis stultitia conjuncta est.

IMITATIO.

SENTENTIA.

Non est metuendus hostis humani generis, quia non est tam potens, quam est attentus ad nostram perniciem.

Si quam est ad perniciem nostram attentus, tam esset ad perficienda consilia potens hostis humani generis, perpetuum certe sanctissimis quibusque viris metum incutere: verum hoc percommode & magno nostrum omnium solatio cadit, quod infinita ipsius invidia cum, incredibili imbecillitate conjuncta est.

ALIA SENTENTIA.

Stultorum natio si tacere posset, aliquam ferret sapientiae laudem.

Si quam inepta est ad loquendum quidpiam feliciter, tam esset solers ad tacendum stultorum hominum natio, aliquam fortasse sapientiae laudem habere posset: verum miserabili ipsorum fato ut plurimum contingit, quod ad incredibilem ipsorum ineptiam insanabilis prurigo garriendi quidlibet accedit.

CICERONIANA SENTENTIA.

Pro Rabirio Perduelli. n. i.

Reddit rationem Cicerō præter consuetudinem, cur defendat Rabiriū.

Etsi, Quirites, non est meæ consuetudinis initio dicendi rationem reddere, qui de causa quemque defendam; propterea quod omnibus Cūvibus in eorum periculis satis justam mibi caussam necessitudinis esse duxi: tamen in hac defensione capit, famæ, fortunarum omnium Caii Rabirii proponenda ratio videtur officii mei; propterea quod, quæ justissima mibi caussa ad hunc defendendum esse visa est, eadem vobis ad absolvendum debet videri.

IMITATIO.

SENTENTIA.

Res adversæ ferendæ sunt æquo animo, vel si durum illud est.

Etsi difficultioris cujusdam operæ est æquam semper in humanis rebus servare mentem; propterea quod multa plerumque, ut vivitur, contra spem atque expectationem evenie solent: tamen vel ad ipsas rerum asperitates leniendas habenda est moderatio; propterea quod, dum servuntur iniquius, fiunt ad ferendum graviores.

ALIA SENTENTIA.

Vel inter gravissima studiorum fastidia adolescentes solatio non carent.

Etsi in comparandis liberalibus disciplinis multa juvenum animi experiri fastidia solent; propterea quod rerum istarum cognitio longum assiduumque laborem exigit: tamen vel ipsas inter gravissimas studiorum molestias, suavissimo recreari solatio debent; propterea quod improbo tandem labore difficillima quæque superantur.

PERIODUS QUADRATA ET ROTUNDA.

CICERONIANA SENTENTIA.

De Provinciis Consularibus. n. I.

Facile quis intelliget, quas sit Provincias Cicero decreturus, si cogitarit, quinam homines ex Provincia detrahendi sint.

Si quis vestrum expectat, quas sim Provincias decreturus, confidcret ipse secum, qui mibi homines ex Provinciis potissimum detrahendi sint: non dubitabit, quid me sentire conveniat, cum, quid mibi sentire necesse sit, cogitarit.

S E N T E N T I A.

Intelligere quis potest ex sua in pauperes humanitate, quam olim humanitatis partem apud Christum habiturus sit.

Si quis scire voluerit, quam olim apud Christum mortaliū omnium Judicem gratiam sit habiturus, cogitet ille secum, quam ipsæ gratiæ partem pauperibus & egenis impendere soleat: tunc facile intelliget, qualem in supremo judicio Christum experturus sit, cum in egenos & pauperes qualis existat ipse, cogitarit.

A L I A S E N T E N T I A.

Non pigebit quempiam hujus vitæ labores ferre, qui remunerandos illos æterna mercede cogitarit.

Si quis laborum asperitate, quibus consita dicitur vita felicis semita, ab eadem insistenda deterretur, reputet ille secum, quantam bonorum amplitudinem amatoribus suis possidendam Deus destinarat: tunc leves existimabit laboris cuiuscumque molestias, cum mercedis æternæ pretium, qua remunerabuntur illæ, considerarit.

P E R I O D U S D E C U S S A T A .

C I C E R O N I A N A S E N T E N T I A .

Pro Cæcina . n . 5 .

Potuisset A. Cæcina tam cedere in foro Sex. Æbutii
impudentiæ, quam in agro cesserat audaciæ.

Si quantum in agro locisque desertis audacia potest, tan-
tum in foro atque in judiciis impudentia valeret; non minus
in causa cederet A. Cæcina Sen. Æbutii impudentiæ, qua-
rum in vi facienda cessit auctoritati.

I M I T A T I O .

S E N T E N T I A .

Potuit Alexander parem moderationis & fortitudinis
laudem ferre.

Si quantam in expugnandis hostibus fortitudinem Ale-
xander Magnus præ se tulit, tantam in privatæ vitæ con-
suetudine moderationem animi exhibuisset: non minus
Principibus viris ad exemplum proponeretur ejus modera-
tio, quam ad imitandum proponi solet ejus fortitudo.

A L T A S E N T E N T I A .

Potuit Catilina tam prudentia sua, quam auctoritate
vincere Ciceronem.

Si quanta valuit ad conciliandos animos auctoritate Ca-
tilina, tanta ad dissimulandas molitiones nefarias pruden-
tia valuisset; non minus in avertenda Reipublicæ ruina Tul-
lius cessisset civis exitiosi prudentiæ, quam in ejusdem
pernicie machinanda cesserat auctoritati.

C A P U T IV.

De Venustate Periodi.

IN quo posita est venustas Periodi?

R. In tribus præcipue rebus. In Numero, in Verbis, in Clausulis.

Quid est numerus?

R. Numerus secundum Aristotelem est rythmus quidam exquisitus, non canorus, qualis est in poematis ac versibus, sed ita dissimulatus ac latens, ut sentiatur tamen, ac jucundo fine concludatur.

Definitur aliter a Cicerone, Oratio constans partibus sonoris, aurium judicio recte & æqualiter fluentibus. Quod spectat vero Numerum in Oratione adhibendum, hæc monet Tullius in Oratore ad Brutum, n. 195. Neque numeroſa esse, ut *poema*, neque extra numerum, ut *sermo vulgi* est, debet Oratio. Alterum nimis est *vinculum*, ut de industria factum appareat; alterum nimis *dissolutum*, ut per vagatum & vulgare videatur.

Quid spectandum in verbis?

R. Hæc sunt in verbis querendæ virtutes. 1. Vis: ut si Parricidum dixeris pro nefario homine, sacrilegium, profure. 2. Majestas: ut *immensitas locorum*, pro magnitudine. 3. Splendor: ut *immense camporum declivitates*, pro declivi aliquo loco. 4. Vehementia: ut *temporum proceliae*, pro calamitatibus. 5. Epitheta & verba ficta ad contumeliam: ut gurses bonorum, furia patriæ, fax, tempestas, Reipublicæ pestis. Non enim nos color iste servilis, non pilosæ genæ, non dentes putrui deceperunt. In Pisonem.

Quæ cavenda sunt vicia in verbis?

R. 1. Consonantium asperior commissura: ut Xerxis exercitus. 2. Syllabarum earumdem repetitio: ut hunc timorem moremque perpetuo retinuit. 3. Crebra ejusdem vocis repetitio. 4. Similiter cadentia. 5. Plura monosyllaba. 6. Verba longiora, nisi hoc postulet Orationis tarditas. 7. Inepta verborum trajectio.

Quid observandum in clausulis?

R. 1. Supervacaneum est dicere de pedibus, qui vel initio, vel in medio Periodi usurpantur: hæc enim usus & lectio melius docebunt. 2. Quod spectat ad finem, Periodus verbo elegantius, quam nomine clauditur. 3. Ejusmodi clausulis interficiunt vulgo sequentes pedes. Primus est

gemi-

geminus Trochæus apud Ciceronem usitatissimus : v. g. *Consulatus*, *continebit*, *consequentur*. Secundus geminus Spondæus: ut *infringendam*. Tertius Tribrachus & Spondæus: ut *prohibuerunt*. Quartus est Dactylus, maxime si præcesserit Jambus, ut *perhorresceret*.

C A P U T V.

De Arte informandæ Periodi, & Membra, seu partes Periodi alias cum aliis connectendi.

IN quo consistit artificium Periodi?

R. In usu & dispositione Particularum, per quas Periodi sensus suspenditur & absolvitur. Nam particula quæque initio Periodi, sive Protasis præposita, relativa est, & dicit ordinem ad aliam particulam Apodosi præfigendam, quæ nisi advenierit, perfectus & completus esse iensus non potest. Unde dicere possumus, particulas illas esse in Periodo, quod sunt in ædificiis interruptis prominentes & salientes lapides, qui videntur alios expectare, quibus inferantur, & quibuscum unum opus perfectum & absolutum efficiant.

Quænam sunt illæ Particulæ?

R. Multiplicis generis recensentur. Aliæ enim comparationem instituunt: v. gr. *Tantum*, *quantum*, *talis*, *qualis* eo *major* quo, *quemadmodum*, *sic*. Aliæ distributivæ sunt, serviantque enumerationi partium: v. g. *sive*, *aut*, *vel*, *neque*, *bis* aut *ter* *repetita*, *primum*, *deinde*, *postremo*, *cum*, *tum*. Aliæ vocantur conditionales: v. g. *Si*, *quidem*, *nisi*. Aliæ augentes: v. g. *Non solum*, *sed etiam*, *tam*, *adeo*, *ut*. Aliæ causiales: v. gr. *Quoniam*, *quandoquidem*, *cum*. Aliæ pugnantes: v. g. *Etsi*, *quamvis*, *tamen*. Aliæ relativæ: v. gr. *Qui*, *que*, *quod*; *is ea*, *id*. Hæ particulæ connectendis Periodi membris, seu partibus deserviunt.

Quomodo Particularum illarum ope informari Periodus potest?

R. 1. Quærenda tibi sententia aliqua, quam extendas in Periodum: v. gr. *Nihil in vita amico utilius*. 2. Vel rationem subjunges propositæ sententiæ, vel dilatabis tantum vocem illam, *utile*, hoc vel alio modo: *Nihil tam naturæ aptum, tam conveniens ad vitæ societatem ex consuetudinem*. 3. Præposita particula causali *Cum*, ut suspensus iensus esse possit, ita bimembrem Periodum efficies;

Cum

Cum nihil est tam aptum naturæ, tam conveniens ad vitæ societatem atque consuetudinem, quam amici benevolentia ; (1. Membrum) tum cordatus homo quisquis erit, illam rebus omnibus humanis anteponendam judicabit. (2. Membrum)

Sin subjungere statim propositæ sententiæ rationem volueris, istam v. g. quia *amicus secundas res lætiores facit, adversas leviores*, sic Periodum bimembrem eformabis : Cum nihil est ad secundas res lætiores, & adversas leviores faciendas tam potens, quam amici benevolentia ; tum cordatus homo quisquis erit, illam rebus omnibus humanis facile anteponendam judicabit.

Jam de Bimembri ut Trimembrem facias, dilatabis *Protaſin* in duo membra, & beneficio particulæ *Ut*, posterius membrum junges cum priori, hoc modo : Cum ea est veri sincerique amici natura atque indoles, (1. Membrum) ut res secundas lætiores, adversas leviores efficiat ; (2. Membrum. *Protasis*) quis tot inter ac tantas hujus vitæ varietates sine amici benevolentia vivere se posse arbitretur ? (3. Membrum. *Adoposis*)

Denique ut Periodus quæ Trimembris est, fiat Quadrimembris , dilatanda *Apodosis* est per particulas comparativas, *tam*, *ut*, *vel* *tantum*, *quantum*: v. g. Eritne aliquis tam parum amicus sui, tam parum cupidus tranquillitatis ac pacis, ut tot inter ac tantas hujus vitæ varietates sine amici benevolentia vivere se posse arbitretur ? *vel* : Quanto difficultioris operæ videtur, æquam rebus in arduis patiter ac bonis servare mentem, tanto dulcior amicus ac jucundior censendus est.

Observabis ex dictis, geminam esse sententiæ in Periodum conformandæ rationem : aliam per solam dilatationem propositæ sententiæ. Ita Cicero Oratione z. in Verrem sententiam illam : *Accidit tandem, quod optabamus* : sola dilatatione sic in Periodum Trimembrem fundit : *Quod erat optandum maxime, Judices, (1. Membrum) & quod unum ad invidiam vestri Ordinis, infamiamque judiciorum sedandam maxime pertinebat, (2. Membrum. Protasis) id non humano consilio, sed prope divinitus datum atque oblatum vobis summo Reipublicæ tempore videtur. (3. Membrum. Apodosis)* Ubi patet, totam Periodum nihil esse aliud, quam meram brevioris hujus sententiæ dilatationem : *Accidit tandem, quod optabamus*.

Alia ratio est conformandæ sententiæ in Periodum, nimirum cum sententiæ aliqua ratio subjicitur. Sit in exemplum

plum ista sententia: Caput meum objeci multis periculis: cui Cicero pro Archia n. 14. hanc rationem adjicit, quia nihil non ferendum esse duxi pro consecranda laude atque honestate; & sic Periodum Trimembrem informat: Nisi multorum preceptis multisque litteris mihi ab adolescentia suasssem, nihil esse in vita magnopere expetendum, nisi laudem atque honestatem; (1. Membrum) in ea autem persequenda omnes cruciatus corporis, omnia pericula mortis atque exsili parvi esse ducenda: (2. Membrum. Protagis) numquam me pro salute vestra in tot ac tantas dimicationes, atque in hos profligatorum hominum quotidianos impetus objecisset. (3. Membrum. Apodosis)

Quoties autem propositæ sententiæ ratio subjicitur, haec plerumque collocatur in Protagis, sententia vero ipsa in Apodosis.

Id porro ut planius fiat, laudatam modo sententiam cum subjecta ratione, scilicet, nihil in vita amico utilius, quia letiores facit res secundas, adversas leviores, opera pretium est in varias omnis generis Periodos ad imitationem Ciceronianam informare, ex quibus hoc etiam commodum exurget, ut quo pacto singulæ Particulæ adhiberi debeant, uno quasi intuitu liceat observare. Ipsas vero Ciceronis Periodos non hic describimus, quia jam descriptæ sunt in Capite tertio. Satis erit Orationes & Numerum, ubi leguntur, indicare.

PERIODI BIMEMBRES:

Pro Archia. n. 1. Per Particulas Relativas Quod, Id.

Quod in secundis rebus dulcissimum, in adversis multo optatissimum est, id in amici veri sincerique benevolentia invenitur.

*Pro Lege Manilia. n. 1. Per Particulas Pugnantes
Quamquam, Tamen.*

Quamquam difficultatibus plurimis vita mortalibus obnoxia, in bonis autem & in arduis rebus rara æquabilitas animi videri potest; his tamen omnibus incommodis non certum modo in amici benevolentia remedium, sed etiam suavissimum vitæ solatium offertur.

Lib. 1. de Oratore. n. 31. Per Particulas Relativas Is, Qui.

Quid est tam expetendum in vita, quam in secundis pariter & adverbis rebus habere eum, qui has leviores, illas jucundiores efficiat?

PERIODI TRIMEMBRES.

Pro Domo sua ad Pontifices, n. 1. Per Particulas Distributivas Cum, Tum.

Cum ad leniendas mortalis vitæ molestias multa nobis præsidia non desunt, tum certe nullum eo majus, quod in amici sinceri filialisque benevolentia proponitur, qui res secundas lætiores, adversas leviores efficit.

2. Orat. in Verrem. n. 1. Per Particulas Relativas Id, Quid.

Quod erat ad suavissimum hujus vitæ solatium expetendum maxime, & quod ad ferendam æquo animo fortis utriusque conditionem in primis juvare poterat; id nobis in jucundissima veri sinceriique amici consuetudine, singuliari divinæ Providentiæ beneficio oblatum datumque gratulamur.

Pro Archia. n. 14. Per Particulam Conditionalem Nisi..

Nisi tot inter, tamque varias, quibus vita hominum obnoxia est, miserias, dulcissimum in amicis solatium haberetur, in iisque præsentissimum adversus utriusque fortis incommoda remedium occurreret: quem demum, quantumvis cupidus vitæ videretur, longioris ævi non pigeret?

Pro Cælio. n. 28. Per Particulas Augentes. Tam, Ut.

Datur vel inter gravissimas vitæ hujus ærumnas suavissimum in amicis solatium; & illi tam lætas blandientis fortunæ vices, tam ferendos reflantis ejusdem casus reddere solent, ut sin minus jucunda ex omni parte vita, tolerabilis saltem videri possit.

*Pro Quintio. n. 26. Per Particulam Conditionalem
Si, & Relativa Is, Qui.*

Si res asperas mitiores, latae jucundiores, vitam totam æquiorem verus ac fidelis amicus facit; necesse est profecto, ut, qui in tanta hujus vitæ varietate de comparanda amici benevolentia curandum sibi non arbitratur, is neque in adversis solatium, neque in prosperis jucunditatem, neque in omni vitæ parte tranquillitatem habere velit.

P E R I O D I Q U A D R I M E M B R E S.

Pro Milone. n. 1. Per Particulas Pugnantes Etsi, Tamen.

Etsi difficultioris operæ videtur, æquam in varia sortis utriusque conditione mentem retinere, multosque reperiire est, cum iniquioris fortunæ telis restitissent, ejusdem illecebriis fuisse superatos; tamen certissimum adversus difficultates ejusmodi subtilium semper invenias in amico fidi, qui & patientiam in adversis, & in prosperis moderationem suadere possit.

De Provinciis Consularibus. n. 1. Per Particulam Conditionalem Si, & Distributivas Cum, Tum.

Si quis nosse velit, quam necessaria sit inter tantas hujus vitæ varietates fidelis amici societas, consideret ille secum, quantum in utraque sorte juvare amicus possit; tum certe non dubitabit, quantam in amico parando debet operam ponere, cum sine tali præsidio vix ferendam æquabiliter cum prosperæ, tum adversæ fortunæ conditio nem esse intellexerit.

P E R I O D U S D E C U S S A T A.

Pro Cæcina. n. 1. Per Particulas Conditionales Si, & Comparativas Tantum, Quantum, Non minus, Quam.

Si quantum ad mitigandas molliendasque res adversas amicus potest, tantum ad temperandas ab insolenti lætitia res secundas valet; non minus quærendus est amicus in prosperis ad servandam moderationem, quam in adversis comparari solet ad retinendam patientiam.

Quæ

Quæ sequuntur in idem argumentum Periodi , et si ad Tullianam imitationem exactæ omnino non sunt , tamen docebunt usum aliarum Particularum .

Per Particulas Comparativas Quam , Tam .

Quam suave est in adversa sorte solatium , in prospera lætitiam experiri ; tam sedulo fidelis sincerique amici benevolentia videtur esse comparanda .

Per Particulam Distributivam Sive , repetitam .

Sive blandientem suaviter votisque aspirantem omnibus sortem experiare , sive sœvientem immisericorditer & reflantem perpetuo fortunam feras ; in utraque vitæ conditione tam dispari , studio tamen pari parique diligentia fidelis amici consuetudo conquirenda est .

Per Particulas Augentes Tam , Ut .

Tot ac tanta ex dulci fidelis amici commercio , tam in prosperis quam in adversis oriri commoda solent , ut sine paratissimo semper hujuscemodi præsidio amara prorsus & acerba vita videri possit .

Per Particulas Comparativas Quemadmodum , Sic .

Quemadmodum ventis tam æquam , quam sinistram in partem spirantibus , peritissimi moderatoris prudentia navigium eget : sic secundis pariter atque adversis in rebus veri sincerique amici commercio humana vita carere non potest .

Aliud statuamus exemplum in illa sententia , quæ rationem adjunctam habet : *Difficile est assentationibus aures occludere ; quia homines vulgo se amant .* Illa poterit in Periodos pariter informari ad Ciceronis imitationem .

P E R I O D I B I M E M B R E S .

Lib. i. de Orat. n. 31. Per Particulas Relativas .

Quid esset tam novum tamque insolens , quam in tanta amantium plus æquo sui hominum multitudine reperire unum aliquem , qui , quod ceteri tantopere anibunt nullum prædicationi laudum suarum locum esse patiatur ?

Pro Archia . n. 1. per easdem Particulas.

Qui mature perpenderit , quam sit amans sui indoles hominum , per omnes ætatis flexus & varia vitæ conditiones volvens oculos ; is mirari desinet , plerosque & merito rerum suarum præconio , & putidis etiam assentationibus nonnumquam delectari .

*Pro Lege Manilia . n. 1. Per Particulas Pugnantes
Quamquam , Tamen .*

Quamquam plena fupo atque fallacia adulatorum laudes , & illas non tam ad veritatem quam ad voluptatem instrutas esse nemo non sentit ; tamen , ne declinentur eorum illecebrae , non solers modo istoq[ue]m hominum industria , sed etiam multo magis insitus unicuique suimetipsius amor prohibere solet .

P E R I O D I T R I M E M B R E S .

Pro Archia . n. 14. Per Particulam Conditionalem Nisi.

Nisi erudita semper ad omne blanditiarum genus esset adulatorum natio , & ad mulcendum eum , qui singulis hominum innatus est , amorem , fingeret se totam atque accommodaret , non tam operosum videretur ab eorum infidiis declinare .

*Oratione 2. in Verrem . n. 1. Per Particulas Relativas
Id , Quod .*

Quod est ad conciliandos animos potentissimum , & quod ad pertentandum suaviter eum , quo se quisque prosequitur , amorem plurimum posse videtur ; hoc adulantium natio solertissima non aperte quidem , sed clam & per cuniculos solet adhibere .

Pro Domo sua ad Pontifices . n. 1. Per Particulas Distributivas Tum , Cum .

Cum res est plane difficilis , assentatorum vocibus aures occludere , tum certe tanto id operosum magis , quod illi mollibus illecebris amantem sui plus æquo hominum indolem

Iem demulcere solent : ut , qui ab amando sese non possunt , neque ab excipiendis ultiro adulationibus valeant temperare .

Pro Cælio . n. 28. Per Particulas Augentes Sic , Ut .

Magnam habent homines ad amandos sese propensionem , & solers adulantium genus sic insitum unicuique sui ipsius amorem palpare novit , ut assentationibus aures occludere , singulare quoddam modesti ac temperantis viri specimen videri soleat .

Pro Quintio . n. 26. Per Particulam Conditionalem
Si , & Relativas Is , Qui .

Si condita mollibus illecebris , & ad uniuscujusque sensum voluntatemque comparata solet esse omnis adulatio , necesse est profecto , ut , qui laudis est amans plus æquo , & permulceri sensus suos lubentius patitur , is ab audiendis adulatorum vocibus temperare sibi non possit .

P E R I O D I Q U A D R I M E M B R E S .

Pro Milone . n. 1. Per Particulas Pugnantes
Etsi , Tamen .

Etsi nemo pene est qui nesciat , adulatorum gentem totam esse ad fallendum decipiendumque compositam , nihilque contingere solet viro liberali ingratum magis , quam illudi ; tamen molles blandientium illecebræ vel ipsos permulcent sapientissimorum hominum animos , qui contra tam amabiles insidias vix ac ne vix quidem tueri se possunt .

De Provinciis Consularibus . n. 1. Per Particulam Conditionalem Si .

Si quis forte mirabitur , unde tam ægre homines , quotquot sunt , assentationibus aures occludant , attendat ille secum , quam pauci ab amandis semetipsis valeant temperare : tunc facile intelliget , quam ultiro sibi , quisquis est , adulari patiatur , cum adulantium nationem totam esse ad mulcendum amorem proprium comparatam perspexerit .

P E R I O D U S D E C U S S A T A .

*Pro Cæcina. n. i. Per Particulam Conditionalem, Si,
& Particulas Comparativas, Tam, Quam,
Non minus, Quam.*

Si quam est amans sui hominum indoles, tam est comparata ad mulcendum amorem illum omnis adulatio, non minus quis potest ab excipiendis ultiro assentationibus temperare, quam ab amando semetipso potest idem abstinerre.

Per Particulas Comparativas, Quemadmodum, Sic.

Quemadmodum mare Siculum olim navigantibus singularis cuiusdam prudentiae fuit, insidiosis Sirenum cantibus aures occludere; sic in hac vita consuetudine, quæ adulantium multitudine infesta est, eorum lenociniis non permulceri perfecta consummataque sapientia est.

Si cui forte prolixiores fuissent videbimus in exemplis proferendis, ignoscat tamen rem illam apertiores facere voluntibus, quam præceptionum omnium, quæ traduntur in Rhetorica, longe difficillimam Candidati experiuntur, cum ad usum atque exercitationem revocanda est.

C A P U T VI.

De Ratione Periodos alias cum aliis connectendi.

E Gimis de Particulis, quibus Membra cum Membris vinciuntur, & ipsa Periodi conformatio constat; nunc agendum de vinculis, quibus Periodi ipsæ aliæ cum aliis connectuntur, sive de variis Orationis nexibus. Quæres ergo.

Quenam sunt particulae, per quas Periodi cum Periodis conjunguntur?

R. Hæ præsertim adhibentur, asque ego quidem, & vero, at enim, quæ cum ita sint, itaque, num cum, ac primo quidem, enimvero, neque vero, quin etiam, igitur, ergo, quid quod, addo quod, accedit & illud, & aliæ multæ, quas usus frequens ac lectio docebunt.

Atque ut Præceptum istud exemplorum appositione non caret, proponenda sunt ad imitationem quædam Ciceronis

Sonis exordia , qua^r tota sere Periodis constant : in quibus licebit observare , quinam nexus vinciendæ Orationi inferuant . Porro ad majorem cognoscendæ Artis facilitatem , non describemus modo Ciceronis locum , cuius ad normam exigenda imitatio sit , sed brevem ejusdem synopsis præfigemus .

CICERONIANUM EXORDIUM.

Pro Rabirio Perduelli.

SYNOPSIS CICERONIANA.

Cicero Judices adhortatur ad absolvendum Rabirium .

1. R Edit rationem Cicero , cur Rabirium defendat , licet non soleat illud facere . Periodus Quadrimembris .
2. Dicit Cicero , cum sua in Rabirium benevolentia , tum salute Reipublicæ impelli se , ad suscipiendam ipsius defensionem . Periodus Bimembris .
3. Dicit Cicero , scut est Consulis succurrere Reipublicæ periclitanti , ita Civium est Consulem in eo praestando adjuvare . Periodus Bimembris .
4. Dicit Cicero , In me labor , in Senatu debet esse studium in defendendo Rabirio . Periodus Bimembris .

O R A T I O .

Etsi , Quirites , non est meæ consuetudinis rationem reddere , qua de caussa quemque defendam ; propteræ quod cum omnibus civibus in eorum periculis semper satis justam mibi caussam necessitudinis esse duxi : tamen in hac defensione capitis , famæ , fortunarum omnium C. Rabirii , proponenda ratio viderur esse officii mei , propteræ quod , que justissima mibi caussa ad hunc defendendum esse visa est , eadem vobis ad absolvendum debet videri .

Nam me cum amicitiæ vetustas , tum bominis dignitas , tum ratio humanitatis , tum meæ viæ perpetua consuetudo ad C. Rabirium defendendum est adhortata ; tum vero , ut id studiofissime facerem , sicut Reipublicæ , Consulare officium , Consulatus denique ipse , mibi una vobiscum cum salute Reipublicæ commendatus , coegit . . .

Quamobrem si est boni Consulis , cum cuncta Reipublicæ auxilia Inbefactari convellique viderit , ferre opem patriæ , succur-

vere saluti fortunisque communibus, implorare civium fidem, suam salutem posteriorem salute omnium ducere; est etiam bonorum & fortium civium, quales vos omnibus Reipublice temporibus extitistis, intercludere omnes seditionum vias, munire praesidia Reipublice summum in Consulibus imperium, summum in Senatu consilium putare

Quamobrem labor in hoc defendendo precipue meus est: studium vero conservandi hominis commune mibi vobiscum esse debebit.

I M I T A T I O.

Blanca Ludovico¹ Filio Gallici Imperii
habenas moderandas tradit.

S Y N O P S I S I M I T A T I O N I S.

Blanca filium adhortatur ad moderandum
rite Imperium.

1. **B**lanca Filium suum admonet, et si non videtur ille egere præceptionibus.
2. Dicet Blanca; cum multa solent obsecare viros Principes, tum requiri multas virtutes ad declinandum hoc incommodum.
3. Dicet Blanca; sicut exhibuisti adolescens virtutes hujus ætatis proprias, ita Rex constitutus debes præ te ferie virtutes regias.
4. Dicet Blanca; tibi gloriosum erit Regio muneri satisfecisse, mihi non indecorum te instituisse.

O R A T I O.

Etsi, fili carissime, novi satis, non egere te maternis præceptionibus ad peragenda diligenter, quæ sunt officii tui; propterea quod innata virtutis æmulatione, quidquid est cum laude conjunctum, ultro consecutaris; tamen in hoc rerum flexu, quo moderandas magni Imperii habenas suscipis, te præmonendum putavi, propterea quod, quanto sublimior est locus ille, quem capessis, tanto periculosior debet videri.

Nam cum dignitatis Regiæ majestas, populorum admiratio, deliciarum illecebræ, rerum omnium copia viros Principes in hoc fortis apice constitutos obsecare plerumque solent;

solent; tum, ut declinare tam graves scopulos valeant, animus de se modeste sentiens, continentia singularis, comis humanitas, egregius rerum humanarum contemptus requiruntur.

Quamobrem si tuarum esse partium æstimasti, dum sub disciplina matris adolesceres, ingenuum morum candorem, docilitatem mentis, pietatem in Parentes exhibere; mox, cum evectus ad solium fueris, virtutes regias, fidem incorruptam, humanitatem in tuos; æquitatem in omnes debes præ te ferre.

Ita gloriosum erit tibi muneri regio, populorum votis, Parentis expectationi satisfecisse; mihi vero non erit indecorum vitam tibi, institutionem bonam, Regnum ipsum impertivisse.

EXORDIUM CICERONIANUM.

Pro Læge Manilia.

SYNOPSIS CICERONIANA.

1. Dicit Cicero deterritum se fuisse ab agendis Reipublicæ causis, non voluntate sua, sed susceptis vitæ rationibus. Periodus Bimembris.

2. Dicit Cicero, cum sit tenuitatis sue conscius, & noverit nihil nisi perfectum afferri oportere, maluisse se aliis rebus vacare. Periodus Trimembris.

3. Dicit Cicero, non defuturos, qui agant in Senatu, futurunque ut ipse cum aliqua amicorum utilitate, & gloria perget in instituto vivendi moe. Periodus Bimembris.

4. Dicit Cicero, ex collato sibi Prætoris munere se intellexisse, quas sibi Populus Romanus, quas aliis partes injungeret. Periodus Trimembris.

ORATIO.

Quamquam mibi semper frequens conspectus vester multo jucundissimus, hic autem locus ad agendum amplissimus, ad dicendum ornatissimus est visus, Quirites: tamen hoc aditus laudis, qui semper optimo cuique maxime patuit, non mea me voluntas, sed mee vite rationes ab incunte ætate suceptæ prohibuerunt.

Nam cum antea per ætatem nondum hujus auctoritatem loci contingere auderem, statueremque, nihil buc nisi perfectum

ingenio , elaboratum industria afferri oportere ; omne meum tempus amicorum temporibus transmittendum putavi .

Ita neque hic locus vacuus umquam ab iis , qui vestram caussam defenderent ; & meus labor in amicorum periculis caste integreque versatus , ex vestro judicio fructum est amplissimum consecutus .

Nam cum propter dilationem Comitiorum ter Prætor primus cunctis Centuriis renunciatus sum , facile intellexi , Quirites , & quid de me judicaretis , & quid aliis faciendum præscriberetis .

I M I T A T I O .

Negat Cicero , audiendum esse de pace Antonium .

S Y N O P S I S I M I T A T I O N I S .

1. Dicit Cicero , deterri se ab accipienda pace , quam offert Antonius , non amore belli , sed Reipublicæ gloria & salute .

2. Dicit Cicero , cum noverit , quid sit e Reipublicæ commodo , & prævideat pacem Reipublicæ turpem & damnosam fore , illam esse bello postponendam .

3. Dicit Cicero , non defuturos , qui bellum feliciter confiant , futurumque ut partam meliori fato pacem sibi omnes aliquando gratulentur .

4. Dicit Cicero , cum natura sua cupidus rixarum Antonius pacem peteret , diffidere eum viribus suis , & a virtute Populi Romani sibi metuere .

O R A T I O .

Quamquam suavissimum semper pacis nomen , hanc autem saluberrimam huic Urbi , Populo Romano longe optatissimam esse duxi , Patres conscripti : tamen ad rejiciendam hodie , quam obtulit pacem Antonius , non me intempestiva quedam cupido belli , sed Reipublicæ gloria cum ejusdem utilitate conjuncta permovit .

Nam cum longa temporum experientia didicerim , quid ad Reipublicæ commoda maxime pertineat , intelligamque , oblatas ab Antonio conditiones pacis turpes ac perniciose fore , illam gravissimo quocumque bello magis metuendam esse non dubitem profiteri .

Ita neque deerunt in hac civitate clarissimi fortissimique Cives, qui bellum istud optata postmodum victoria perficiant, & partam meliori fato tranquillitatem licebit nobis aliquando gratulari.

Nam cum turbarum amans rixarumque cupidus Antonius animum tandem ad pacem adjecerit, facile potestis intelligere, Quirites, & quam parum rebus confidat suis, & quantum a vestra virtute sibi metuendum arbitretur.

CICERONIANUM EXORDIUM.

Actione prima in Verrem.

SYNOPSIS CICERONIANA.

1. Dicit Cicero, accidisse illud, quod erat optandum maxime Reipublicæ, & ipsius plurimum intererat. Periodus Trimembris.
2. Dicit, inveterasse opinionem illam, bominem divitem non posse condemnari. Periodus Trimembris.
3. Dicit, in tanto discrimine adductum esse Verrem in judicium. Periodus Rimembris.
4. Dicit, se Actorem huic causæ accessisse, ut Senatus existimationi consulteret. Periodus Trimembris.

O R A T I O.

Quod erat optandum maxime, Judices, & quod unum ad invidiam vestri Ordinis infamiamque Judiciorum sedandam maxime pertinebat; id non humano consilio, sed prope divinitus datum atque oblatum vobis summo Reipublicæ tempore viderur.

In veteravit enim jam opinio pernicioſa Reipublice, vobisque periculosa, quæ non modo Romæ, sed & apud exterias Nationes, omnium sermone percrebuit, bis iudiciis, quæ nunc sint, pecuniosum bominem, quamvis sit nocens, neminem posse damnari.

Nunc in ipso discrimine Ordinis Judiciorumque vestrorum, cum sint parati, qui concionibus & legibus vanc invidiam Senatus inflammare conentur, reus in judicium adductus est, C. Verres, homo vita atque factis omnium jam opinione damnatus; pecuniae magnitudine, sua spe ac prædicatione absolitus.

Huic & ego cauſſe , Judices , cum ſumma voluntate & expectatione Populi Romani Actor accessi , non ut invidiam augerem Ordinis , ſed ut infamiae communi ſuccurrerem .

I M I T A T I O .

Juditha redux ad Bethuliensē amputato
Holopherni capite .

SYNOPSIS IMITATIONIS .

1. Dicit Juditha , perfectum illud eſſe , quod neque tentare , neque ſperare licebat .
2. Dicit , ſic interclusos fuſſe omnes aditus Holophernis exercitu , ut arceri malum non valeret .
3. Dicit , in magno omnium metu , Imperio & vita ſpoliatum fuſſe Holophernem .
4. Dicit , exhibere ſe ſpectandum Holophernis caput , ut gratias Deo populus referat .

O R A T I O .

Quod neque humanis viribus tentari poſſe videbatur , neque in miserrimis rerum noſtrarum anguſtiis ſperare faſ erat , Cives amantissimi ; id hodie non armorum vi , aut militum numero , ſed imbelli feminæ unius manu perfectum abſolutumque putatote .

Imminebant enim noſtris mœnibus cum robore , tum multitudine ipsa metuendæ Holophernis copiæ , quæ non regionem modo totam , ſed interclusos omnes aditus ſic obſidebant , ut vel ruinam Urbis vel præſens Civium capitibus arcere malum non liceret .

Nunc in tanta omnium trepidatione , cum ad perficiendum detestabile consilium superbis hostis accederet , debitas temeritati ſuæ poenas dedit Imperio pariter ac vita ſpoliatus .

Hujus ergo caput hac ipsa reciſum a cervicibus manu ſpectandum vobis exhibeo , Cives amantissimi , non ut inſultetis tristibus hominis impii reliquiis , ſed ut ampliſſimas , ut par eſt , omnipotenti Deo gratias referatis .

Ad absolutionem hujus Articuli ſubjicimus Oratiunculam ex quatuor Periodis conflatam , quæ referant imitatione Ciceronianas Periodos ex variis Orationibus depromptas .

CREUSA AD ÆNEAM,

*Cum incensa Troja ad propulsandum commune
excidium sese armis accingeret.*

SYNOPSIS.

Exord. **D**icit Creusa, addere se moram una cum filio festinanti Æneæ ad servandam Trojam, licet intelligat, quantum in ipso præsidium communis salus habeat.

Propositio. Neminem fore, apud quem ipsa ejusque filius patrocinium inveniat, si fortuna perget adversari.

Confirmatio. Dicit, non sibi minus animi fore ad procurandam patriæ salutem, quam ipse præ se ferret, si, quantam movet fiduciam ipsius magnanimitas, tantam præsens rerum status expectationem suscitaret.

Complexio. Dicit, si fuit olim fortis Civis patriam tueri quocumque periculo, cum spes astulgeret aliqua, jam esse boni parentis & conjugis domum tueri.

ORATIO.

Pro Milone. n. 1. Etsi vereor, &c.

Period. Quair.

Etsi satis intelligo, Conjux amantissime, quam certum ad hanc usque diem præsidium in te communis salus habuerit, neminemque video præter Æneam, qui præsentius ruenti patriæ afferre remedium poscit: patere tamen, ut festinanti tibi ad servandam Trojam moras adjiciant moerens uxor & infortunatus filius, qui vitam fortunasque suas tui unius in salute collocatas habent.

Pro Lege Manilia. n. 1. Nam cum antea &c.

Period. Trin.

Nam si fatorum vis inimica nobis, uti fecit hactenus, perget adversari, teque spem gentis unicam & afflictæ domus solarium eripiat, apud quem demum in supremo rerum nostrarum discrimine opem patrociniumque inveniemus?

*Pro Cæcina . n. 1. Si quantum in agro , &c.
Period. Quadr. Decussata .*

E quidem si quantam nobis affert animi tui magnanimitas fiduciam , tantam hodiernus rerum status fortuna melioris moveret exspectationem ; non minus ego te ad propulsandum miseræ urbis excidium adhortarer , quam ab eadem frustra defendenda conor deterrere .

Pro Rabirio Perduelli . n. 3. Quamobrem , si est boni Consulis &c. Period. Bimemb.

Verum si fuit olim fortissimi Civis , cum spes avertendæ ruinæ aliqua superesset , opitulari laboranti patriæ , nullam vereri discriminis aleam , suam suorumque salutem communi salute posteriorem ducere : nunc fidi conjugis & optimi parentis est , cum jam incensa Troja spem omnem ejusdem servandæ ademisse videatur , tutari tristes miseræ gentis reliquias , arcere ferrum & faces a suis Penatibus , totumque se ad præstandos conjugem & filium incolumes reservare .



LIBER SECUNDUS DE AMPLIFICATIONE PERIODI.

Quoniam Liber iste secundus pertinet adhuc totus ad conformandam Elocutionem , quæ cum delectu ac compositione verborum , tum sententiarum gravitate maxime constat : non hic attingimus istud Amplificationis genus , quæ ex argumentorum varietate rebusque ceteris ad faciendam fidem accommodatis nata Orationi ipsi dilatandæ inservit ; sed spectamus solam Periodorum amplificationem , aut potius sententiarum ipsarum dilatationem , ex quibus Periodi conficiuntur . Nam cum sententia plerumque sit brevior , quam ut ex ea Periodus informari commode possit , hic breviter exponemus , quibus modis dilatari illa debeat .

CAPUT PRIMUM.

Quibus præcipue modis fiat Periodorum amplificatio.

Hic spectari potest vel Membrorum Periodi , vel Periodi ipsiusmet amplificatio .

Quomodo fit amplificatio Membrorum Periodi?

R. Fit illa vulgo adjectione synonymarum vocum , nominum adjectivorum , vel sententiæ alicujus , quæ sit præcedentis ratio , aut explicatio .

Quo sunt amplificandæ Periodi rationes?

R. Quatuor præcipue modis amplificari Periodus potest .
1. Per definitionem . 2. Per Enumerationem partium . 3. Per interpretationem . 4. Per Auxesim seu Inciementum .

Primo igitur amplificabitur Periodus per Definitionem , quæ propositæ rei naturam explicat ; vel per interpretationem singularum vocum subjæctæ Orationis , & sententiæ . Exemplum istud esto . Sit Periodus conficienda ex hac brevi sententia . Rheticam oportet perdiscere . Rheticæ definitionem asteres . Nempe est Ars bene dicendi . Deinde explicabis , quid sit perdiscere Rheticam ; nimirum legendo , scribendo , & audiendo illi operam dare . Mox per Definitionem ita Periodum conficies .

Ars illa nobilissima , cujus est tradere præcepta bene ornameque dicendi , non tantum est assidue legenda in summorum Rhetorum monumentis , aut a Doctore perito audienda , sed etiam creb: a scriptione & frequenti exercitatione perdiscenda .

Ita Tullius Oratione pro Milone , n. 90. qui cum vocem illam Curiam amplificandam haberet , ita dilatat per varias Curiæ definitiones : *Vidimus templum sanctitatis , ampliitudinis , mentis , consilii publici , caput urbis , aram sociorum , portum omnium gentium , sedem ab universo Populo Romano concessam u.i Ordini , inflammari , exscindi , funestari .*

Sic in Pisonem , n. 43. postquam naufragium , exsilium , mortem , & cetera fortuna tela negavit supplicii loco esseducenda ; delapsus ad Pisonis Gabiniisque scelera , definit , quid sit propriæ supplicium : contenditque , ipsorum furorem atque audaciam vera esse suppicia , quæ Deus ab illis exigat . *Quæ est igitur pœna ? quod supplicium ? Id mea sententia quod accidere nemini potest , nisi nocenti . Suscepit fruus , impedita & oppressa mentis conscientia , bonorum omnium odium , nota iniusta a Senatu , amissio dignitatis .*

Secundo per Enumerationem partium, quando ejusdem rei & sententiæ partes variaæ recententur. Ita Cicero pro Milone, n. 20. cum per Ironiam hoc tantum haberet dicendum: Omnes lugent Clodium: ita vocem illam Omnes dilatat per Enumerationem partium. P. Clodii mortem æquo animo ferre nemo potest; luget Senatus, mœret Equester Ordo, tota Civitas confecta senio est, squalent Municipia, afflantur Colonie, agri denique ipsi tam beneficium, tam salutarem, tam mansuetum civem desiderant.

Sic in Pisonem, num. 96. ostendit, illum fuisse omnium sententiis damnatum: vocem & illam omnes ita dilatat per Enumerationem. Omnes memoriam Consulatus tui, mores, facta, &c. detectantur. Legati, qui una fuere, alienati: Tribuni militum, inimici: Centuriones, & si qui ex tanto exercitu milites reliqui existunt, non dimissi abs te, sed dissipati, te oderunt, tibi pestem exoptant, execrantur, &c.

Et Orat. post Reditum in Senatu brevem hanc sententiam, Mibi omnia bona reddidistis, ita per Enumerationem amplificat, n. 1. Mibi fratrem optatissimum, me fratri amansissimo, liberis nostris parentes, nobis liberos, dignitatem, ordinem, fortunas, amplissimam Rempublicam patryam, qua nibil potest esse carius, denique nosmetipsos nobis reddidistis.

Tertius amplificandæ Periodi modus per Interpretationem, sive Synonymiam, & verborum idem pene significantium congeriem, cum id, quod semel uno verbo dictum est, idem aliis verbis ejusdem significationis, sed cum maiore emphasi dicitur. Nam cavendum in primis in hac Synonymia, ut postremæ voces augeant priorum significationem. Ita Cicero Orat. post Reditum in Senatu, brevem hanc sententiam, *Vestra in me beneficia explicari dicendo non possunt*, ita per Interpretationem dilatat, n. 1. Quæ tanta potest existere ubertas ingenii, quæ tanta dicendi copia, quod tam divinum atque incredibile genus Orationis, quo quisquam possit vestra in nos universa promerita non dicam complecti orando, sed percensere numerando?

Et Philippica 2. num. 68. sententiam illam brevem, Tu Pompeji domum ingredi ausus es? qua increpat Antonium, ita amplificat: Tu ingredi domum illam ausus es? tu illud sanctissimum limen intrare? tu illarum ædium Diis Penatibus es importunissimum ostendere? &c.

Quartus amplificandæ Periodi modus per Auxesim seu Incrementum, cum per gradus crescit Oratio & ad summum pervenit. Ita Orat. in Verrem 3. n. 8. scelera Verris per Incrementum amplificat. Non enim furem, sed cæptorem:

non

æon adulterum , sed expugnato rem pudicitie : non sacrilegum , sed bostem sacrorum religionumque : non sicarium , sed crudelē carnificem Civium sociorumque in vestrum judicium adduximus .

Et pro Roscio Amer. n. 12. Eo prorumpere hominum cupiditatem , & scelus , & audaciam , ut non modo clam ; sed etiam hoc in Foro , ante Tribunal tuum , M. Fanni , ante pedes vestros , Judices , inter ipsa subsellia cedes futuræ sint .

Et Philip. 2. Antonii vinolentiam per incrementum sic amplificat , n. 63. Tantum vini in Hippie nuptiis exbauseras , ut tibi necesse esset in conspectu Populi Romani vomere postridie . O rem non modo visu fædam , sed etiam auditu ! Si inter cœnam , in immodanibus illis tuis poculis , hoc tibi accidisset , quis non turpe duceret ? in cœtu vero Populi Romani , negotium publicum gerens , Magister Equitum , cui rustare turpe esset , is vomens , frustis esculentis , vinum redolentibus , gremium suum & totum tribunal implevit .

EXERCITATIO.

Divi Ambrosii Mediolanensis Episcopis ad Theodosium Imperatorem Oratione , cum is post peractam Thessalonicas cædem Templum ingredi voluisse .

S Y N O P S I S.

Exord. Per Apostrophen petet a Theodosio , quo perget , & vocem illam perget amplificabit per interpretationem . Tune sanctissimum illud limen ingredi audias : quam sententiam ad exemplum Ciceronis Philip. 2. n. 68. pariter dilatabit , subjiciendo voces synonymas , quæ idem significant cum majore emphasi .

Propositio . Jubebit ipsum procul recedere sacris ab audi- bus , nisi velit Templum Domini novo scelere polluere : & vocem illam Templum per definitiones varias amplificabit , ad exemplum Ciceronis pro Milone , n. 90. ubi Curiam per definitiones varias amplificat .

Venit ad Confutationem , qua cædis caussam elevabit . At enim occisus Tribunus ? violata Principis Majestas ? &c. An debuit culpa illa tot Civium sanguine expiari ? quid illi commiserant ? & vocem illi amplificabit per Enumerationem ad Ciceronis exemplum , qui pro Milone , n. 20. vocem Omnes amplificat .

Conclusio . Per Incrementum ad exemplum Ciceronis Actione

A tione 2. in Verrem , n. 8. Et tui te non pudet ? sed insoleciscis , sed &c. Ah ! resipisce , &c.

O R A T I O .

Quo pergis , Theodosi ? quo tendis ? quid mihi superbus incessus ille ? quid fluctuantes oculi ? quid cædem spirans ac sanguinem vultus minatur ? Tu civium tuorum a ihuc stillans cruore sanctissimum istud lumen ingredi ? tu verendos penetrare aditus ? tu metuendum inhabitantis ibi divini Numinis aspectum subire non pertimescas ?

Procul hinc secede sanctis ab ædibus : non capiunt tantum flagitiū reum tam religiosa penetralia : castissimus hic sanctissimorum virorum cœtus parricidas non admittit ; nisi forte nova amens iracundia , novo inflammatus furore , augustissimum supremæ Majestatis tabernaculum , domicilium sancti tatis , pietatis asylum , afflictæ innocentiae perfugium , locum sacris mysteriis consecratum , cædi & sanguini per summum nefas destinasti .

Hanc igitur expectationem fecerant initia moderatissimi Principatus ? Hanc te sævitiam sapere docuit illa Religio , quam ejurato falsorum Numinum cultu suscepisti ? tam cruenti mores , tam barbari Christianum Imperatorei decabant ? At enim violata Principis Majestate , non est reveritus populus Ministrum Imperatoris ? occisus turbas inter ac tumultus plebis militum Tribunus ? Esto : an debuit paucorum scelus tot Civium sanguine expiari ? an æquum fuit innocentes luere perduellium poenas ? Nam quid commiserant tot expertes purique seditionis viri , quos occidisti ? quid fecerant tot nobiles matronæ , quas immisericorditer interemisti ? quod eluebant scelus tot pudicæ virginies , quas militum furori pariter ac libidini permisisti ? Quid peccaverant tot pueri , tot infantes , quos e parentum complexibus , quos matrum ab ubere tortor ac parricida abstraxisti ? Denique quid habebant cum seditiosis quibusdam commune tot religiosi Sacerdotes , quibus ad sacra templorum penetralia configentibus , & aras amplexantibus non pepercisti ?

Et tui te non pudet ? & factum non doles ? & admissi parricidii veniam supplex non petis ? & iratum tibi , seque ad vindictam accingentem Deum non placas ? sed insoleciscis , sed superbo tumidus fastu triumphas , sed etiam intra sacros recessus admitti postulas ? Ah ! resipisce potius ,

si sapis, & devotum non brevibus modo vita hujus ærumnis, sed sempiternis etiam suppliciis caput provide quamprimum ut subtrahas.

ALIA EXERCITATIO.

Moysis ad Israelitas Oratio, cum illi longioris viæ labo-ribus deterriti reditum in Ægyptum cogitarent.

SYNOPSIS.

Exord. Qaeret ab Israelitis, quid cogitent, quid meditantur? &c. quod amplificabit per Interpretationem.

Propositio. Petet, quid tantum ipsis placeat in Ægypto? & per Definitiones varias dicet, quid sit Ægyptus, ærumnarum domicilium, &c.

Confirmatio. Petetur 1. ab iis ærumnis, quas passi sunt in Ægypto, quæ per Enumerationem amplificabuntur. 2. Ab illa terra, quam se daturum illis Deus promiserat: & Terra illa designabitur variis Definitionibus.

Conclusio. Per Auxesim. Quo igitur vos appellabo nomine? an dementes, &c.

ORATIO.

Quid agitis, Israelitæ miseri? quo vos cæcitas immanis agit oblitos vestri, Deique? Excute torporem vestrum, & quæ vestris mentibus tenebras offundit, caliginem depellite. Quid in Ægypto queritis? quid consecramini? quid vobis tantum sapit in hoc tristissimo laborum, ærumnarum, luctus, lacrymarum domicilio? Quid infelix exilium placet? quid perpetuæ servitutis habitaculum juvat libertati destinatos? Itane vero tam cito obliti estis dolores vestros, nihil ut vobis injecerit infelicitis illius soli, quod misere deperitis, fastidium? non labores, quos exant lastis? non procellæ, quas pertulisti? non pericula, quæ subiisti? non calamitates, non miseriæ, non Ægyptiorum odia, non furor, non verbera, & cetera malorum agmina, quibus jaætati, conflictati, profligati estis, insanabile quo flagratis, infortunatæ regionis desiderium extinguere potuerunt.

An ergo vestris excidit animis, Israelitæ, fortunatæ illius terræ memoria, quam supremus rerum omnium arbit-

ter, Deus ille quem colitis, fidi populo destinavit? nihil vos movet beata illa quietis, pacis, gaudii, lætitiaeque mansio? nihil sapit tutissimus post tot exhaustas tempestates, & placidissimus, qui vos expectat, portus? non placet felix illa patria, quam secundissima rerum omnium ubertate fluentem ac manantem esse didicistis?

Nam quo vos appellabo nomine, si spreto tam felicis eti domicilio, infelix malorum omnium receptaculum pergitis furiose consecutari? an dementes? an vestri rerumque vestrarum oblitos? an potius vitae ac salutis hostes infensissimos, pene dixerim vestri ipsorum crudeles paricidas?

ALIA EXERCITATIO.

Marci Attilii Reguli ad Carthaginenses Oratio, cum infecta re, quam ipse dissuaserat, Carthaginem reversus esset.

S Y N O P S I S.

Exord. Dicit, non timuisse se reverti Carthaginem, infecta re, quamvis non ignoraret, quam gravia sibi parata essent supplicia.

Propositio. Per Interpretationem: dicet, non negare se, aut dissimulare, fuisse se unum auctorem, ne foedus ullum Romani cum Carthaginiensibus sancirent.

Confirmatio. Dicet, eo propendisse omnium animos, ut remitterentur Carthaginem, qui Romanorum in vinculis tenebantur. Et vocem illam *Omnes* per Enumerationem amplificabit. Addet, nulla re potuisse se inflecti, ut communibus votis responderet, quod Enumeratione pariter dilatabit.

Concludet, permittendo se Carthaginiensium furori. Horabitur etiam, ut nocentem plecant; suppliciis, morte afficiant; quod Interpretatione & Incremento amplificabit.

O R A T I O.

Etsi, Viri Carthaginenses, minime ignorabam, quam grave capiti meo exitium accenserem, nisi permutandos utrinque captivos esse, quod volebatis omnes, Romanis persuasissimum; tamen infecta re non modo revertor ad vos obligatae fidei memor, sed neque vereor etiam tam infelicitis consilii unum me auctorem profiteri.

Sic

De Amplificatione Periodi.

51

Sic est : non veni in hunc locum , Carthaginenses , ^{ut} quod est a me factum laudabiliter , aut inficiari ; aut dissimilare , aut excusare velim .

Unus omnium obstiti , prohibui , vetui & ne tam indignum Romana gente vobis cum foedus facciretur . Ego labentes jam & inclinantes ultro pudendam in pacem animas confirmavi : fecit mea unius Oratio , ne turpissima nostro nomini labes , ex tam inquis conditionibus , æternum adhæresceret .

Nam , si nescitis , vidi , cum universa pene civitas , paucorum hominum studiosa magis , quam gloriae suæ memor , dedi sibi postularet quos habetis vestris in vinculis , parata vicissim , quos captivos fecisset , Carthaginem remittere : vidi , & videre puduit , in eamdem ire sententiam , quod erat apud nos maxime sanctum atque integrum , partem nobilitatis longe maximam , clarissimos Reipublicæ nostræ Ordines , Senatum ipsum molli nefcio quo commiserationis sensu miserabiliter inflexum , assentiri votis communibus , & exiturum in patriæ dedecus ac ruinam Decretum pacis ac foederis meditari . Reclamatum est a me viriliter , pugnavi in omnes , vici , persuasi . Non me tot matronarum orbitas , aut conjuges aut liberos requirentium , non desolatae multitudinis obsecrations , non urbs totius complatio , non familiæ meæ dolor ac luctus , non parata mihi reduci supplicia , & cruentum quodlibet mortis genus comoverunt .

Agite ergo , Carthaginenses , irritum per me fondus meo sanguine compensate . Sum reus : in me unum manus ac furores vertite . Multate sontem , macerate , perdite . Tentate in Regulum novum aliquod supplicii genus . Jam præcepti tecum ante , quidquid durum est atque asperum : non vincetis expectationem : neque aut mori timendum , aut quacumque mortis imagine pavescensem , invenietis .

C A P U T II.

Quibus verbis constare debeat Amplificatio.

Quenam præcipue verba vim babent Amplificandi ?

R. Hæc præsertim recenset Tullius libro Partitionum Oratoriarum , num. 53. Sic enim ait . Est igitur Amplificatio gravior quedam affirmatio , quæ motu animorum conciliat fidem . Ea & verborum genere conficitur &

verum. Verba ponenda sunt, quæ vim habeant illustrandi, nec ab usu sint abhorrentia, Gravia, Plena, Sonantia, Juncta, Facta, Cognominata, non Vulgata, Superlata, in primisque Translata, nec in singulis verbis, sed in continentibus Soluta, quæ dicuntur sine coniunctione, ut plura videantur. Augent etiam Relata verba, Iterata, Duplicata, & ea quæ ascendunt gradatim ab humilioribus verbis ad superiora: omninoque semper quasi naturalis & non explanata oratio, sed gravibus referta verbis ad augendum accommodatior.

De singulis operæ pretium est pauca dicere, & singula illustribus exemplis commendare.

Primo. Verba debent esse *Illustria*, ita tamen, ut ab omnibus intelligantur, nec abhorreant a sensu communi. Illustris est ea Ciceronis exclamatio pro Plancio, num. 99. O acerbum mihi memoriam temporis illius ac loci, cum hic in me incidit, complexus est, conspersitque lacrymis, nec loqui præmoxore potuit! o rem cum auditu crudelem, tum visu nefariam! o reliquos omnes dies noctesque eas, quibus iste a me non recedens, Thessalonicam me, in Quæstoriumque perduxit!

Sic pro Milone, n. 33. Tu P. Clodii cruentum cadaver ejecisti, tu spoliatum imaginibus, exequiis, pompa, laudatione, infelicissimis lignis semiustulatum, nocturnis canibus dilaniandum reliquisti.

Secundo. Debent esse *Gravia*, hoc est plena sententiarum & majestatis. Ita Cicero pro Milone, n. 97. Ex omnibus præmiis virtutis, si esset habenda ratio præriorum, amplissimum esse præmium, gloriam esse hanc unam, quæ brevitatem vitae posteritatis memoria consolaretur; quæ efficeret, ut absentes adeffemus, mortui viveremus: hanc denique esse, cuius gradibus etiam homines in cælum videantur ascendere.

Porro verba illa graviora sunt, quæ majorem vim bonitatis ostendunt, ut caritas & pietas, quam amor & benevolentia. Hinc Cicero L. I. Epist. 9. Perjucundæ mihi fuerunt Literæ tue, quibus intellexi, te perspicere meum in te pietatem: quid enim dicam benevolentiam, cum illud ipsum sanctissimum & gravissimum nomen pietatis levius mihi meritis evga nie tuis esse videatur?

Graviora sunt pariter, quæ majorem vitiositatis vim præ se ferunt: ut latro, prædo, raptor, quam fur; carifex, quam sicarius; parricida, quam homicida; impius ac nefarius, quam improbus; profligator, quam malus. Ita & quæ majorem nocendi vim habent: ut vulnerare & ferire, quam percutere; exterminare, quam ejicere; trucidare, quam occidere, &c.

De Amplificatione Periodi.

57

Tertio . Debent esse Plena , qualia sunt illa pro Milone , num. 98. De me semper Populus Romanus , semper omnes gentes loquentur , nulla unquam obtumescet vetustas .

Quarto . Debent esse Sonantia . Talia sunt illa , quæ leguntur in Miloniana , num. 87. Polluerat stupro sanctissimas Religiones ; Senatus gravissima Decreta perfregerat ; pecunia se palam a Judicibus redemerat ; vexarat in Tribunatu Senatum ; omnium Ordinum consensu pro salute Republicæ gesta resciderat ; me patria expulerat ; bona diripuerit , &c.

Et pro Plancio , num. 102. Huc exurge tamen , queso . Retinebo , & complector ; nec me solum deprecatorem fortunatum tuarum , sed comitem sociumque profitebor .

Quinto . Debent esse Cognominata , hoc est ejusdem pene significationis , ut pro Milone , n. 101. Haec ianta virtus ex urbe expelletur , extorabitur , ejicietur ? Et pro Plancio , n. 101. Quid me aspectas ? Quid mea promissa repetis ? Quid meam fidem imploras ?

Sexto . Vim habent amplificandi verba Juncta , quæ non simplicia ; sed composita sunt , ut perhorrescere , excruciare , contrucidare , &c.

Septimo . Augent Orationem Facta verba , quæ Orator ipse fingit , ut acrius & vehementius dicat . Ita Cicero scribens ad Appium Lib. 3. Famil. Epist. 7. dicit , Nullam appetitatem , nullam Lentilitatem valere plus quam ornamenta virtutis . Sic malus poeta per contemptum Poetaster nuncupari potest .

Octavo . Non vulgata , quæ supra vulgarem dicendi modum effreruntur , ne humilis videatur Oratio , ut pro Milone , num. 85. Vos Albani tumuli atque luci , vos inquam , imploro atque obtestor ! vosque Albanæ aræ Sacrorum Populi Romani sociae & equeales , quas ille præceps amentia cæsis prostratisque sanctissimis lucis , substructionum insanis molibus opprimerat .

Hæc aliquando substituuntur vulgaribus , & ex collatione videntur ampliora . Exemplum dabit hic locus ex Verrina 3. num. 9. Non enim furem , sed erexitorem : non adulterum , sed expugnatorem pudicitie : non sacrilegum , sed hostem sacrorum religionumque : non sicarium , sed crudelissimum carnificem Civium sociorumque , in judicium vestrum adduximus .

Nono . Superlata dicuntur , quæ veritatem excedunt , & dicunt plus , quam re vera est , ut pro Mil. n. 105. O terram illam beatam , quæ hunc virum excepit ! hanc ingrati-

tan, si ejecerit! miseram, si amiserit! Idem pro Aichia, n. 19. *Saxa & solitudines voce respondent, bestiae saepe immates cantu fluctuantur atque consistunt.*

Et pro Marcello, n. 8. *Domuisti gentes immanitate barbaras, multitudine innumerabiles, locis infinitas, omni copiarum genere abundantes.*

Et pro Lege Manilia, n. 28. de Pompejo loquens: *Qui extrema pueritia miles fuit summi Imperatoris; ineunte adolescentia maximi ipse exercitus Imperator: qui saepius cum hoste conflixit, quam quisquam cum inimico concertavit, plura bella gessit, quam ceteri begerunt, plures Provincius confecit, quam alii concupierant.*

Decimo. Multum valent cum ad illustrandam, tum ad augendam Orationem Translata verba, qualia sunt illa, lumen Orationis, splendor generis, concionum procellæ, Orationis fulmina, incensus ira, inflammatus cupiditate, errore lapsus, &c. Pro Mil. n. 5. *Evidem ceteras tempestates ac procellas in illis dunitaxat fluctibus concionum semper putavi Miloni esse subeundas.*

Ibid. n. 35. *Quid enim odisset Clodium Milo, segetem ac materiam suæ gloriae, præter hoc civile odium, quo omnes improbos odimus?*

Monet autem Tullius, ad Hibendam esse Disjunctionem, quod fit, cum unumquodque Membrum suum verbum habet ac sensum. Talis est locus ille supra jam laudatus pro Mil. n. 87. *Me paria expulerat, bona diripuerat, domum incenderat, liberos, conjugem meam vexaverat, Cneo Pompejo nefarium bellum indixerat.*

Fit etiam Disjunctio singulis in verbis, ut pro Mil. n. 103. *Quodnam concepi tantum scelus, aut quod in me tantum facinus admisi, cum illu indicia communis exitii indegavi, patefeci, protudi, extinxi?*

Et pro Domo sua, n. 106. *Jus igitur statueris esse uniuscujusque vestrum sedes, aras, focos, Deos Penates subiectos esse libidini Tribunitiae?*

Maximam quoque, si Tullio credimus, vim habent amplificandi Relata verba, Duplicata, Iterata, &c quæ ascendunt ab humilioribus ad grandiora.

Quod spectat ad Relata verba, illa tribus modis possunt intelligi. 1. Cum paria paribus referuntur. Pro Mil. n. 10. *Est enim haec non scripta, sed nata lex: quam non didicimus, accepimus, legimus; verum ex natura ipsa arripimus, bausimus, expressimus: ad quam non docti, sed facti; non instituti, sed imbuti sumus,* &c.

2. Cum contraria contrariis nectuntur , ut pro Sextio , num. 138. Sed mibi omnis oratio est cum virtute , non cum desidia ; cum dignitate , non cum voluptate ; cum ratione , non cum amentia ; cum iis , qui se patriæ , qui suis Civibus , qui laudi , qui glorie , non qui somno , & conviviiis , & delectationi natos arbitrantur . Pro Marcello num. 7.

3. Cum ad unum verbum multi casus per Adjectionem referuntur , ut pro Cluentio , num. 12. Ita flagrare cœpit amentia , sic inflammatæ ferri libidine , ut eam non pudor , non pudicitia , non pietas , non macula familie , non hominum fama , non filii dolor , non filiæ mœror a cupiditate revocaret .

Iterata dicuntur ea , quæ sæpius initio Membrorum vel Incisorum repetuntur : ut pro Milone , num. 94. *Ubi nunc Senatus est , quem secuti sumus ? ubi Equites Romani illi , inquit , tui ? ubi studia Municipiorum ?* 2. Phil. n. 19. pro Lege Manil. n. 30.

Duplicata verba sunt ea , quæ geminantur , ut pro Mil. n. 91. *Excitate , excitate eum , si potestis , ab inferis .*

Plurimum valent quoque ea verba ad augendum , quæ ab humilioribus ad grandiora pervenient . Ita pro Mil. n. 103. *Utinam Dii immortales fecissent ! pace tua , patria , dixerim ; (metuo enim , ne scelerate dicam in te , quod pro Milone dicam pie) ut P. Clodius non modo viveret , sed etiam Prætor , Consul , Dictator esset , antequam hoc spectaculum viderem .*

Et Verrina 7. n. 169. *Facinus est vinciri Civem Romanum scelus verberari , prope parricidium necari : quid dicam in crucem tollere ?*

Denique consecunda est in verbis consonantia , Cicerone teste . Hinc superlativa melius ponuntur pro absolutis . Pro Lege Manil. n. 1. *Quamquam mibi semper frequens conspectus vester multo jucundissimus , hic autem locus ad agendum amplissimus , ad dicendum ornatissimus est visus .* Et pro Flacco , num. 1. *Cum in maximis periculis hujus urbis atque imperii , gravissimo atque acerbissimo Reipublicæ casu , socio atque adjutore consiliorum periculorumunque meorum L. Flacco , cœdem a vobis , conjugibus , liberis vestris , vastitatem à templis , delubris , urbe , Italia depellebam , &c.*

Pluralia pro singularibus : ut pro Balbo , n. 1. *Si auctores patronorum in judiciis valerent , ab amplissimis viris L. Cornelii causa defensa est : si usus , a peritissimis : si ingenia , ab eloquentissimis : si studia , ab amicissimis , & cum beneficiis cum L. Cornelio , tum maxime familiaritate conjunctis .*

Verbalia pro absolutis consonantiora sunt, ut si dominatrix animi cupiditas, pro domina vitae. Philosophia vitæ dux, virtutis indagatrix, expultrixque vitiorum, & Artium procreatrix. Lib. 5. Tuscul. Quæst. n. 5.

EXERCITATIO.

*Luetus Jacobi, cum tinctam Josephi sui, ut ferebatur,
sanguine tunicam aspexisset.*

Per verba Illustria, Gravia, Plena, Sonantia, Cognomina-
ta, Juncta, Facta, non Vulgata, Superlata.

SYNOPSIS.

1. Ordinetur a triplici Exclamatione verbis illustribus expressa, qua suum & Josephi fatum deplo-
rabit.
 2. Dicet, nihil fore deinceps, quod acerbi funeris memoriā confoletur. Per verba Gravia.
 3. Per verba Plena, obversaturam semper animo cruentæ cædis imaginem.
 4. Per verba Sonantia queretur, quod adfuerit nemo in solitudine, qui rabiem ferarum compesceret.
 5. Filios increpabit per Cognominata verba, quod Fratri opem non tulerint.
 6. Per verba Juncta dicet, præsentire eos debuisse Josephi fatum, nisi prohibuisset ipsos malus in fratrem livor.
 7. Per non Vulgata semetipse incusabit, qui per deserta loca filium pergere solum permiserit.
- Denique per verba Superlata dicet, futurum fuisse, ut ipse feris valentior earum ferociam repressisset.

ORATIO.

(*Illustria pro Planc. 99.*) O acerbum misero parenti nuncium, quod refers, cum tunicam hanc mihi laceram miserabiliter, & cruentatam objicis! o luctuosum deplorandumque Josephi fatum! o reliquos mihi, quibus vivere ulterius dabitur, dies flebiles & amaros!

(*Gravia pro Mil. 97.*) Nam quid mihi deinceps continget in hoc ærumnosaë vitæ curriculo, quod acerbissimi illius funeris memoriam possit consolari?

(*Plena pro Mil. 98.*) Obversabitur semper ante oculos
cruen-

cruenta illius cædis imago tristissima , & gravibus stimulis usque confixus animus miserо luctu contabescet .

(Sonantia pro Mil. 87.) Ergone vel desertas inter solitudines nullus adfuerit , qui ferarum immanium impetum arceret ? sævitiam ac rabiem comprimeret ? sese destitutæ innocentiae patronum defensoremque profiteretur ?

(Cognominata pro Mil. 101.) Et vos , Fratres infidi ac perduelles , non adfueritis ? non tulistis opem ? fratrem vestrum e cruentis belluarum faucibus non eripuitis , non defendistis , non servastis ?

(Juncta) Præsentire debuisset vestra pietas tam luctuosum miseri Josephi fatum , & periculi magnitudinem anteverttere . Erat hic locus contestandæ apud omnes vestræ in fratrem caritatis , nisi mala vos æmulatio & degenerivor continuissent .

(Non vulgata pro Mil. 85.) Sed quid Filios accusas tuos , inælix parens ? tuam ipsius socordiam argue , & expertem humanitatis omnis animum accusa . Nam cur Josephum tuum per saxa invia & inhospita , per vastas desertasque nemorum solitudines , per metuenda ferarum spelæa solum incomitatumque permittebas ?

(Superlata pro Mil. 105. Pro Archia 19.) Ah ! si puero fidelis comes adfuerisses , si te viæ socium adjunxisses , filium ab omni periculo tutum & incolumem præstittisses . Tu Leonum ferocitatem perdomuissest , Tigrium asperitatem mitigassest , contra vim atque impetum amor ipse fortior ac valentior insolitum robur & arma vinci nescia suffecisset .

A L I A E X E R C I T A T I O .

Insectatio Neronis , cum Britannicum sub amicitiae specie ad Epulas invitatum veneno interfecisset .

S T N O P S I S .

1. Tripli exclamatione Illustribus verbis expressa Neronis facinus insectabitur .

2. Per verba Gravia Britannicum consolabitur gratissima posteritatis recordatione .

3. Per verba Plena & Sonantia petet a Nerone , num potuerit morientis Britannici vultus sustinere ?

4. Per verba Juncta dicet , perhorruisse ipsos sceleris ministros .

5. Per

5. Per verba Facta , fingenda esse nova vocabula , ad fævitiam Neronis designandam .

6. Quæret a Nerone per verba Cognominata , qua fuerit injuria provocatus , antequam scelus istud perageret ?

7. Per non Vulgata eumdem exagitabit , quod non habuerit satis Britannico eripere Imperium , nisi in ejus vitam graßaretur .

Denique per Superlata , non esse Neronem amandandum ad feras , ne easdem faciat consortio suo crudeliores .

O R A T I O .

(*Verba Illustria*.) O ferale luctuosumque Populo Romano spectaculum , Britannicus geniales inter epulas crudelissimo fato sublatus ! o funestam bonis omnibus acerbamque hodiernæ diei memoriam ! o facinus nullo posteritatis odio , nulla execratione satis detestandum !

(*Gravia*) Tamen ne doleas tantum , Juvenis fortissime ; nec præcisum tibi ab immani parricida brevis fragilisque vita curriculum acerbius desideres . Non extinxit Nero perfidus una cum corpore gratissimam rerum a te gestarum recordationem ; & dum fævissimi Imperatoris immunitatem omnis ætas execrabitur , nulla de tuis laudibus umquam conticescet .

(*Plena & Sonantia*.) Ten' vero , mortalium omnium crudelissime , sustinuisse irretortis oculis tristissimam tui sceleris imaginem ? Inspexisti sine horrore quodam ac fremitu squalidos ac liventes vultus , extinctos flagitio tuo fratris oculos , revolutum inter mensas incruentum cadaver , fleibilem & amaram omnium complorationem ?

(*Juncta*) At perhorruerunt ad tam immane spectaculum detestabiles tui furoris ministri : ipsi feralis aulae parientes visi sunt contremiscere , & ad novum parricidii genus commoveri .

(*Facta*.) Crudelis ! sed quid ego te crudelem dico , quasi vox sit aliqua , quæ parricidii tui atrocitatem adumbrare possit ? fingenda sunt nova vocabula , quæ criminis novitati respondeant . Non jam crudelis Nero , sed crudelitas ipsa Neronis nomine vocabitur , ut tuo deinceps nomine nuncupata , majorem animis terrorem inculcat .

(*Cognominata*.) Sed age ! qua lâcessitus injuria , qua provocatus contumelia , quo Britannici flagitio stimulatus , ad committendum tale parricidium te comparasti ? cum bar-

barbarum illud consilium concepisti , an eras apud te sat-
tis? an fueras sceleris gravitatem meditatus? an Juvenis
innocentissimi dignitatem , merita , & propinquam tibi cum
eo affinitatem expenderas?

(*Non vulgata.*) Parum igitur erat , quod debitum Bri-
tannico solium malis Agrippinæ matris artibus eripueras?
quod ipsius bona , fortunas , munera sustuleras , nisi in
ipsius vitam immedicabili veneno grafflareris?

(*Superlata.*) O scelus! o impietas! & adhuc peraſto
tali flagitio conspectum hominum sustines? I , pete receſ-
sus nemorum , inter saxa cautesque asperas cum immani-
bus feris immorare . Quamquam & illud cave ne commi-
ſeris . Tu contagie crudelitatis immaniores feras , tu rupes
præſentia tua duriores efficeres , qui immanitate feras ,
rupes duritie superaſti .

E X E R C I T A T I O .

*Exolleter Prudentia Ciceronis , qui cessit in exilium , ne Rem-
publicam in discrimen adduceret .*

Per Translata verba , Dissoluta , Relata , Iterata ,
Duplicata , & Gradationem .

S Y N O P S I S .

Exord. **D**icat , non potuisse temperare vel in privato
communique luctu ab extollenda Ciceronis ul-
tro cedentis prudentia .

2. Per Translata verba dicet , magnæ fuisse pruden-
tia , cedere tempeſtati , & ſe privato potius , quam pu-
blico naufragio exponere .

3. Describet per Disjuncta , ſeu Dissoluta , verba , luctum
totius civitatis , abeunte Cicerone .

4. Dices per Relata verba , pugnandum fuisse Ciceroni
non cum ratione , fed cum amentia , &c.

5. Per Iterata verba , vidiffe Ciceronem , ſi pugnaret
cum Cladio , periculis infinitis Rempublicam eſſe exponen-
dam .

6. Per Duplicata verba , appellabit Ciceronis prudenti
teſtes Senatores . Vos , vos , &c.

Denique dicet , Ciceronis prudentia servatam urbem ,
Rempublicam , Italiam : idque per Gradationem .

O R A T I O .

Quamvis , Marce Tulli , multo satius arbitrarer cum civitate universa dolori meo indulgere , quam inutili , nec conveniente huic tempori , præconio abeuntem prosequi ; tamen vel in hac ipsa , in quam te ultro conjectisti , fugat singularem prudentiam demonstrasti , ut ad eam prædicandam , ut par est , publicam interpellare tantisper complorationem non pertimescam .

(*Translata verba pro Mil. num. 5.*) Quantæ enimvero prudentiæ fuit , cum , perturbatam caussa tua variis animorum æstibus civitatem cerneret , ita cessisse non invitum tempestatibus ac procellis , ut adires ipse quidem naufragii periculum , Rempublicam vero totam tranquillo in portu collocares ?

(*Disjuncta seu Dissoluta pro Mil. n. 87. pro Domo sua n. 106.*) Nam quis meminisse possit sine lacrymis tristissimam illius diei imaginem , cum , te deposita ad poenas nefaria P. Clodii conjuratione , Iugeret Senatus , moereret Equester Ordo , boni omnes afflstantur , tota civitas proprii corporis oppositu imminentem capiti tuo perniciem , ferum , faces , arma , gladios depellere conaretur ?

(*Relata pro Mil. n. 10. pro Sex. n. 138. pro Marcel. n. 7.*) Tamen , quoniam pugnandum tibi erat , Marce Tulli , non cum ratione , sed cum amentia , non cum æquitate , sed cum furore , non cum homine , sed cum pecude ; pugnasti esse prudentiæ tuæ illud subire pugnæ genus , in qua si vicistes , sine gloria vicistes , vinci autem non posses , quin summum nomini tuo dedecus , fatalem ipsi Rempublicæ ruinam accerseres .

(*Iterata 2. Phil. n. 2. 19. pro Lege Manilia , n. 30.*) Videbas enimvero pro singulari mentis tuæ per facia , quantis Rempublicam periculis objiceres , si furenti odio molem opponere aggredereris . Videbas , eversis legibus , aulam fore consiliis tuis , aut etiam divinæ facundiæ locum : videbas , sublata Magistratum auctoritate , nullum in Foro præsidium , nullam in æquissimis Judicibus spem esse positam : videbas , exulante justitia , dominante ubique libidine , nullum afflictæ innocentiae contra scelus atque audaciam patrocinium superesse .

(*Duplicata 7. Verrina , n. 161. Catil. 1. 4.*) Quod igitur neque vis neque facundia perfecisset , hoc tu prudentia tua consecutus es , Marce Tulli , ut communibus

malis medererere. Vos, vos appello, clarissima Reipublicæ Lumina, vos amplissimi hujus Ordinis Principes, vos sapientissimi rerum nostrarum Moderatores, qui cedentem ultro tempori Ciceronem palam extulistiſ. (*Per Gradationem pro Mil. num. 103. 7. Verr. num. 169.*) An erit quisquam vestrū qui profiteri dubitet, singulari ipsius prudentia factum esse, ut ferro facibusque ereptam hanc urbem, Rempublicam ab excidio communi, Italiam totam a ſuprema vaſtatione, univerſum denique imperium ab imminenti ruina conservatum, contra ſpem omnem expeſtationemque noſtrām videremus?

ALIA EXERCITATIO.

*Marco Tullio Ciceroni post ſuum in urbem Romam reditum,
Oratio Gratulatoria per laudata modo verba.*

S T N O P S I S.

Exord. **D**Icet, Rempublicam voluiffe in publico gaudio singulare aliquod lœtitiae ſuæ testimonium Ciceroni dare.

2. Dicet, longe diſſimilem eſſe faciem Civitatis ab ea quæ fuerat, cuin Cicero ex urbe cederet, per Translata verba.

3 Per Relata explicabit, ut mœror mutatus fuerit in gaudium; & per Dissoluta, lœtitiam ad omnes pertinuisse.

4. Per Iterata, non excidiſle memoriam beneficiorum, quæ Cicero contulerat in Rempublicam. Cum &c.

5. Per Duplicata, Ciceronem invitabit, ut excipiat plausus totius Civitatis.

Denique per Gradationem explicabit Ciceronis merita in Rempublicam.

ORATIO.

Etsi ſincerus geſtientis undique Populi Romani plausus & lœta omnium Ordinum acclamatio ſatis ſignificant, quantum universa civitas ex tuo in hanc urbem reditu gaudium percepert, Marce Tulli: tamen ſuæ erga te propenſiſimæ voluntati numquam ſe Reipublica noſtra feciſſe ſatis exiſtimet, niſi hoc publico lœtitiae ſuæ testimonio redeuntem proſequatur.

Proh! Dii immortales, Marce Tulli, quam mutata Ci- vita-

Vitatis hujus facies, ex quo suavissimo conspectu tuo unum-
quemque nostrum recreasti! Quam dissimilis hodiernæ lucis
felicitas ab eo tristissimi illius diei apparatu! (*Translata*)
cum perturbatis seditionuti fluctibus cedendum esse ratus,
ne Rempublicam certissimo naufragii periculo exponeres,
te te immanissimis fævientis belluæ furoribus subtraxisti.

(*Relata, Dissoluta*) At non enimvero sentis ipse, Marce Tulli, quantam in omnibus & singulis conversionem
animorum adventus tuus effecerit? Non intelligis per te-
met ipse, ut mœrorerit gaudium, risus lacrymas, festæ gra-
tulantium voces tristissimos planctus exceperint? Ad quem
porro tam singularis lætitiaz pars non pervenit? Lugebat
Senatus abeuntem; jam redeunti gratulatur. Mœrebat E-
quester Ordo, qui te maximum decus suum atque orna-
mentum deperderet; nunc te recepto ac sospite, plaudit
ac triumphat. Afflictabantur omnes boni, dum se patrono
suo ac defensore destitutos cerneant; exultant hodie, cum
restitutum te sibi fuisse gloriantur. Tota Civitas confecta
luctu atque senio salutis vindicem ac libertatis suæ affer-
torem requirebat; nunc erecta tandem & recreata novum
sibi a te præsidium adpromittit.

(*Iterata*.) Neque enim excidit gratissima tuorum erga
Civitatem hanc meritorum memoria, cum perniciosa in
Rempublicam consilia detegeres; cum nefarios scelerato-
rum civium impetus reprimeres; cum pro salute publica
gravissimis periculis caput opponeres; cum urbem hanc
ab incendio, scelere, ferro, servitute eriperes.

(*Duplicata*.) Excipe ergo, Marce Tulli, excipe dignas
prudentia, dignas pietate, dignas constantia triumphan-
tis in causa tua Civitatis universæ gratulationes. (*Gratiatio*.) Nam si multum tibi debet, quod illam facundiaz
tuæ laude ornaveras; si multo plura, quod eamdem tam
prudenter administraveras; si plurimum, quod consilio
atque vigilancia multas ab ea calamitates depuleras:
quantum debere tibi dicenda est, quam ab exitio funestissi-
mo falyam & incolumem præstitisti?

C A P U T III.

Quibus e Locis eruenda sit Amplificatio.

HAECENUS de verbis egimus, ex quibus Amplificatio con-
stat; reliquum, ut de rebus, seu de Locis, ex quibus
eruitur Amplificatio, dicamus. Nam illa, et si ex omnibus
Locis

Loci tum insitis seu intrinsecus petitis , tum assumptis seu extrinsecus accersitis haberi potest , de quibus dicemus postea ; tamen ex his præcipue decem Locis repetitur .

Primus est a Definitionibus *conglobatis* , seu a congerie Definitionum , per quas rei cuiuslibet explicatio , quæ aut naturam ipsius , aut partes , vel causas & effecta , vel officia & adjuncta continet , vel propriis vocibus vel translatis designatur . Ita Cicero pro Lege Manilia , num. 36. definit Imperatorem ab iis virtutibus , quæ in eo adesse debent , & quas deinde in Cn. Pompejo reperiri demonstrat . Est hæc divina atque incredibilis virtus Imperatoris . Quid ceteræ , quas paulo ante commenioravi , quantæ & quam multæ sunt ? Non enim solum bellandi virtus in summo atque perfecto Imperatore querenda est , sed multæ sunt artes eximiae hujus administræ comitesque virtutis . Ac primum quanta innocentia debent esse Imperatores ? quanta deinde in omnibus rebus temperantia ? quanta fide ? quanta felicitate ? quanto ingenio ? quanta humanitate ? Quæ breviter qualia sunt in Cn. Pompejo consideremus .

Sic in Oratione post Reditum ad Quirites , per varias Definitiones enumerat magnitudinem beneficiorum , quæ a Populo Romano acceperat , num. 5. Quorsum igitur hæc disputatio ? Quorsum ? ut intelligere possitis , neminem umquam tanta eloquentia fuisse , neque tam divino atque incredibili genere dicendi , qui vestrorum magnitudinem multitudinemque beneficiorum , quæ in me , fratremque meum , liberosque nostros contulisti , non modo augere , aut ornare oratione , sed enumerare aut consequi possit . A parentibus , id quod necesse erat , parvus sum procreatus : a vobis natus sum Consularis . Illi mibi fratrem incognitum , qualis futurus esset , dederunt : vos spectatum & incredibili pietate cognitum reddidistis . Rempublicam illis accepi temporibus ean , quæ pene amissa est : a vobis eam recuperavi , quam aliquando omnes unius opera servatam judicarunt . Dii immortales mihi liberos dederunt : vos reddidistis . Multa præterea a Diis immortalibus optata consecuti sumus : nisi voluntas vestra fuisset , omnibus divinis muneribus caruissimus . Vestros denique honores , quos eramus gradatim afferiti , nunc a vobis universos habemus : ut quantum antea parentibus , quantum Diis immortalibus , quantum vobis metipsis , tantum hoc tempore uniuersim cuncto Populo Romano debeamus .

Et pro Cæcina , n. 77. & 78. probat Aquilium esse virum probum a prudentia , humanitate , fide , justitia .

Et 2. Oratione in Rullum , n. 7. ait se RempUBLICAM affligrimam

simam recepisse , quam describens , per omnes calamitatis circumstantias definit .

Ibidem n. 97. avaritiam & ambitionem Rulli damnat per Definitiones conglobatas .

Secundus Locus a Frequentatione Consequentium , cum proferuntur bona seu mala , quæ oriri possunt ex aliqua re . Hunc locum tractat Cicero pro Murena , n. 85. Sed quid tandem fiet , si hæc elapsa de manibus nostris in eum annum , qai consequitur , redundarint ? Unus erit Consul , & is non in administrando bello , sed in sufficiendo Collega occupatus . Hunc jam qui impedituri sint , parati sunt . Illa peste immanis , importuna , Catilinæ prorumpet , qua poterit , & jam Populo Romano minatur : in agros suburbanos repente advolabit : versabitur in castris furor , in Curia timor . in Foro conjuratio , in campo exercitus , in agris vastitus ; omni autem in sede ac loco ferrum flammamque meiuemus . Que jumdiu comparantur , eadem ista omnia , si ornata suis præsidis erit Respublica facile & Magistratum consiliis , & privatorum diligentia opprimentur .

Et Catil. 4. n. 11. Videor enim mihi banc urbem videre , lucem oibis terrarum atque arcem omnium gentium subito uno incendio concidentem : cerno animo sepultam patriam , miseros atque inseptulos acervos civium . Versatur mihi ante oculos aspectus Cethegi & fuyor in vestra cæde bacchantis .

Tertius a Contrariis , in quo contraria multa congeruntur . Pro Muræna n. 89. Ibit in exilium miser ? Quo ? Ad Orientis partes , in quibus annos multos legatus fuit , & exercitus duxit , & magnas res gessit ? At habet magnum dolorem , unde cum bonore decesseris , eodem cum ignominia reverti . An se in contrarium terrarum partem abdet , ut Gallia Transalpina , quem nuper summo cum imperio libentissime viderit , eundem lugentem , mœrentem , exsulem videat ? In ea porro Provincia , quo animo C. Murænam fratrem suum aspiciet ? quis hujus dolor , illius mœror erit ? que urriusque lamentatio ? Quanta autem perturbatio fortunæ atque sermonis , quod , quibus in locis paucis ante diebus factum esse Consulem Murænam nuntii literæque celebrassent , & unde hospites atque amici gratulatum Romam concurrerint , repente eo accedat ipse nuncius calamitatis sue ?

Sic pro Milone num. 99. Judicum benevolentiam sibi conciliat commemoratione sui in illos amoris & memoris animi , quibus irasci non possit ob vulnus acceptum . Nec vero si mihi eriperis , reliqua est illa saltus ad conso-

landum querela, ut his irasci possim, a quibus tantum vulnus accepero; non enim inimici mei te mibi eripient, sed amicissimi. Non male aliquando de me meriti, sed semper optime. Nullum unquam, Judices, mibi tantum dolorem inuretis (etsi quis potest esse tantus?) sed ne hunc quidem ipsum, ut obliviscar, quanti me semper feceritis.

Et pro Cælio, n. 78. probat Tullius a Contrariorum confictione Cælum numquam Reipublicæ defuturum; & comparatione inter illum & Clodium, qui non ita pridem absolutus fuerat, instituta, Judices ab ejusdem damnatione deterret.

Quartus Locus est a Dissimilitudine, in quo multa dissimilia adhibentur, ut 2. Catil. n. 24. ubi probat Cicero a Dissimilibus, non esse metuendos Catilinæ socios. O bellum magnopere pertimescendum, cum hanc sit habiturus Catilina scortoruni cohoret prætoriam! Instruite nunc, Quirites, contra has tam præclaras Catilinæ copias vestra præsidii vestrosque exercitus, & primum illi confecto ac saucio Consules Imperatoresque vestros opponite: deinde contra illam naufragorum cœctam & debilitatum manum, florem totius Italie ac robur educite. Jam vero urbes Coloniæ ac Municipiorum respondebunt Catilinæ tumulis silvestribus. Neque vero ceteras copias, ornamenta, præsidia vestra, cum illius latronis inopia atque egestate deboeo conferre.

Et Verrina 6. num. 115. Conferte hanc pacem cum illo bello; hujus Prætoris adventum cum illius Imperatoris victoria; hujus cohoret impuram cum illius exercitu invicto; hujus libidines cum illius continentia: ab illo qui cepit, conditas; ab hoc qui constitutas accepit, captas dicetis Syracusas.

Et ibid. num. 31. Sic habetote, plures esse a Syracusanis istius adventu Deos, quam victoria Marcelli homines desideratos.

Quintus Locus a Repugnantibus. Pro Milone, n. 103. Nam qui possum putare me restitutum esse, si distrahar ab iis per quos restitutus sum? Et n. 104. Hiccine vir patriæ natus, usquam, nisi in patria morietur? aut, si forte, pro patria? Hujus vos animi monumenta retinebitis: corporis in Italia nullum sepulchrum esse patienini? hunc sua quisquam sententia ex urbe expellet, quem omnes urbes expulsum a vobis ad se vocabunt? Ubi probat a contentione Repugnantium, Milonem in Italia retinendum esse.

Et pro Comœdo, n. 18. probat Saturium pugnantia loqui. Quid tu, Saturi, qui contra hunc venis, existimus aliter?

Nonne , quotiescumque in causa in hujus viri nomen incidiisti , toties hunc & virum bonum esse dixisti , & honoris causa appellasti ? quod nemio nisi aut honestissimo , aut amicissimo facere consuevit ? & ibid. n. 19. Qua in re mibi ridicule es visus esse inconstans , qui eundem & laederes & laudares ; & virum optimum & hominem improbissimum esse diceres . Eundem tu & honoris causa appellabas , & virum primarium esse dicebas , & socium fraudasse arguebas . Sed , ut opinor , laudem veritati tribuebas , crimen gratiae concedebas . De hoc , ut existimabas , prædicabas : Chære arbitratu causam agebas .

Et pro Milone , n. 41. Quem igitur cum omnium gratia voluit ? bunc voluit cum aliorum querela ; quem jure ? quem loco , quem tempore , quem impune non est ausus ; bunc injuria , iniquo loco , alieno tempore , periculo capitinis non dubitavit occidere ?

Et pro Cælio , num. 47. probat a Repugnantibus , Cælium non potuisse fractum deliciis atque voluptatibus videri , qui Eloquentiam professus fuisset . An hic , si se se isti virtutis dedisset , Consularem hominem admodum adolescens in judicium vocavisset ? hic , si laborem fugeret , si obstrictus voluptatibus tencretur , in hac acie quotidie versaretur ? appeteret inimicitias ? in judicium vocaret ? subiret periculum capitinis ? ipso inspectante Populo Romano tot menses aut de salute aut de gloria dimicaret ?

Sextus a Caussis dicitur , quando vel excusatur aliquis , vel vituperatur a variis caussis , propter quas videtur excusandus , aut vituperandus . Ita Cicero pro Sextio a n. 46. ad n. 50. caussas affert , propter quas sibi depugnandum aut etiam moriendum pro salute publica non censuerit , sed maluerit exilium subire . Locus hic totus diligenter legendus , in quo etiam reddit rationes , propter quas multis venisset in odium , & ad mortem deposceretur .

Et pro Milone , n. 73. probat a Caussis , cur Clodius cæsus jure videri possit , etiamsi insidiator non fuisset , qui tanta impunitate per omnia facinora diripiendis civium bonis , faciendis cædibus , admittendis quibusque flagitiis graffatus esset : sic , ut gloriari Milo posset cæde Clodii , & palam dicere . Occidi , occidi Eum , cuius supplicio Senatus solemnis saepe religiones expiandas censuit : eum , quem cum sorore germana nefarium stuprum fecisse L. Lucullus iurat us se , questionibus adhibitis , dixit comperisse : eum , qui civem , quem Senatus , quem Populus , quem omnes gen-

gentes urbis ac vita civium conservatorem judicabant, servorum armis exterminavit: eum, qui regna dedit, ademit; orbem terrarum, quibuscum voluit, partitus est: eum, qui pluribus cedibus in foro factis, singulari virtute & gloria civem domum vi & armis compulit: eum, cui nihil umquam nefas fuit nec in facinore, nec in libidine: eum, qui ædens Nympharum incendit, ut memoriam publicam recensionis, tabulis publicis impressam, extingueret.

Ibidem multis rationibus Milonem vindicat ab insidiarum suspicione, & cædis odium in Clodium rejicit a congerie Caussarum; quia Clodius erat scelestus, quia Milonemoderat, quia honores ambiebat, quia sperabat impunitatem, a n. 24.

Ita pro Lege Manilia a n. 20. ad 27. probat, bellum esse difficile ac pericolosum a Caassis: scilicet, quia concurrunt ad illud Reges potentissimi; quia renovant agitatae nationes, suscipiunt gentes integræ; novus Imperator bello præficitur.

Septimus Locus ab Effectis petitur sive eventis, quorum multitudo in laude admirationem parit, in vituperio ciet indignationem. Ita Cicero in Libro de Senectute n. 40. miserabiles Effectus voluptatis enumerat ad amplificandos maturæ ætatis fructus, quæ habet, unde pessimos ac libidinibus perditæ ætatis motus reprimat ac coerceat. Nullam capitaliorem pestem, quam corporis voluptatem dicebat a natura datam hominibus: cuius voluptatis avidæ libidines temere & effrenate ad potiundum inctarentur. Hinc patriæ prodiciones, hinc Rerum publicarum eversiones, bincum hostibus clandestina colloquia nasci dicebat: nullum denique scelus, nullum facinus magnum esse, ad quod suscipiendum non libido voluptatis impelleret. Stupra vero, & adulteria, & omne tale flagitium, nullis aliis illecebris excitari, nisi voluptatis. Cumque boni sive natura, sive Deus nibil mente præstabilius dedisset, buic divino muneri ac dono nibil esse tam inimicum, quam voluptatem:

Et Verrina 3. n. 78. Verris libidines ab Effectis amplificat. Tantæ tuæ, Verves, libidines erunt, ut eas capere ac sustinere non Provinciæ Populi Romani, non nationes exterse possint: tune quod videris, quod audieris, quod concupieris, quod cogitaris, nisi ad nutum tuum præsto fuerit, nisi libidini tuæ cupiditatique paruerit, immittentur homines, expugnabuntur domus: civitates non modo pacate, verum etiam sociorum atque amicorum ad vim atque ad arma confu-

gient, ut ab se atque ab liberis suis legati Populi Romani scelus
utque libidinem propulsare possint?

Philippica 14. n. 8. crudele bellum Antonii, pestem, vastitatem, cruciatum, tormenta omnibus denuntiantis, pariter ab Effectis amplificat. Bellum inexpiabile infer quatuor Consulibus unus omnium latronum tētērimus: gerit item bellum cum Senatu Populoque Romano: omnibus (quamquam ruit ipse suis cladibus) pestem, vastitatem, cruciatum, tormenta denuntiat: Dolabellae ferum & immūne facinus, quod nulla barbaria posset agnoscere, id Deorum consilio factum esse testatur, &c. Refugit animus, eaque formidat dicere, quæ L. Antonius in Parmensium liberis & conjugibus effecrit, &c.

Sic & a rebus gestis Pompejum laudat pro Lege Manilia, n. 61. Quid tam novum, quam adolescentulum, privatum, exercitum difficulte Reipublice tempore conficere? conficit. Huic præesse? præfuit. Rem optime ductu suo gerere? gessu. Quid tam præter consuetudinem, quam homini per adolescenti, cuius a Senatorio gradu etas longe abesset, Imperium atque exercitum dari? Siciliam permitti atque Africum, belumque in ea administrandum? Fuit in his Provinciis singulari innocentia, gravitate, virtute, &c.

Ostavus Locus petitur a Similitudine. Ita Cicero pro Archia, n. 19. probat eos, apud quos loquitur, moveri debere orantis Archiae precibus; quandoquidem ipsa faxa Poetarum voce movebantur. Saxa & solitudines voce respondent; bestiæ sepe immanes cantu flectuntur: nos instituti rebus optimis Poetarum voce non moveamur?

Et pro Roscio Amerino, n. 131. Syllam cum Jove comparat, & a Simili probat, ignoscendum Syllæ, si quid animadvertere non potuerit in tanta rerum cum multitudine, tum magnitudine, quas administrandas haberet; quandoquidem nec ipsi imputabantur Jovi, si quando imbræ ac tempestates urbibus atque hominibus nocerent.

Et 1. Catil. num. 3. probat a Simili non esse ferdum Catilinam. An vero vir amplissimus. P. Scipio, Pontifex maximus, Tib. Gracchum mediocriter labefactantem statum Reipublice privatus interfecit; Catilinam vero orbem terræ cede atque incendiis vastare cupientem nos Consules perfervimus? Nam illa nimis antiqua prætereo, quod Q. Servilius Abala Sp. Melium novis rebus studentem sua manu occidit. Fuit, fuit ista quondam in hac Republica virtus, ut viri fortes acrioribus suppliciis civem perniciosum, quam acerbissi-

num hostem coercent. Habemus Senatusconsultum in te. Catilina, vehemens & grave: non deest Reipublicæ consilium, neque auctoritas hujus Ordinis: nos, nos, dico aperte; Consules desumus.

Nonus Locus ab Exemplis, quibus nihil solet esse efficacius ad movendum. Observandum est tamen, ea non esse in Amplificatione enucleatius explicanda; nam Amplificatio minores circumstantias non patitur, nec admittit aliquid, nisi magnum sit illud vel usu, vel natura. Hæc porro quoties adhibet Tullius in Amplificatione, quasi punctis quibusdam ac stimulis utitur ad urgendum.

Sic pro Archia, n. 19. quem admittendum in civitatem esse contendebat, assert congeriem exemplorum petitam a multis civitatibus, quæ Homerum, vel mortuum, suum esse defendebant æmulatione quadam dignitatis, quam in Poetis esse positam arbitrarentur. Homerum Colophonii ci-vum esse dicunt suum; Chii suum vindicant, Salaminii repetunt, Smyrnæi vero suum esse confirmant. Itaque etiam delubrum ejus in oppido dedicaverunt. Permulti alii præterea pugnant inter se atque contendunt. Ergo illi alienum, quia Poeta fuit, post mortem etiam expertunt; nos hunc vivum, qui & voluntate, & legibus noster est, repudia-bimus?

Et in laudata paulo ante Catil. 1. num. 3. multis exemplis probat, non esse ferendum Catilinam apertum hostem, & Senatusconsulto jam damnatum: dignumque esse illum suppliciis, quæ ab aliis multo minus nocentibus repetita fuerunt.

Et pro Milone n. 76. & sequentibus probat multorum exemplis, Livii, Drusi, P. Africani, Pompeji, de quo-rum morte, eti de Republica benemeriti fuissent, nulla habita fuerat quæstio, multo minus de Clodii nece decerni debuisse. Idem argumentum tractat n. 7. ubi confutat præjudicia, quæ contra Milonem jactabantur; scilicet in Republica bonis legibus instituta plebendum esse morte, qui hominem occisum a se fateretur, exemplis utriusque Gracchi ac Saturnini, qui jure cæsi habebantur.

Decimus Locus petitur a fictis personis, & Prospopœja nuncupatur; qua fit, ut homines, vel belluæ, vel etiam res inanimatae loquentes inducantur. Frequentissimus toto Cicerone iste Locus, de quo suo tempore dicemus fusius in Libro qui de Figuris Inscribitur. Sic pro Milone n. 93. ita Milonem loquenter inducit. Me quidem, Judices, examinant & interrogant hæc voces Milonis, quas audio

assidus, & quibus intersum quotidie. Valeant, inquit, valeant cives mei; sint incolumes, sint florentes, sint beati. Sit haec urbs præclara, mihique patria carissima, quoquo modo merita de me erit: tranquilla Republica Cives mei (quoniam mibi cum illis non licet) sine me ipsis, sed per me tamen perfruantur. Ego cedam atque abibo. Si mibi Republica bona frui non licuerit, at carebo mala; & quamprimum tetigero bene moratam & liberam civitatem, in ea conquiescam.

E i. Catil. numt. 27. ita Patriam loquentem facit. Etenim si necum Patria, quæ mibi vita carior est, si cuncta Italia, si omnis Respublica loquatur: Marce Tulli? quid agis. Tune cum, quem hostem esse comperisti: quem ducem belli futurum vides, quem expectari Imperatorem in castris hostium sentis, aucto-rem sceleris, Principem conjurationis, evocatorem servorum & civium perditorum, exire patieris, ut abs te non emissus ex urbe, sed immisus in urbem esse videatur? Nonne hunc in vincula duci, non ad mortem rapi, non summo suppicio macari inoperabis? Quid tandem impedit te? mosne Majorum? at persæpe etiam privati in hac Respublica perniciosos cives morte multarunt. An leges, quæ de Civium Romanorum suppicio rogatae sunt? at numquam in hac urbe ii, qui a Respublica defecerunt, civium jura tenuerunt. An invidiam posteritatis times? præclaram vero Populo Romano refers gratiam, qui te, hominem per te cognitum, nulla commendatione majorum, tam mature ad summum Imperium per omnes honorum gradus extulit, si propter invidiam, aut alicujus periculi metum, salutem civium tuorum negligis. &c.

De his decem Locis atque aliis tam insitis, quam assumptis, ex quibus Amplificatio petitur, quoniam singulatim acturi sumus in quarto Libro, supersedemus in praesentia suas singulis accommodare pro instituti nostri ratione Exercitationes. Satis habebimus unicam hic apponere, quæ ad præceptiones & regulas in hoc articulo traditas exacta sit.

E X E R C I T A T I O.

*Christiani apud Neronem perduellionis accusati ab homine
Ethnico defenduntur.*

A Definitione , a Frequentatione Consequentium , a Contrariis , a Dissimili , a Repugnantibus , a Caussis , ab Effectis , a Simili , ab Exemplis , a Prosopopoeja .

S Y N O P S I S.

Exord. **D**icit , non afferre se Christianorum querelas , qui detinentur in vinculis , ad propulsandam illatam perduellionis accusationem , ne eorum defensio minus ponderis habeat in propria caussa , sed accedere se hominem Ethnicum , Christianæ gentis Patronum . Tractabitur Exordium per Prosopopœjam & per Caussas ; inducentur enim loquentes Christiani , & criminatiois illatæ caussas a se amolientes .

Propositio. Dicet homo Ethnicus , non potuisse sibi temperare , quin eorum defensor accederet , quorum innocentiam noverat .

Confirmatio. Petetur a Repugnantibus , a quibus ostendet , alienos esse a perduellionis crimine . Et 1. quidem a Religione , quam Christiani profitentur ; quam definiet per Effectus , nimirum per leges & instituta , quibus constat tota , quæ contrarie pugnant cum illo crimine , cuius rei accusantur . Illa præcipit suis sectatoribus obsequium , amorem , reverentiam suos in Principes . 2. A Dissimili . Illi scelerata moveant suos in Principes arma , qui &c. 3. Ostendet Repugnantiam cum Christianorum moribus , qui dociles semper visi sunt , qui laudem pro contumelia , amorem pro odio &c. solent rependere . Tractabitur etiam hic Locus a Contrariis . 4. Id confirmabit a simili , revocando Christianorum memoriam , qui pro defensione suæ Religionis tam sæpe , tam multi mortem subierunt . 5. A Testimoniis . Appellabit omnium fidem , si autores aut participes turbarum , tumultus , aut seditionis , argui Christiani possint . Neronem ipsum testem appellabit . 6. Repugnat , ut Christiani sine armis , sine opibus , sine Ducibus quidquam ejusmodi moliti sint .

Concludet. Dehortando ab inferenda Christianis contumelia vel poena , & a frequentatione Consequentium

demonstrabit , quid metuendum habeat , si Christianos
innocentes perget ulterius persequi .

O R A T I O .

Non adductio tuum ad Tribunal , Princeps æquissime ,
unum aliquem infortunatis illis ex hominibus , quos in
vinculis habes , & cruentæ morti destinas , suam ut socio-
rumque sutorum peroret causam , & inustam toti Christiano-
rum genti accusationis labem depellat . Non queuntur
illi suis ex ergastulis , tuamque testantes æquitatem flebi-
liter clamant . (*Prostropopœja.*) Insontes nos sumus , ac
accusamur perperam , & nihil meriti umquam male per-
sumviri nefas damnamur . Nam quis est tam injustæ
criminationis artifex ? aut quibus vel argumentis , vel
testibus illa revincitur ? (*A Caussis.*) An egimus quid-
quam , quod perduellionis suspicionem moveat ? an fuit
nostris in moribus & vivendi consuetudine sceleris vel
umbra , quæ facere suspectam fidem possit ? Tam justa
Christianorum expostulatio , etsi valere potest apud æquis-
simum Principem , ad propulsandum iniquæ accusationis
probrum ; tamen ab iis profecta , quos utilitatis propriæ
& propensiæ in suos voluntatis ratio exstimulat , minus
habere ponderis sorte videatur . (*A Dissimili.*) At qui ,
studio contrariarum partium , & alienus semper a peregrinis
novæ sectæ opinionibus vixerit , is non aliis , quam solius
æQUITATIS rationibus impulsus ad dicendum pro Christiana
gente debet videri .

Liceat igitur mihi pauca dicere Christianorum in gra-
tiam , quos probe cum intelligam expertes esse prorsus il-
lius criminis , scujus in invidiam vocantur , non potui
mihi temperare , quin innocentia patronus ac defensor
accederem , & illatam contra fas omne perduellionis calu-
mniam amolirer .

(*A Repugnantibus.*) Ac primum quidem quam alienum
perduellionis crimen censeri debuit ab iis , qui Chri-
stiani nuncupantur , & Christum Religionis suæ Princi-
pem atque auctorem colunt ? Nam quid ille commendat
in primis ac præcipit suis sectatoribus ? quibus institutis
ac legibus nititur Religio tota , quam tradidit , & com-
munem omnibus pioque cultu servandam edixit ? Nihil
hæc occultum continet , nihil per ambages , aut cum fuso
loquitur . Palam est , & in ipsis Christianorum expressum
moribus , (*A Definitione per Effectu.*) quodcumque profite-
tur

tur ac prædicat. At illa, si nescis, fidelem ac nativam suis in Principibus Dei præpotentis imaginem agnoscit; singularem iisdem cultum ac reverentiam, sincerum amorem, devotissimum obsequium jubet exhiberi; pro iis tueris quodlibet adiri periculum, sanguinem ac vitam profundi imperat. An ergo nefaria legitinum in Principem consilia meditentur, quibus ipsa Religio præcipit, moderatores suos sinceris animorum studiis demererit?

(*A Dissimili.*) Illi, illi scelerata moveant in Imperatores arma, quos religio nulla retinet, quos una sollicitat ambitio, incendit avaritia, regnandi libido per omne flagitium rapit ac præcipitat: qui nullas leges agnoscunt, nullam dominationem reverentur, cum violari jus potest impune, neque ulla sceleris poena nocentes expectat. At qui expressam suis in Imperatoribus sui ipsorum Dei similitudinem venerantur, qui eosdem proprio capitis periculo totiusque effusione sanguinis, nisi Religionem suam abnegent, debent tueri; qui fortunas, dignitates, vitam nullo ponunt in loco: illi Neronis in caput, in salutem conjurent? Non cadit gentem in istam tam detestabile facinus, neque Christianorum instituta sceleris hujus vel umbram patiuntur.

(*A Simili.*) Nam quid simile auditum umquam de ipsis est? quis nefarias mollitiones, turbas, seditiones, tumultus exprobret? quam habuisse partem in variis civium nostrorum totiusque Italæ motibus arguuntur? Exsurgant illi, quotquot sunt Christiani nominis accusatores, & in ipsorum moribus vivendique consuetudine quid reprehendant, quod habere affinitatem cum perduellione videri possit. Nam quis eos perduelles putet, (*A Contrariis.*) aut ad ad inferendam injuriam comparatos, qui laudem pro contumelia, pro odio amorem, beneficia pro suppliciis, preces & vota pro cruenta morte rependunt? (*Ab exemplis.*) Patere, Princeps equissime, ut cum ea, quam debeo Imperatori meo, reverentia, ad tuum ipsius testimonium appellem. Nostri enimvero & tuis ipse usurasti oculis, quam dociles illi animos moderatoribus suis afferant, quam patientes in laboribus, quam constantes in cruciatis perferendis, quam parum cupidi retinenda vita, quoties Religionis caussa postulat, aut patriæ salus Imperatorumque iusta reposcunt.

Sed quid ego diutius immoror in ea confutanda calumnia, quæ in nullis nixa fundamentis ruit ex se se ac subvertitur? (*A Repugnantibus.*) Sit ita sane, uti accusatores

Rethores imperiti clamitant : hoc informare animo tam detestabile consilium Christiani potuerint ; habuerint illi coniunctandi in patriam & in Imperatorem ipsum voluntatem : quibus tandem rationibus meditatum scelus exequerentur ? quas illi copias , quos exercitus , quas facultates habent ? quibus se tueantur armis , quibus Ducibus in aciem procedant , quas urbes ad defensionem , quæ propugnacula nobis ostendet Christianorum paucitas ex plebeculae qui quilibet ac colluvie ferme congregata ?

Ah ! cave , Princeps æquissime , (*A Consequentibus.*) ne si gentem innoxiam persequeris ulterius , piæter commune odium nihil quidquam reportes ; & dum populi tuæque securitati videris adlaborare , non apud Romanos modo , sed etiam apud universum orbem crudelitatis ac sævitiae famam incurras .

L I B E R T E R T I U S.

D E F I G U R I S

SEU DE ELOCUTIONIS DIGNITATE.

Vertitur totum Artis Oratoriæ momentum in hoc Libro , qui de Figuris inscribitur . Cum enim Artis Oratoriæ seu potius Rhetoricae sit finis apte ornateque dicere ad persuadendum , nulla ratione perveniri securius potest ad propositum exitum , quam scientia & artificio Figurarum , aliorumque Orationis ornamentorum , in quibus tota dicendi vis ac majeblas posita est .

Figura porro apud Rethores nihil est aliud , quam Orationis ornatus , seu sermonis conformatio , a communi ratione dicendi remota : in quo differt a Tropo , qui Orationis ornatus est , per quem sensus alicujus verbi aut sententiæ proprius ad alium sensum deducitur .

Igitur Elocutionis ornamentum ac dignitas in Tropis & Figuris versatur & consistit : & quemadmodum sunt Figurarum quædam verborum , quædam sententiarum ; ita Tropi alii verborum , alii sententiarum nuncupantur .

CAPUT PRIMUM.

De Tropis, ac de iis primum qui in uno verbo positi sunt.

Quid est Tropus?

R. Est verbi vel Orationis a propria significatione ad aliam cum aliqua virtute ac dignitate Translatio. Hoc ipsa vox indicat. Tropus enim dicitur a verbo τρέπω, id est converto, sive immuto.

Quot sunt in uno verbo Troporum genera?

R. Septem vulgo recensentur: Metaphora, Synecdoche, Metonymia, Catachresis, Antonomasia, Onomatopœja, Metalepsis.

Quid est Metaphora?

R. Est translatio verbi a propria significatione ad aliam cum aliqua similitudine. Verbi gratia, cum quis dicitur incensus ira, inflammatus cupiditate, lapsus errore: sic & dicitur lumen Orationis, generis claritas, gloriæ leges, concionum procellæ, virtutum concentus: quæ omnia similitudinem habent aliquam cum iis rebus, a quibus denominantur.

Quis esse debet usus Metaphoræ?

R. Cavendum est, ne sit frequentior, ne inverecundus, ne apud Oratores tam audax, quam apud Poetas, ne Metaphora producatur nova, quæ auctorem bonum non habeat.

Quid est Synecdoche?

R. Est Tropus, in quo totum pro parte, vel pars prototo sumitur, vel ex antecedentibus consequentia intelliguntur. Ita totum pro parte sumpsit Virgilius, cum dixit, fontemque ignemque ferebant: hoc est, aquam e fonte, carbones ex igne decerpitos. Partem pro toto, cum pro navi puppim usurpat. Consequentia vero ex antecedentibus intelliguntur, ut si quis dicat, jam boves ab agricolis reducuntur domum, pro, nox adest.

Quid est Metonymia?

R. Est Tropus, qui causam per effecta, vel effecta per causam, vel id quod continet, pro eo quod continetur, vel rem e signo declarat: verbi gratia, *Dona laboratæ Cereris*, pro, frumentum in panem redactum, est exemplum Metonymiæ, quæ per causam effecta designat, quia Ceres inventrix frumenti dicitur. *Scelus & sacrilegium* deprehensum est, id est scelestus & sacrilegus: hic causa per effe-

Etā declaratur. Id vero quod continet, pro eo quod continentur, ut lectitare Platonem, pro, lectitare Platonis opera. Denique signum pro re signata sumitur, ut si quis bellum per arma, pacem per togam indicet.

Quid est Catachresis?

R. Est tropus, qui verbo simili aut propinquo, pro certo ac proprio utitur: v. g. cum Parricidam appellamus eum, qui matrem interfecit; quod ipsa vox Catachresis inquit, significat enim abutum quemdam.

Quid est Antonomasiū, sive Pronominatio?

R. Est Tropus, qui pro nomine ipso aliquid æquivalens nomini, aut etiam significantius, substituit: ut cum dicitur Eversor Carthaginis, pro Scipione; Asie domitor, pro Alexandro; Orator, pro Cicerone.

Quid est Onomatopœja?

R. Est fictio vocis ad rem significatam nativa aliqua sui soni similitudine accendentis, ut mugitus, boatus, sibilus, & similia.

Quid est Metalepsis, sive Transumptio?

R. est Tropus, quo ex alio ad aliud veluti per gradus ascenditur, ut cum dixit Virgilius, Post aliquot mea regna videns mirabor aristas: id est, post aliquot annos, nam ex aristis spicas, ex vegetibus æstates, & ex æstatibus annos intelligimus.

C A P U T II.

De Tropis qui in oratione, hoc est in pluribus verbis fiunt.

Quartus sunt Tropi in oratione, sive in pluribus verbis?

R. Quatuor. Allegoria, Periphrasis, Hyperbaton, Hyperbole, quibus addi potest Ironia.

Quid est Allegoria sive Inversio?

R. Est Tropus, quo aliud verbis, aliud sensu ostenditur, ut pro Milone num. 5. Evidem ceteras tempestates ac procellas in illis dumtaxat fluctibus concionum semper putavi Miloni esse subeundas. Ubi per tempestates ac procellas significat perturbationes ac tumultus, quibus Milo obnoxius fuerat.

Habes alia Allegoriz exempla apud Ciceronem pro Marcello, n. 4. in Pitonem, n. 20. pro Murena, n. 35. Illustris est etiam illa Allegoria, qua Horatius Rempublicam nova bella moliente, sub navis nomine, cui desunt omnia

omnia ad felicem navigationem , compellat , & ab hujusmodi consilio deterret , Lib. i. Ode 14. *O navis, referent in mare te novi fluctus, &c.*

Hæc porro Allegoria omnium est præstantissima , quæ similitudinis & translationis gratia permixta est . Talis est illa quæ legitur n. laudato 35. pro Murena . Quod fretum , quem Euripum tot motus tamque varias habere putatis fluctuum agitationes , quantas perturbationes , & quantos æstus habet ratio Comitiorum . Dies intermissus unus , aut nox interposita sepe perturbat omnia , & totam opinionem parva nonnumquam commutat aura rumoris . Ubi vides Comitia per similitudinem Freto & Euripo comparari ; dici perturbationes & æstus de Comitiorum strepitu ac negotiis per Allegoriam ; & rationem pro modo translatitie usurpari . Item pro Sextio n. 20. Allegoria insignis .

Observandum autem est in Allegoria , ut , quo genere cœperis translationem , eodem finias . Quis enim non improbet initium a tempestate sumptum , ruina vel incendio concludi ?

Quid est Periphrasis , seu Circumlocutio ?

R. Est Tropus , quo pluribus verbis dicitur quod potest paucioribus exprimi , ut sit oratio plenior & significantior .

Quid est Hyperbaton , seu transgressio ?

R. Est Tropus , quo in perpetua Orationis serie ordo verborum cum decore perturbatur , ut necum , pro cum me ; quibus de rebus , pro de quibus rebus .

Quid est Hyperbole ?

R. Est Tropus qui rem auget , vel minuit supra , vel infra veritatem . Supra veritatem quidem , ut pro Marcello , n. 4. Nullius tantum est fumen ingenii , nulla dicendi aut scribenai tanta vis tantaque copia , quæ , non dicam exornare , sed enarrare , C. Cæsar , res tuas gestas possit . Ibid. n. 11. Vereor , ut hoc , quod dicam , non perinde intelligi auditu possit , atque ego ipse cogitans sentio : ipsam victoriā vicisse videris , cum ea ita , quæ illa erat adepta , vicit remisisti . Alia sunt ejusdem Tropi exempla illustria pro Lege Manilia n. 28. Philip. 2. n. 67. Ver. 7. n. 144.

Exemplum vero Hyperboles quæ rem minuat infra veritatem , habes pro Roscio Coœdo , n. 20. ubi facete jocatur in Fannium Chæream . Oro atque obsecro vos , qui nostis , vitam inter se utriusque conferte ; qui non nostis , faciem utriusque considerate . Nonne ipsum caput & supercilia illa penitus abrasa olere malitiam & clamitare calliditatem

tatem videntur? Nonne ab imis' unguibus usque ad verticem summum, ex fraude, fallaciis, mendaciis constare totus videtur? qui idcirco capite & superciliis semper est rasis; ne ullum quidem pilum vivi boni babere dicatur? Item in Pisonem, n. 55. pro Flacco, n. 41.

Quid est Ironia?

R. Est Tropus, aliter Illusio vocatur, & sensum indicat contrarium iis verbis, ex quibus conflatur, ut si quis diceret, O pius, & mitem, ac gratum animum! de eo, qui hominem in se beneficum trucidasset.

Frequens est Cicero in Ironia, præsertim si jocari in aliquem mordacius voluerit.

Sic Verr. 6. n. 86. Erat hyems summa, tempestas perfrigida, imber maximus, cum iste imperat lictoribus, ut Sopatrum de porticu, in qua sedebat, præcipitem in forum dejetant. Vix erat hoc plane etiam imperatum, cum illum spoliatum stipatumque lictoribus videres. Omnes ideo putabant, ut miser atque innocens virgis cæderetur. Fefellit hæc homines opinio. Virgis iste cæderet sine causa socium Populi Romani atque amicum? non usque eo est improbus: & non omnia in eo uno sunt vitia: numquam fuit crudelis. Leniter hominem clementerque accepit. Quo in exemplo simulatio tota fit in singulis verbis a sua significatione in contrariam mutatis. Nam narrat postea Cicero, quam cruentum in morem Sopatrum illum Verres cruciasset.

Et pro Rabirio Perd. n. 13. T. Labienum irridet ironice, quod popularem se esse dixisset. Namque hæc tua, quæ te homines clementem popularemque delectant, I, lictor, colliga manus: quæ non modo hujus libertatis mansuetur: inisque non sunt, sed ne Romuli quidem, aut Numæ Pompilii: sed Tarquinii superbissimi atque crudelissimi Regis ista sunt cruciatus carmina; quæ tu, homo lenis ac popularis, libentissime commemoras, Caput obnubito, arbori infelici suspendito.

Item Catil. 2. n. 24. pro Lig. n. 1. in Pisonem n. 56. pro Mil. n. 20.

Observandum autem, Ironiam facile intelligi vel ex modo, quo pronunciatur, qui irrisione sonant, vel ex persona aut rei natura verbis, quæ proferuntur, contraria.

EXERCITATIO.

In purissimos Beatæ Virginis Conceptus.

Per Allegoriam, Hyperbole, & Ironiam.

S Y N O P S I S.

1. **S**ocios invitabit ad celebrandos sanctissimæ Virginis ortus purissimos. Laudemus enimvero, &c. Gratulemur Parenti amantissimæ, &c. Adjungeret definitiones aliquas allegoricas, easdemque Virgini honorificas.

2. Per Hyperbolam dicet, neminem esse, non hominem, non cælestem Ganium, non aliam quamlibet creaturam, quæ perfectiones animæ illius vel in ortu primo explicare possit. Solius esse Dei Patris qui Mariam in Filiam, Filii qui in Parentem Spiritus Sancti qui in Sponsam elegit, enarrare dotes illas, &c.

3. Per Ironiam junctam cum Allegoria quæret a Dæmonie, cur otiatetur, cum felicissima illa anima corpori conjuncta est? Quin tu Sidus illud obscurabas, &c.

4. Per aliam Ironiam extollest lenitatem accomitatem Dæmonis, qui non tantum Virgini pepercerit, sed ultiro etiam passus fuerit caput suum ab eadem conteri.

Concludet gratulando sibi & sociis, qui talem Parentem nasci sint.

ORATIO.

Laudemus enimvero, o socii, fortunatissimam illam post homines natos Virginem, quæ singulari omnipotentis Dei beneficio communis expers maculæ, pulcherrima tota, tota purissima exoritur. Gratulemur Parenti amantissimæ, quæ Deum aliquando nobis fratrem est editura. Recolamus horam illam, qua hæc anima e præpotentis Dei manibus, tamquam opus numeris omnibus & partibus absolutum, tamquam cælestis potentia ac sapientia specimen, prodiit. Hodie primum Sidus illud emicat, cuius splendissima luce orbis terrarum universus aliquando collustrabitur: (*Allegoria*) hoc illud lilyum est, cuius purissimum candorem nullus umquam nævus inquinavit: hoc illud speculum est, cuius nitorem tartarei serpentis halitus pestifer numquam infecit, inquinavit, afflavit.

Quam-

Quamquam quis a nobis assequi dicendo possit dotes ilias incontaminatae Virginis, quæ omni commendatione major est? (*Hyperbole*.) Quis, non hominum dico, sed beatarum etiam mentium explicet, quot & quantis ornata virtutibus in hoc primo vitæ limine resulserit? O Tu, summe rerum omnium Moderator Deus, qui illam tibi dilectissimam in filiam adoptaveras: Tu æqualis in omnibus Patri Fili Unigenite, qui reliquas inter feminas assumperas illam in Matrem: Tu, divine Spiritus, qui in Sponsam tibi carissimam Mariam elegeras: dicite, quam singulari perfectionum omnium comitatu destinatum vobis habitaculum adornastis.

Tu vero quid agebas interea, humani generis hostis infensissime? quid cessabas? quid otiabare? adeone refederant iræ veteres, & insatiabilis animi tui furor quieverat? (*Ironia, Allegoria*.) Quin tu Sidus illud lucidissimum, cum statim exortum est, spissa noctis illius, quam incolis, caligine obscurabas? Quin glaciem illam nitidissimam infecto pollutionis halitu maculabas? Quin fontem illum lippidissimum venenata impurissimi pectoris peste inficiebas? Quin in hortum illum amoenissimum omni florum genere fragrantem ac redolentem pro tua subtilitate irrepebas? Quin speciosissimum florem, pretiosissimum naturæ partum medias inter sentes ac spinas enatum atro pollice demetebas?

Sed quid in te pristini furoris vestigia requirimus? Admiremur potius indolem ad omnem humanitatem comparatam; extollamus comitatem incredibilem; (*Ironia*) lenitatem nullo umquam elogio satis prædicandam! Parum est, quod vel ad primum Virginis intactæ conspectum trepidaveris, quod sacratissimos ipsius ortus veneratus fueris, quod ab inferenda animæ ipsius labore temperaveris, nisi calcarci te totum ab eadem Virgine, nisi conteri caput tuum, agni instar mitissimi, impune permisisses. O patientiam admirabilem! O incredibilem modestiam! o raram in hoste tam jurato mansuetudinem!

Gratulemur igitur nobis tam felicibus natam auspiciis Parentem optimam; celebremus ortus ipsius purissimos, & primigeniæ tabis expertes; & nulla vox, aut lingua ab ipsius laudibus umquam conticescat.

ALIA EXERCITATIO.

Defenditur Adolescens accusatus in Areopago , quod Coturnicis oculos effodisset .

Per Ironiam , & Hyperbolam .

S Y N O P S I S .

Exordium & Propositio . Dicit ironice & hyperbolice , Novum crimen illatum fuisse Adolescenti qui accusetur , quod aviculae oculos effodisset .

Deinde Ironicam præferet sollicitudinem , incertus unde repetat Adolescentis miseri defensionem , nam crimen patet ; ipsa volucris æquitatem Judicum implorat , &c.

3. Refutabit ironice , quod adversarius dixerat , non tam petendam esse accusationis gravitatem ex ipso facto , quam ex malitia , quam facinus illud argueret : designari scilicet patranda olim ab eo Adolescentem gravissima quæque flagitia . 1. Extollit mitem Accusatoris animum , qui commissum in avicula piaculum ipsum excuset . 2. Exagitabit eumdem , quasi vidisset intimos Adolescentis sensus , ut malitiam , quam exprobrat , deprchenderet . 3. Per aliam Ironiam illudet adversario , qui certum de rebus olim eventuris ferre judicium videatur .

Conclusio Ironica . Dicit nihil esse reliquum Clienti suo , nisi ut misericordiam Judicum implore , quod omnium voice , si quid accusatori creditur , sit condemnatus .

O R A T I O .

Novum crimen , Judges , & ante hunc diem inauditum , (Ironia & Hyperbole) quod nulla legum severitas , nulla atrocitas suppliciorum , nullum satis grave mortis genus eluat umquam aut expiet , Adversarius meus , homo religiosus mirum in modum ac perspicax , ad vos detulit ; Adolescentem minime nialum oculos aviculae ludendo effodisse .

Quid agam , Judges , quo me vertam ? (Ironia) Res patet : negare factum nequeo ; habetis consitentem reum ; perdidit oculos nullo suo scelere infelix volucris , & veritatem omnium æquitatem implorat , vindicem manum repetit , dignum tanto parricidio supplicium efflagitat .

Quamquam fallor , levis vel ita culpa videri possit ,

inquit Adversarius , nisi perversitatem animi non ferendam in Adolescentे āqueret , nisi perpetrandis olim flagitiis majoribus viam sterneret . O mutatam bene Accusatoris indolem ! o placidum ultra quam sperare fas erat , & mitem animum ! Confide tandem , infelix Adolescens , & dubiis in rebus noli spem abjecere . (Ironia) Ecce cauſam agit tuam , qui te acrius accusabat ; & quem Adversarium feras , jam patronum experiris . Quod fecisti cumque , leve est , si quid accusatori creditur , nec meretur poenam . At te cordis tui perversitas quolibet suppicio dignum efficit , nec ducere ulterius vitam patitur . Morieris ergo , miserrime Juvenis : nam quis tutari te possit , aut vim accusationis ejusmodi deinceps elevet ?

Vidit enimvero , quasi oculis cerneret , & animi tui naturam atque indolem Accusator perspicax penetravit pro sua sagacitate , abditos quoſque peccoris tui recessus & implicatissimos ſinus resolvit . Tu malus eo judge atque arbitro , licet nihil umquam edideris , unde quis suspicari id possit . Frustra traducta tibi feliciter ad hunc usque diem adolescentia eſt : nihil eſt , quod probatam omnibus suavitatem indolis , morum continentiam , in tota vita consuetudine amabilitatem praetendas . Non te juvat , quod gratus parentibus , carus amicis , dilectus aequalibus habebaris . Vincit constans de te totius urbis judicium nova & insolens hominis unius opinio , qui ceteris oculatior vidit in te mala quædam improbitatis semina , quæ nemo ha- etenus deprehenderat .

Neque vero oculatus ille tantum , sed & peritus Augur , quod aliquando futurum eſt , certo percipit : habet hoc singularē Superum munus , ut , quæ ceteris mortalium latent , unus noverit atque intelligat . Jam objecas menti & quasi praesentes oculis intuetur cædes , rapinas , populationes , parricidia , aliaque id genus , ab Adolescentē misero committenda olim flagitia ; & multo ante fontis capite ple- etenda arbitratur .

Quid igitur superest , niſi ut , crimen ejusmodi cum excusari non possit , vestram misericordiam obtester , & quem Accusatoris voce , tamquam vestris omnium sententiis damnatum intelligo , in eumdem partem vestrae bonitatis aliquam derivare pertentem ?

C A P U T III.

De Figuris.

Quid est Figura?

R. Est conformatio quædam sermonis remota a communi & primum se offerente dicendi ratione.

Quotuplex est Figura?

R. Duplex: altera Verborum, altera Sententiarum.

Quid est Figura Verborum?

R. Est ornatus quidam in verbis ipsis positus, nimirum in eorum ordine, iteratione, & aliis id genus.

ARTICULUS PRIMUS.

De Figuris verborum, quæ Repetitione constat.

Quid est Repetitio, seu Anaphora?

R. Est Figura, quæ ab una eademque voce Oratio sæpius inchoatur: ut, Nihil agis, nihil moliris, nihil cogitas, quod ego non videam planeque sentiam. Pro Quintio, num. 82. Quid hæc amentia, quid hæc festinatio, quid hæc maturitas tanta significat? Non vim? non scelus? non latrocinium? non denique omnia potius, quam jus, quam officium, quam pudorem? Ibid. num. 51. & 52.

Vide & num. 21. Divinatione in Verrem. Pro Roscio Amerino, n. 13. Pro Lege Manilia, n. 40. in Rullum, 2. num. 9. 1. Catil. num. 1. Philippica 2. num. 19. Pro Milone n. 94. & 100.

Quid est Conversio, sive Epiphora?

R. Est Figura Repetitioni contraria, qua Oratio in eadem vote sæpe finitur. Sit exemplum illud Ciceronis Oratione in Vatinium, num. 37. Atque illud etiam audire a te cupio: quare, cum ego legem ex Senatus Consulto de ambitu tulerim, sine vi tulerim, salvis auspiciis tulerim, salva lege Ælia & Fusia tulerim, tu eam esse legem non putas?

Item & illud Philippica 2. num. 55. Doletis tres exercitus Populi Romani imperfectos? interfecit Antonius. Desideratis clarissimos Cives? eos quoque vobis evipuit Antonius. Auctoritas bujus Ordinis afflita est? affixit Antonius.

Quid est Complexio, seu Symploce?

R. Est Figura Repetitione simul & Conversione constans, ita ut ab eadem voce inchoetur Oratio, & eadem sæpius

finiatur. Celebre est illud exemplum Lib. 4. Auctoris ad Herennium, n. 18. Qui sunt, qui foedera s̄epe ruperunt? Carthaginenses. Qui sunt, qui crudele bellum in Italia gesserunt? Carthaginenses. Qui sunt, qui Italiam deformaverunt? Carthaginenses. Qui sunt, qui sibi postulant ignosci? Carthaginenses. Et Oratione pro Milone, n. 59. Sed quæstiones urgent Milonem, quæ sunt habitæ nunc in atrio Libertatis. Quibusnam de servis rogas? de P. Clodii. Quis eos postulavit? Appius. Quis produxit? Appius. Unde? ab Appio.

Quid est Træductio?

R. Est Figura, quæ facit, ut cum idem verbum crebrius ponatur, non modo non offendat animum, sed etiam concinniores Orationem reddat. Lib. 4. ad Herennium, num. 19. Qui nihil habet in vita jucundius vita, is cum virtute non potest vitam colere.

Ibid. Eum tu hominem appellas, qui si fuisset homo, numquam hominis vitam tam crudeliter petuisset. At erat inimicus. Ergo inimicum sic ulcisci voluit, ut ipse sibi reperiretur inimicus?

Ibid. Divitias sine divitum esse: tu vero virtutem prefer divitiis. Nam si voles divitias cum virtute comparare, vix satis idoneæ tibi divitiae videbuntur, quæ virtutis pedis sequæ sint.

Ex eodem genere exornationis est, cum idem verbum in diversa significatione ponitur. Ibid. num. 19. Cur eam rem tam studiose curas, quæ multas tibi dabit curas?

Item. Amari jucundum est, si curetur, ne quid insat amari.

Quid est Conduplicatio?

R. Est Figura, qua idem verbum geminatur, ut Catil. 1. n. 4. Vivis, & vivis non ad deponendam, sed ad confirmandam audaciam.

Interdum verba repetuntur in fine sententiarum, quæ posita fuerant initio. Pro Sextio, n. 6. Ademit Albino sacerdotem mors filie; sed caritatem illius necessitudinis & benevolentiam non ademit.

Item pro Marcello, n. 17. Vidimus tuam victoriam, priorum exitu terminatam: gladium vagina in urbe vacuum non vidimus.

Item pro Milone, num. 95. Philippica 2. num. 88.

Quid est Gradatio, seu Incrementum, sive Climax?

R. Est Figura, in qua Oratio per certos gradus ad aliquid summum & ultimum veluti ascendit, aut ad aliiquid infimum descendit. Ita pro Roscio Amerino, n. 75.

In urbe luxuriae creatur, ex luxuria existat avaritia neceſſe est, ex avaritia erumpat audacia, inde omnia scelera ac malificia gignuntur.

Et pro Quintio, num. 93. Miserum est exturbari fortunis omnibus; miseriū est, injuria: acerbum est ab aliquo circumveniri; acerbius, a propinquō: calamitosum est bonis reverti; calamitosius, cum dedecore: funestum est jugulari a forti & honesto viro; funestius, ab eo cuius vox in praeconio quæſtu prostitit: indignum est a pari vinci; indignius, ab inferiore atque humiliore: luctuosum est tradi alteri cum bonis; luctuosius, inimico: horribile est cauſam capitis dicere; horribilius, priore loco dicere.

Et Verrina 7. num. 75. & 169. Pro Milone, n. 61. Pro Archia, num. 4. Pro Sextio, n. 32.

Quid est in Figuris istis præcipue cāvendum?

R. 1. Ne sæpius adhibeantur. 2. Ne assūmantur illæ, quæ frequentiori usu viluerunt. 3. Ne per vim intrudantur. Hinc Quintilianus Lib. 9. cap. 3. notat, Figuras illas, et si non parum venustatis habent, quia tamen affectatam artem & apertam nimis continent, rarius usurpari a magnis Scriptoribus, nec fere nisi res ipsas successionem habere & certos gradus, cujus rei hoc profert exemplum. Africano, inquit, virtutem industria, virtus gloriam, gloria æmulos imparavit.

E X E R C I T A T I O.

Defenditur Diogenes, qui media luce hominem Athenis quæreret accensa face.

Per Repetitionem, Conversionem & Complexionem.

S Y N O P S I S.

Exord. Dicit, plenum sapientia fuisse facinus illud Diogenis, quod ineptum plurimis ac ridiculum visum est.

Propositio. Dicet, vel in populosa civitate paucos extitisse, qui nuncupari vere homines possent.

Confirmatio. 1. Per Repetitionem dicet, non meruisse illos appellari homines, qui ambitioni, qui avaritiæ, qui voluptatibus unice servirent, & unius curandi corporis solliciti animam negligenter.

2. Solos illos esse homines, qui rationem ducem sequent-

rentur. Quod tractabit per Complexionem: Age, quid facit hominem? Ratio, &c.

Contentio. Per Conversionem. Da mihi aliquem, qui nihil agat, nihil loquatur, nihil meditetur, nisi ex praescripto rationis, & illum hominem reputabit. Diogenes.

Conclusio. Oh si revivisceret Diogenes, an multos in hac ampla civitate homines inveniret?

O R A T I O.

Etsi vita est illa plurimis ridicula Philosophi insanientis ostentatio, quod Athenis ipsa luce meridiana accensam faciem circumferens hominem Diogenes quereret; tamen qui caussas facti illius rationeque scrutari penitus voluerit, is summano in eo consilio sapientiam cogetur admirari.

Enimvero quot putatis vel in ampla illa ac populosa civitate extitisse, quos homines esse vere dices, & tam honorifica appellatione merito nuncupandos arbitrareris?

An erant homines illi, talesve merebantur appellari, quibus numquam erat satis, quod habebant. sed cumulandis quotidie novis opibus inharent? (*Repetitio*) An erant homines illi, qui inani gloriola cujusdam accensi sumo, nihil praeter fragiles titulos & ambitiosa honorum insignia quererent ac venarentur? An erant homines illi, qui milibus inescati deliciarum illecebris voluptatem unam in pretio ponerent? An erant homines illi, qui in curanda fovendaque cuticula, & in iis quae ad corpus pertinent, vigiles & attenti, unius animae bona; decorum, ornatumque negligerent? Denique an homines erant illi, qui fraudibus, insidiis, cædibus fese mutuo peterent, & ad suam ipsi ruinam exitiumque incumbenterent?

(*Conduplicatio*.) Age, te ipsum compello, age, qui Diogenem accusas, & in ipsum, tamquam parum sanæ mentis hominem, insurgis. Dic mihi, quælo, quid facit hominem, aut eo dignum reddit nomine? Opinor, Ratio.

(*Complexio*.) Quid tantum ipsi pretium, tantam supra res omnes creatas excellentiae prærogativam arrogat? Ratio.

Quid eum discernit a belluis, mutisque pecoribus segregat? Ratio. Quid inter homines ipfos tantam affert vim discriminis, ut alii habeantur in pretio, alii contempti jaceant? Ratio.

Et tu homines appellabis, aut etiam efferes insolentius, quorum in moribus vix ullum rationis vestigium agnoscas? qui rationem bene monentem & ad saniora inflecten-

flectentem audire non sustineant? qui pravis cupiditatibus obsequi, quam rectæ rationi obtemperare malint?

Da, da, mihi quempiam, qui meditetur nihil, nisi quod rationi sit consentaneum: (*Conversio*) & illum reputabit hominem Diogenes. Cedo aliquem qui nihil loquatur, nisi quod ratio ipsa dictaret: & illum ultro volensque fatebitur hominem Diogenes. Prodeat unus aliquis e tanta multitudine, qui nihil agendum sibi putet, nisi quod ad rectæ rationis normam ac regulam fuerit exatum: nec dubitabit illum agnoscere hominem, atque ut talem venerari Diogenes.

Oh si revivisceret hodie sapientissimus ille Philosophus, & civitatem istam, tam amplam, tam confertam, lustraret circumcursans! credis, tot inter homines, qui non modo gloriosum istud nomen usurpant, sed quidpiam sibi præter vulgarem hominum fortem arrogant insolentius, credis inveniendos ab eo plurimos, quos homines appellaret?

ALIA EXERCITATIO.

In Brutum Cæsar is interfectorum.

Per Repetitionem, Conversionem, Complexionem,
& Gradationem.

S T N O P S I S.

1. **D**icit, mirum esse, quod Brutus ad occidendum Cæsarem adduci potuerit.

2. Per Repetitionem. Nihil erat ergo, Brute, quod a tanto scelere te averteret? ad imitationem Ciceronis Catil. 1. num. 21.

3. Per Conversionem dicet, Brutum fuisse caussam malorum omnium, quæ Cæsaris necem consecuta sunt.

4. Per Complexionem. Tamen, quod mirum est, Brutus sibi ignosci postulat, & affectat nomen Liberatoris patriæ.

Conclusio. Per Gradationem. Quis ergo Brutum non sceleratum modo, sed &c. appellat? Nam si facinus est Civem Romanum interficere; scelus innocentem trucidare, &c.

O R A T I O.

Quamquam ea est sceleris omnis funesta quædam &
F 4 num-

numquam pene evitanda conditio , ut eos , qui flagitio-
sum quidpiam meditantur , cæcos statim efficiat : mirum
est tamen eo cæcitatis atque dementiae venire Brutum po-
tuiste , ut Cæsarem inaudito hactenus & novo crudelitatis
genere interficeret .

At unde tanta animi ferocitas ? Unde in humano pecto-
re tam implacabilis furor exarsit ? (Repetitio) Ergo ni-
hil erat , o Brute , nihil quod te ab immani facinore re-
vocaret ? Nihil loci sanctitas , nihil majestas Principis ,
nihil oris vultusque dignitas , nihil beneficiorum memoria ,
nihil paternæ cuiusdam benevolentiae vis , nihil orbitas
Reipublicæ , & in tanti viri fato jam jam interituræ com-
miseratio moverunt ?

Nam quem alium , Patres conscripti , malorum illorum ,
quaæ jam patimur , auctorem , nisi M. Brutum appellabimus ?
(Conversio) Doletis extinctas Cæsaris victoria Civilis Bel-
li faces fuisse denuo fuscitatas ? fuscitavit M. Brutus . De-
fideratis expulsam urbe nostrisque finibus tranquillitatem
ac pacem ? expulit M. Brutus . Expostulatis sublatas armo-
rum licentia leges , violatam Senatus auctoritatem , liber-
tatem Reipublicæ gravissimo vulnere sauciata ? sustulit ,
violavit , sauciavit M. Brutus .

(Complexio) Et tamen post tot ac tanta scelerie in uno
commissa flagitia , quis facti conscientia superbit : M. Bru-
tus . Quis amissam libertatem in pristinum decus restituisse
gloriatur ? M. Brutus . Quis miseris ac perditis civibus in-
sultat ? M. Brutus .

Quis ergo , M. Brute , non sceleratum te solum , sed im-
pium : neque impium modo , sed etiam parricidam : (Gra-
datio) neque parricidam tantum , sed etiam totius Reipu-
blicæ interfectorum non appelleat ? Nam si facinus est , Ro-
manum Civem etiam nefarium occidere ; scelus , innocen-
tem trucidare ; parricidium , optimum Principem de medio
tollere : quid dicemus , Patrem Patriæ totiusque Imperii
Romani columen ac præsidium sustulisse ?

ARTICULUS II.

De Verborum Figuris , quæ constant similitudine .

Quot sunt Figuræ verborum , quæ constant similitudine ?
R. Quatuor . Compar five Isocolon , Similiter Cadens ,
Similiter Desinens , Annominatio .

Quid est Compar , seu Isocolon ?

R. Est

R. Est Figura, in qua ponuntur Membra sive Commata simillimæ magnitudinis: v. gr. Pro Lege Manilia, n. 35. Tantum bellum, tani diuturnum, tam longe lateque dispersum, Cn. Pompejus exente hyeme apparavit, ineunte vere suscepit, extrema æstate confecit.

Sic & pro Sylla, n. 14. Multum hæc vox deberet valere ejus boniis, qui Consul insidias Reipublice consilio investigasset, veritate aperuisset, magnitudine animi vindicasset.

Item in Vat. num. 5. Philippica 5. num. 44.

Quid est Similiter Cadens, sive Homœoptoton?

R. Est Figura, qua iidem casus sæpe in fine Commatis, aut sententiæ, ponuntur: v. g. Pro Roscio Amerino, n. 27. Quid tam commune, quam spiritus vivis, terra mortuis, mare fluctuantibus, littus effectis? Ubi vides tria nomina in dandi casu posita.

Item pro Marcello, n. 5. Soleo sæpe ante oculos ponere, idemque libenter crebris usurpare sermonibus, omnes nostrorum Imperatorum, omnes exterarum gentium potentissimorumque populorum, omnes clarissimorum Regum res gestas, cum suis, nec contentionum magnitudine, nec numero præliorum, nec varietate regionum, nec celeritate conficiendi, nec dissimilitudine bellorum posse conferri.

Item pro Cæcina, n. 1.

Quid est Similiter Desinens?

R. Est Figura, qua duæ vel plures sententiæ, seu Orationis membra, simili terminationis modo finiuntur. Cicero pro Lege Manilia, n. 48. Itaque non sum prædicaturus, quantas res ille domi militæque, terra marique, quantaque felicitate gesserit, ut ejus voluntatibus non modo cives semper assenserint, socii obtemperarint, hostes obedierint, sed etiam venti tempestatesque obsecundarint.

Et Verrina 3. num. 9. Quis hoc non perspicit, præclare nobiscum actum iri, si Populus Romanus istius unius supplicio contentus erit; ac non sic statuerit, non istum maius in se seclusus concepisse, cum fana spoliarit, cum tot homines innocentes necarit, cum cives Romanos morte, cruciatu, cruce affecerit, cum prædonum duces accepta pecunia dimiserit; quam eos, si qui istum tot, tantis, tam nefariis sceleribus coopertum, jurati sententia sua liberarint?

Et pro Milone, n. 85.

Quid est Paronomasia, sive Annominatio?

R. Est similitudo verborum in sententia dissimili, ut Philippica 3. num. 11. En cur Magister ejus ex Oratore Arator factus est.

Et de Haruspicum responsis , n. 6. Non modo vincere,
sed vincire oporteret .

Alia habes Exempla Catil. i. num. 93. pro Rabirio Perd.
num. 72. in Verrem , num. 5.

E X E R C I T A T I O .

Augustissimum JESU nomen celebratur .

Ter Paronomasiam , Isocolon , Similiter Cadens , &
Similiter Desinens .

S Y N O P S I S .

1. **E** Levabit ac deprimet Imperatorum illorum vanitatem
& ambitionem , qui non tam a beneficiis , quam a
maleficiis sibi nomen quæsierunt . Idque tractabit per Pa-
ronomasiam .

2. Hoc ipsum probabit exemplo Romanorum , quorum
alius Achaicus , aliis Macedonicus , aliis Asiaticus , ob
expugnatam Achajam , Macedoniam , Asiam , appellati sunt:
idque tractabit per Similiter Cadens : & aliorum qui no-
men habuere , quod eversionem , depopulationem , vastatio-
nem intulissent .

3. Dicet , Nomen JESU nihil præferre præter boni-
tatem , beneficentiam , salutem , felicitatem : idque tracta-
bit per Isocolon .

4. Id confirmabit recensendo mirabiles effectus , qui ex
Nomine JESU oriuntur . In Cælo Deum placat , misericordiam
conciliat , &c. In terris morbos pellit , vetustatem
tollit , &c. In Inferis hostem humani generis coercet , &c.
Id porro tractabit per Similiter Desinens .

Conclusio. Quid ergo tam dulci ac benefico Nomine no-
bis debet esse carum & acceptum magis ?

O R A T I O .

(*Paronomasia*) Valeant enimvero , valeant ambitiosum
homines genus , qui non tam a rebus gestis , quam a per-
ditis ac profligatis , non tam a beneficiis , quam a malefi-
ciis nominari se volunt ; quibus cæsi exercitus , deletæ ci-
vitates , direptæ Provinciæ , extinctæque gentes ac nations
nomen imponunt ; quos feritatis potius atque injuria ,
quam fortitudinis & munificentia monumenta nominant .

Est

Est scilicet, qui, quod evertislet Græciam, sit ex eo appellatus Achaicus: (*Similiter Cadens*) est, qui devicta Macedonia, magnam cladem genti Macedonum cum attulisset, dictus est Macedonicus: est, qui a Senatu Populoque Romano, quod partem orbis tertiam vastasset bello ac perdidisset, vocatus sit Asiaticus: est, qui, eversa ferro armisque Numidia, sit nuncupatus Numidicus.

Nam quid sexcentos appellem alios aliis nominatos vocabulis, (*Similiter Cadens*) quia urbibus excisionem, agris inflammationem, Provinciis eversionem, populis desolationem, publicis ac sacrис locis populationem intulissent; non in venia danda, aut in gratia miserorum & innocentium ineunda probatum ac liberalem animum demonstrassent:

At JESU Nomen ambitiosis illis nominibus quam dissimile est! Quid enim aliud, nisi meram sine cuiusquam damno præsefert beneficiandi voluntatem? (*Iſocolon*) Quid aliud loquitur, nisi communem sine ulla exceptione salutem? Quid aliud clamat, nisi perpetuam, id est immortalis animi felicitatem? Externum idemque non mediocre bonum tribuere alteri, liberalitas est; vitam dare, multo plus aliquid, quam magnificentia; diutissime propagare vitam, & ipsam vitæ immortalitatem conferre, quo id tandem, nisi nomine, optime JESU, tuo appellabimus? Fruere igitur tandem Nomine, sine ullius invidia, quod tu tibi sine ullius injuria ascrivisti; retinē cum omnium gratulatione, quod ad omnium salutem accepisti; maxima gloria tua posside, quod maximis rebus gestis peperisti,

Agite enim, quantam putatis vim esse atque efficientiam illius nominis, cuius pulcherrimis & uberrimis fructibus nulla pars orbis universi vacua videatur? Quid in altissimo Dei domicilio non molitur? Iratuni humano generi Numen placat; divinam benignitatem atque misericordiam conciliat, lætissimos beneficiorum omnis generis fontes in nos derivat. (*Similiter Desinens*) Quid nos perficit in terris? Hujus nominis auditione freta fides subsistit, erecta spes augescit, amor instigatus ad omne erga Deum atque homines officiorum genus exardescit. Mentis vero caligo plerumque hujus cogitatione nominis nonne discutitur? ægritudines nonne sedantur? gestientes deliciae indomitæque libidines nonne tamquam fræno cohibentur? Quid loquar nunc, ut ore tantum prolatum nomen infestos humano generi adversarios, & ad nostrum interitum animorumque perniciem ex Inferis imminentes, propulsat; ut cunctas fraudes conatusque refutet, ut audaces debilitet,

tet, ut omni jam suppicio maceratos de integro excruciet?

Nos ergo jucundius aliquid, quam Jesu nomen audiemus? frequentius aliquid, quam hoc nomen loquemur? libentius aliquid, quam hoc nomen scribemus? Habitetur in oculis, hæreat in medullis atque visceribus, vivat atque spiret inustum cordi: ut nos ante vita ac spiritus, quam nominis tanti grata recordatio deficiat.

ALIA EXERCITATIO.

Per easdem Figuras.

Burri ad Neronem Oratio, ut a Britannici cede abstineat.

S T R N O P S I S.

Exordium & *Propositio*. Dicet temperare sibi non posse, quin vel cum periculo capitinis Neronem dehortetur a tam perniciose exitialique Consilio.

Confirmatio. Petetur 1. a funestissimis illius parricidii effectibus, quod Populus Romanus, Exteri, Superi ipsi, quibus acceptissimus erat Britannicus, execrabuntur: idque per Isocolon tractabitur.

2. Ab ea fama, quam sibi Nero virtutibus suis pepererat, quas facinus ejusmodi non possit non obscurare. Tractabitur illud per Similiter Cadens.

Rationem illam illustrabit demonstratione publica, quam suæ in Neronem benevolentia Populus Romanus dederat: idque amplificabit per Similiter Desinens.

Concludet. Hortando Neronem, ut potius redeat in gratiam cum Britannico, ipsique amice reconcilietur.

O R A T I O.

Etsi detestandum illud, quod iniisti de Britannico interficiendo consilium, non possum palam incusare, quin gravissimum ipse capitinis periculum adire videar, Imperator fortissime; tamen ita me dies noctesque stimulat incredibile, quo semper exarsi, gloriæ tuae studium, ut tantam inuri nomini tuo labem segnis ac lentus non feram.

Enimvero liceat mihi, cum ea quæ debetur tanto Principi, reverentia sciscitari: at cogitasti satis apud te facinoris illud genus, quod moliris? An perpendisti tecum di-

ligenter, eam ahærescere inaudito haec tenus parricidio atrocitatem, quam universus Populus Romanus perhorrescat, (*Isocolon*) exteræ gentes detestentur, ipsi Superi impunitum non sinant? Prævidisti Britannicum extingui a te non posse, quin præcipuum sibi decus eripi nobilitas doleat, suo se privari præsidio exercitus expostulet, tota civitas dulcissimos adimi sibi amores conqueratur?

Ten' vero, Princeps fortissime, quem vetus & implacabile (*Similiter Cadens*) Juvenis innocentissimi odium incendit, ten' partæ tot rebus præclare gestis gloriæ jam piget? tantum ne te cepit laudum tuarum fastidium, ut tuam extolli probitatem, prædicari palam humanitatem, uno omnium ore jaætari pietatem non patiaris?

An ulla poscit esse tibi vox suavior, an jucundior auribus concentus umquam accidat, quam cum imis pariter gratus ac summis, quo te ageres cumque, medios inter exultantium populorum plautus incederes? cum virtutum tuarum fama omnium in te oculos, gratiam, admirationem concitares? (*Similiter Desinens*) cum sublatus honoris caussa comitantium humeris, quasi parta de singulorum animis atque voluntatibus victoria triumphares? cum suum te miseri subsidium, affliti solatium, perditæ refugium appallarent? cum te ostentare fenes, jaætare juvenes, prædicare universi ordines properantibus studiis certarent? cum te semel viso, te compellato, te laudato, felices se omnes beatoque existimarent?

Ah! ne, Princeps fortissime, tam lætam rerum tuarum segetem unius facinoris labi contamines ac corrumpas! placare potius Britannico fratri: vincat veteres inimicitias concordia, simultates amor superet, odio jampridem insito constans ac perennis benevolentia succedat.

ARTICULUS III.

De Figuris verborum, quæ aliquo confictu constant.

Quid est Antitheton, seu Antithesis, ut est Figura verborum?

R. Est Figura, qua verba verbis opponuntur, ut Ver. 6. n. 115. Conferte hanc pacem, cum isto bello; bujus Prætoris adventum, cum illius Imperatoris victoria; hujus cobortem impuram, cum illius exercitu invicto. Item Orat. pro Milone n. 10. Est enim hoc non scripta, sed nota lex: quam non didicimus, accepimus, legimus; verum ex natura ipsa arripuimus,

hausimus, expressimus; ad quam non docti, sed facili: non instituti, sed imibuti sumus.

Sunt & alia hujus Figuræ exempla illustria, Ver. 6. n. 121. Cat. 2. n. 19. ib. n. 25. Ex hac parte pudor pugnat, illinc petulantia; binc pudicitia, illinc stuprum; binc honestas, illinc turpitudo; &c. Phil. 8. num. 12. 3. Ver. num. 3. Pro Font. n. 22.

Et alia Figura huic pene similis, quæ Antithesis dicitur, & inter Figuras sententiarum reponitur, quæ in sententiarum oppositione posita est: sed de illa suo loco tractabitur.

Quid est Antimetabasis seu Antimetabole?

R. Est Figura, in qua procurrit sententiæ contrarietas cum transpositione verborum. Ita Cicero Lib. 3. de Legibus, n. 2. dicit: *Magistratum esse Legem loquentem, Legem autem mutum Magistratum.*

Et pro Quintio, num. 51. *Mavuli conimemorari de se, cum posset perdere, pepercisse; quam cum parcere potuisset, perdidisse.*

Quid est Synæcrosis?

R. Est Figura, qua res eadem contrariis rebus tribuitur: ut, *Pessima res est, & nimia servitus, & nimia libertas.*

Quid est Oxymoron?

R. Est Figura, qua idem de seipso negatur, ut fatue dictum videatur illud, quod postea dictum acute cognoscitur. Ita Cicero Lib. de Amic. num. 23. ita de amicis loquitur: *Amici & absentes adsunt, & egentes abundant, & imbecilles valent, & mortui vivunt.*

Simile est ejusdem de Sicilia testimonium, postquam illam expilasset Verres. *Sic erat deformis atque horrens ager Siculus, ut in ipsa Sicilia Siciliam quæremus.*

Luculentum & illud Figuræ illius exemplum, quod Epigrammate concluditur, in veteres urbis Romanæ ruinas. Qui veterem in veteri quæris novus advena Romam,

Et Romæ in Roma nil reperis media?

Afpice murorum moles disjectaque saxa,

Obrutaque ingenti vasta Theatra situ.

Hæc sunt Roma: viden' velut ipsa cadavera tantæ

Molis, adhuc spirent imperiosa minas!

Vicit ut hæc mundum, voluit se vincere: vicit:

A se non viëtum ne quid in orbe foret.

Albula Romani permanxit nominis index,

Quique etiam rapidis fertur in æquor aquis.

Disce hinc quid possit fortuna: immota labascunt,

Et quæ perpetuo sunt agitata, manent.

EXERCITATIO.

*Philippi Macedonis & Alexandri Magni natura disposita atque
indoles demonstrat, non reperiri semper in indole,
quæ in sanguine est, similitudinem.*

Per Antitheta.

SYNOPSIS.

Exord. **D**icitur, mirandum non esse, si parentibus similes
liberi procreantur propter sanguinis communio-

Propositio. Id porro videri mirum posse, si nullam habeant
liberi cum parentibus similitudinem. Addet, non esse illud
tam infrequens, ut illustribus exemplis demonstrari non possit.

Confirmatio. Petetur ab exemplo Philippi Macedonis & Ale-
xandri Magni, qui non in virtutibus modo, sed etiam in
vitiis dissimiles extitere: quod Antithetis variis illustrabitur.

Conclusio. Adeo vel in ipsa sanguinis communione dispa-
ritas indolis reperitur.

ORATIO.

Cum nihil est ad efficiendam in moribus atque indole
similitudinem potentius, quam ejusdem sanguinis communio,
& ipsa natura pares amat in eis dotes contemplari,
quos paribus, ut sic loquar, coementis confinxerit; tum
certe nemo est, cui mirum videri debeat, si liberi paren-
tibus plerumque similes procreentur.

Verum, si quando talis e parentum sinu soboles prodeat,
ut non modo nullam habeat cum progenitoribus suis similitu-
dinem, sed oppositos etiam affectus & contrarias voluntatum
inclinationes præferat; tunc oriri jure possit admiratio
non levis, & latentes tanti discriminis causæ curiosius inquiri.

Tamen etsi contra rerum naturam illud accidat, ne-
que legitima satis subjici ratio videatur illius, quæ libe-
ros inter & parentes cernit, discrepantia; non est illud
nihilominus tam infrequens, ut illustribus exemplis demon-
strari non possit.

Testis mihi sit unus inter ceteros Magnus Alexander,
qui Philippo parente procreatus, & ab eodem adeptus Im-
perium Macedonum, ita vixit, ita regnavit, ut tam in
vir-

virtutibus, quam in vitiis, nihil paternæ indolis aut naturæ accepisse videretur.

Fuit enimvero utriusque vincendi ratio diversa; Philippus clam & arte, Alexander aperto Marte bella tractabat. Deceptis ille gaudere hostibus, hic palam fuis. Prudentior ille consilio, hic animo illustrior. Irām pater dissimulare, plerumque etiam vincere; filius ubi exarsisset, nec dilatio ultionis, nec modus erat. (*Antitheta*) Vini nimis uterque cupidus, sed ebrietatis diversa vitia. Philippo mos erat etiam de convivio in hostem procurrere, manum conserere, periculis se offerre; Alexander non in hostes, sed in suos fæviebat. Illum saepe vulneratum prælia remiserunt; hic amicorum intersector convivio frequenter excelsit. Regnare ille cum amicis volebat, hic in amicos regna exercebat. Amari pater malle, filius metui. Literarum cultus utriusque similis. Majoris ille solertiæ, hic fidei. Verbis atque oratione Philippus, Alexander rebus moderatior; parcendi victis, filio animus & promptior & honestior. Frugalitati pater, luxuriæ filius magis deditus erat. Denique orbis Imperii fundamenta Philippus, operis totius gloriam Alexander consummavit.

Adeo vel ex ipsa sanguinis communione magna interdum indolis ac morum disparitas exsurgit?

ALIA EXERCITATIO.

Christians Heroas profanis Heroibus prestare.

Per Antitheta.

S Y N O P S I S.

Exord. & Prop. **D**icitur, nihil habere heroicam fortitudinem, quod cum Christiana virtute comparari possit.

Confirmatio. Petetur ex comparatione rerum a profanis Heroibus gestarum in adeundis periculis, aut debellandis hostibus, cum constantia Christianorum Martyrum in ferendis patienter tormentis, vincendisque Tyrannorum furoribus: quod Antithetis illustrabitur.

Concludet. Dicendo, ne illos quidem fortes esse appellandas, qui se cupiditatibus vinci ac superari passi fuerint.

O R A T I O .

Etsi multa legimus ab Heroibus profanis edita fortitudinis exempla, quæ consequentium deinde ætatum laudem atque admirationem meruerunt; hæc tamen, quantacumque sunt, aut æstimare, aut etiam mirari desinent, quisquis illa voluerit cum invicta Christianorum Heroum constantia comparare.

(*Antitheta.*) Prodeant enimvero quotquot olim animi magnitudine conspicui, aut præclaris facinoribus illustres extitere, suasque viتورias cum Martyrum nostrorum triumphis conferant. Illi dubiis, incertisque periculis, isti certis, apertisque doloribus caput devovebant. Illi hostes quidem ferocissimos, sed freti sociorum auxiliis, sed muniti armis aggrediebantur. Isti soli atque inermes Tyrannis crudelissimis dilaniandos sese permittebant. Illi conquiescebant identidem a laboribus, & beatæ pacis otio fruebantur. Isti ad extremum usque spiritum trajectam gravissimis ærumnis vitam perferebant. Illi evertendas arcas, urbes excidendas, vastandas Provincias; isti frangendas cupiditates, vincendum animum, mortem ipsam superandam sibi proponebant. Illi arcano quadam superbie fastu stimulati; isti solius divini amoris studio incensi. Illi ut sibi apud posteros fortis animi famam comparent; isti ut Deo Superisque gratiosi haberentur.

Eat ergo nunc ostentatrix fui vetus Roma, & Heroas suos cum nostris conferat, aut etiam fortes appellandos putet, qui timidi plerumque, qui desides & ignavi nihil veræ sinceræque virtutis retinebant, qui cum hostes vincenter, seipso vincere minime sustinebant. Illi, illi fortes soli & tam glorioso nuncupandi nomine, qui nullis cruciatibus corporis, nullo vel exsilio vel mortis metu, nullis crudelissimorum Tyrannorum furoribus a suscepta semel Christi fide deterreri potuerunt.

A R T I C U L U S IV.*De reliquis verborum Figuris.*

Quid est Adjunctio, sive Zeugma?

R. Est Figura, qua ad unum verbum, seu primum, seu medium, seu postremum, plures sententiæ referuntur. Cicero Lib. de Oratore ad Brutum. Quid

tam commune, quam spiritus vivis, terra mortuis, mare fluctuantibus, littus ejclis? Ubi vox illa commune, multis vocibus inservit, ad quam illæ referuntur. Item pro Lege Manilia, n. 40. Sed næ res, quæ ceteros remorari solent, non retardarunt: non avaritia ab instituto cursu ad prædam aliquam d. vocavit, non libido ad voluptatem, non amœnitas a. dilectionem, non nobilitas urbis ad cognitionem, non unica labor ipse ad quietem. Ubi multa vocabula ad unum idemque verbum, devocavit, referuntur. Pro Quintio, n. 15. Vicit pudorem libido, timorem audacia, rationem amentia.

Et Orat. pro Marcello, n. 7. Nihil sibi ex ista laude Centurio, nihil Praefectus, nihil Cohors, nihil turma decerpit.

Quid est Disjunctio?

R. Est Figura Adiunctioni contraria, qua unicuique Orationis membro suum verbum apponitur, cum unum toti Orationi possit sufficere. Ita Cicero pro Archia, n. 26. *Hæc studia adolescentiam alunt, senectuem oblectant, secundas res ornant, adversis perfugium ac solatium præbent, delectant domi, non impediunt foris, pernoctant nobiscum, peregrinantur, rusticantur.*

Ibidem n. 19. Homerum Colophonii suum esse civem dicunt, Chii suum vindicant, Salaminii repetunt, Smyrnæi vero suum esse confirmant.

Quid est Distributio?

R. Est Figura, qua ita distribuuntur Orationis membra, ut singula singulis respondeant; quæ Figura eadem penes est ac Isocolon, de quo jam diximus. Cicero pro Lege Manilia, n. 35. *Tantum bellum, tam diuturnum, tam longe lateque dispersum, quo bello omnes gentes ac natione premebantur, extrema hyeme apparavit, ineunte vere suscepit, media æstate confecit.*

Et pro Sylla, n. 14. Multum hæc vox debeyet fortasse valere ejus hominis, qui Consul insidias Reipublicæ consilio instigasset, veritate aperuisse, magnitudine animi vindicasset.

Et Phil. 5. n. 44. in Vat. n. 5.

Hæc Figura in sententiis effterendis vim habet & gravitatem, sed eadem parce utendum Oratori, quia fastidium parit propter nimiam artis affectationem.

Quid est Synonymia, sive Interpretatio?

R. Est Figura, qua plura idem significantia congerantur instandi urgendi gratia. Catil. 1. n. 10. *Nobiscum versari jam diutius non potes: non feram, non patiar, non sinam.* Catil. 2. n. 1. *Tandem aliquando Catilinam furentem*

audacia, scelus anhelantem, pestem patriæ nefarie molientem; vobis, atque huic urbi ferrum flammamque minitantem, ex urbe vel ejecimus, vel emisimus, vel ipsum egredientem urbē prosequuti sumus. Abiit, excessit, evasit, erupit.

Habes alia Figuræ hujus exempla pro Milone, n. 33. in Pisonem, n. 47.

Observandum porro 1. magnum habendum esse verborum delectum, ne Orationem potius onerent, quam ornent: 2. ut quæ verba ponuntur extremo loco, sint graviora prioribus, imo aliiquid paulo diversum sonent.

Quid est Synathrœsmus, seu Congeries?

R. Est multarum rerum, seu potius verborum congeries, qua præsertim utimur, cum aliiquid amplificare, aut vehementius instare volumus. Sit illud exemplum Orat. post Redictum in Senatu, n. 1. Quæ potest existere tanta ubertas ingenii, que tanta dicendi copia, quod tam divinum atque incredibile Orationis genus, quo quisquam possit vestra in nos univerfa promerita, non dictam complecti orando, sed percensere numerando? qui mibi fratrem optatissimum, me fratri amantissimo, liberis nostris parentes, nobis liberos: qui dignitatem, qui ordinem, qui fortunas, qui amplissimam Rem-publicam; qui patriam qua nihil potest esse jucundius, qui denique nosmetipso nobis reddidistis?

Et Catil. 1. num. 10. Quæ cum ita sint, Catilina, perge quo cœpisti; egredere tandem aliquando ex urbe; patient portæ: proficisci. Nimium te diu Imperatorem tua illa Malliana castra desiderant. Educ tecum etiam omnes tuos, sin minus, quamplurimos; Purga urbem. Magno me metu liberabis, dummodo inter me atque te murus interficit. Nobis-cum versari jani diutius non potes; non feram, non patiar, non sinam. Vide & n. 20. Item pro Cælio, n. 12. 46. pro Milone, n. 99.

Quid est Paradiastole, sive Discriminatio?

R. Est Figura, qua res inter se similes distinguuntur. Ita Seneca de pigro homine loquens dicit. Non diu vixit, sed diu fuit. Item: Periūnius, non quo eundum est, sed quo itur, nec ad rationem vivimus, sed ad similitudinem.

Quid est Polyptoton?

R. Est Figura, qua nomen idem variis in casibus vel generibus iteratur. Cicero Orat. de Haruspicum Responsis, n. 38. Tibi vero; si diligenter attenderis, intelliges, hominum pœnas deesse adhuc, non Deorum. Homines te in re fædissima defenderunt; homines turpissimum, nocentissimumque laudarunt; homines propter pecuniam judicio liberaverunt; hominibus in-

juria cui stupri, illata in ipsis, dolori non fuit; homines tibi arma, alii in me, atii post in illum invictum civem dederunt; hominum beneficia prorsus concedo tibi, ac majora non esse querenda.

Et pro Archia, n. 14. Pleni omnes sunt libri, plene sapientum voces, plena exemplorum vetustas.

Itein 7. Ver. n. 78. Est certus locus, certa lex, certum tribunal, quo hoc reservetur.

Quid est Polysyntheton?

R. Est Figura, qua multæ conjunctiones simul in eadem Orationis parte ponuntur. Cicero Lib. I. Offic. n. 109. In sermonibus alium quidem videmus, quamvis prepotens sit, efficere, ut unus de multis esse videatur. Quod in Catulo, & in patre, & in filio, itemque in Mutio vidimus.

E X E R C I T A T I O.

Christus Infans Orator disertissimus.

Per supra laudatas Figuras,

S T N Q P S I S.

Exord. M^ortales invitabit ad audiendum cælestem Orationem a Deo missum in terras ad homines erudiendos: quod tractabit per Congeriem & Synonymiam, sive Interpretationem.

2. Dicit, Christum Infantem, quamquam silere videatur, loqui tamen disertissime; neque ipsum tantum, sed & quæ circum adjacent omnia, stabulum, fenum, pannos, &c. quod illustrabit Adjunctione.

3. Addet, disertius loqui ipsum e stabulo, quam olim e monte locutus est, qui exemplo suo eruditat homines ad rerum terrenarum contemptum: idque tractabit per Disjunctionem. Jam beatos pauperes clamat, jam, &c.

4. Rationem afferet per Adjunctionem. Nam quis commendanti paupertatem non credat, quem viderit, &c. Quis repudianti honores, fidem deroget, &c.

Concludet per Distributionem. Quis ergo jam divitias ambiat, quis honores sectetur, quis &c.

O R A T I O.

Adeste, mortales, quotquot effis, venite, properate frequentes: (*Synonymia*) ecce promissus Vobis tot ab hinc secu-

seculis, desideratus ab innumeris gentibus, orbi universo tamdiu expectatus e pulcherrimo Cæli domicilio delabitur cælestis Orator, qui obsitas veteris ignorantiae tenebras depellat, mentes erudiat, & depromptam ex ipso Dei omnipotentis sacrario doctrinam impertiat. Accedite igitur proprius, succedit in ipsa loci illius penetralia, quæ sibi ad perorandum elegit, & cavete sedulo, ne quid eorum vobis excidat, quæ ab ipsius ore divino promanabunt.

Quamquam ludimur! nam quæ nova se oculis nostris species objicit? Quærimus Oratorem: ecce reclinatum in præsepio, pannis involutum, constrictum fasciis, unus denique diei Infantem offendimus. Quin & quem venimus auditum, is silet, aut nihil emittit præter vagitus miserabiles, certissima paupertatis, angustiæ, dolorum, ac miseriarum quas patitur, argumenta.

Tamen, ne vos inanis species decipiat: vel in Infante, (*Adjunctio*) vel in silente Oratorem agnoscite disertissimum. Neque vero loquitur ipse tantum, sed & quæcumque hic adjacent, omnia loquuntur. Stabulum, præsepe, panni, vagitus, lacrymæ, minuta corpusculi membra, ipsum denique, quod miramur, silentium disertissime loquitur.

Imo, imo excipite diligenter auribus cælestis illius, quam tradit, doctrinæ oracula; jam enim exemplo suo melius, quam oratione (*Disjunctio*) beatos pauperes clamat, beatos qui lugent, prædicat, beatos qui patiuntur ultra vitæ hujus ærumnas ac calamitates, profitetur. (*Poly syntheton*.) Nunc hodie primum divitias improbat, & ambitionem arguit, & molles delicatioris vitaæ delicias execratur. Nunc e stabulo melius, quam olim e monte facturus est, reconditionis sapientiæ fundamenta orditur & jicit.

Nam quis, amabo, commendanti paupertatem non credit, quem ad extremas egestatis angustias redactum & rebus spoliatum omnibus noverit? (*Adjunctio*) cui procul a cognitis, notis, amicis posito, nullum comitatum, nullum auxilium, nihil eorum quæ miserrimis quibusque numquam desunt, videat suppitere? quem sine tecto, sine lare, sine foco, nihilo sane commodius, quam foris in aperto ac propatulo loco natum & educatum sciatur? Quis repudianti honores ac dignitates fidem deroget, dum ipse sciens volensque vilissima quæque, spreto conculcatoque mundo fastu, amplectitur? dum patrem opificem, matrem peræque in vulgus ignotam, tenuissimis utrumque

fortunis elegit, dum emendicato ostiatim diversorio spre-
tus insigniter, & per summam contumeliam exclusus undi-
que, ad desertas inhabitabilesque attegias, ad merum
cespitem, ad meram maceriam, ad brutorum animantium
vitam, societatem, ac veluti contubernium se demittit?
Quis diffluentem deliciis, voluptuosamque vitam incre-
panti contradicere au leat, quem gravissimos acerbatum
casus intelligat subiisse, & innumeris quibus hac vita
conflictatur, ærumnis obnoxium ac subtilium esse fateatur?

(*Distributio.*) Erit ergo deinceps, qui divitias tanto-
pere conquirendas putet, dum Christus exemplo suo pau-
pertatem commendat? Erit, qui honores ac dignitates
consecetur, dum Christus abjecta seculi pompa obscuræ
vitæ opprobrium amandum esse reclamat? Erit, qui mol-
lioribus vitæ illecebris studeat impensius, dum Christus
inter acerbissimos dolorum aculeos natus consecandas, aut
saltem ferendas molestiarum acerbitates esse demonstrat?

ALIA EXERCITATIO,

Servandam esse etiam in appetenda gloria moderationem,

Per easdem Figuras .

S T N O P S I S,

Exord. **D**icit, tam exitiosam esse nimiam gloriae cupidili-
tatem, quam esse solet fluvius, qui præscriptos
sibi fines excedit,

2. Discurrendo per multa vitia ostendet, nullum esse,
quod tam gravem Reipublicæ ruinam afferat, quam nimia
gloriae libido: idque tractabit per Adjunctionem.

3. Demonstrabit nullam esse ætatem, nullum ordinem,
quem non corrumpat: idque per Disjunctionem.

4. Per Distributionem contendet nihil esse tam sanctum,
quod non illa violet, nullum esse vitium, ad quod non
impellat.

Concludet per Adjunctionem: providendum omni Rei-
publicæ, ut in suis immoderatum gloriae desiderium re-
primat.

O R A T I O.

Quemadmodum fluvius leni ac temperato agmine profluens agris fertilitatem, urbibus merces peregrinas, populis ac regionibus ubertatem invehit; idem si exundans & impatiens suis ripis teneri erumpit, sata læta evertit, campis vastitatem, perniciem ipsis urbibus importat: ita gloriæ cupiditas quamdiu tenebit modum, & præscriptos intra limites se continebit, luero erit ac laudi; sin vero ultra fines illos profilierit, quos illi ratio virtusque posuerint, incredibile dictu est, quas afferat calamitates, quantam perniciem publicis privatisque rebus importet.

Cedo mihi enimvero aliam tam metuendam Reipublicæ perniciem, quam cupiditas gloriæ esse solet, ubi semel justos moderatæ virtutis fines prætergressa est.

(*Adjunctio*). Non alieni semper appetens avaritia, non ignavia civium, non effrenata voluptatum libido, non iræ, non similitates, non ipsæ quæ alios in alios acuunt, civiles discordiæ, tam gravem, tam apertam tam fatalem Reipublicæ ruinam moliuntur.

(*Disjunctio*). Nam cui demum parcit, cui non imperat, cui non dominatur impotens gloriæ libido? Adolescentes urit, viros inflamat, senes etiam accedit, nobiles acuit, plebejos exultimulat, barbaris etiam & incultis gentibus faces subjicit, & gravissima importat incendia.

(*Distributio*). Sed quid ista commemoro? Nihil est tam altis defixum radicibus, quod non evellat; nihil tam firmum, tam desensum, quod non perfringat; nihil tam indomitum, quod non subjiciat; nihil tam sancte institutum, quod non rescindat; nihil denique tam sacrum, quod non polluat.

Hoc igitur præcavere sedulo debet omnis bene morata Respublica, (*Adjunctio*) ut si dociles, modestos, obsequentes, pacis ac tranquillitatis studiosos cives habere voluerit, eam in ipsis cupiditatem temperet, quæ audaciæ, temeritati, iræ, vindictæ, rebellioni, impietati, innumeris denique vitius quasi vexillum solet præferre.

C A P U T IV.

De Figuris] Sententiarum.

Quid sunt Figuræ Sententiarum?

R. Sunt Orationis ornamenta, quæ non in verbis, sed in ipsis sententiis collocatam habent suam dignitatem.

Quæ sunt Figure Sententiarum?

R. Præcipua sunt illæ.

Interrogatio, Responsio, Subjectio, Prolepsis, Correctio, Dubitatio, Communicatio, Prosopopœja, Emphasis, Sustentatio, Prætermisso, Licentia, Concessio, Parenthesis, Distributio, Permissio, Antithesis, Deprecatio, Optatio, Execratio, Epiphonema, Exclamatio.

Agemus de singulis suo ordine, atque ut uberior rerum seges Exercitationibus contingat, plures Figureas Articuli singuli complectentur.

ARTICULUS PRIMUS.

De Interrogatione, Responsione, & Subjectione.

Quid est Interrogatio?

R. Est Figura, qua Orator vel adversarium, vel alium quemlibet, vel semetipsum interrogat ob aliam, quam simplicem sciscitandi caussam. Hujus porro Figure tot sunt apud Ciceronem exempla, ut in singulis pene paginis occurrant.

Catil. i. num. i. Quosque tandem abutere, Catilina, patientia nostra? quamdiu etiam furor iste tuus nos eludet? quem ad finem sese effrenata jaetabit audacia? Nihil te nocturnum praesidium Palatii, nihil urbis vigilæ, nihil timor populi, nihil concursus bonorum omnium, nihil munitissimus habendi Senatus locus, nihil horum ora vultusque moverunt? Patere consilia tua non sentis? constrictam jam horum omnium conscientia teneri conjurationem tuam non vides? Quid proxima, quid superiore nocte egeris, ubi fueris, quos convocaris, quid consilii ceperis, quem nostrum ignorare arbitraris?

Et pro Plancio, n. 48. Estne hæc vera contentio? placetne sic agi? Non possum magis pedem conferre, ut ajunt, aut proprius accedere. Quid taces? quid dissimulas? quid tergiversaris? Etiam atque etiam insto, atque urgeo, insector, posco,

posco, atque ideo flagito crimen. Quācumque tribum, inquam, delegeris, quam tulerit Plancius, tu ostendito, si poteris, vitium.

Verrina 7. n. 15. 146. Pro Cœlio, n. 71. Ver. 1. n. 21. Ver. 5. n. 160. Pro Flacco, n. 79. pro Cluentio, n. 62. Pro Sextio, n. 78.

Quis est Interrogationis usus?

R. Frequentissimus est in omni genere causarum: in Exordio, Narratione, Confirmatione, & Peroratione. Valet autem præcipue in laudando & vituperando, in votis ac desideriis. Usurpatur autem maxime, cum urgendus est adversarius vehementius.

Quid est Responsio?

R. Est Figura, qua unum interroganti aliud quod utilius est, respondetur. Cicero pro Roscio Amerino, n. 143. *Quid vis amplius? quid insequeris? quid oppugnas? qua in re voluntatem tuam a me laedi putas? ubi tuis commodis officio? quid tibi obsto? Si spoliorum causa vis hominem occidere, spoliasti: quid queris amplius? Si inimicitarum: quae sunt tibi inimicitiae cum eo, cujus antea predia possedisti, quam ipsum cognosti? Sin metuis: ab eone aliquid metuis, quem vides ipsum ab se se tam atrocem injuriam propulsare non posse? Ec.*

Et pro Murena, n. 73. *Quid enim? num Senatus obviam prodire crimen putat? non; sed mercede: convince. Num sectari multos? non; sed conductos: doce. Num locum ad spectandum dare? aut ad prandium invitare? minime. Sed vulgo, passim. Quid est vulgo? universos. Item pro Flacco, num. 4.*

Quid est Subiectio?

R. Est Figura, qua Orator vel interrogat seipsum & respondet sibi, vel cum alium interrogavit, non expectat ejus responsum, sed aliud addit de suo. Ita Cicero. *An domus tibi deerat? at habebas. An pecunia? at abundabas. An arma? at non ita pridem ad te missa fuerant.*

Et pro Lege Manilia, n. 61. *Quid tam novum, quam adolescentulum, privatum, exercitum difficulti Reipublicæ tempore confidere? confecit. Huic præesse? præfuit. Rem optime ductu suo gerere? gessit. Quid tam præter consuetudinem, quam homini peradolescenti, cuius a Senatorio gradu ætas longe abesset; imperium atque exercitum dari? Siciliam permitti atque Africam, bellumque in ea administrandum? Fuit in his provinciis singulari innocentia, gravitate, virtute: bellum in Africa maximum confecit, victorem exercitum deportavit.*

Habes alia hujus Figuræ exempla pro Quintio, n. 43. 44.
79. Pro Roscio Ainerino, n. 54. 74. 2. in Rul. n. 45.
Ver. 4. n. 192.

Quis est usus hujus Figuræ?

R. Usurpatur illa maxime in Amplificatione cum ad laudem, tum ad vituperium; seu cum urgetur adversarius, aut suadetur aliqui vel dissuadetur. Egregium hujuscemodi exemplum offert Oratio pro Murena n. 88. ubi Cicero dissuadet Judicibus exilium Murenæ, *Si, quod Jupiter omen avertat, bunc vestris sententiis affixeritis: quo se miser vertet? Domunne? ut eam imaginem clarissimi viri, parentis sui, quam paucis ante diebus laureatam in sua gratulatione conspexit, eamdem deformatam ignominia, lugentemque videat? An ad matrem, que misera modo Consulē osculata filium suum, nunc cruciatur, & sollicita est, ne eumdem paulo post spoliatum omni dignitate conspiciat? sed quid ego matrem aut domum appello, quem nova pœna legis & domo, & parente, & omnium suorum consuetudine consperet? Tuque privat? Ibit igitur in exsilium miser? quo? ad Orientisne partes, in quibus multos annos legatus fuit, & exercitus duxit, & magnas res gessit? At babet magnum dolorem, unde cum bonore decesseris, eodem cum ignominia reverti, &c.*

EXERCITATIO.

Veturia Coriolani Mater ad Filium Romæ excidium meditantem.

Per Interrogationem, Responsionem, Subjectionem.

S Y N O P S I S.

Exord. **Q**ueretur Veturia repulsas Senatus preces, petet que per Interrogationem, num deprecantem matrem preferet rejicere?

2. Per aliam Interrogationem queret ab eo, quid velit? quid meditetur?

3. Per Interrogationem cum Subjectione junctam ostendet consilii ipsius iniquitatem, qui devotam sibi urbem, pœnitentem facti, & paratam ad omnia, velit perdere.

4. Per Interrogationem & Responsionem dicet, Vis nocentes plectere? punies innocentibus. Hostes persequeris? perdes amicos. &c.

Denique minabitur, nisi ille iram ponat, futurum ut excidium urbis a suorum strage incipiat.

ORA.

O R A T I O.

Certum igitur deliberatumque est, Coriolane, (*Interrogatio*) cupidum cædis & appetentem vindictæ animum explere? Hodiernus dies nobis ultimus illuxit? Nihil Senatus preces, nihil vota populi, nihil totius civitatis mœror ac comploratio animum inflectunt? Tuosne etiam durus abjicies ac respues? Tu parentis afflictæ gemitus, tu conjugis piæ lacrymas, tu miseræ sobolis orbitatem aspicies siccis oculis, & inexorabili mente etiam perferes?

Sed quid agis? quid moliris? quid cogitas? quis est sensus armorum tuorum? quid sibi volunt districti illi gladii? quid accensæ faces meditantur? Mane: an sponsam, an filios petunt? Adeone veteris injuriæ memor atque iræ impotens, nihil ut avidum ultionis animum placare valeat?

At enim te civem, te benemeritum de patria, (*Subiectio*) te innocentem ingrata civitas damnavit? Sed ipsam facti piget. Te expulit? sed reyocat, Te Magistratibus spoliavit? sed ampliores restituit. Te probro, te contumelia, te dedecore per summum nefas notavit? at devota jam tibi tota & ad omne obsequii genus parata, quidquid est admissum flagitii, ultro volensque expiabit.

Quamquam si cædes placet, si te pereuntis patriæ funera delectant, saltem ah! distingue sontes ab insontibus, hostes ab amicis, alienos a tuis. (*Interrogatio & Responsio*) Nocentes vis perdere? perdes innocentes. Infenos tibi persecueris? maestabis amicos. Civium ingratorum sanguinem appetis? tuorum cruentum fundes. Nescis ergo, Coriolane, nescis, quia sub istis mœnibus quæ jam evertes, in his laribus quos incendes, intra illius urbis penetralia quam excidio destinas, nescis, inquam, quia filii carissimi, fidelis uxor, & tua quondam cura, infelix mater, tegitur?

Ne dubita: nisi pacem annuis, nisi te amor, fides, pietas furentem retinent: idem qui patriam tumulus, & nos obruet. Ibo, ibo, & infestos inter gladios occurram nudato pectori; liberos tibi objiciam tuos; primos portarum aditus uxor & mater defendent. Aut arma pones nobis rogantibus; aut, si vindicta magis placet, prima cædemus tibi victima, nec nisi nostro cruentum sanguine in civium tuorum corpora ferrum exiges.

ALIA EXERCITATIO.

Andromache ad Ulyssem , cum is Astyanacta ina-
ctandum repeteret .

S T N O P S I S .

Exord. Ulysse gratulabitur , quod supplicem & advolu-
tum genibus Priami nurum & Hectoris conju-
gem videat .

2. Sententiam corriget , petetque ab Ulysse veniam , cu-
jus in misericordiam salutem Astyanactis sui positam fate-
bitur .

3. Per varias interrogationes , quæret an non satis gra-
ves poenas Trojani dederint , incensa Troja , Priamo atque
Hectore imperfectis ? cur ultra Græci veteres injurias vin-
dicent ? cur puerum innocentem perdere meditentur ?

4. Otidet per Interrogationem & Subjectionem , nihil
esse metuendum a puero , inermi , captivo , qui nec hostes
nec amicos noverit .

5. Juhabit Ulyssem securum esse ab omni metu , unum-
que rogabit , ut sibi vitam in tenebris trahere ingloriam
liceat .

O R A T I O .

Quod hactenus nec incensa Troja , nec ereptis hujus Im-
periī defensoribus , nec ipso Hectore amantissimo conjugē
interfecto , Græci conlectuti sunt , ut advolutam cujusquam
ad pedes Andromachen , aut supplices manus protendentem
viderent , id hodie , felici , dicam , fato tuo , Ulysses , an
tua potius sagacitate perfecisti ?

Gratulare igitur tibi , Imperator sapientissime . Illa tot
Regum neptis Andromache , illa magni Priami nurus , &
fortis conjux Hectoris tua amplexari genua non erubescit .
Quid in longa obsidione illustrius , quid in victoria glorio-
sius , quid in præda magnificentius sperare potuisti ?

Quamquam ubi sum ? aut quem alloquor ? (*Interroga-
tio & Responsio*) Supplex dominum , victorem captiva ,
vitæ necisque arbitrum , victimæ crudelibus satis mancipa-
ta ! Pone ingentes animos , Andromache , & quos dedit
fortuna sensus , inde . Hi spiritus olim stante Troja de-
cebant , lapis non decent . Da veniam , Ulysses , ignosce , si
me pristinæ fortis recordatio vel afflictam ac jacentem ex-
stimu-

stimulet. Ad te confugio, tibi me permitto totam, in tua bonitate atque clementia vitam ac saltem repono. Te, per istam animi tui lenitatem, per communes Deos, per spem surgentis Telemachi, oro atque obtulsi; noli perdere, quos potes tueri, serva mihi sospitem Astyanacta, & innocentis illius victimæ miseresce.

Nam quid ultra nos persequeris? num ergo satis graves poenas miseris Troes luimus? (*Interrogatio*) num abunde veteres injurias ulti Græci sunt? Heu! quos ego dolores vel una non sensi? Patriam ferro flammisque evertitis; propinquos ac consanguineos interfecistis; Hectorum meum crudelem in modum raptatis! Quid innocentem puerum, unicum afflictæ matris solatium ad poenas repetitis? An veitras ille turmas profligavit? an vestris subjecit ignes navibus? an Græcorum sanguine manus cruentavit?

(*Interrogatio, & Subiectio.*) Sed quid ego hæc? Frustra sum! Timetur, Astyanax; neque te Græci securos aut viatores putant, dum vixi: it! Itane vero est, Ulysses? nihil fingis? nihil dissimulas? Ah ne te ista cura maceret; nos jacemus miseris, ut facere cuiquam metum non valeamus. Timetis, ne residet incensæ Trojæ cineres Astyanax exsuscitet? at puer est. Veremini, ne suos olim pristinam in libertatem vindicet? at in vinculis, at captivus est. Pertimescitis, ne parentis & avi mortem ulciscatur? at nec patrem, nec avum novit, aut vidit.

Egregium enimvero timoris argumentum. Victores Græci viatos, armati inermes, Ulysses puerum, universus exercitus tristes defolatae familiæ reliquias extimescunt. Esto solitus ab illo metu, Ulysses, plus miterandi, quam timendi sumus. I, repeate Patriam, & reportatae victoriæ gloriæ nostri securus refer. Hoc unum exorem ab humilitate tua, ut ingloriam perpetuis in tenebris vitam trahere filio matrique liceat: sic tu faventibus Superis Ithacam sospes & incolumnis appellas! sic tibi Telemachus longum vivat, & avum patremque factis ingentibus æmuletur! sic Laerteum carissimum, sic Penelopem tuam revisas, & diu multumque utriusque amplexibus perfruare!

ARTICULUS II.

De Prolepsi, Correctione, Dubitatione, Communicatione.

Quid est Prolepsis, sive Anteoccupatio?

R. Est Figura, qua Orator occupat id, quod ab ad-
versa-

versario objici posset. Usum habet frequentem in Exordiis. Divinat. in Ver. n. 1. Si quis vestrum, aut eorum qui ad sunt, forte miratur, me, qui tot annos in caussis judiciisque publicis ita versatus sum, ut defendevim multos, laeserim neminem, subito mutata voluntate ad accusandum descendisse; is, si mei consilii caussam rationemque cognoverit, una & id quod facio, probabit, & in hac caussa profecto neminem preponendum esse mihi actorem putabit.

Item pro Roscio Amerino, n. 1. Ver. 6. n. 2. Ver. 7. n. 2.
Pro Rabirio Postumo, n. 1. Pro Sextio, n. 3.

Quot modis fieri potest Prolepsis?

R. 1. Cum fatemur verum id esse, quod ab adversario objicitur: ut in Orat. pro Rabirio Postumo, n. 1. Si quis est, Judices, qui C. Rabirium, quod suæ fortunæ fundatas præsternit atque optime constitutas opes potestati Regiae libidinitque commiserit, reprehendendi putet & adscribat ad judicium suum, non modo meam, sed hujus etiam ipsius; qui commisit, sententiam: neque enim cuiquam ejus consilium veberentius quam ipsi displiceret.

2. Cum aliquid sibi objicit Orator, & resellit statim: ut pro Archia, n. 15. Quæret quispiam, quid? illi summi viri, quorum virtutes literis prodite sunt, istane doctrina, quam tu effers laudibus, eruditu fuerunt? Difficile est hoc de omnibus confirmare: sed tamen est certum, quid respondeam. Ego multos homines excellenti animo ac virtute fuisse, & sine doctrina, naturæ ipsius habitu prope divino; per seipso & moderatos & graves extitisse fateor. Etiani illud adjungo, saepius ad laudem atque virtutem naturam sine doctrina, quam sine natura valuisse doctrinam. Atque idem ego contendō, cum ad naturam eximiam; atque illustrem accesserit ratio quædam, conformatioque doctrinæ: tum illud nescio quid præclarum ac singulare solere existere. Item Ver. 7. n. 2.

3. Cum aliquid Orator præsumit, quod ab adversario objici posset: ut pro Cælio, n. 39. Dicet aliquis: hæc est igitur tua disciplina? sic tu instituis adolescentes? ob hanc caussam tibi hunc puerum parens commendavit & tradidit, ut in amore & voluptatibus adolescentiam collocaret: & hanc tu vitam, atque hæc studia defenderes? Ego, si qui, Judices, hoc animi robore atque hac indole virtutis ac continentiae fuit, ut respueret omnes voluptates; omnemque vitæ suæ cursum in labore corporis atque aninii contentione conficeret: quem non quies, non æqualium studia; non ludi, non convivia delectarent: nihil in vita putaret expetendum, nisi quod esset cum laude & cum dignitate conjunctum & hunc

bunc mea sententia divinis quibusdam bonis instruclum atque ornatum puto.

Talis est locus ille pro Lege Manilia , n. 22. Requiretur fortasse nunc , &c.

4. Cum Orator emendat aliquid , priusquam id dicat : ut in Orat. pro Sextio , n. 4. Itaque si aut acrius egero , aut liberius , quam qui ante me dixerunt : peto a vobis , ut tantum Orationi meae concedatis , quantum & pio dolori & justæ iracundie concedendum putetis .

Item pro Quintio , n. 5.

5. Denique cum dicit Orator aliquid , antequam id dicere videatur : ut 6. Ver. n. 2. Magnum videor dicere . Attende etiam , quemadmodum dicam : non enim verbi , neque criminis augendi caussa complector omnia , cum dico , nihil istum ejusmodi rerum in tua Provincia reliquisse .

Hujus autem figuræ sunt illæ apud Tullium formulæ : Forsan queretis : Forte dicet quis : Etiam dicere audebis : Ac etiam sunt , qui dicant : Sed que exaudio dissimilare non possum : At ne quis a nobis : Reprebendo igitur ? minime vero : neque enim , &c.

Quid est Correctio ?

R. Est Figura , qua Orator dictam sententiam , alia magis idonea corrigit . Hac utitur Tullius in primis , si quem pungere acrius velit : ut pro Cælio , n. 32. Quod quidem faciem vebementius , nisi mihi intercederent iniuricæ cum iustius mulieris viro : fratrem voluit dicere : semper hic erro . Nunc agam modice , nec longius progrediar , quam mea fides , & caussa coget .

Alia est Correctio verbi , alia sententiæ : in priori dictum verbum Orator emendat , & aliud subjicit : in posteriori sententiam ipsam corrigit .

Verbum corrigit , loco jam laudato , pro Cælio , item n. 71. O stultitiam ! stultitiamne dicam , an impudentiam singularem ?

Et pro Roscio Amerino , n. 134. In hac vita quos sumptus quotidianos , quas effusiones fieri putatis ? Quæ vero convivia ? honesta , credo , in ejusmodi domo : si domus hæc habenda est potius , quam officina nequitia , & diversorum flagitorum omnium .

Item pro Ligario , n. 26. Pro Sextio , n. 110. 2. Philip. n. 10.

Hæc Figura multum leporis habet cum in Paronomasia luditur : ut , Tum iste vir optimus , opimum volui dicere .

Corrigit sententiam Cicero pro Ligario , n. 24. Veniebatis igitur

tur in Africam Provinciam , unam ex omnibus huic victorie maxime infestam : in qua erat Rex potentissimus , inimicus huic caussæ , aliena voluntas , conventus firmi atque magni . Quero quid facturi fuissetis ? quamquam , quid facturi fueritis , non dubitemi , cum videam , quid feceritis .

Item Phil. 2. num. 42. Quamquam hoc maxime admiratus sum , mentionem te hereditatum ausum esse facere , cum ipse hereditatem patris non adiisset . Hæc ut colligeres , homo amantisssime , tot dies in aliena villa declamasti ? Quamquam tu quidem , ut tui familiarissimi dictitant , vini exhalandi , non ingenii acuendi caussa declamitas .

Item 1. Catilin. n. 22. & 24. Pro Comœdo , n. 18. Pro Domo sua , n. 121. Pro Plancio , n. 40. 2. Offic. n. 76.

Hac porro Figura non utitur modo Tullius ad vituperandum , sed etiam ad laudandum : ut 3. Philip. n. 3. Cæsar adolescens , pene potius puer , incredibili ac aivina quadam niente atque virtute , tum maxime cum arderet furor Antonii , cumque ejus a Brundusio crudelis ac pestifer reditus timeretur , nec postulantibus , nec cogitantibus , nec opinantibus quidem nobis , quia fieri posse non videbatur , firmissimum exercitum ex invicto genere veteranorum militum comparavit , patrimoniumque suum effudit . Quamquam non sumus usi eo verbo , quo decuit ; non enim effudit , sed in salute Reipublicæ collocavit .

Item pro Dejotaro , n. 16. At , credo , hæc homo inconsultus & temerarius non videbat . Quis consideratior illo ? quis teatior ? quis prudentior ? Quamquam hoc loco Dejotarum non tam ingenio & prudentia , quam fide & religione vitæ defendendum puto .

Ex laudatis jam locis facile est intelligere , quænam formulæ huic tractandæ Figuræ deserviant .

Quid est Dubitatio ?

R. Est Figura , qua Orator fingit nescire se , quid dicere debeat , aut quam in partem animum convertat . Dubitatio autem altera verborum , altera rerum dici potest . Verborum quidem , cum de nomine Orator dubitat : ut pro Quintio , n. 56. Si ista caussa abs te tota per summam fraudem & malitiam ficta est ? si vadimonium omnino tibi cum P. Quintio nullum fuit ? quo te nomine appellemus ? Improbum . At , etiam si vadimonium desertum esset , tamen in illa postulatione & proscriptione bonorum improbissimus reperiebare . Num malitiosum ? negas . Fraudulentum ? jam id quidem arrogas tibi , & præclarum putas . Audacem ? cupidum ? perfidiosum ? vulgaria & obsoleta sunt : res autem nova & inaudita .

Item

Item & 6. Ver. num. 1.

Illustre est exemplum apud Livium Libr. 8. Decade 3. ubi Scipio ita loquitur. *Apud vos quemadmodum loquar, nec consilium, nec oratio suppeditat, quos, nec quo nomine appellare debeam, sciv. Cives? qui a patria vestra descivistis. An milites? qui imperium auspiciumque abnui- stis. Sacratos? Religionem rupistis. Hostes? corpora, ora, vestitum, habitum civium agnosco; facta, dicta, consilia, animos hostium video.*

Dubitatio vero rerum ea est, cum ex pluribus rebus Orator querit, quid agere debeat. Ver. 6. num. 88. Unum hoc crimen videtur esse, & a me pro uno ponitur, de Mercurio Tyndaritano. Plura sunt, sed ea quo pacio distinguere, ac separare possim, nescio. Est pecuniarum captarum, quod signum a sociis pecuniae magnæ sustulit. Est peculator, quod publice Populi Romani signum, de preda hostium captum, positum Imperatoris nostri nomine, non dubitavit auferre. Est maiestatis, quod Imperii nostri glorie, rerumque gestarum monumenta evertere atque asportare ausus est. Est sceleris, quod religiones maximas violavit. Est crudelitatis, quod in hominem innocentem, in socium nostrum atque amicum, novum ac singulare supplicii genus excogitavit. Illud vero quid sit, iam nequeo dicere; quo nomine appellem, nescio, &c. Totus ille locus egregius est.

Item pro Roscio Amerino, n. 29. Hoc consilio atque adeo bac amentia impulsi, quem ipsi, cum cuperent, non potuerunt occidere, eum jugulandum vobis tradiderunt. Quid primum querar? aut unde potissimum exordiar? aut quod, aut a quibus auxilium petam? Deorumne immortalium? Populine Romani? vestramne, qui suminam potestatem habetis, hoc tempore fidem implorem?

Habes alia ejusdem Figuræ exempla 2. Ver. num. 32. 7. Ver. num. 2. 11. Phil. num. 19. Pro Cluentio, n. 4.

Qui est usus illius Figuræ?

R. Multiplex. Valet in Orationibus Panegyricis, quando ea rerum gestarum ubertas occurrit, aut virtutum aliquius & ornamentorum magnitudo, ut Orator fingat nescire se unde potissimum debeat ordiri, & quid primum dicere. In genere Judiciali, cum indignitas aliquius facinoris est exponenda, aut vitia aliquius redarguenda. In genere Deliberativo, quando rei gerendæ tot occurrent rationes, ut quam primo loco ponat, fateatur Orator se nescire.

Quid est Communicatio?

R. Est Figura, qua Orator vel adversarios, vel auditores, vel Iudices ita consulit, ac compellat, ut eos rei judices quasi constituere velle videatur, adeo bonitati causæ suæ confidit.

Cicero pro Rabirio Perduelli, n. 22. Tu denique, Labiene, quid faceres tali in re, ac tempore? cum ignaviae ratio te in fugam atque in latebras compelleret; improbitas & furor L. Saturnini in Capitolium arcesseret; Consules ad patriæ ~~fa~~ lutem ac libertatem vocarent: Quam tandem auctoritatem, quam vocem, cuius scētam sequi, cuius potissimum imperio parere velles?

Pro Murena num. 9. Quod si licet desinere, si te auctore possum, si nulla inertiae, nulla superbiae turpitudo, nulla inhumanitatis culpa suscipitur: ego vero libenter desino. Sin autem fuga laboris desidiam, repudiatio supplicum superbiam, amicorum neglegitio improbitatem coarguit: nimurum hæc causa est ejusmodi, quam nec industrius, nec misericors, nec officiosus deserere possit. Atque hujusc rei conjecturam de tuo ipsis studio, Servi, facile ceperis. Nam si tibi necesse putas, etiam adversariis amicorum tuorum de jure consulentiis respondere: & si turpe existimas, te advocate, illum, quem contra veneris, causâ cadere: noli esse tam injustus, ut, cum tui fontes vel inimicis tuis pateant, nostros rivulos etiam amicis putes clausos esse oportere.

Habes alia hujus Figuræ exempla 1. Ver. nuni. 37. 7. Ver. num. 165. Pro Cæcina, n. 32. 35. Pro Quintio, num. 54. Pro Roscio Amerino, n. 104. Pro Sextio, n. 43. 81. 3. Agraria, n. 20. Pro Domo sua, num. 130. Pro Plancio, num. 7. Philip. 2. num. 34.

Sunt autem hujus Figuræ vulgares apud Tullium formulæ. Nunc ego vos consulo, quid mibi faciendum puretis Ec. Quero, si te hodie domum tuam redeuntem coacti homines & armati non modo limine rectoque ædium tuarum, sed primo aditu vestibuloque prohiberent, quid acturus sis, Ec. Vide, Antoni, quid tibi futurum sit, Ec.

EXERCITATIO.

Nobilis Carthaginensis ad Annibalem Capuae otiantem, ut Romae obsidionem aggrediatur.

Per laudatas supra Figuras.

SYNOPSIS.

Exordium. Flet per Prolepsim. Præveniet Annibalism animum, quod tanto Imperatori dare consilium præsumat.

Propositio. Per Dubitationem, scrutando causas, propter quas Capuae remoretur. An extinctum sit ipsius in Romanos odium? an poeniteat ipsum partæ jam gloriæ? an timet Romam aggredi?

Confirmatio. Petetur a facilitate expugnandæ urbis, & per Correctionem, Quid facilem dico, &c. ostendetque quani obvia sit expugnatio Romæ, ab accisis Romanorum viribus, a cladibus jam acceptis, a metu quo perculta Roma est.

Id ipsum tractabit per Communicationem. Quid facturos putares, si Carthaginenses tot cladibus affecissent; si vicissent ad Trebiam, ad Trajymenum, ad Cannas? an otientur desides? an oblatam novæ victoriæ occasionem aspernarentur?

Conclusio. Vide ergo, ne, si cessaveris diutius, invalescant illi, & veteres ruinas reparent.

ORATIO.

Etsi bellicis in rebus per temet inse fatis acutum vides, neque nostrum est sapientissimi Duci consilia curiosus perscrutari: (*Prolepsis*) tamen ubi gloria tua, ubi patriæ salus vocatur in discrimen, ignoscet, teor, si longioris moræ, quam facis in hac urbe, periculum ausim demonstrare.

Nam quid sentiam, Imperator fortissime, vel quid loquar, cum otiantes Capuae sextus jam mensis nos videat? (*Dubitatio*) An extinctum putem tuum illud in Romanos odium, quod nisi cum ipsa vita extinguendum Divum in præsentia tam solemniter promisisti? Ten' partæ jam gloriæ poeniteat, aut novam illustrioris triumphi segetem asperneris? Num affectam per te tot cladibus Ro-

tam rursum laceſſere , & tam facili redimendam victoriā metuas occupare ?

(*Correctio.*) Quamquam quid victoriæ mentionem hic facio , ubi certamen esse non possit ? Ecce , si volueris , Roma jam tua est , non sanguinis pretio , non armorum vi , non militum robore pervaſcenda . Accede tu tantum ; ſi te præſentem mœnibus ; Annibalem videat ſuperba illa civitas , & victorem ultro triumphanteque excipiet . Nempe fatalem pugnae infelicitis exitum expeſtet ? Acciſis viribus , defenſoribus ſpoliata . gravi perculſa metu , victoris exercitus impetum iuſtineat ? ſuis faces admovei mœnibus , ad interneſionem cædi , Penates ac Deos obici ludibrio patiatur ? Novi Romæ ingenium , Dux fortissime , in iis rerum ſuarum anguſtiis aleæ tam metuenda diſcriben ultime nolit experiri . Quid ceſſamus ergo ? quæ nos retinet vecordia ſic oblitos gloriae , & faventis ultro ſati contemptores ? O ſi tam aspirantem ſibi fortunam Romani experientur , quanto illi utilius ſortem laetiſi nam lucro apponeren !

Hoc ipsum per te velim aſtimes , Dux ſapientiſſime . Fac eo Romanos eſſe , quo ſunt Carthaginieſes , loco . Si rebus illi abundarent omnibus ; ſi copiarum freti numero ac robo re rem haberent cum hoſte fracto viribus & exhausto ; ſi victoriæ ſpem certam præſumerent : putas otiarentur illi ſegniter , & parandæ gloriae occaſionem tam commodam prætermitterent ? Unum te , inquam , arbitrum ac judicem volo . (*Communicatio*) Liceat mihi etiam paulo liberius a te percutiſtari : ſi re Romani viſiſſent ad Ticinum , ſi profligaffent ad Trebiam , ſi ad Trasymenum lacum expugnaffent , ſi cæcidiffent ad Cannas ; an ſtetiſſent illi tam proſpero victoriarum in curſu ? an triumphante exercitum luxu & inertia corrumpi depravarique ſinerent ? an relinquerent hoſtibus moram reparandi jacturas quas feciſſent ? an non potius urgerent viſtos acriter ? trepidantibus & insolito metu perculſis instarent ? tristes desolati exercitus reliquias perſequerentur , donec rerum potiti omnium plenam cumulatamque victoriā retuliſſent ?

Tuum eſt pro tua prudentia , Imperator sagaciſſime , cavere ſedulo , ut quod feciſſent illi opinione tua , idipſum hodie tibi met ipſe faciendum putes . Eamus ergo , invadamus hoſtes , dum noſtris in manibus eſt victoria : petamus Romam , dum obſiſtere nobis illa non potest ; non permittamus ipſi ulteriore ad respiſandum moram ; ne , ſi colligendi ſeſe & rediintegrandi copias ſpatium habuerit , in-

vale-

valeat illa denuo , & otiantibus nobis parem aliquando
acceptæ contumeliæ labem importet .

ALIA EXERCITATIO.

Per easdem Figuras.

Posthumii Junioris Oratio , cuin Volscorum victor damna-
tus fuisse ad mortem , quod Dictatoris ejusdemque
Patris injussu depugnasset .

S T N O P S I S.

Exord. Flet per Prolepsim , dicetque , non venisse se , ut de
nimia Dictatoris ac Patris severitate quereretur .
Deinde per Dubitationem fatebitur , incertum se fuisse
diu multumque quid ageret ; an accederet ad dicendam
causam , an indicta causa pergeret ad supplicium .

Propositio. Dicet , pauca se dicturum , non ut latam
mortis sententiam declinet , sed ut omnem amoveat de-
trectati imperii suspicionem .

Confirmatio. Per Communicationem cum universis exer-
citus Ducibus , a quibus petet , quid fecissent in iis re-
rum adjunctis , cum hostis lacesteret , cum partem exerci-
tus Romani fundere meditaretur : cum ipso Patre , rogan-
do , quid facere filium jussisset , aut quid fecisset ipse in
eas adductus angustias ?

Concludet per Correctionem , petendo veniam a Patre ,
quasi appellare velle ab ipsius sententia visus esset . &c.

O R A T I O .

Quamquam victori durissimum est nullum ferre aliud vi-
ctoriae præmium , præter ignominiosam pudendæ mortis sen-
tentiam , (Prolepsis) in eaque subeunda severissimum in a-
mantissimo patre judicem experiri : non veni tamen , for-
tissimi Commititones , vel ut nimiam Dictatoris ac patris
inclemantium arguerem , vel ut indignis Posthumio lacry-
mis ac precibus capitis periculum deprecarer .

Quin & illud profiteri possum coram viris forissimis ,
dubitasse me diu multumque , quid in his rerum angustiis
præstandum expediret : (Dubitatio) an capitis causam di-
cturus amplissimum hunc confessum ingrederer , an indicta
causa ad destinatum suppicio locum properarem .

Quamobrem pauca pro me sic loquar, ut commissæ modo pugnæ offensionem quamlibet, & detrectati imperii suspicionem amoveam, non ut latam in me mortis sententiam videar declinare. Felix vel hac forte fortunatusque nimium, si, dum interibit corpus, fama nominis mei integra & incolumis vivat!

Qua in re vestrum judicium, vestra existimatio sit, sapientissimi, quotquot hic adestis, exercitus Romani Duætores. Vestram in hac caussa fidem appello: quid agendum vobis metiis putassetis, si eadem vobis, quæ mihi, tempora, eadem rei strenue ac feliciter gerendæ occasio incidisset, (*Communicatio*) Fingite vos in iis positos suis se præsidiis, quæ Volscus inferior numero ac virtute provocaret ad pugnam, laceſſeret impune, & emissis etiam telis procaciter insultaret: dum Romanus miles probri impatiens fremeret; dum coerceri se per summum nefas, & sibi victoriam eripi de manibus quereretur; dum Imperatorem ipsum timoris atque ignaviæ tantum non aperueret,

Tuque, o Dictator prudentissime, idemque mihi colende in primis parens (nam liceat provocare ad teipsum) quod tu filio in hujusmodi rerum adjunctis consilium dedisses? quid fecisses ipse? An haberi ludibrio Romanos E- quites permisisses? an irruentium Volscorum agminibus turpiter cessisses? an parteni Romani exercitus nobilissimam everti funditus, mactari tuis in oculis ac trucidari, passus es? An non potius vim vi acriter repulisses? nobilissimo militum nostrorum ardori colligendæ gloriae viam aperuisses? tui ipsius illustrandi nominis occasionem arripuisses?

(*Correctio.*) Quamquam quid loqnor? Ignoscę, Pater amantissime, si forte videri possim oblitus, quid Dictatori, quid tibi patri debeam; si amovendi suspicionem violati imperii plus æquo cupidus patratum a me contra leges tuas facinus aggressus sum multitudini approbare. Non me species mortis ulla terret; de me quidquid statueris, ultra lubensque perpetiar: paratus eadem constantia mortem excipere, qua eamdem medios per hostes toties laceſſivi. Quid moror? hic ades, lictor, manus colliga, caput infelix obnube, & quam Dictator & Pater imperat, mortem irrogā.

ARTICULUS III.

De Apostrophe, & Protopopæja.

Quid est Apostrophe?

R. Est Figura, qua Orator convertit Orationem vel ad Deum, vel ad Judices, vel adversarios, vel etiam res inanimatas.

Orationem convertit ad Deum Tullius 1. Catil. n. 33. *Tum tu, Jupiter, qui iisdem, quibus hæc urbs, auspicis a Romulo es constitutus, quem Statorem hujus urbis atque Imperii vere nominamus: bunc & hujus socios a tuis aris ceterisque templis, a tectis urbis ac mænibus, a vita fortunisque civium omnium arcebis: & omnes inimicos bonorum, hostes patriæ, latrones Italie, scelerum fædere interset, ac nefaria societate conjunctos, æternis suppliciis vivos mortuosque mactabis.*

Orat. pro Domo sua, n. 104. *O Dii immortales! (vos enim hæc audire cupio) P. Clodius vestra sacra curat? vestrum Numen horret? res omnes bunianas religione vestra contineri putat? hic non illudit auctoritati horum omnium, qui adsunt, summorum virorum? non vestra, Pontifices, gravitate abutitur? ex isto ore religionis verbum excidere aut elabi potest?*

Item pro Cælio, n. 59. 2. Phil. n. 82. 33.

Ad Judices convertit Orationem 7. Ver. n. 122. *Pot Deos Immortales! Judices, quo tandem animo sedetis? aut quemadmodum auditis? Utrum ego despicio, & plus quam satis opus est, doleo in tanta calamitate miseriaque sociorum? an vos quoque hic acerbissimus innocentium cruciatus & mæror pari sensu doloris afficit?*

Pro Murena, n. 82. *Quis locus est, Judices, quod tempus, qui dies, que nox, cum ego non ex istorum insidiis ac mœcronibus, non solum meo, sed multo etiam magis divino consilio eripiar atque evolem? &c.*

Habes alia exempla 4. Verr. n. 81. Pro Ligario, n. 6. Pro Archia, n. 19. Pro Murena, n. 78. 3. Phil. n. 22.

Ad adversarios Orationem convertit, pro Ligario, n. 9. *Quid enim, Tubere, tuus ille districtus in acie Pharsalica gladius agebat? qui sensus erat armorum tuorum? que tua mens, oculi, manus, ardor animi? quid cupiebas? quid optabas?*

In Pisonem, n. 1. *Jamne vides, bellua, jamne sentis, que*

que sit hominum querela frontis tuae? Nemio queritur, Syrum nescio quem de grege novitiorum, factum esse Consuleni; non enim nos color iste servilis, non pilosae genae, non dentes putridi deceperunt. Oculi, supercilia, frons, vultus denique totus, qui sermo quidam tacitus mentis est, hic in errorem homines impulit: hic eos quibus eras ignotus, decepit, fefellit, in errorem induxit. Pauci ista lutulenta vita tua novaramus; pauci tarditatem ingenii, stuporem, debilitatemque linguæ. Numquam erat audita vox in foro; numquam periculum facium consilii; nullum non modo illustre, sed ne totum quidem factum aut militie, aut domii. Obrepissi ad honores commendatione fumosarum imaginum, quarum simile babes nihil, præter colorem.

Item 1. Ver. n. 35. 3. Ver. n. 77. 78. 6. Ver. n. 18. 79. 82. Pro Quintio, n. 4. 1. Catil. n. 1. 2. Phil. n. 33. 34. 14. Phil. n. 21. Pro Roscio Amerino, n. 144.

Ad res inanimatas convertit Orationem pro Balbo, n. 13. *O nationes, urbes, populi, reges, tetrarchæ, tyranni, testes Cn. Pompeji non soluni virtutis in bello, sed etiam religionis in pace! vos denique mutæ regiones imploro, & sola terrarum ultimorum; vos maria, portus, insulæ littoraque. Quæ est enim ora, quæ sedes, quis locus, in quo non exstent bujus cum fortitudinis, tum vero humanitatis, tum animi, tum consilii impressa vestigia?*

7. Ver. n. 170. Si hæc non ad Cives Romanos, non ad aliquos amicos nostræ Civitatis, non ad eos qui Populi Romani nomen audiissent, denique si non ad homines, sed ad bestias; aut etium, ut longius progrediar, si in aliqua desertissima solitudine ad saxa & scopulos hæc conqueri & depolare vellenti: tamen omnia muta atque inanima, tanta & tam indigna rerum atrocitate commoverentur.

Similiter & 2. Philip. n. 32. & 33. dicit nullos esse tam agrestes homines, nulla tam deserta loca, quæ Brutum & Cassium non affarentur, & patratum ab ipsis gloriosum facinus non gratularentur. Item pro Milone, n. 85.

Valet autem hæc Figura, ut ex laudatis exemplis colligitur, ad increpandos acrius adversarios, & etiam ad deletionem & commiserationem commovendam.

Quid est Prosopopœja?

R. Est fictio personæ cuiuslibet loquentis, qua rebus etiam mutis ac sensus expertibus sermo accommodatur, aut vita functi tamquam præsentes spirantesque loquentes inducuntur.

Pro Murena, n. 38. fingit Tullius & inducit loquentes milites, qui sub Murena metuerant. In Consule declarando

do multum apud universum Populuni Romanum auctoritatis habet suffragatio militaris. Imperatores enim Comitiis Consularibus, non verborum interpretes diliguntur. Quare gravis est illa Oratio, Me saucium recreavit; me preda donavit; hoc duce castra cepimus, signa coniulimus: numquam iste plus laboris militi imposuit, quam sibi sumpsit ipse; cum fortis, tum etiam felix.

Similis pene locus ibid. n. 45. ubi colloquenter populum inducit de vario Candidatorum habitu. Vides tu illum tristem, &c.

Item & pro Plancio, n. 12. In Pisonem, n. 59. Pro Quintio, n. 55. Pro Roscio Amerino, n. 32. & 145.

Mortuus ab inferis excitat & loquentes exhibet pro Cælio, n. 33. Aliquis mihi excitandus est ab Inferis, ex barbatis illis, non bac barbula, qua ista detectatur; sed illa horrida, quam in statuis antiquis & imaginibus videmus: qui objurget mulierem, & pro me loquatur, ne ista mibi forte succenseat. Existat igitur ex hac ipsa familia aliquis; ac potissimum Cæcus ille (minimum enim dolorem capiet, qui istam non videbit) qui profecto si extiterit, sic ager, & sic loquetur: Mulier, quid ibi cum Cælio? quid cum homine adolescentulo? quid cum alieno? cur aut tam familiaris huic fuisse, ut aurum commodares; aut tam inimica, ut venenum timeres? Non patrem tuum videras? non patrum? non avum, proavum, atavum audieras Consules fuisse? &c. Locus egregius totus & perlegendus.

Et n. 36. Sin autem urbanius me agere mavis, sic agam tecum. Remuebo illum senem durum ac pene agrestem, ex his tuis sumiam aliquem, ac potissimum minimum fratrem tuum, qui est in isto genere urbanissimus; qui te amat plurimum; qui, propter nescio quam, credo, timiditatem & nocturnos quosdam inanesque metus, tecum semper pugno cum majore sorore cubitavit. Eum putato tecum loqui: Quid tumultuaris, soror? quid insanis? quid, clamore exorsa, rem puruam magnam facis? vicinum adolescentulum aspexisti: candor hujus te, & proceritas, vultus, oculique pepulerunt: &c. Hæc Prosopopœja continuatur usque ad n. 38.

Habes alia hujus Prosopopœjæ exempla 3. Ver. n. 94. 7. Ver. 235. & 187. Pro Milone, n. 72. & 77. Pro Balbo, n. 44.

Denique rebus etiam inanimatis sua vox tribuitur, ut Ver. 4. n. 19. Sicilia tota, si una voce loqueretur, hoc diceret: Quod auri, quod argenti, quod ornomentorum in meis urbibus, sedibus, delubris fuit; quod in unaquaque re beneficio Senatus, Populique Romani, juris habui, ita mibi tu, &c.

Ver-

Verres, eripiusti atque abstulisti. Quo nomine abs te sestertium millies ex lege repero.

Et i. Catil. n. 18. Nunc te patria odit, quæ communis omnium nostrum parens est, tecum Catilina sic agit, & quodanmodo tacita loquitur: Nullum jam tot annos facinus extitit, nisi per te; nullum flagitium sine te: tibi uni multorum civium neces, tibi vexatio direptioque sociorum, impunita fuit ac libera. Tu non solum ad negligendas leges ac questiones, verum etiam ad evertendas perfingendasque valuisti. Superiora illa, quamquam ferenda non fuerunt, tamen, ut potui, tuli. Nunc vero me totam esse in metu propter te unum; quidquid increpuerit, Catilinam timeri; nullum videri contra me consilium iniri posse, quod a tuo scelebre abhorreat; non est ferendum. Quamobrem discede, atque bunc mibi timorem eripe: si verus, ne opprimar, si falsus, ut tandem aliquando timere desinam.

Item n. 27. & 28. ejusdem Catilinariæ, Patria Cicorenem alloquitur.

E X E R C I T A T I O.

Saul incertus & anxius, quis esset futurus exitus certaminis: quod erat contra Philistæos commissurus, statuit Samuelis umbram per Pythonijam consulere.

Per Apostrophen & Prosopopœjam.

S Y N Q P S I S.

PRIMO Per Apostrophen ad Deum, queretur quod interrogatus de committendæ mox pugnæ exitu nullum per Vates ac Sacerdotes responsum dederit.

2. Per aliam ad seipsum Apostrophen quæret, quid sibi agendum sit in eo rerum discrimine, statuetque adire Inferos, queniam Cælum tacet.

3. Per aliam Apostrophen ad seipsum damnabit consilium suum, qui nihil audire possit a Samuele nisi funestum, nihil cuius conscientia esse sibi non beatum.

4. Per Prosopopœjam finget audire se loquentem Samuelem, & denunciantem mala jam jam eventura.

Concludet. I, perge, quando sic placet, evoca virum illum: disce ab eo calamitatum tuarum seriem. &c.

O R A T I O .

(*Apostrophe*.) Quid esse dicam, o Deus? Ecquid ferale non occinit silentium illud, quod hodie præter morem affectas? Ecce Philistæi populum tuum impetunt, tristissimam nobis perniciem minantur! & taces? conticescunt Vates tui, & interrogati Sacerdotes responsum non ferunt: Itane miserum Regem objicis, o Deus, & hostis barbari furoribus illudendum permittis?

(*Apostrophe*.) Quid ages, Regum infortunatissime? quo te vertes? cuius implorabis opem in tantis rerum tuarum angustiis? Statue nunc tandem aliquid. Cur hæres dubius? cur deliberas? cur times? Sume dignum animo tuo, dignum præsenti calamitate, dignum desperatissimis rebus consilium. Nullum nobis de Cælo responsum venit? Esto. Adeamus Inferos; penetremus intima terrarum viscera; evocemus inde virum illum, cuius ex ore divina toties oracula piomanarunt: ne parcamus magicis artibus, neque adhibere pudeat eorum industria, quos pepulisti nuper atque exterminasti; scelera ipsa atque flagitia hac hodie mercede nobis placeant.

(*Apostrophe*.) At enim quo pergis? quo properas? quo præceps ruis? quid sperandum habes ab eo, quem contrarium tibi, dum viveret, quem infenium semper, quem perpetuum impietatis tuae obtrectatorem expertus es? Quin interrogas potius teipsum, quin conscientiam perscrutaris, quin tumultus illos, metus, pavores, quibus agitatur infelix animus, persentiscis, atque hinc certius tristissimam paratae tibi sortis acerbitatem auguraris?

Nam quid Samuelem adeas, inconsulte? quid ipsius quietem etiani post ultima fata interturbes? An vis audire denuo seyerum Vatem increpantem te dirius, & commissa toties in Deum per summum nefas piacula disertissime retractantem? Vis ut excitatus Pythonissæ incantationibus e media prodeat umbrarum caligine; & ardentibus ut olim oculis, minaci fronte, vultu ad indignationem composito, sic loquatur, aut potius fulminet? (*Prosopopœja*.) Quid me suscitasti, Regum infelicissime, vel me quid interrogas? an nescis, quod ego tibi jam prædixi tam sæpe, recessisse a te omnipotentem Deum, & in æmuli tui viri-santissimi partes transiisse? An ignoras, auferendum tibi modo regnum illud, quod per tot annos flagitiis tuis dedecorasti? Nempe jam oblitus es, quoties quam turpiter datam

Deo

Deo fidem violaveris ; quam temere sacratissimas ipsius leges perfregeris , quam inconsulte atque impie avaritia impulsus tua Regi Amalecitarum & opimis ipsorum spoliis , ipso repugnante & contiadidente Deo , peperceris ? Quid igitur a me audire lubet ulterius ? an exitum illius pugnae , quam meditaris , fore tristissimum ? an vincendos , cædendos , mactandosque a Philistæis Israelitas ? an medias inter populi tui strages ac ruinas tibi una cum filiis esse occumbendum ? Hæc sunt , infelix Saul , quæ audies .

I nunc ergo , quandoquidem sic placuit , i , perge certam in perniciem : Samuelem interroga , disce diligenter crudelis fati , quod capiti impendet tuo , atrocitatem omnem : noli expectare , dum hora fatalis advenerit , sed macera iam teipsum funestissimo nuntio , quod auditurus es , & ante tempus debitas sceleribus tuis poenas a temerario exige .

ALIA EXERCITATIO.

Theodoricus Ostrogothorum Rex , cum Symmachum falso accusatum crimine capitali supplicio affecisset , visus est sibi ejusdem Symmachi caput intueri in capite Piscis ingeniis , quod cœnanti sibi fuerat appositum .

Per easdem Figuras .

S I N O P S I S .

PRIMO stuporem suum testabitur : & , conversa ad ministros suos oratione , petet , an illudant sibi , jubebitque removeri triste spectaculum .

2. Arguet sepe , qui inanibus terriculis moveatur .

3. Priorem sententiam corriget , & quasi loquens audit Symmachi caput , per Protopopœjam inducit Symmachum exprobrantem sibi crudelitatem suam , & denunciantem mox eventuras calamitates .

Denique per Apostrophen ad Deum fatebitur se merito puniri , & mortem mox adfuturam præcipiet .

O R A T I O .

Quid video , Rex infelix ? mene fallunt oculi ? quid hoc sibi vult oblitum recenti crux caput ? quid pallida & exanœuis facies ? quid isti oculi in me unum truces & effe-

ferati? Piscisne, an Symmachi potius caput inter epulas mihi appositum intueor?

(*Apostrophe.*) Ah! removete oculis triste spectaculum. Itane Regi vestro illuditis, ministri perduelles? Mene, an vos ignoratis? quod esse decuit ferarum præda, hoc Regis vestri, credo, cibum esse vultis? cedo arma miles; hic modus gladius meritas a proditoribus pœnas hauriet Sed caligant oculi, vires deficiunt, vox hæret, & præfagus mali animus dirum nescio quid perhorrescit!

Quamquam resume animos, Theodorice: quid trepidas? quid inania tibi fingis somnia? scilicet hunc timeas mortuum, quem vivum contempsisti? Nihil ago, nihil promoveo, frultra sum. Perii miser! ecce terribilis & minax sonus auribus intonat meis, & animum nequicquam oblumentem exanimat! Audito, audito Symmachi vocem; nempe petit illa, & edita nuper crudelitatis argumenta palam reprobat! Utinam liceret tristibus querelis aures occludere. Nam quid audio infelix? quæ me fulmina percellunt?

(*Protopopæja.*) Intuere, Rex crudelissime, tuo spectacula digna convivio; porrige dexteram, nequid sævitiae tuæ desit, & inter digitos rivi defluant innocentis crux. Et quoniam sæviendo restingu non potest inexpleta sanguinis humani sitis, bibe crux illum scaturientibus adhuc exsusti capitum venis profluentem. Infelix! quoisque tandem in cives tuos bacchabere? quamdiu insontes quoisque persequeris, & clarissimorum virorum sanguine impias cruentabis manus? Age, age; quæ tibi mens? quod confilium? quis animus fuit? qui, me imperfecto, sperasti crudelis? quæ te spes, vel quis metus ad inauditas illas & impias Senatorum amplissimorum cædes stimulabat? Hanc feceras expectationem tui, degener, cum faustis ominibus ad solium evectus, invitus nulli, nemini non acceptus, proponendum cunctis Imperatoribus humanitatis, clementiæ, æquitatis exemplum, regni habenas moderabere? Quantum mutatus ab illo es? quis jam Theodoricum in Theodorico agnoscat?

Heu me, quid miserum asperas, Symmache? absiste, sati est: habes fatentem reum; facti pudet pigetque: aspice manantes ex oculis fletus, audi tristes sincerique doloris indices gemitus, &, si fas, ignosce.

At tu, supreme rerum omnium arbiter Deus, (*Apostrophe*) qui Regum perinde ac ceterorum mortalium fata moxeraris: tuam sentio, quæ capiti scelerato impendet, ulticem manum: merui quæ patior, & graviora merui.

Mors

Mors imminet; nec mortem deprecor; quæ utinam scelerata mea antevertisset. Hoc unum obsecro, si quid adhuc rogare me ac flagitare pateris, me hic fontem pleste, si modo te nec viuis meis iniquum, nec ultra mortalis ævi spatia gravem experiar.

ARTICULUS IV.

De Hypotyposi, & Ethopæja.

Quid est Hypotyposis?

R. Est Figura, quæ res subjiciuntur oculis perinde ac si coram gererentur. Ad hanc Figuram pertinent Descriptiones locorum, rerum, personarum, &c.

Pro Roscio Amerino, n. 98. Etiamne in tam perspicuis rebus argumentatio querenda, aut conjectura capienda sit? Nonne vobis hæc, quæ audistis, cernere oculis videmini? non illum miserum, ignarum casus sui, redeuntem a cœna videtis? non positas insidias? non impetum repentinum? non versatur vobis ante oculos in cœde Glaucia? non adest iste T. Roscius? non suis manibus in curru collocat Automedontem illum, sui sceleris acerbissimi, nefarieque victoriae nuntium? non orat, ut eam noctem pervigilet? ut honoris sui causa laboret? ut Capitonii quum primum nuntiet?

Pro Milone, n. 28. ita describit egressum Clodii ex urbe, ut inde concludat, structas ab eo Miloni insidias fuisse.

Et 2. Phil. n. 105. Personabant omnia vocibus ebriorum; natabant pavimenta vino; madebant parietes; ingenui pueri cum meritoriis; scorta inter matres familias versabantur.

Ibid. n. 58. Vehebatur in effedo Tribunus plebis: lectores laureati antecedebant: inter quos, aperta lectica; mima portabatur: quani ex oppidis municipales, homines honesti, necessario obviam prodeentes, non noto illo & nimico nomine, sed Volumniam consulutabant. Sequebantur rhedam cum lenonibus comites nequissimi; rejecta mater amicam impuri filii, tamquam nurum, sequebatur.

Alia hujus Figuræ exempla habes 3. Ver. n. 67. 141. 4. Ver. n. 108. 6. Ver. n. 74. 7. Ver. n. 17. & a 26. ad 29. 2. Catil. n. 5. 5. Catil. n. 11. 2. Phil. n. 7.

Valet autem hæc Figura plurimum ad commovendos affectus, & Judicum animos concitandos.

7. Ver. n. 105. Hæc posteaquam acta & constituta sunt, procedit iste repente e prætorio, inflammatus scelere, furore, crudelitate. In forum venit: navarchos vocari jubet. Qui nibil me-

metuerent, suspicarentur nihil, statim accurvunt. Iste hominibus miseras, innocentibusque injici catenas imperat. Implorare illi fidem Populi Romani & quare id faceret, rogare. Tunc iste hoc cussus dicit, quod classem praedonibus prodidissent. Fit clamor & admiratio populi, tantam esse in homine impudentiam.

Et n. 141. ibid. Hec cum maxime loqueretur, sex lictores circumstlunt valentissimi, & ad pulsandos, verberandosque homines exercitatissimi; cedunt acerrime virgis: denique proximus lictor Sestius, converso bacillo, oculos misero tundere vehementissime coepit. Itaque illi cum sanguis os, oculosque complesset, concidit; cum illi nihilominus jacenti latera tunderentur, ut aliquando spondere se diceret &c.

Ibid. n. 139. & 160. Uterque egregium exhibit hujus Figuræ exemplum, & ad movendos affectus aptissimum.

Item 11. Philip. n. 3. Ponite igitur ante oculos miseram illum quidem & flebilcm speciem, sed ad incitandos animos vestros necessariam: nocturnum imperum in urbem Asie clarissimam, irruptionem armatorum in Trebonii domum, cum miser ille prius latronum gladios videret, quam, que res esset, audisset: furentis introitum Dolabellæ, vocem impuram atque os illud infame, vincula, verbera, eculeum, carnificem, torturamque Samiarium. Que tulisse illum fortiter & patienter ferunt.

Denique in Oratione pro Murena illustris est Hypotyposis gemina, eademque vehementissima, n. 85. 188.

Quid est Ethopæja?

R. Est Figura, qua vitam & indolem alicujus quibusdam signis ita describit Orator, ut in cognitionem morum saltem aliquam deducat. Hæc autem Figura magnam habet cum Hypotyposi affinitatem, & quemadmodum illa, in exhortatione & in dotibus excitandis frequenter usurpatur.

Pro Roscio Amerino, n. 135. Ipse vero quemadmodum compositor & delibuto capillo passini per forum volitet cum magna caterva togatorum, videtis, Judices: ut omnes despiciat; ut hominem præ se neminem putet; ut se solum rarum, solum potenterem putet. Lege ibid. n. 59. & 10.

Pro Roscio Comœdo, n. 20. Oro, atque obsecro vos, qui nostis, vitam inter se utriusque conferte: qui non nostis, faciem utriusque considerate. Nonne ipsum caput & supercilia illa penitus abrasa oleum malitiam & clamitatem videntur? nonne ab imis unguibus usque ad verticem summum (si quam conjecturam affert hominibus tacita corporis figura) ex fraude, fallaciis, mendaciis, constare totus videntur? qui idcirco capite & superciliis est semper rasis, ne ullum pilum viri boni habere videatur.

Item pro Sextio, n. 19. ad 20. Quorum si nondum scelera, vul-

vulneraque inusta Reipublicæ vultis recordari , vultum atque incessum animis intueamini . Facilius facta eorum occurrent mentibus vestris , si ora ipsa oculis proposueritis . Alter unguentis affluens , calamistrata coma , despiciens conscos stuprorum , ac veteres vexatores ætatulæ suæ , puteali , & faeneratorum gregibus inflatus atque percussus olim ne Scyllæ aeris alieni in freto ad columnam adbæresceret , in Tribunatus porrum perfugerat Alter , o Dii boni ! quam teter incedebat ! quam truculentus ! quam terribilis asperius ! Unum aliquem te ex barbatis illis , exemplum Imperii veteris , imaginem antiquitatis , columen Reipublicæ aices intueri . Vestitus aspercere nostra bac purpura plesbejæ ac pene fusca ; capillo ita horrido , ut Capua , in qua ipse turi imaginis ornandæ caussa duumviratum gerebat , Seplasiam sublatus videbetur . Nam quid ego de supercilio dicam , quod tum hominibus non supercilium , sed Reipublicæ pignus videbitur ? Tanta erat gravitas in oculo , tanta frontis contractio , ut ilia supercilium Respublica , tamquam Atlante Cœlum , niti videbatur .

Sunt & alia Ethopœjæ exempla illustria 4. Ver. n. 74. 134. & 135. 5. Ver. n. 22. & 237. Ver. n. 27. 2. In Rullum , n. 13.

Item & Gabinium effeminatum sic describit Orat. post Reditum in Senatu , n. 12. Primum processit qua auctoritate viri vini , somni , stupri plenus , madenti coma , composito capillo , gravibus oculis , fluentibus buccis , pressa voce & tumulenta .

Est & aliud singulare Ethopœjæ exemplum 7. Ver. n. 27. jam laudato , ubi mollem & delicatam Verris vitam per singulas anni tempestates graphice describit .

E X E R C I T A T I O .

Extolleter magnanimes Matris Machabæorum , que septem filios pro divina Lege morientes non modo constanter vidit , sed & ipsos ad spernendas Tyranni furias est abortata .

Per Hypotyposim & Ethopœjam .

S T N O P S I S .

Exord. & Prop. Continebitur fola dilatatione argumenti .

Confirmatio . Fiet per Hypotyposim ; describetur terribilis suppliciorum apparatus ad crucianda Machabæorum corpora . Expediebantur enses , aculei , rotæ , incendia , &c. & per Ethopœjam exhibebitur Antiochus inflammatus ira , &c.

Per

Per aliam Hypotyposin exponetur luctus astantium & comploratio. Alios vidistes effusos in lacrymas, & fortissimorum Juvenum sortem deplorantes, alios affixos sacris corporibus, alios detestantes Antiochi furias, &c.

4. Per Ethopœjam describetur mater cruentam inter natorum carnificinam erecta animo, spe firma, gaudio exultans, &c.

Conclusio. Eat nunc superba antiquitas, & Heroas suos jactet.

O R A T I O.

Nam quæ illa femina est, supra sortem sexus sui tam fortis, ut ad mortis aspectum non expallescatur? adversus naturæ sensus omnes sic obfirmata, ut inter cruenta carissimæ sobolis funera gaudeat ac triumphet? Agnosco generosam illam Machabæorum matrem, quæ divinæ legis amore succensa non habuit satis, si pro eadem tuenda mortem viriliter oppeteret, nisi ad parem animi constantiam septem quos pepererat, filios adhortaretur; & antequam extingueretur ipsa, septies cum totidem filiis interiret.

Quantæ porro virtutis erat non commoveri funestissimo carnificinæ illius apparatu, qui amantissimæ suæ soboli (*Hypnotysis*) tristissima quæque minitabatur? Quæ mater alia non perhorruisset vel ad cruentam mortis tam multiplicis imaginem? Hinc enim expediebantur enses, eculei, rotæ, incendia, ferventes ollæ, & alia cujuscumque generis instrumenta luxandis ac dilaniandis artubus accommodata. Illinc erumpebat immanis tortorum furor, quos innata barbaris pectoribus feritas, & crudelia immanis Tyranni imperia, in sanctissimos Juvenes incitabant. Interim spretus insigniter Rex Antiochus, quod blanditiis, precibus, promissis non potuerat exorare, id minis, terroribus, sevissimis cruciatibus urgebat. Ardebat oculi, frons ignescens, (*Ethopæja*) vultus furore ac scelere inflammatur, & toto ex ore crudelitas emicabat.

Nullus erat ex confertissima circumstantis populi multitudine, quem terribilis spectaculi hujusmodi facies non moveret. Hinc audiri gemitus, illinc erumpere lacrymæ, inde tristissima omnium comploratio misceri. (*Hypotyposis*) Miserabuntur alii luxata eculeis corpora, laceratos plagis artus, inundantes ex omni parte rivos sanguinis, & absumptum ante tempus ætatis florem lamentabuntur. Alii genibus effusi fortissimorum Juvenum sacra ipsorum vestigia osculabantur; alii ruebant in amplexus; alii, quia

turbam hominum non valebant submovere , protensis a longe manibus lugubri planctu ac lamentabili voce invictos Heroas prosequebantur . Alios audiisses dirissimam tortorum barbariem increpare , alios suam ipsi Antiocho exprobrare crudelitatem , alios vindices sceleratis capitibus poenas imprecari .

At quid Mater interea tot inter adstantium gemitus , suspiria , lacrymas , ejulatus , minas , execrationes ? An ceterarum Matrum de more scindebat capillos , laniabat genas , tundebat pectus , & lucluosa comploratione omnia late loca personabat ? an impii Regis genibus affusa simpli- citer parata supplicia deprecabatur ? an filios convolantes ad mortem lacrymis suis ac precibus retardabat ? (*Erbopaxja*) Imo , imo erat aspectus ipsius spe plenus , erectus constantia , & incredibili quadam laetitia perfusus . Nunc defixis in Cælum oculis novum inde robur certantibus accersebat , nunc deflexis paulum in amantissimos filios virilem omnibus constantiam inspirabat : modo supremi Numinis erumpens in laudes , divinam suis in pugilibus potentiam celebrabat : mox sanctos Heroas blande compellans , ruentes ultro certas in neces stimulis acrioribus incendebat . Lacerabantur alii ferreis pectinibus , alii disten- tabantur rotis & eculeis , alii ferventibus ollis immerge- bantur : cædebantur alii post alios , & cruentum in morem mactabantur . Plaudebat interim ipsa , exultabat , triumphabat , & carnificum furias prævertens filiorum corpora perimenda porrigebat .

Eat nunc ostentatrix sui antiquitas , extollat Heroas suos ac prædicet , an cum femina illa fortitudinis ac constan- tiæ laude comparandos arbitretur .

A L I A E X E R C I T A T I O .

Bacchanalium Insectatio .

Per easdem Figuras .

S T N O P S I S .

Exord. D Eplorabit Christianæ Religionis fatum , quæ , post refixam jam diu falsorum Numinum superstitionem , dolere possit profanos eorumdem cultus fuisse re- vocatos .

Propositio. Sic efferetur per Hypotyposim . Nam quid sibi vult

vult tumultus ille concursantium, quid vociferantium clamores? &c. an, si coleretur hodie Bacchus, celebraretur aliter a Bacchantibus?

Confirmatio. Describentur per Hypotyposim & Ethopœjarum infani Bacchanaliūpi mores, quos dicet nihil differre a priscis Orgiis: diurni nocturnique tumultus ac strepitus, sonitus tympanorum, larvatæ facies, mimici habitus, immoderata epulæ, ridicula spectacula, contentiones, rixæ, cædes.

Contentio. Petet a Religione, an profanos hujusmodi cultus in suis approbet? Mox inducet Religionem ipsam expostulantem, & degeneres Christianos objurgantem, quod a Majorum virtute deflexerint.

O R A T I O.

Quam luctuoso Religionis Christianæ fato fieri dicam, ut cum incredibili labore suo piiscam falsorum Numinum superstitionem jam diu refixerit, profanos tamen eorumdem cultus aut servatos tanto post tempore doleat, aut postliminio certe revocatos conqueratur?

Nam quid sibi vult tumultuosus ille sonitus? quid clamores vociferantium inconditi? quid accensæ faces vel innunt, vel loquuntur? (*Hypotyposis*) An ergo vigent hodie & in pretio sunt priſca insanientium hominum Orgia? an apud nos etiamnum habere numen aliquod Bacchus creditur? Nam qui forent alii Bacchantium mores, quam nunc sunt; aut quibus aliis ritibus Bacchus ipse coleretur, si ad nostra usque tempora supersticio vana persistisset?

Sed quid dico, Bacchi cultus hodie non viget, aut inesse Baccho divinum quidpiam homines nostri non putant? Unde ergo diurni nocturnique Bacchantium strepitus aures personant? Cur intempestivi tympanorum sonitus aut vigilantibus obstrepunt, aut dormientium somnos interturbant? (*Hypotyposis* & *Ethopœja*) Quid mentitas video facies undique, & ridiculum vel horrendum in morem larvatas? Quis turpes illos Mimorum & Histriorum habitus induxit? Quare tam obliti pudoris ac modestiæ, quotquot sunt ex illo desipientium hominum grege, nemo ut prodire in publicum, nisi dissimulatus insigniter & monstro cuiquam quam homini propior videri sustineat? Hinc offerunt se mihi perennes epulæ, illinc immoderata commissationes, inde ebrietas ac crapula! Hic turpissima spectacula

offendunt oculos , illuc cachinnantium strepitus & plausus lascivientium aures obtundunt , ibi concertantium clamores ac rixæ funestissimam futuri postmodum certaminis scenam denuntiant ! Jam ventum est ad jurgia , a jurgiis ad manus : jam stringunt enses , mutuis hinc inde vulneribus res geritur . Omnes inflammati scelere , ebrietate , furore , crudelitatem spirant ac cædem . Jam misceri susque deque omnia , convivæ in Corybantas mutari , natare pavimentum vino ac sanguine , & luctuosí cruentique belli facies exsurgere . O tempora ! o mores !

Et hac pateris , Religio sancta ? Tu ritus illos , hæc flagitia , tuis asseclis atque sectatoribus approbas ? Imo , imo queritur , gemit , & illatam sibi per summum nefas contumeliam graviter expostulat . O si audire posses per turbas ac tumultus , quisquis depravatis hisce modiibus funestam Religioni labem ac maculam importas ! Quiesce tantisper ab insanis illis clamoribus ; reprime ad breve tempus imperium illum , qui te ad insaniam adigit ; respisce paulum , si potes , & personam hominis sobrii ac temperantis , vel deponendam postmodum , indue . Audi , Christiane degener , quibus te tuique similes querelis ac probris Religio illa quam spernitis atque illuditis , insectetur .

Hancine mihi resertis gratiam , scelesti ac perduelles filii , quos peperi olim tot laboribus , quos sovi toties insinu , quos alui tam diligenter ? Hic erit unus impensi amoris fructus , hæc institutionis bona quam dedi , merces unica , ut proscindi me vestris opprobriis , ac contumeliis affici videam . Itane soboles infida a majorum suorum virtute deflexit ? Illi me pio sanctoque cultu ad supremum dignitatis apicem evexerunt ; vos dejectam ex illo gradu ac jacentem illuditis . Suas illi vigilias , labores , curas mihi devoverunt ; vos in meam perniciem omni scelere ac flagitio incumbitis . Illi jus meum contra nefarios hostium impetus vel sanguinis sui dispendio defenderunt : vos inita cum iisdem societate expugnatis . Statuite porro , quid age-re vos deinceps oporteat ; an haberi vos velitis hostes , an amicos . Eligite , per me licet , utrum impietatis , an Religionis partes sectari vos conveniat . Si primum placet , nihil ego vos moror : profugite tandem , castris meis abscedite penitus ; deponite nomen illud , cuius tantum vos piget . Sin potius saniora vos juvant consilia : abjicite mores illos tam injurios mihi , vestro nomini tam alienos , & dignos Religione quam colitis , sensus tandem induite .

ARTICULUS V.

De Sustentatione, Apostopefi, Emphasi.

De

Quid est Sustentatio?

R. Est Figura, qua diu suspenduntur Auditorum animi, donec aliquid inexpeditum, sive risu sive admiratio ne dignum, subiectiatur.

Hinc Figurae bujus duplex est usus: alter in rebus magnis & insolitis facinoribus exponendis; alter in rebus quibusdam levioribus, quando jocandi causa magnum aliquid promittit Orator, illudque tandem in jocum aliquem recidit. Hic agimus potissimum de Sustentatione, qua in rebus magnis ac seris adhibetur.

Habes illud Sustentationis exemplum 7. Ver. n. 10. & 11. Res delata ad illum. Statim, ut par fuit, justus ejus homines, qui nominati fuerant, comprehensis sunt, adiutique Lycium. Dominus denunciatum est, ut adebet: causa dicta damnata sunt. Quid deinde? quid censes? futrum fortasse aut predam expectatis aliquam? Nolite usquequaque eadem querere. In mensu belli, strandi locutus quis potest esse? Etiam nunc mihi expectate videmini, judices, quid deinde factum sit; quod iste nibil unquam fecit sine aliquo queritu atque preda. Quid in ejusmodi re fieri potuit? quod commodum est? Expectate facinus, quam vultis improbum: vincam tamen expectationem vestram. Nomine sceleris con�uratioisque dannati, ad supplicium tradit, ad palam alligati, repente multis hominum millibus impellantibus, soluti sunt, & Leonide illi domino redditi.

Et Philip. 2. n. 2. Quid putem? contemptumne me? non video nec in vita, nec in gratia, nec in rebus gestis, nec in hac mea mediocritate ingenii, quid despicer possit Antonius. An in Senatu facilissime de me derribi posse credidit? qui vero clarissimus Civibus bene geste Republice testimonium multis, mihi uni conservare dedit? An decertare mecum voluit contentione dicendi? hoc quidem beneficium est: quid enim pleans, quid uberior, quam mihi & pro me, & contra Antonium dicere? Illud profecto est: non existimavit, nisi similius probari posset, se esse hostem patris, nisi mihi esset inimicus.

Hac porro Figura multam vim habet & gratiam, cum ita suspenduntur Auditorum animi, allatis multis rebus; interdemque rejicitis, ut subiectiatur tandem novum aliquid & minime expectatum: quod id laudato mox loco videre est.

Habes alia Sustentationis exempla pro Roscio Amerino, n. 39. Pro Quintio, n. 66. 3. Ver. 141. 4. Ver. 106. 3. In Rul. lum, n. 11. Pro Dejotaro, n. 26.

Quid est Apostiopesis, seu Reticentia?

R. Est Figura, qua Oratio interciditur & interrumpiatur, alicujus gravioris affectus significandi gratia. Ita Cicero Epist. 22, ad Atticum Lib. 7. de Pompejo loquens, cuius saluti metuebat, utitur Apostiopesi. *De Pompejo scio nihil, eumque, nisi in navim se contulerit, exceptum iri puto, O celeritatem incredibilem! bujus autem nostri... Sed non possum accusare eum, de quo angor & crucior... reticet tarditatem aut ignaviam.*

Et Epistola ultima Lib. 9. ad eundem Atticum, utitur Apostiopesi dissimulandæ indignationis gratia. *Sed erit injustissimus Servius, qui filium misit ad effligendum Cn. Pompejum, aut certe capiendum. Etsi hic quidem timoris cauſsa; ille vero? Sed stomachari desinamus.*

Adhibetur etiam nonnumquam, ut quod reticetur, manus quidpiam suspicandi det cauſsam, quam si effterretur. Cicero pro Cælio, n. 69. *Hic etiam miramur, si illam comititum pyxidem obscenissima sit fabula consecuta? Nihil est, quod in ejusmodi nuliere non cadere videatur. Audita, & per vulgata, & celebata sermonibus res est. Percipitis animis, Judices, jamdudum quid velim, vel potius, quid nolim dicere. Quod etiam si est factum, certe a Cælio non est factum.*

Potest etiam dici prætermissum illud a Cicerone vitandæ obscenitatis cauſsa.

Quid est Emphasis?

R. Est Figura, qua Orator plus significat, quam dicit. Quæ quoniam refertur ad Hyperbolæ de qua jam diximus, pluribus hiç supersedebimus.

E X E R C I T A T I O.

Amici opes Viri Principis.

Per Sustentationem, Apostiopesim, Empbaſim.

Exord. & Prop. **D**Icet, nihil esse oportere pretiosius Viro Principi, quam amicos,

Rationem afferet, quia rebus omnibus abundat, qui amicos curavit: eisdem qui caret, omnium egenus est.

Confirmatio. Petetur ab Alexandri Magni auctoritate, qui venientibus ad se Persarum Legatis, & Alexandri thesauros

ros videre cupientibus , circumstantes amicos ostendens , dixit : En opes Alexandri , Tractabitur hic locus per Sustentationem , & Emphasim .

Concludet in amicis veras esse divitias , quas nulla fortunæ mutabilitas auferre possit .

O R A T I O .

Extollant alii , per me licet , & quantum volent , prædident magnificentius in Principibus Viris ingentia auri argenteique pondera , pretiosam supellestilem , superba palatia , eosque ditissimos arbitrentur , qui rebus istis omnibus abundant . Ego certe opulentissimum inter ceteros eum semper æstimabo , qui amicos quam plurimos potuerit sibi jure merito gratulari .

Enimvero quibus rebus non abundat , aut quibus tandem egere potest ille , qui sinceram amicorum multitudinem comparavit ? Liceat mihi compellare aliquem eorum de numero , qui quanto superiorum dignitatis gradum adepti sunt , tanto diligentiores in dirimendis amicis operam posuere . Age : quid times , qui fideles amicos habes , ut sic loquar , ad manum ? An ærarii penuriam ? at amicorum opes tuæ sunt . An pericula ? at illi continuo præsto sunt , tuum vel capitinis discrimine parati latus defendere . An adversos fortunæ reflantis ictus ? at fortunam adversam vix sentit , cuius acerbitatem amici mulcere possunt . Tu vero , qui amicos negligis , (*Apostoipesis*) qui ... pene dixi , amicum habes præter te neminem , noli jactare nobis insolentius vel ipsas Arabum gazas , quibus , si quis casus ingruerit , si quod inciderit periculum gravius , neque ad arcendam neque ad mitigandam calamitatem amicis destitutus uti feliciter possis .

Atque hoc noverat certe sapientissimus rerum æstimator Alexander Magnus , qui se non tam Orientis pene toties spoliis beatum ac divitem , quam amicis suis semper reputavit . Venerant ad eum aliquando Legati Persarum , quos non minus divitarum ipsius fama , quam rerum ab eo generarum gloria excitarat . Ii , perfecta legatione , cum flagitasent ab Alexandro curiosius , suos ut ipsis thesauros atque opes ostenderet ; quid putatis fecisse Principem sapientissimum ? (*Sustentatio*) An reclusit arcas auri argenteique pondere refertas ? an ostentavit aulæ suæ magnificientiam ? an aura- ta palatia , pretiosam supellestilem , tot erepta devictis a se Regibus spolia , tot Provinciarum manubias , tot exuvias Asie

perdomitæ , quibus castra & armamentaria redundabant , ambitiosius jactavit ? Sed quid fecissent alii Reges ac Principes in æstimandis rebus minus periti , & inani rerum suarum pompa inflati plus æquo ac superbi ? Nihil hujusmodi expectate ab Alexandro : habebat pretiosius aliquid , quod & sibi lubentius gratularetur , & aliis jactantius ostentaret . Tunc enim expectantibus avide Persarum Legatis , unde curiosos oculos paſcerent , circumſpiciens Alexander quamplurimos , qui ſtipabant latus , ſuos familiares ; & Legatos amice compellans : (*Emphasis*) En , inquit , opes Alexandri . O vocem auream ! o responſum literis omnibus ac monumentis pædicandum ! o dignam tali Principe , dignam omnibus , qui populis imperant , commendationem !

Quis enimvero neget haberi in amicorum benevolentia dixitias , quas neque fortunæ mutabilitas umquam adimat , neque ipsa rerum humanarum inconstantia labefactet ?

ALIA EXERCITATIO.

Per easdem Figuras.

Orator popularis.

S Y N O P S I S.

Exord. **D**icit , quantopere Oratori ſic elaborandum , ut ſe ad populi captum gustumque accommodet .

Rationem afferet : quia nihil eſt tam amans libertatis , & necessitatis inimicum , quam ingenium multitudinis .

Confirmatio. Petetur ab exemplo Demosthenis , qui gravibus de rebus cum diceret aliquando apud Athenienses , ſenſiſletque populi oscitantis fastidium , fabulam incœptavit de umbra Asini : idque tractabit per Sustentationem . Quid putatis feciſſe Demosthenem ? an , &c.

Concludet per Emphasim , umbram Asini präferendo cui libet rationi speciosiſſimæ ; ſiquidem illa perfecit Demosthenes , ut attentum rebus ſuis Populum redderet .

O R A T I O.

Cum is debet eſſe propositus optimo cuique Oratori finis , ut eorum , apud quos agit , animos ac voluntates quamcumque voluerit in partem flectat & inclinet ; tum certe operam in ea re ſuam bene collocatam æstimabit , ſi eorum-

eorumdem mentes sensusque , priusquam ad dicendum accedat , diligenter degustarit .

Nam qui rem avertam a multitudine per fas & nefas facere acceptam , quia se in ea amavit plusculum , suscipiat ; is ignorare videatur , quam sit amans , suæque retinens libertatis , multitudinis ingenium , quam inimicum cuiuscumque necessitatis .

Quare non committet umquam Orator bonus , ut quidquam in vulgus efferat , quod non sit auribus Populi accommodatum : sed ita temperabit omnia , ut , quidquid disturus est , non tam ex aurificis statera , quam populari quadam in trutina examinet .

Demosthenes Orator ille percelebris , & Eloquentiæ Atticæ facile princeps , cum aliquando diceret ad Athenienses , remque magni , ut videbatur , ponderis , ea qua valebat , dicendi vi persuadere niteretur ; vidi non audiri se tam attente , quam par erat , & oscitantis languescentisque populi sensit fastidium . (*Sustentatio*) Hic vero quod putatis iniisse consilium Demosthenem ? qua ratione medendum censuit multitudinis tædio peritissimus ille dicendi vir ? An invectus est acriter in populum levem , & insanientem indormientis socordiam objurgavit ? at risissent omnes intempestivum objurgatorem . An orationem prosecutus suæ populum somnolentiæ permisit ? at quid orando longius prosecisset ? An relieto suggestu fastidiosam multitudinem dimisit ? at illusus ab eadem suisset ac contemptus . Quid ergo fecit Orator præstantissimus ? Cogitate aliquid dignum illius industria , qui se hominum ingenii ac rationibus accommodare noverat : expectate quidpiam , quod exercitatam in tractandis hominum animis dexteritatem redoleret . Præstabilius duxit Orator ille summus despere ad tempus , ut sic loquar , cum multitudine , dum assequeretur quod vellet , quam si sapuisset intempestive . Quare abjicit continuo materiam quam tractabat , & conversa penitus oratione lepidam de Afini Umbra fabulam incepit .

Ecce expurgiscitur statim populus , & excusso omnes torpore , quasi novi ac recentes ad audiendum Oratorem accedunt . Dissipatam alio mentem occupat attentio , studium languorem excipit , & tædio succedit hilaritas . (*Sustentatio*) Tum vero suspensis omnium animis , & fabulæ exitum avide expectantibus , quid fecisse rursum putatis Demosthenem ? An sua in populum indulgentia demereri eum aggressus est ? an fabulæ finem curiose quærentibus

tibus liberaliter satisfecit? an quidpiam ingeniose commentus est, quo incoep tam fabulam concluderet? Imo subditit medio in sermone Orator egregius, & objurgata populi levitate, qui rebus gravissimis indormiret, dum evigilaret in nugis; ita inclinavit omnium voluntates, ut non modo languescentem excitaret, sed etiam, quod erat meditatus primum, persuaderet. Sic, obsequendo in speciem multitudinis ingenio, id consecutus demum est, quod nullis forte rationum momentis perfecisset.

(Emphasis). O felicem, & ratione quamcumque Umbram Asini potiorem!

ARTICULUS VI.

De Prætermissione, Distributione, Licentia, Concessione.

Quid est Prætermissio?

R. Est Figura, qua Orator id maxime dicit, quod dicere nolle se fingit. Hæc autem figura et si tam ad laudem quam ad vituperium valet, tamen ea saepius utitur Cicero ad objurgandum, quam ad laudandum. Utitur ad increpandum Prætermissione de Provinciis Consularibus n. 8. Nihil dico nunc, Patres conscripti; hominem ipsum relinquo. Itaque omnia illa, que & saepe audistis, & tenetis animis, etiamsi non audiatis, pretermitto: nihil de hac ejus urbanâ, quam ille praesens in oculis vestris mentibusque defixit, audacia loquor: nihil de superbia, nihil de contumacia, nihil de crudelitate dispergo. Lateant libidines ejus illæ tenebricose, quas fronte & supercilio, non pudore & temperantia contegebant: de Provincia, quod agitur, id dispergo.

3. Ver. n.32. & 33. Itaque primum illum actum istius vita turpissimum & flagitiostissimum pretermittam. Nihil a me de sua pueritie flagitiis audiet; nihil ex illa impura adolescentia sua: quæ qualis fuerit, aut meministis, aut ex eo, quem sui simillimum produxit, recognoscere potestis. Omnia preteribo, quæ mihi turpis dictu videbuntur. Neque solum, quid istum audire, verum etiam, quid me deceat dicere, considerabo. Vos, queso, date hoc, & concedite pudori meo, ut aliquam partem de istius impudentia reticere possim. Omne illud tempus, quod fuit antequam iste ad Magistratus Remque publicam accessit, habeat per me solutum ac liberum. Sileatur de nocturnis ejus bacchationibus ac vigiliis: lenonum, aleatorium, perductorum nulla mentio fiat: damna, dedecora, quæ res patris ejus, ætas ipsius pertulit, pretereantur: lucretur indicia veteris infamie: patiatur ejus vita reliqua, &c.

Habes alia hujus Figuræ exempla 1. Ver. n. 26. 29.
2. Ver. n. 14. 3. Ver. n. 75. 128. 4. Ver. n. 110. 5. Ver.
n. 59. 103. 106. 6. Ver. n. 37. 48. 2. In Rullum, n. 21. Pio
Flacco, n. 79. Post Reditum in Senatu, n. 22. In Vatinium, n. 11. De
Provinciis Consularibus, n. 6. In Pisonem, 38. 87. 2. Phil. n. 47.

Utitur aliquando Tullius Prætermissione ad laudandum:
pro Sextio, n. 7. Possum multa dicere de liberalitate, de
domesticis officiis, de Tribunatu militari, de Provinciali in
eo Magistratu abstinentia; sed mibi ante oculos obversatur
Reipublicæ dignitas, quæ me ad fæcere rapit, hæc minora
relinquere bortatur.

Et pro Roscio Amerino, n. 75. Qua in re prætereo illud, quod
mihi maximo arguento ad hujus innocentiam poterat esse, in
rusticis moribus, in victu arido, in hac horrida incultaque
vita, istiusmodi maleficia gigni non solere. Ut non omnem
frugem, neque omnem arborem in omni agro reperire possit:
sic non omne facinus in unâ vita nascitur. In urbe luxuries
creatur; ex luxuria existat avaritia necesse est; ex avaritia
erumpat audacia; inde omnia scelera ac maleficia gignuntur.
Vita autem hæc rustica, quam tu agrestem vocas, parsimoniae,
diligentiae, justitiae magistra est. Verum hac missa facio.

Item 1. Ver. n. 26. Pro Flacco, n. 103.

Sunt autem illæ ex Tullio formulæ, quibus hæc Figura
exponi solet. Prætereo non dico, non commemoro, non bi
profero, non audietis a me, non attingam. Sinite me hoc
loco præterire, possem multa dicere, sentio mibi esse mode
randum, jam Orationi meæ fugiendam satietatem vestram.
Non versabor in uno genere. Hic nolite expectare. Sed quid
ea commemoro? Nunc agam modice, nec longius progrediar,
Ec. & similes.

Quid est Distributio?

R. Est Figura, qua Orator dividit aliquid in partes suas,
ita ut partes singulas acervatim semel propositas statim
resumat, & quod cuique parti convenit, subjiciat.

Pro Lege Manilia, n. 23. Ego enim sic existimo, in summo
Imperatore quatuor has res inesse oportere, scientiam rei
militaris, virtutem, auctoritatem, felicitatem. Quis igitur
hoc homine scientior umquam aut fuit, aut esse debuit? Ec.
Singulis hujus Distributionis membris suas rationes sub
jicit, quibus probat quatuor illas magni Imperatoris
virtutes in Pompejo adfuisse.

Et pro Cælio, n. 2. Sed ego Attratio, humanissimo atque
optimo Adolescenti, meo necessario, ignosco, qui habet excu
sationem vel pietatis, vel necessitatis, vel etatis. Si voluit
accu-

accusare , pietati tribuo : si jussus est , necessitati : si speravis
aliquid , puericie .

Pro Quintio , n. 1. Quæ res in civitate duæ plurimum
possunt , bæ contra nos ambae faciunt in hoc tempore . Summa
gratia , & eloquentia : quarum alteram , C. Aquili , vereor ;
alteram metuo . Eloquentia Q. Hortensii ne me dicendo impe-
diat ; nonnihil commoveor ; gratia Sex. Nævii ne P. Quintio
noceat , id vero non mediocriter pertimesco .

Habes alia hujus Figuræ exempla illustria pro eodem
Quintio , n. 16. pro Roscio Amerino , n. 9. 35. 72. 86. pro
Murena , n. 88. de Provinciis Consularibus , n. 43. in Pisonem ,
n. 64. pro Marcello , n. 7. pro Dejotaro , n. 15.

Interdum ita Distributio fit , ut Orationis membra inter-
se solum dividantur , neque subjiciatur quidquam , quod
ipsis respondeat . Sit in exemplum designatus jam n. 7.
pro Marcello . At vero huius gloriae , C. Cæsar , quam es paulo
ante adeptus , socium habes neminem . Totum hoc , quantum-
cumque est , quod certe maximum est , totum est , inquam ,
tuum . Nihil sibi ex ista laude centurio , nihil prefectus ,
nihil cohors , nihil turma decerpit . Quin etiam illa ipsa
rerum humanarum domina , Fortuna , in illius se societatem
gloriae non offert : &c.

Quid est Licentia ?

R. Est Figura , qua Orator pro jure suo dicit aliquid
audacius apud eos quos vereri ac metuere debet .

Pro Sylla , n. 33. Attende jam , Torquate , quam ego non
defugiam auctoritatem Consulatus mei . Maxima voce , ut
omnes exaudire possint , dico , semperque dicam : adeste omnes
animis , qui adestis corporibus , quorum ego frequentia ma-
gnopere lector : erigite mentes , auresque vestras , & me
de invidiosis rebus , ut ille putat , dicentem attendite .
Ego Consul , cum exercitus perditorum civium , clandestino
scelere conflatus , crudelissimum & luctuosissimum patriæ exitium
comparasset : &c.

Item n. 46. & 47. ejusdem Orationis , egregium habes
exemplum Licentiæ , qua libertatem & audaciam Cicero
præseserit .

Usurpatur hæc Figura ad ostendendam fiduciam . 1. in
Rullum , n. 23. Errastis , Rulle , vebementer , & tu , & Collegæ
tui , qui speratis vos contra Consulem , veritate , non ostenta-
zione popularem , posse in evertenda Republica populares exi-
stimari . Laceyso vos , in concessionem voco , Populo Romano
disceptatore uii volo .

Valet ad insultandum adversario. Pro Domo sua, n. 99.
 Quare Rempublicam (disrumpatur licet ista furia (Clodium intelligit) atque audiat hæc ex me , quoniam laceffivit) bis servavi : & cum Consul togatus armatos vici , & cum privatus armatis cessi . Utriusque temporis fructum ruli muximum : superioris , quod ex Senatus auctoritate , & Senatuni & omnes bonos , meæ salutis caussa , mutata ueste vidi ; posterioris , quod & Senatus , & Populus Romanus , & omnes mortales , & privatim & publice . judicarunt , sine meo reditu Rempublicam salvam esse non posse .

Ad objurgandum etiam utilis est . Pro Milone , n. 33. An vero , Judices soli ignoratis , vos , vos hospites in bac urbe versamini , vesire peregrinantur aures , neque in hoc pervagato civitatis sermone versantur , quas ille leges (si leges nominandæ sunt , ac non faces urbis , & pestes Reipublicæ) fuerit imposturus nobis omnibus , atque inusturus ? Exhibe , quæso , Sexte Clodi , exhibe librarium illud legum vestiarum , quod te ajunt eripuisse e domo , & ex mediis armis , turbaque nocturna , tamquam Palladium sustulisse , ut præclarum inde munus , ac instrumentum Tribunatus ad aliquem , si nactus esses , qui arbitrio tuo Tribunatum gereret , deferre posses . Et aspexit me illis quidem oculis , quibus tum solebat , cum omnia omnibus minabatur . Moveret me quippe lumen Curiæ . Quid ? tu me iratum , Sexte , putas tibi , cujus tu inimicissimum multo crudelius etiam punitus es , quam erat humanitatis meæ postulare ? &c.

Item 7. Ver. n. 153. Phil. 10. n. 8. & 19.

Interdum assentationi deservit , ut pro Marcello , n. 26. Itaque illam tuam præclarissimam & sapientissimam vocem invitus audivi : satis te diu vel naturæ vixisse , vel gloriae . Satis , si ita vis , naturæ fortasse ; addo etiam , si placet , gloriae : at quod maximum est , patriæ certe parum . Quare , omitte , quæso , istam doctorum hominum in contemnenda morte prudentiam : noli periculo nostro sapiens esse . Sepe enim venit ad aures meas , te istud ninius crebro dicere , satis te tibi vixisse . Credo : sed tum id audirem , si tibi soli viveres , aut si tibi etiam soli natus es . Nunc , cum omnium salutem civium , cunctamque Rempublicam res tue gestæ complexe sint : tantum abes a perfectione maximorum operum , ut fundamenta , quæ cogitas , nondum jeceris .

Quid est Concessio ?

R. Est Figura , qua Orator aliquid etiam iniquum , fiducia caussæ suæ , adversario videtur concedere . Est autem Concessio illa vel seria , cum , parte aliqua concessa , sperrat

rat Orator se in reliquis fore superiorem; vel ironica; cum res concessa invidiam conflare potest adversario.

Prioris exemplum habes pro Quintio, n. 56. Hæc ille, si verbis non audet, re quidem vera palam loquitur. Etenim si vult bonorum virorum instituto vivere, multa discat oportet, atque dediscat: quorum illi ætati utrumque difficile est. Non dubitavi, inquit, cum vadimonium desertum esset, bona proscribere. Improbe. Verum, quoniam tu id tibi arrogas, & concedi postulas, concedamus.

Et pro Roscio Amerino, n. 73. Utrum, quid agatur, non vides? aut apud quos agatur? Agitur de parricidio: quod sine multis caussis suscipi non potest. Apud homines autem prudentissimos agitur: qui intelligunt, neminem ne minimum quidem maleficium sine causa admittere. Esto: caussam preferre non potes. Tamen si viciisse debeo, tamen de meo jure decedam: ex tibi, quod in alia causa non concederem, in hac concedam, fatus hujus innocentia. Non quero abs te, quare patrem Sex: Roscius occiderit: quero, quomodo occiderit.

Item 5. Ver. n. 28. 219. 7. Ver. n. 4. Pro Domo sua, n. 43. Pro Murena, n. 41.

Ironicæ Concessionis exempla habes 4. Ver. num. 4. Quæ est ista Prætura? Eripis hereditatem, quæ venerat a propinquῳ, venerat testamento, venerat legibus: cuius hereditatis, cum ille aliquanto ante te Prætorem esset mortuus, controversia fuerat nulla, mentionem fecerat nemo. Verum esto: eripe hereditatem propinquis, da palestritis: prædare in bonis alienis, nomine civitatis: everte leges, testamenta, voluntates mortuorum, jura vivorum: Num etiam Heraclium bonis privari oportuit?

Et 5. Ver. n. 16. Qua in re illud primum reprehendo, & accuso, cur in re tam veteri, tam usitata, novi aliquid feceris. Ingenio aliquid affectus es? tot homines sapientissimos, qui illam Provinciam ante te tenuerunt, prudentia consilioque vicisti? Est tuum, est ingenii, diligentiaeque tuae. Do-hoc tibi, & concedo: scio te Romæ, cum Prætor esses, editio tuo possessiones hereditatum a liberis ad alienos, a primis heredibus ad secundos, a legibus ad libidinem tuam transstulisse. Scio, te edita superiorum omnium correxisse, & possessiones hereditatum, non secundum eos qui proferrent, sed secundum eos qui dicerent testamentum factum, dedisse: easque res novas, abs te prolatas & inventas magno, questui tibi fuisse scio.

Item & 4. Ver. n. 150.

Delectat autem in primis Concessio, cum id quod con-

conceditur , adversario nocet : ut pro Ligario , num. 2.
Habes igitur , Tubero , quod est accusatori maxime optandum ,
confitentem reum : sed tamen ita confitentem , se in ea parte
fuisse , qua te , Tubero , qua virum omni laude dignum , pa-
trem tuum . Itaque prius de delicto vestro fateamini necesse est ,
quam Ligarii ullam culpam reprehendatis .

Habet etiam multam gratiam hæc Figura , cum id ad-
versario conceditur , quod negari non potest , ut alia me-
liora & majoris momenti subjiciantur : ut pro Flacco , n. 9.
Hoc dico de toto genere Græcorum . Tribuo illis literas , do
multarum artium disciplinam , non adimo sermonis leporem ,
ingeniorum acumen , dicendi copiam : denique etiam , siquā
sumunt alia , non repugno . Testimoniorum religionem & fidem
numquam ista natio coluit , totiusque hujuscē rei , quæ sit vis ,
quæ auctoritas , quod pondus , ignorant .

Sunt autem illæ , quibus Figuram hanc Tullius adhibet ,
formulae : Esto , Verum fac , Verum esto , Patior non
moleste , Ut tibi concedam , Sed ierit ad bellum , &c.
Sit ita sane , Sed hinc sint parta omnia , Hoc do tibi &
concedo , Tamen de meo jure cedam , Ita fac , &c.

E X E R C I T A T I O .

*Marcus Attilius Regulus ad Senatum Romanum
de non permittandis Captivis.*

Per Licentiam , Prætermissionem , Distributionem ,
Concessionem .

S Y N O P S I S .

Exord. & Prop. **F**leat per Licentiam : dicetque , non vereri
se arguere nimiam quorumdam hominum
in se commiserationem .

Rationem afferet per Distributionem , quia illa commis-
seratio indigna est viris gravissimis , periculosa Reipublicæ ,
sibi ipsi injuriosa .

Primam partem probabit per Licentiam , admonendo ,
plus ipsos consulere debere æquitati , quam inutili pietati .

Secundam partem probabit ; quia nihil est Reipublicæ
perniciosius , quam si redimantur illi cives , qui dedere se
hostibus , quam fortiter in acie mori maluerunt . Quod
tractabit per Prætermissionem . Liceat mihi præterire silen-
tio quæ vidi , &c. Dicetque , vidisse se vexilla Romana
affixa

affixa delubris Carthaginensium , Romanos indignis aut nullis vulneribus saucios , &c.

Tertiam probabit partem , & ostendet , pietatem ipsorum arguere in ipso paratum minus ad ferenda quilibet adversa animum . Mox per Concessionem . At carebitis Romanis civibus ? Esto : at , &c. At gravissima mihi intentantur supplicia ? sit ita sane , &c.

Concludet dicendo certum sibi esse redire Carthaginem , nec passurum se , ut redimatur ipse , quidquid de aliis statuatur .

O R A T I O .

Quis ille , Patres conscripti , qui singulorum frontem obnubit dolor , quid illi moerorem ac tristitiam spirantes oculi volunt ? aut quem tandem ad finem universa omnium reclamatio meis auribus insonuit ; cum retinendos in urbe Carthaginensium milites , nostros vero furori hostium permittendos esse defendi ?

(*Licentia*) Evidem scio apud quos agam , Patres conscripti , revereor , ut par est , auctoritatem hujus Ordinis , & tot clarissimorum virorum suffragia maximi esse apud me ponderis ac momenti ultro volensque profiteor . Tamen ubi vestra omnium dignitas , Reipublicæ salus , mea ipsius gloria vocatur in discrimen , non possum mihi temperare , quin palam & maxima qua possum voce , ita ut omnes exaudire possint , de vobis omnibus graviter expostulem , & intempestivam illam qua videmini me prosequi , commiserationem durius etiam coarguam .

(*Distributio*) Nam quid alienum magis a dignitate vestra , quid Reipublicæ saluti perniciosius , quid M. Regulo magis injuriosum esse poterat , quam inutilis dolor , inanis gemitus , pietas mollior , ubi gravitas , constantia , & omni periculo superior magnitudo quædam animi requiritur ?

(*Licentia*) Alienum dico a dignitate vestra , Patres conscripti . Agite enim : an estis oblii , quales sitis , & quibus hic partibus defungamini ? Meministis in eo vos amplitudinis gradu esse constitutos , non ut imbelli pietatis sensu affictorum miseras lugeatis , sed ut plena summae gravitatis judicia exerceatis ? An excidisset vobis e memoria , esse vos heredes priscæ illius severitatis , quæ tanta in hoc Imperio fuit , ut clarissimi Imperatores in filios suos atrocissime interdum animadverterint , si tamen illud atrox aut crudele videri potest , quod cum paucorum jactura universæ Reipublicæ bono ac saluti consultum est ?

At-

Atque hinc mihi alia suboicitur objurgandæ commiserationis vestræ ratio, quæ dum redimendos esse ab hostium servitute Romanos videtur persuadere, funestissimam Reipublicæ perniciem importat. Quid enim opinione illa, cum ad fovendam militum nostrorum ignaviam ac debilitandas ipsorum vires efficacius, tum ad excitandos hostium animos præsentius esse potest? Ubi hercule in prælio paulo acrius ex adverso pugnabitur, plena fugientibus castra atque hostibus sese dedentibus videbitis: mallent tradere se servituti turpiter, quam honestæ vitæ finem consequi. Quam porro spem in illis deinceps habebitis, quos putatis esse redimendos? Rebit nimirum redemptus auro miles ad pugnandum parior, qui pacem ac vitam petendam ab hoste censuit prius, quam fortiter occumbere? resunet virtutem pugnam, qui se ab ea degenerem aliquando præstigit? invalet hostem acriter, & cum eo strenue pugnabit, cuius olim jugum ac vincula expertus est?

(Prætermissio) Hic vero finite me, Patres conscripti, æternō præterire silentio illatam nomini Romano labem, & nullo eluendam piaculo ignominiam. Hoc indulgete dolori meo, ut obluetas male cicatrices nunc retricem, dum repeto memoriam tristissimi illius spectaculi, quod ego vidi his oculis, atque utinam videre numquam lucuisset! Non dicam, spectasse me ad sempiternum hujus Imperii delectus affixas Carthaginensium delubris viætrices illas aquilas, quarum vel aspectus hostibus nostris metum ac terrorē incutit. Tacebo direpta Romanis Civibus vexilla, quæ templorum tholis suspensa impune volitant, non lacera, non infecta cæde ac sanguine, sed integra, sed ultro permissa. Non referam plena spoliis nostris armamentaria, & auctum ex Romanorum manubiis Carthaginensium æarium. Silebo, nam refugit animus meminisse, silebo, inquam, cives nostros ac milites, quorum præcipua laus ac gloria libertas esse debuisset, servorum instar onustos vinculis, & retoris post tergum manibus, infami jugo depresos. Non dico vacua vulneribus omnium pene corpora, aut, quod longe turpissimum est, indignis ac pudendis plagiis inusta. Nolite igitur, Patres conscripti, de redimendis hujusmodi militibus cogitare, quorum salus multo majorem Reipublicæ perniciem, quam ipsa clades ac jactura allatura sit. Absit a vestris animis tam pernicioſa Reipublicæ nostræ commiteratio, quam si mea eausta suscepistis, rogo vos, ut eamdem deinceps, nisi jam infelicis Reguli vos piget, deponatis.

Hoc enim saltem mereri possim a vobis, ut satis animi censeatis esse in Regulo ad perferendum fortiter, quidquid in me durius fortuna statuerit. Neque vero audiendos putetis illos, qui me dæditionis turpissimæ infamia liberant, & illius consilii auctorem non fuisse profitentur. Certe, si quid in ea re ignominia est, cui potius quam Imperatori tribuendum?

Nihil hic purgandus apud vos sum, Patres conscripti, nec quidquam derivandi criminis gratia dicam. Ut cumque gesta res est, nequaquam me ab eorum causa segregabo, nec turpis facti atrocitatem defugiam. Ero igitur in hostium potestate atque arbitrio, quomodo id moleste ferant, meoque exitio patriæ dedecus abolebo. Discant exemplo nostro Romani milites, nullum in acie, præterquam in virtute atque manibus, esse perfugium. Documento erimus generi humano, pugnantibus Romanis aut victoriam, aut necem esse propositam, medium inter eas fugam numquam nisi hostibus patere.

At enim carebitis Romanis illis Civibus, quos in vinculis Pœni detinent: (*Concessio*) nam video occurrentum esse illorum pietati, quos hæc jactura moveat: carebitis, inquam, illis Civibus? Esto: at retinebitis apud vos partem maximam nobilissimæ ac florentissimæ Juventutis, quibus non tam est patriæ, quam illorum in patria desiderium, quorum maxime gratia Legatio ista suscepta est, quorum jactura magna fit Carthaginiensibus virium & animorum decessio. Gravissima nobis supplicia præparantur: nihil moror: at illatum Romano nomini opprobrium licet eluere. Mortem non effugiemus: at mori gloriose præstat, quam turpiter vivere.

(*Concessio Ironica*) Quamquam si doletis gravius jacturam tam levem, Patres conscripti, statuite de ceteris, ut placuerit, per me licet; redimite, quando sic libitum est, ignavos milites qui plus nocere nobis, quam prodeesse possunt. Effundite opes vestras, exhauste ærarium, flagitio flagitium addite, ut belli nervis destituti necessariis ad dubia Reipublicæ tempora præsidis careatis. Remittite Carthaginiensibus præcipuum totius exercitus robur, exercitatem militari disciplina juventutem, ut jam jam majori numero reparatisque viribus vobis ingruant. Mihi in patria manere nulla conditione certum est atque decretum, nec, ut reliquos maxime redimendos censueritis, quemquam mecum de Carthaginiensibus captivis permutabitis.

ALIA EXERCITATIO.

Per easdem Figuras.

Marcus Tullius Cicero ad Senatum, ut peractæ in Lentulo, Cethego, aliisque Conjurationis Catilinariae sociis, cædis invidiam amoliatur.

SYNOPSIS.

Exord. & Prop. Fiet per Licentiam. Dicet Cicero, non venire se, ut peractæ cædis suspicionem amoliatur a se, qua Romanus quilibet gloriari debeat.

Rationem afferet per Distributionem, quia cædes illa fuit justa, necessaria, & utilis. Ex triplici illo capite eruetur Confirmatio.

1. Justam illam cædem fuisse probabit enumeratione illarum rerum quas Catilinæ socii cum Catilina moliebantur in Reipublicæ perniciem, recensēbitque excidium urbis, bonorum occisionem, ruinam totius Italæ: idque tractabit per Prætermissionem, petendo a Judicibus, ut ab ejusmodi rebus commemorandis abstinere liceat.

2. Necessariam fuisse demonstrabit; quia etiam sublato Catilina, erat timendi locus, ne conjuratio redintegraretur, si superfuissent Catilinæ socii. Hoc tractabit per Concessionem. Esto: dederit Catilina poenas temeritati sua pares; dissipata, extincta conjuratio videri potuerit. At, &c.

3. Demonstrabit fuisse utilem, ab ea tranquillitate, qua gaudebat civitas, ex quo conjurati poenas dederant; deinde ex publica omnium Ordinum gratulatione, quam sibi decreverant pro servata patria.

Concludet, admonendo eos, qui nimis dolerent de interfictis conjuratis, ne veniant ea demonstratione in suspicionem necessitudinis alicujus cum Conjuratis.

ORATIO.

Etsi novi unus omnium optime, Patres conscripti, quam graviter apud vos de me expostulaverint, qui Lentulum, ac Cethegum, reliquosque pestiferæ conjurationis socios, dignas temeritate sua dedisse poenas affliguntur; nolite tamen existimare, venisse me hodie in hunc celeberrimum

confessum vestrum, vel ut amoliri a me peragae cædis suspicionem, vel adhibitam in nefarios severitatem conarer excusare.

(*Licentia*) Est enim hujusmodi factum illud , quod auctoritate mea patratum esse profiteor, & ita profiteor, ut a vobis omnibus qui hic adestis, quorum & frequen-
tia maxime lætor, exaudiri velim, ut non modo Consul,
qualem esse me benevolentia vestra voluistis, sed etiam
Civis Romanus quilibet sincero patriæ studio succensus eo
debeat glorjari.

Nam quis, amabo vos, Patres conscripti, nisi quam ha-
buerit ille cum apertis Reipublicæ hostibus societatem,
aut ejusdem hodie etiam restineto jam incendio perniciem
meditetur , (*Distributio*) sublatos cruenta morte cives
eos doleat, quorum damnatio tam utilis Reipublicæ toti-
que adeo Italæ videri debuit? Agite: quam severe, quam
duriter animadverti in eos oportebat, qui unumquemque
nostrorum fatali exitio destinabant? An decuit ullam im-
pertiri misericordiæ partem iis, qui neminem ab sua ciu-
ditate atque sævitia immunem volebant? an æquum erat,
eorum quemquam esse diutius in vitam superstitem, qui
Rempublicam nullam esse ac funditus interire decrevissent?

Hic vero finite me , Patres conscripti, præterire fune-
stissimam conjurationis illius memoriam , (*Prætermissio*)
quam meis consiliis, meis laboribus, mei capitis periculo,
sine multitudine, sine delectu, sine armis, sine tumultu,
a veistris omnium cervicibus depulsam fuisse mihi vosmeti-
psi gratulati estis. Vel ipsa periculorum, quæ defugimus,
recordatio me angit atque excruciat mirum in modum;
quoties recogito tecum tacitus, eo prorupisse quorumdam
hominum improbitatem, ut incensioni urbem, internecio-
ni cives, Italiam vastitati destinassent; cum redit in men-
tem vix unius noctis spatium absuisse, quin perditæ ac sce-
lerati cives vitam omnium, statum orbis terrarum, ur-
bem hanc denique nostrum omnium sedem, arcem Regum
ac Nationum exterarum, lumen Gentium, domicilium Im-
perii, perderent ac labefactarent.

Et erit aliquis tam inimicus huic urbi, tam alienus
a salute civium, tam parum cupidus Romani nominis, ut
eos sublatos de medio doleat, qui nisi communi omnium
exitio vitam trahere ulterius non potuissent? Majores
nostræ Gracchum utrumque, Tiberium & Cajum, Spuri-
um Melium, Saturninum, & alia civitatis hujus clarissi-
ma lumina, merita multatos morte judicarunt, quod stu-
dere

dere novis rebus , & nimiam in libera civitate potestatem affectare viderentur ; nos patiemur iniquo animo , pestiferæ conjurationis socios interiisse , qui Rempublicam pessimare moliebantur ?

At enim video , quid objiciant homines mansueti plane ac misericordes . Dissipata , inquiunt , conjuratione , extincio penitus , quod imminebat , funesti belli incendio , exulante longius Catilina ; quid erat deinceps metuendum huic urbi ? cur in clarissimos Cives tam inhumaniter sævitum est ? Quæ tua , M. Tulli , tanta tamque incredibilis sanguinis humani sitis , ut medio pacis in sinu tristissimam carnificinam exerceres ? an videbatur aliquid deesse gloriæ tuæ , nisi tot illustrissimas civitatis hujus familias luctu ac moerore perderes ?

(Concessio) Sit ita sane , Patres conscripti : id vigilantia nostra & Consulari auctoritate consecuti simus , ut imminentem patriæ , civitati , Reipublicæ , perniciem averteremus ; dissipata , extincta , si vultis , conjuratio sit ; poenas dederit , dignas scelere , dignas furore suo , nequissimus post homines natos Catilina . Tamen putatis nihil fuisse quod pertimesceremus , nisi socii pariter funestæ conjurationis concidissent ? inertes illi scilicet ac lenti quievissent a flagitio ? non tetendissent novas Reipublicæ insidias ? non collegissent vires ? non consopitum male incendium suscitassent ? non spirantem adhuc & anhelantem scelus Catilinam per fas & nefas intra urbis hujus mœnia revocassent ? Sic vobis notus animus , sic nota perditorum hominum indoles fuit ? Non ignorabam ego , Patres conscripti , quales essent , non illuserant mihi , non fecerant fucum . Vidi quid vellent , quo tenderent , quid meditarentur : non quievissent illi , mihi credite , non abstinuissent a scelere , donec Rempublicam penitus evertissent . Hinc intelligite , Patres conscripti , quanti momenti fuerit , ut cives periti quasi putrida totidem membra a reliquo Reipublicæ corpore rescinderentur .

At quantus hinc fructus , quanta ad omnes utilitas pervenit ! Quis est in hac amplissima civitate , qui respirare tandem , & post longos gravesque metus securum esse se posse non æstimarit ? Quis gravissimis periculis tempestatis fluctibus defunctus , beatum tranquillæ pacis attigisse portum sibi non visus est ? Est aliquis adhuc tam timidus , tam procellæ metuens , qui sublati de medio conjurationis funestæ reliquiis , bona , fortunas , domum , liberos , conjugem , seque ipsum veluti a communi naufragio eruptum fuisse non arbitretur ? Ut immutata paucis abhinc

diebus hujus urbis facies! ut pacata ubique regnat quies ac tranquillitas! ut omnes, quotquot sunt, boni & amantes Reipublicæ cives quasi ex longa recreati malorum seric plaudunt sibi ac triumphant!

Mihi vero, Patres conscripti, quem in sedanda tempestate non inanem operam posuisse arbitrati sunt, quam frequentes, quam honorificas gratulationes, universi Reipublicæ Ordines decreverunt! Quis habendas mihi gratias non putavit, quod luctuosam suæ sobolis fortunarumque suarum perniciem non vidisset? quod domesticos intra Penates tranquilla pace frueretur?

Menc vester Ordo amplissimus solemni supplicatione decorandum tamquam parentem patriæ & conservatorem hujus urbis centuisset, nisi persensisset omnino, quanta interfectis, quicumque vestrum exitium machinabantur, perniciosis civibus, utilitas in omnes redundasset?

Valeant ergo, qui me crudelitatis ac saevitiae accusandum putant: caveantque diligenter, ne, dum apertos Reipublicæ hostes intempestivis querelis requirunt acerbius, arctiori, quam par est, odioœ cum ipsis necessitudinis vinculo conjuncti videantur.

ARTICULUS VII.

De Antithesi, Permissione, Parenthesi.

Quid est Antithesis, ut est Figura Sententiarum, & ab Antithesi, seu Antitheto, que est Figura verborum, distinguitur?

R. Est Figura, qua non tantum verba verbis, sed sententiæ sententiis opponuntur, ut pro Roscio Amerino, n. 13. Accusant ii, qui in fortunas hujus invaserunt: caussam dicit is, cui, præter calamitatem, nihil reliquerunt. Accusant ii, quibus occidi patrem Sex. Roscii, bono fuit: caussam dicit is, cui non modo luctum mors patris attulit, verum etiam egestatem. Accusant ii, qui bunc ipsum jugulare summe cupierunt: caussam dicit is, qui etiam ad hoc ipsum judicium cum praesidio venit, ne hic ibidem ante oculos vestros trucidetur. Denique accusant ii, quos populus poscit: caussam dicit is, qui unus relictus ex illorum nefaria cæde restat. Egregium eiusdem Figuræ exemplum ibid. n. 88. quod vide.

Pro Cælio, n. 12. Habuit ille, (Catilina) sicut meminisse vos arbitror, permulta maximarum non expressa signa, sed adumbrata virtutum. Utebatur hominibus improbis multis: & qui-

¶ quidem optimis se viris deditum esse simulabat. Erant apud illum illecebræ libidinum multæ: erant etiam industriae quidam stimuli ac laboris. Flagrabant visia libidinis apud illum: vigebant etiam studia rei militaris.... Quis clarioribus viris quodam tempore jucundior? quis turpioribus conjunction? quis civis meliorum partium aliquando? quis terrior hostis huic civitati? quis in voluptatibus inquinatior? quis in laboribus patientior? quis in rapacitate avarior? quis in largitione effusior? Illa vero, Judices, in illo homine mirabilia fuerunt, comprehendere multos amicitia, tueri obsequio, cum omnibus communicare quod habebat, servire temporibus suorum omnium pecunia, gratia, labore corporis, scelere etiam, si opus esset, & audacia: versare suam naturam & regere ad tempus, atque buc illuc torquere & flectere: cum tristibus severo, cum remissis jucunde, cum senibus graviter, cum juventute comiter, cum facinorosis audacter, cum libidinosis luxuriose vivere.

Item pro Ligario, n. 15.

Quid est Permissio?

R. Est Figura, qua Orator bonitate causæ suæ fretus quædam judicibus ac adversariis æstimanda permittit, & statuendi facultatem largitur. Hæc Figura eadem penè est cum Concessione, nisi quod illa multo gravior & acerbior est, ut Philippica 2. n. 5. At beneficio sum usus tuo: quo? ... Quod me Brundusii non occideris? Quem ipse viator, qui tibi, ut tute gloriari solebas, detulerat ex latronibus suis principatum, salvum esse voluisse, in Italiam ne jussisset, eum tu occideres? Fac potuisse. Quod est aliud, Patres conscripti, beneficium latronum, nisi ut commemorare possint, iis se dedisse vitam, quibus non ademerint? Quod si esset beneficium, numquam ii, qui illum interfecerunt, a quo erant servati, quos tu ipse viros clarissimos appellare soles, tantam essent gloriam consecuti. Quale autem beneficium est, quod te abstinueris nefario scelere? Qua in re non tam jucundum mibi videri debuit, non imperfectum a te, quam miserum, id te impune facere potuisse. Sed sit beneficium, quandoquidem magis obtineri a latrone non potuit: in quo me dicere potes ingratum? An de interitu Reipublice queri non debui, ne in te ingratus videver? &c.

Et Catil. 1. n. 10. Catilina, perge quo cœpisti; egredere aliquando ex urbe; patent portæ: proficisci. Nimirum diu te imperatorem illa tua Malliana castra desideuant. Educ tecum etiam omnes tuos: purga urbem.

Et pro Flacco, n. 96. Litemus igitur Lentulo, parentemas

Ceterego, revocemus ejeblos: nimis pietatis & summi amoris in patriam vicissim nos parat, si ita placet, sufferamus.

Habes alia Permissionis exempla de Provinciis Consularibus, n. 8. & n. 16. In Vatinium, n. 11.

Quid est Parentesis?

R. Est Figura, qua Orator breviter declinat a proposito, & nonnihil alicujus continui partibus interjicit.

Est autem hæc Figura tam frequens apud Ciceronem, ut pene supervacaneum sit exempla in medium proferre.

Divin. in Verrem, n. 28. Quare negent, ex me non audies. Hos patere id suspicari, quod necesse est. Illi quidem (ut est hominum genus nimis acutum & suspiciosum) non te ex Sicilia literas in Verrem deportare velle arbitrantur: &c.

2. In Verrem, n. 15. Sed video, quid agat: (neque enim agit occultissime) proponit inania mibi nobilitatis, hoc est, arrogantium hominum nomina.

2. Philip. n. 16. At etiam ausus es (quid est autem, quod tu non audeas?) clivum Capitolinum dicere, me Consule, plenum servorum arniatorum fuisse.

Ididem, eodem numero. O miserum, sive illa tibi nota non sunt: nihil enim boni nosti: sive sunt, qui apud tales viros iam impudenter loquuntur!

Et pro Sextio, n. 25. & 49. In Pisonem, n. 72.

EXERCITATIO.

Diva Genovefa Heroibus quibuscumque illiusrior.

Per Antithesim & Permissionem.

S Y N O P S I S.

Exord. Flet per Permissionem, ultroque patietur Orator jactari ab admiratoribus antiquitatis priscos Heras, qui nominis sui memoriam factis illustribus consecrarent.

Propositio. Dicet, Divam Genovefam feliciorem fuisse, licet diversam omnino viam ab iis tenuerit.

Confirmatio. Per Antithesim. Comparabit Beatae Genovese vitam & agendi modum, cum vita factisque veterum Herorum. Illius modestiam cum horum ambitione, illius otium pacificum cum sollicitis horum laboribus, illius de seipsa victoriam cum edita ab his hostium strage, &c.

Con-

Confirmabit deinde , comparando per alias Antitheses gloriam , quam sibi Genoveta peperit , cum illa laude , quam prisci Heroes meruere . Hæc fragilis ac caduca , illa solida ac sincera , hæc brevis , illa sempiterna , &c.

Concludet dicendo , Deum mirabilem extitisse in illustranda Sanctorum gloria , mortales suum ad obsequium & amorem illiceret .

O R A T I O .

(*Permīssio , Parenthesis*) Jactet enimvero ambitiosa vestitas Heroas suos , & futuris ætatibus pergit magnificētius ostentare . Prædicet , (nam quis hoc illi leve solatium invideat ?) exantlatos ab iisdem labores , & edita passim bello facinora , quibus immortalem , si Superis placet , gloriam apud posteros meuerunt , insolentius efferat .

Ecce ignobilis Puella laboravit illis omnibus felicius , & sublimius quoddam laudis honorisque fastigium ascendit . Ac licet diversam penitus ab iis tenuerit viam , qui memoriam sui nominis in omne tempus consecrare studuerunt ; licet nihil sit ab ea gestum cum fastu , nihil palam , aut per ostentationem : tamen post emensum semel vitæ curriculum bellatorum omnium decus ac famam tanto superavit intervallo , quanto illi , dum viverent , Genovesæ tenuitatem atque obscuritatem superabant .

Agite enimvero : B. Genovefam cum tot clarissimis viris , tot famosis oib[us] toto nominibus , immensos eorum labores cum pacifico illius otio conferamus . Illi acrioribus parandæ sibi gloriæ stimulis incensi ad magna quæque serebantur : (*Antithesis*) illa uno sui deprimendi studio stimulata , quod erat abjectum cumque ambiebat . Illi res suas magno cum fastu palam & ubique jactabant : illa secessabatur hoc unum , ut lateret . Illi armorum pæsilio ad nominis sui commendationem abutebantur : illa perpetuis apud Deum precibus atque obsecrationibus indulgebat . Illi suscitabant hostes sibi , quos vincerent , ut partam ex victoria gloriam consequerentur : illa nullum sibi , nisi cum vitiis , bellum volebat esse , & meritam ex eorumdem strage laudem uni Deo referebat . Illi populorum cæde ac sanguine venturis olim ætatibus innotescere quæsierunt : illa assidua corporis afflictione soli placere Numini cogitavit . Illi rerum a se gestarum titulis atque inscriptionibus , ereatis ad pompam ex ære , vel marmore monumentis , breyes ævi mortalis angustias compensare conati sunt : illa impressis

pressis ubique virtutum suarum vestigiis, quani vixit olim vitam ad hæc usque nostra tempora meliori fato prorogavit. Vicerunt illi quidem ex parte ruentis omnia ac labefactantis temporis injurias, & aliquam apud nos retinent nominis sui commendationem, at vicit illas multo felicius Genovesa, & illustriorem apud hominum memoriam locum obtinet. Narrantur hodieque res ab illis laudabili- ter feliciterque gestæ, at in plerisque rerum istarum gloriam ingrata recordatio vitiorum obscurat: Genovesæ memoria sic apud nos recolitur, ut nulla labe corrupta, sed grata penitus occurrat. Illorum cineres sine honore contempti jacent, nullumque a nobis cultum sibi vindicant: pretiosæ illius reliquiæ omnium veneracioni proponuntur. Nihil illi possunt hominum caussa, neque iam benemereri de quoquam valent: Genovesa suum ultro impertit ab alto præsidium, & se clientum precibus patitur exorari.

Vere tu mirabilis, o Deus, tu colendus ante omnes & amandus, qui mortales miteros sic extollis, & leve fragilis obsequii munus ingenti laudis numquam interitura pretio compensas.

ALIA EXERCITATIO.

Mutius Scævola Romanus ad Porsenam Glusinum Regem, cum scribam ejus pro Rege ipso interfecisset.

Per Permissionem.

S Y N O P S I S.

Exord. **R**omanum se esse, hostemque Porsenæ fatebitur, eoque accessisse consilio, ut ipsum interficeret. Deinde per Permissionem admonebit Porsenam, ut statuat de ipso, quidquid volet; sibi interim exurendam videri manum illam, quæ erraverat.

Mox per eamdem Figuram jubebit Porsenam exemplum sumere ex ea severitate, qua errorem suum plesteret, quam grave supplicium ipse vicissim de Mutio statueret.

Concludet per eamdem Figuram, Porsenam admonendo, trecentos esse Romanos juvenes, qui facinus idem audeant.

O R A T I O .

Romanus civis ego sum, quem Mutium vocant; hostis hostem occidere volui. Non mihi ad cædem vel meditandam consilium, vel perficiendam animus defuit; neque etiam ad plectendam, quæ erravit, manum æquitas deerit. (*Permissio*) Proinde tu de me statue, ut voles; nihil moro: interim de me ipso, aut de hac potius quæ me fecellit, manu quid statuam, vide. Errorem illa suum vindicibus flammis expiabit, & solvet ipsa poenas, quas irrogare tibi debuisset. Et quoniam facti illius honorem, cui fuerat devota per me, non adepta est; illam deinceps, tamquam vile & inane membrum reputo, & a reliquo corpore rescindi volo.

Jam dicce vel ex me, quid te facere oporteat. (*Permissio*) Age, facinus vindica, iras acue, enses expedi, lacera, perure, jugula, mille in partes divide, nostro te sanguine exsatia: non erit ad mortem minus animi, quam fuit ad cædem. Non me suppliciorum acerbitas terret, aut tortorum furor incutiet metum. Et facere & pati fortia Romanum est.

At unum moriens te monitum volo. Non unus in te ego hos animos gessi; longus post me ordo est idem ambientium decus. Unus eorum aliquis, spero, si non in agendo me fortior, saltem in perficiendo felicior futurus est. Proinde in hoc discrimen, si juvat, accingere, ut in singulas horas de capite dimices two, ferrumque & hostem habeas in vestibulo Regiæ. Hoc tibi Juventus Romana indicimus bellum. Nullam aciem, nullum prælium timueris: uni tibi, & cum singulis res erit.

A R T I C U L U S VIII.

De Deprecatione, Optatione, Execratione, Epiphonemate,
& Exclamatione.

Quid est Deprecatio, seu Obscuratio?

R. Est Figura, qua alicujus opem, aut misericordiam Orator vehementer implorat. Opem quidem, ut pro Rabilio Perduelli, n.5. Quæ cum ita sint, primuni, quod in tanta dimicatione capit is, famæ, fortunæque omnium, fieri necesse est, ab Jove Optimè Maximo, ceterisque Diis Deabusque immortalibus, quorum spe & auxilio multo magis hæc Respubli-

blica, quam ratione hominum & consilio gubernatur, pacem ac veniam peto: precorque ab iis, ut budiernum diem, & ad hujus salutem conservandam, & ad Rempublicam consti-tuendam, illuxisse patiantur. Deinde vos, Quirites, quo-rum potestas maxima ad Deorum immortalium Numen ac-cedit, oro atque obsecro, quoniam uno tempore vita C. Ra-birii, hominis miserrimi atque innocentissimi, salus Reipubli-cæ, vestris manibus suffragiisque permititur, adhuc beatis in hominis fortunis misericordiam, in Reipublicæ salute sapien-tiam, quam soletis.

Et pro Domo sua, n. 146. Quapropter, si Diis immortalibus, si Senatui, si Populo Romano, si cunctæ Italæ, si Pro-vinciis, si exteris Nationibus, si vobismetipsis, qui in mea salute principem locum auctoritatemque tenuistis, gratum ac-jucundum meum redditum intelligitis esse, queso, obtestorque vos, Pontifices, ut me, quem auctoritate, studio, sententiis aequalitatis, nunc, quoniam Senatus ita vult, manibus quoque vestris in sedibus meis colloceatis.

Egregia est ibidem, n. 144. Deprecatio, qua Jovis, Juno-nis, Minervæ & Veitæ opem implorat.

Illustris etiam multo magis locus ille 7. Ver. n. 183. quo Tullius omnium omnino Numinum fidem & opem implorat adversus Verrem, qui simulacra illorum eripuerat, de-lubra violaverat, Religiones polluerat. Legendus totus, qui omittitur hic a nobis, quia prolixior est.

Habes alia Deprecationis exempla ad implorandam opem comparata, pro Quintio, n. 10. Pro Roscio Amerino, n. 11. 6. Ver. n. 113.

Valet etiam plurimum Deprecatio ad excitandam misericordiam, ut pro Milone, n. 92. Quid restat, nisi ut orem, obtestorque vos, Judices, ut eam misericordiani tribuat is for-tissimo viro, quam ipse non implorat: ego autem, repugnan-te hoc, & imploro & exposco. Nolite, si in nostro omnium fletu nullam lacrymam aspexitis Milonis: si vultum semper eundem, si vocem, si orationem stabilem ac non mutatam vi-detis, hoc minus ei parcer: atque haud scio, an multo etiam sit adjuvandus magis.

Et pro Flacco, n. 106. Qui vos, quoniam est id etatis, ut sensum jam percipere possit ex mœrore patrio, auxilium nondum patri ferre possit: orat, ne suum luctum patris lacry-mis, patris mœorem suo fletu augentis. Qui etiam me in-tuetur, me vult uappellat, meam quodammodo flens fidem im-plorat: ac repetit eam, quam ego patri suo quondam spo-niderim pro salute Patriæ, dignitatem.

Est & hæc præclara Deprecatio pro Murena , n. 86. Quæ cum ita sint , Judices , primum Republicæ cauſſa , qua nul- la res cuiquam potior debet esse , vos pro mea ſumma & vo- bis cognita in Rempublicam diligentia , moneo , pro auctorita- te Consulari bortor , pro magnitudine periculi obteſtor , ut otio , ut paci , ut ſaluti , ut vita ſt̄ræ & ceterorum civium con- ſulatis : deinde ego fidem uestram , vel defensoris & amici officio adductus , oro , atque obſecro , Judices , ut ne hominis miſeri , & cum corporis morbo , cum animi dolore confeſti , L. Murena , recentem gratulationem nova lamentatione abrua- tis . Modo maximo beneficio Populi Romani ornatus , fortuna- ius videbatur , quod primus in familiam veterem , primus in municipium antiquissimum , Consulatum attulisset : nunc aem- squalore folidus , confeſtus morbo , lacrymis ac moerore perdi- tus , vester eſt ſupplex , Judices , uestram fidem obteſtatur , miſericordiam implorat , uestram potestatem , ac viſtas opes in- tueſt . Nolite , per Deos immortales ! Judices , &c.

Alia ſunt ejusdem Deprecationis exempla pro Quintio , n. 97. Pro Roſcio Amerino , n. 150. Pro Cluentio , n. 200. Pro Dejotaro , n. 9.

Adhibetur hæc potiſſimum Figura in Perorationibus ; quia apta eſt tota ad movendos affectus , quod præſtatur vulgo in Peroratione .

Quid eſt Optatio ?

R. Eit Figura , qua Orator vehementer aliquod deſide- ſium significat : ut 5. Ver. n. 81. Unus adhuc fuit , poſt Romam conditam (Dii faxint , ne ſit alter) cui Republica tota ſe tradiſit , temporibus cracte , malis domesticis , L. Sylla .

Et pro Lege Manilia , n. 27. Utinam , Quirites , virorum fortium atque innocentium runtam copiam habereſtis , ut hæc vobis deliberatio diſſicilis eſſet , quemnam potiſſimum tantis rebus ac tanto bello præſidiendum putaretis !

Et pro Rabirio Perduelli , n. 18. Utinam hanc mihi facul- tam cauſu concederet , ut poſſem prædicare , C. Rabirii ma- nu L. Saturninum hoſtem Populi Romani imperfectum .

Valet hæc Figura plurimum ad ſpem , dolorem , timo- rem , & amorem ſignificandum . Sed frequentius utiurpatur apud Poetas , quam apud Oratores .

Quid eſt Execratio , seu Imprecatio ?

R. Eit Figura , qua Orator malum alicui imprecatur : ut 6. Phil. n. 12. Igitur eſt Patronus L. Antonius ? malam quidem illi poſtem ! Clamori enim uestro aſſentior . Non modo hic latro ; quem clientem habere nemo velit : ſed quis unquam tantis opibus ,

tantis rebus gestis fuit, qui se Populi Romani victoris, dominique omnium gentium, tutor m dicere auderet?

Et Philip. 13. n. 48. Quin tu abi in malam pestem malumque cruciatum! ad te quisquam veniat nisi Ventidii similis?

Valet hæc Figura ad significandum odium & indignationem: sed usurpatur illa rarius ab Oratoribus, quam a Poetis.

Quid est Epiphomema, seu Acclamatio?

R. Est species quædam Exclamationis, qua Orator rei narratae vel probatae pronunciatum aliquod, instar coronidis subjecit ex superioribus expressum. Ita Tullius pro Sextio, n. 86. postquam docuit, oportere legibus ac judiciis vitam tueri, quod si fieri non potest, vim vi propulsandam: subdit: *Hac sentire, prudentiae; facere, fortitudinis; sentire vero & facere, perfectæ cumulatæque virtutis.*

Ita pro Milone, n. 9. postquam laudavit adolescentis cuiusdam pudicitiam, qui Tribunum Militarem Imperatoris propinquum sibi vim inferentem interfecerat, hoc addit: *Facere probus adolescens periculose, quam perpeti turpiter maluit.*

Sic & Paradoxo 1. cum parsimoniam multis extulit laudibus, concludit: *Dii immortales! non intelligunt homines, quam magnum vectigal sit Parsimonia!*

Egregia est etiam illa Acclamatio Ciceroniana 5. Ver. n. 176. ubi cum probasset, missum Romam a Verre frumentum suis Siculorum pecunia emptum, cum ipse pecuniam publicam impune sibi servasset, hæc adjicit: *O consuetudo peccandi, quantam habet jucunditatem in improbis & audacibus; cum pœna absuit, & licentia consecuta est!*

Et Ver. 6. n. 8. Sed quid ego tam vehementer invehor? verbo jam uno repellar. Emi, inquit. *O Dii immortales! præclarant defensionem! Mercatorem cum imperio ac securibus in Provinciani misimus.*

Aliud exemplum sufficit Orat. in Pisonem, n. 93. Loquens de Militibus, qui non invento Pisone quem interficere volabant, deturbarant ac comminuerant ipsius statuam, ait: *Sic odium, quod in ipsum attulerant, in ejus imaginem ac simulacrum profuderunt.*

Usurpatur autem hæc Figura, præsertim in rebus, quæ sunt admiratione dignæ, ad commendationem vel commiserationem excitandam.

Quid est Exclamatio?

R. Est Figura, qua Orator vehementem aliquem affectum significat, cujuscumque tandem generis ille fit.

Nihil tam obvium apud Ciceronem, quam hæc Figura; qua-

quare satis habebimus, illustriora quædam illius exempla tantum designare.

Pro Roscio Amerino, n. 146. Per Deos immortales! Quæ ista tanta crudelitas est? quæ tam fera immanisque natura? Quis umquam prædo fuit tam nefarius? quis pivata tam barbarus; ut, cum integrum prædam sine sanguine habere posset, cruentu spolia detrahere mallet?

Pro Cluentio, n. 15. O mulieris scelus incredibile, & præter hanc unam, in omni vita inauditam! O libidinem effrenatam & indomitam! o audaciam singularem, non timuisse, si minus vim Deorum, hominumque famam, at illam ipsam noctem, facesque illam nuptiales! &c.

i. Catil. n. 9. O Dii immortales! ubinam gentium sumus? quam Rempublicam habemus? in qua urbe vivimus?

Pro Flacco, n. 102. O nox illa, quæ pene æternas huic urbi tenebras attulisti? cum Galli ad bellum, Catilina ad urbem, conjurati ad ferrum & flammarum vocabantur . . . O Nonce ille Decembres, quæ me Consule fuistis? quem ego diem vere natalem hujus urbis, aut certe salutarem appellare possum. O nox illa, quam iste est dies consecutus, sausta huic urbi! miserum me! metuo ne funesta nobis.

Habes alia hujus Figuræ exempla Ver. 5. n. 137. Ver. 6. n. 146. Pro Cluentio, n. 48. Pro Sylla, n. 91. Pro Sextio, n. 27. Pro Cælio, n. 59. 71. In Pisonem, n. 41. Pro Milone, n. 104. & 105. 2. Phil. n. 16. 54. 68. 8. Phil. n. 23. 29. 10. Phil. n. 8. 11. Phil. n. 8.

Interdum est Exclamatio Ironica, & tunc magnum leporem habet. In Pisonem, n. 58. Non est integrum En. Pompejo, consilio jam uti tuo. Erravit enim. Non gustarat istam tuam Philosophiam. Ter jam homo stultus triumphavit. Crasse, pudet me tui. Quid est, quod confecto formidolosissimo bello coronam illam lauream tibi decerni voluis a Senatu? P. Serviti, Q. Metelle, C. Curio, P. Africane, cur non hunc audistis tam doctum hominem, tam eruditum, priusquam in istum errorem induceremini? . . . O stultos Camillos, Curios, Fabricios, Galatinos, Scipiones, Marcellos, Maximos! o amorem Paulum! rusticum Marium! nullius consilii patres istorum amborum Consulum, qui triumpharunt!

Et pro Balbo, n. 20. O præclarum interpretem Juris! au-
torem antiquitatis! correctorem atque emendatorem nostræ ci-
vitatis! qui hanc pœnam fœderibus adscribat, ut omnium præ-
miorum beneficiorumque nostrorum faciat expertes fœderatos!

Item 3. Philip. n. 27. O C. Cæsar (adolescentem appello)
quam tu salutem Reipublicæ attulisti? quam improvisam?
quam

quam repentinam? Qui enim hæc fugiens fecerit, quid face-
ret insequens? Etenim dixerat, se custodem futurum urbis:
usque ad Kalendas Majas ad urbem exercitum habiturum.
O præclarum custodem ovium, ut ajunt, Lupum! Custos ne
urbis, an d'reptor & vexator esset Antonius?

Et pro Cluenrio, n. 108. O innocentiam Oppianici singu-
larem! quo in reo, qui absolvitur, ambitiosus; qui distulit,
cautus; qui condemnavit, constans existimatur.

E X E R C I T A T I O .

Per laudatas supra Figuras.

Judas ad Fratres, ne perire Josephum in Cisterna
patientur.

S Y N O P S I S .

Exord. **A**B abrupto, petet ab ipsis, an non satis hue
usque odiis indulserint, nisi ulterius iras pro-
moveant.

Deinde ipsos deprecabitur, ne perire Josephum in Ci-
sterna patientur. Hæc autem erunt Deprecationis momen-
ta. 1. Gravitas sceleris, quod nihilo inferius videri de-
beat, quam si manus fratris sanguine cruentassent. 2. Te-
nera pueri ætas, cui indulgeri aliquid possit. 3. Parentis
dolor, cum p'emptum fratrum scelere Josephum audiet:
hic erit locus Exclamationi. 4. Judas ipse qui se Josephi
patronum profitetur.

3. Per Epiphonema, quasi ipsos minime commoveri sen-
tiret, dicet, tanti esse, assueville odiis & invidiæ!

4. Per Execrationem, funesta quæque ipsis comminabi-
tur, nisi placidos sensus induant.

Denique per Optionem, orabit, ut Deus fratrum ani-
mos intiestat.

O R A T I O .

Actum est igitur, Fratres? peribit puer Josephus, ne-
que ulla vos miseri fratris commiseratio duros atque
intractabiles inflectet? Tamen nondumne satis veteribus
odiis datum est? an non extaturatus adhuc cupidus vin-
dictæ, & invidiæ impotens animus? Placet ulterius iras
persequi, ac nisi tetro in specu fame pereat infelix fra-
ter,

ter , quidquid admissum est hactenus , leve reputabitis ?

(Exclamatio) Per Deum immortalem ! quæ ista vestra crudelitas est ? quæ tam fera immanisque natura ? quis tantus fuerit odiorum furor , ut nisi fratris funere expleri nequeat ?

(Deprecatio) Vos ego , per quidquid sanctum vobis formidandumque est , oro atque obtestor , mentem a tanto flagitio renegete , nisi forte expertes vos purosque sceleris arbitramini , quod puerum ipsi non peremistis ; quod manus fraterna cæde abstinuitis ; quod exhorruistis illud facinus , quod volentibus vobis ac jubentibus dira fames jam jam peraget . Sed quid ego hæc ? sentio : veteres simultatum caussæ etiam animum pungunt & extimulant : reus est Josephus , aut talis certe vobis vitus est . Sit ita sanc ; nihil moror . At numquid pueri infelicitis gemitus , amaræ doloris indices lacrymæ , terribilis ipse propinquæ mortis metus , quidquid peccatum ab eo est , totum non exsolvit ? (Deprecatio) Si tamen quidpiam adhuc luendum restat , id annis , precor , indulgete , quod sceleri deberetur . Nolite , quæso , committere , ut fratum invidia cecidisse Josephum parens mihi vobisque amantissimus audiat . (Exclamatio) O pater ! infelix pater ! quo sensu ferale nuncium accipies ? quo vultu cruentam filii tunicam intuebere ? quis erit doloris aut lacrymarum modus , quoties tuo te Josepho orbatum memineris ? filios in tanto scelere agnosces tuos ? Et me , fratres , precantem rejicietis ? (Deprecatio) nihil poterit apud vos infelix Juda ? Ah ! finite , potius vestrum furorem exarmet . Si nulli vos gemitus movent , nullæ lacrymæ placare possunt , vestrum in me furorem acuite , condite me horrendo in specu , & ærumnosam hic finire vitam cum fratre carissimo permittite .

(Epiphonema) Siletis ? conticescitis ? nemo vestrum respondet ? Itane vos mulceri vel inflechi plegeat ? Tanti est , Fratres , affueville malis odiis , & impotentis invidiæ stimulis paruisse ! Tamen , nisi meliores sensus induitis , nisi æquiores vos Josepho fratri piaestatis , nisi me bene monentem & ad saniora flectentem auditis , pertimescite , Fratres , debitas parricidis poenas . (Execratio & Comminatio) Est aliquis Cælo Deus : is admitti scelus prohibet , & admissum graviter plectit ! Erit , erit , ne dubitate , dies illa , cum me precantem sprevisse vos poenitientiat , cum ademptum fratrem Josephum lugebitis , cum

imminens capitibus vestris periculum declinare ne quicquam conabimini.

(¹ Optatio) At tu, supreme rerum omnium arbiter ac moderator Deus, qui solo voluntatis tuae nutu mortaliū animos quamcumque in partem moves ac flectis: utinam talem a fratribus perniciem avertas! utinam mutata per te studia in contrarium sece ad servandum innocentem puerum convertant, & quod nullae haec tenus preces exorarunt, id tuum benignius adspirans Numen efficiat!

ALIA EXERCITATIO.

Per easdem Figuras.

Marcus Tullius Cicero Marci Tullii Ciceronis Filius, post interfectum ab Antonio parentem suum, ad Cæsarem Augustum.

S Y N O P S I S.

Primo per Deprecationem obsecrabit Cæsarem, ut pro clementia succurrat miseris, pro fortitudine resistat improbis, pro æquitate scelus puniat.

2. Per Optationem dicet: utinam loqui posset ipse Cicero! quamquam truncum cadaver & muta lingua loquitur.

3. Per Execrationem: Dii te perdant, Antoni, qui cultorem Deorum, innocentiae patronum occidisti! involet in te Respublica, cui defensorem eripuisti! &c.

4. Per Epiphonema: ergo triumphabit sicarius? gement boni: Cæsare vindice?

Denique per Exclamationem: o gloriosum te, Cæsar, si defensor Ciceronis extiteris! o miseram ætatem nostram, si scelus impunitum viderit!

O R A T I O.

Periit infelix Tullius, periit, Auguste Cæsar, & devota jam pridem Antonii furoribus victima per summum nefas occubuit. Quid agam parente orbatus amantissimo? cuius implorabo praesidium in hoc rerum mearum discrimine, nisi me, Cæsar, miseri parentis infortunatam sobolem a cruentis scelesti parricidæ manibus vindices?

Per

Per ego te hanc dexteram , quam perditis ac jacentibus toties porrexisti ; per singularem clementiam , quam vel reis ac nocentibus ultro ac volens impendis ; (Deprecatio) per illam fortitudinem atque constantiam , qua nefarios improborum civium impetus contundis ac coerces ; per summam æquitatem , qua prohibes scelus ac plectis : afflictam innocentiam tuere , reprime infandi proditoris audaciam , & grassantem impune , optimorum civium in vitam , vim ac furorem meritis , ut par est , poenis ulciscere . Sentiat extictus pater aliquam humanitatis illi partem , quam ipse afflictis civibus , dum viveret , exoravit .

Atque utinam loqui posset pro se ipse , qui nemini misero vocem umquam abnuit ! (Optatio) utinam illi fas esset suam apud te caussam tueri , qui tam multorum , quos præsentes hic intueor , patrocinium tam feliciter suscepit !

Quamquam , quid Ciceronis vocem requiro , ubi truncum ejusdem cadaver loquitur satis ? (Execratio) ubi muta perorat lingua ; & Antonii flagitium ac nequitiam disertissime coarguit ? Dii te perdant , sceleratissime parricida , qui cultorem Deorum impensisimum ; innocentiae patrum , desertæ virtutis ultorem ac vindicem occidisti ! involet in te Respublica , cui studiosissimum defensorem , custodem vigilansimum , parentem amantisimum eripuisti ! insurgat in te Cæsar ipse , neque a flagitioso capite sacras manus abstineat ! Ignoscet Cæsar , si vehementius loquar , quam Majestas tua patitur . At quis esse possit expostulandi modus , ubi nullum sceleris modum Antonius fecit ? Tuum est , Cæsar , frænare præcipitem audaciam : tuum est , sanctissimarum legum præsidio coercere improbitatem , & quam tanti flagitii atrocitas postulat , vindictam exercere .

(Epiphonema) Nempe triumpharet sicarius ? volitaret impune totam per urbem ? gernerent frustra boni , aut infamem parricidam plecti nequicquam postularent , Cæsare teste ac vindice ?

(Exclamatio) O glriosum te , Cæsar , si perempti Ciceronis ulti extiteris ! o miseram ætatem hanc nostram , si tantum scelus videret impunitum ! o miseros , quotquot sunt , cives bonos , nisi parricidarum suppicio certum sibi adversus improbitatem patrocinium gratulari possent !

ARTICULUS IX.

De usu Figurarum.

1. **F**igurarum usus debet esse parcus & moderatus, ne crebra hujusmodi ornamentorum usurpatio tedium generet, aut puerilitatem redoleat. Distinguendum tamen est duplex Figurarum genus; primum earum, quæ tantum ornatum præ se non ferunt, quales sunt Interrogationes, Apostrophæ, Distributiones, &c. Alterum earum est, quas studiosius Oratoris industria persequitur, quales sunt Complexiones, Antitheses, Hypotyposes, Prosopopœjæ, &c.

2. Primarum quidem usus frequentior esse potest, nihil enim apud Tullium crebrum magis, quam Interrogationes, Repetitiones, Distributiones, &c. quæ latenter magis ornatum habent. Quod vero spectat ad secundi generis Figuras, illæ nimurum sunt, quarum usus frequentior parere fastidium posset.

3. Nonnullæ Figuræ sunt, quæ adhiberi possunt in omnibus Orationis partibus, ut sunt Distributiones, Communicationes, Apostrophæ, &c. Aliæ vero, quæ singularum partium propriæ sunt. Quæ ad dicendum valent, pertinent ad Exordium: quæ ad delectandum, ad Confirmationem & Confutationem: quæ ad movendum, ad Perorationem. Quæ tamen non ita scrupulose intelligenda sunt, ut non liceat aliquando ordinem hunc immutare.

4. Quædam Figuræ sunt, quæ statim initio usurpantur, ut Interrogationes, Apostrophæ, Distributiones, &c. Nonnullæ vero aliquam veluti præparationem requirunt, ut sunt Exclamationes quæ non usurpantur nisi post explicatas res graviores, Hypotyposes, Prosopopœjæ, & similes, quas absurdum esset statim ab initio alicujus Orationis vel Capitis adhibere.

5. Figuræ verborum sunt hujusmodi, ut plus afferre tedium Orationi possint, quam Figuræ sententiarum, si illæ crebrius usurparentur.

Denique nulla re magis potest de Figurarum usu judicari, quam frequenti Ciceronis lectione, qui Figuras suis quibusque locis sic accommodat, ut ad eadem pertractanda factæ quodam modo videantur.

LIBER QUARTUS.

DE VI ORATORIS,

SEU DE INVENTIONE.

ARTICULUS PRIMUS.

HAc tenus egimus de Elocutione Oratoria, de ejusdem Amplificatione, de Ornato sive de Figuris: nunc agendum nobis de Inventione & Probationibus, sine quibus, ait Cicero, Elocutio inanis est ac pene puerilis.

Quid Inventionis nomine intelligitur, in qua vis Oratoris precipua est?

R. Inventio est excogitatio retum verarum aut verisimilium, quæ valeant tam ad faciendam fidem, quam ad motus animorum excitandos. Argumentis utuntur Rhetores ad faciendam fidem, amplificatione ad motus excitandos.

Quid est Argumentum?

R. Est probabile inventum ad faciendam fidem.

Quid est Argumentatio?

R. Est argumenti ipsius fusior explicatio.

Unde querenda sunt Argumenta?

R. Ex Loci Oratoriis, quorum duplex est genus: alii qui ex ipsa re ejusque quasi visceribus educuntur, & propterea appellantur insiti seu intrinsecus petiti; alii qui aliunde eruuntur, & nominantur extrinsecus arcessiti.

Quot sunt Loci Oratorii in ipsa re insiti?

R. Sexdecim. Definitio, Enumeratio Partium, Notatio nominis, Conjugata, Genus, Forma, Similitudo, Dissimilitudo, Contraria, Repugnantia, Adjuncta, Antecedentia, Consequentia, Caussæ, Effecta, Comparatio.

Quot sunt Loci extra rem positi?

R. Sex. Præjudicia, Faina, Tabulæ, Jusjurandum, Tormenta, Testes.

Huc etiam pertinent Historiæ, Fabulæ, Leges, Sententiæ veterum, & similia: de quibus antequam agamus, res videtur exemplo demonstranda.

C A P U T II.

De Ratione eruendi ex Locis Oratoriis Argumenta.

Sit illud Oratori Forensi propositum , ut de Jurisprudentia ac Justitia dicat : ita Loços Oratorios alios post alios pervestigare poterit .

Locus a Definitione segetem uberem materiemque dicendi suppeditabit . Justitia enim est regnorum & imperiorum moderatrix , expultrix scelerum , virtutum conciliatrix , pacis alumna , concordiae parens , &c.

Enumeratio partium subjiciet singulos regni ordines , quibus iustitia prodest , Regibus ad dignitatem , nobilibus ad splendorem , civibus ad concordiam , populis ad mutuam societatem , improbis ad frānum , militibus ad obedientiam , omnibus ad felicitatem .

Notatio nominis hāc est : Iustitia dicitur , quod jus suum cuique tribuat .

Conjugata . Qui iustitia prædictus est , justus ille dicitur , iusteque Rempublicam administrat .

Genus . Si ostendas , iustitiam complecti ceterarum virtutum dotes & ornamenta .

Species . Cum iustitiae ipsius , quatenus singularis virtus est , laudes persequeris , seu qua mentem & voluntatem in bono dirigit , seu qua Deum ipsum , proximum , nosmetiplos spectat .

Causæ . Deum auctorem habet iustitia , cui similem facit hominem , qui imago est Divinitatis : ipsa etiam orbis perfectio est , cuius ad bonum tota dirigitur .

Efecta . Sunt ea quæ ex iustitia derivantur , pax , tranquillitas civium , pietas , Religionis cultus , vitiorum extinctio , procreatio virtutum , & alia similia .

Antecedentia . Complectuntur ea naturæ præsidia & disciplinarum subsidia , quæ ad Jurisprudentiæ cognitionem , Iustitiaeque professionem requiruntur .

Consequentia . Vel coincidunt cum effectis , vel continent laudes , quibus ille dignus est , qui hac utraque facultate præstat .

Adjuncta . Sunt ea , quæ cum Jurisprudentia societatem habent individuam , yeluti studia Philosophiæ , Historiarum , Legum , Exemplorum , & totius antiquitatis notitia .

Repugnantia . Quomodo fieri potest , ut vir legum omnium scientiæ studens , aut earum cognitione prædictus , obno-

obnoxius sit communibus vitiis , ut otio , vita molliori , & aliis ?

Similitudo . Talis institui potest . Justitia inter ceteras virtutes Solis instar obtinet : atque ut Solis præsentia nimbus dissipat , sedat tempestates , campis segetes , arboribus fructus , herbis viriditatem parit , orbemque universum efficit lætiorem ; ita justitia imperiis tranquillitatem , pacem rebus publicis conciliat , &c.

Dissimilitudo . Ut gentes , quibus justitia non illuxit , feram traducunt & agrestem vitam ; ita e contrario , qui hanc præcipuo studio colunt , ceteris humanitate præstant ,

Comparatio . Si Fortitudo , Prudentia , ceteraque virtutes tot laudibus dignæ sunt atque præconiis , quarum est privato cuiusque bono consulere : quid Justitia , quæ ipsum omnium commune bonum spectat , omnium utilitatibus prospicit , &c.

Contraria . Jurisprudentia hominum socordiam excutit , tollit literarum contemptum ; Justitia vero scelera , dolos , fraudes , rapinas expellit : nonne ergo utraque laudanda ?

Similiter a Locis extrinsecus petitis seu remotis eruuntur possunt argumenta , quibus eadem res confirmetur . Et quidem non inepte Forensis Orator Orationem incipiet ab auctoritate Legislatoris alicujus , aut Philosophi , aut Oratoris . Item Militaris Orator ab exemplo & dicto alicujus egregii Ducis : puta , Cæsar . Orator Christianus ab auctoritate sanctorum Patrum . Huc adde Proverbia , Parabolas , Apologos , Historias , & similia . Notandum est autem non esse necesse , Locos omnes ita scrupulose investigare , sed eos tantum , qui præstantiora argumenta sufficient .

C A P U T III.

Locus a Definitione . Regulae Artis .

Quid est Definitio ?

R. Est Oratio explicans naturam rei . Fusius a Cicero 2. de Orat. describitur : *Definitio est earum rerum , quæ sunt ejus rei propriæ , quam definire volumus , brevis & circumscripta explicatio .*

Quomodo fit Definitio ?

R. Accipiendo aliquid illi rei , quæ definitur , quod sit

commune cum allis, idque vocatur a Philosophis *Genus*: deinde sumendo aliquid, quod sit eidem peculiare ac proprium, idque ab iisdem Philosophis *Differentia* nuncupatur. Sic Rhetorica definitur, Ars bene dicendi: Ars *Genus* est, quia est hoc illi commune cum Grammatica, cum Poesi, cum Pictura & ceteris Artibus; bene vero dicere est illius *Differentia*, quia hoc proprium habet ac suum.

Quomodo probares a Definitione utilem esse Rhetoricam?

R. Hoc modo. Ars bene dicendi est utilis; sed Rhetorica est Ars bene dicendi; ergo Rhetorica est utilis.

Quotuplex est apud Oratores Definitionis genus?

R. Multiplex. Nam saepe usurpant illi rei descriptionem pro accurata illius Definitione: idque faciunt

Primo, per enumerationem Partium vel Adjunctorum, vel per Hypotyposim: ut si definire velles hominem improbum; describeres caput illius torvum nescio quid praeserens, oculos flagitium spirantes, manus ad rapinam incurvas: totum denique corporis habitum respice, quid aliud praeseret præter improbitatem?

Habes exempla Definitionis apud Ciceronem 1. Philip. n. 29. Ita definit gloriam: *Ea est laus recte factorum, magnorumque in Rem publicam meritorum, quæ cum optimi cujusque, tamen etiam multitudinis testimonio comprobatur.* Quæ definitio descriptio potius, quam accurata definitio dicenda est.

Et Philipica 2. n. 113. ita pacem definit & servitutem: *Pax est tranquilla libertas, servitus malorum omnium postremum, non modo bello, sed morte etiam repellendum.*

Et 11. Philipica n. 28. ita definit Legem: *Est Lex nihil aliud, nisi recta, & a Numine Deorum tractata ratio, imperans bona fides, prohibens contraria.*

Et in Pisonem poenam & supplicium ita definit: *Quæ est igitur pœna? quod supplicium? Id mea sententia, quod accidere nemini potest nisi nocenti. Suscepta fraus, impedita & oppressa mens conscientia, bonorum omnium odium, nota justi Senatus, amissio dignitatis.*

In Oratione autem pro Sextio, n. 97. ita optimates describit aut definit per Enumerationem: *Quis ergo optimus est iste? quis? De numero si queris, innumerabiles: neque enim aliter stare possemus. Sunt principes consilii publici; sunt, qui eorum sectam sequuntur; sunt maximorum ordinum homines, quibus patet curia; sunt municipales, rusti-*

rusticique Romani ; sunt negotia gerentes ; sunt etiam libertini optimates. Numerus , ut dixi , hujus generis late & varie diffusus est ; sed genus ipsum , ut tollatur error , brevi circumscribi & definiri potest . Omnes optimates sunt , qui neque noxentes sunt , nec natura improbi , nec furiosi , nec malis domesticis impediti .

Secundo . Definitio fit per Similitudinem & comparationem . Ita describeres hominis perturbati & immoderati animum : Est instar plateæ publicæ , ubi perpetuus clamantium strepitus , & voces inconditæ audiuntur ; ubi omnia disjecta ac dissipata ; ubi rixa & jurgia . Est mare turbidum , ventis jactatum & procellis .

Contra , conscientiam bonam definire quis potest per Similitudinem , hortum deliciarum , thesaurum gavis Regum omnium ditiorem , aulam divini Numinis . Hæc porro Definitio , quia levioris est efficacia ad persuadendum , aut permovendum , rarius ab Oratoribus debet usurpari .

Tertio . Definitio fit per Congeriem multorum nominum , ex quibus in rei cognitionem facilius devenimus . Ita Cicero lib. 5. Tusculanarum Quæstionum sic Philosophiam definit : Vitæ Philosophia dux , indagatrix virtutum , vitiorum expultrix , mater omnium artium , quid est aliud , ut ait Plazzo , nisi Deorum invenium ?

Et pro Milone , n. 90. ita Curiam definit per Congeriem : Quo quid miserijs , quid acerbis , quid luctuosius vidimus ? Templum sanctitatis , amplitudinis , mentis , consilii publici , caput urbis , aram sociorum , caput omnium gentium , sedens ab universo Populo Romano concessam uni Ordini , inflammati , exscindi , funestari .

Item pro Plancio , n. 70. Opimii calamitatem ita per Congeriem definit : Opimii quidem calamitas utinam ex hominum memoria evelli posset . Vulnus illud Republice , dedecus hujus imperii , turpitudo Populi Romani , non judicium putandum est .

Sic egregie pariter Historiam definit Cicero lib. 2. de Oratore , n. 36. Historia vero testis temporum , lux veritatis , vita memorie , magistra vitae , nuntia veritatis , qua voce alia , nisi Oratoris , immortalitati commendatur ?

Quarto . Traditur Definitio rei per causas , quando ex primitur rei natura per eas res , a quibus habet ut sit , & talis sit . Ita Cicero lib. 1. de Legibus , n. 54. Hominem definit a ratione quæ est ipsius causa formalis , ut ajunte Philosophi : Animal hoc providum ac sagax , multiplex , acuzum , memor , plenum rationis & consilii , quem vocamus hominem ,

minem, præclara quadam conditione generatum est a supremo Deo. Solus est enim ex tot animantium generibus atque naturis particeps rationi & cognitionis, cum cetera sint omnia expertia.

Eodem pertinet illa hominis definitio ex Seneca Epist. 76. Omnia bono suo constant. Vitem fertilitas commendat, sapor vinum, velocitas cervum. Quare fortia dorso jumenta sunt, queris? quia eorum unus hic usus est, sarcinam ferre. In cane sagacitas prima est, si investigare debet feras; cursus, si consequi; audacia, si mordere & invadere. Id in unoquoque optimum est, cui nascitur, quo censemur. In homine optimum quid est? Ratio. Hac antecedit animalia, Deos sequitur. Ratio ergo perfecta proprium hominis bonum est: cetera illi cum animalibus satisque communia sunt. Valet? & Leones. Formosus est? & Pavones? Velox est? & Equi. Non dico in his omnibus vincitur. Non quaro, quid in se maximum habeat, sed quid suum. Corpus habet? & arbores. Habet impetum & motum voluntarium? & bestiæ, & vermes. Habet vacem? sed quanto clariorem canes, acutiorum aquile, graviorem tauri, dulciorum mobilioremque lusciniae? Quid in homine proprium? Ratio? Haec recta & consummata felicitatem hominis implevit.

Sic a Caussis simul omnibus definiri homo posset: Animal a Deo supremo rerum opifice conditum, ex corpore mortali quidem conflatum, sed animo constans immortalis, & ad divinæ naturæ similitudinem expresso; denique ad perfruendas æternæ vitæ delicias destinatum.

Quinto. Fit etiam Definitio per Effecta, & hic definendi modus apud Oratores frequentior, quia notiora solent esse Effecta quam Caussæ, cum res designatur per ea, quæ ab ipsa procedunt.

Ita Cicero virum bonum definit ab Effectis pro Cæcina, n. 78. Vereor de tali viro ne plus dicam, quam vos aut sentiatis, aut apud vos commemorari velitis. Quapropter hoc dicam, numquam ejus auctoritatem nimium valere, cuius prudenter Populus Romanus in cavendo, non in decipiendo perspexerit; qui Juris Civilis rationem numquam ab æquitate se junxit; qui tot annos ingenium, laborem, fidem suam Populo Romano promptam expositamque præbuerit; qui ita bonus & justus vir est, ut natura, non disciplina consultus esse videatur; ita peritus ac prudens, ut ex Jure civili non scientia solum quedam, verum etiam bonitas nata videatur; cuius tantum est ingenium, ita prompta fides, ut quidquid inde haurias, purum liquidumque te haurire sentias.

Ita bellum crudele, quod intulerat Antonius, describit per Effecta, 14. Philip. n. 8. Bellum inexpiable infert quatuor Consulibus unus omnium latronum teterrimus. Gerit idem bellum cum Senatu, Populoque Romano. Omnibus (quamquam ruit ipse suis cladibus) pestem, vastitatem, cruciatum, tormenta denuntiat. Refugit animus, Patres conscripti, eaque formidat dicere, quæ L. Antonius in Parmensium liberis & conjugibus effecerit. Quas enim turpitudines Antonii libenter subierunt, easdem letantur per vim aliis se intulisse. Sed vis calamitosa est, quam illis intulerunt: libido flagitia, qua Antonio um oblitera est vita. Recordamini, per Deos immortales! Patres conscripti, quid hoc biduo timuerimus a domesticis hostibus, rumoribus improbissimis dissipatis. Quis liberos, quis conjugem aspicere poterat sine fletu? quis domum? quis te&ta? quis Larum familiarem? Jam aut fœdissimam mortem omnes, aut miserabilem fugam cogitabant. Hæc a quibus timebantur, eos hostes appellare dubitamus? Gravius si quis attulerit nomen, libenter assentiar: hoc vulgari contentus vix sum, leviore non utar.

Et Oratione pro Plancio, n. 9. ingenium populi definit ab iis, quæ facere soleret in Comitiis.

Similiter Phil. 8. n. 12. Calenum arguit, qui pacem optaret, definiendo per Effecta pacem illam, cuius studium præferebat. Quid tu, Calene, servitutem pacem vocas? Majores quidem nostri non modo ut liberi essent, sed etiam ut imperarent, arma capiebant: at tu abjicienda arma censes, ut serviamus?

Eleganter definit ab Effectis, quid sit sustinere pœnam a Diis immortalibus, de Haruspicum Responsis, n. 39. A Diis quidem immortalibus quæ major esse potest homini pœna, furore atque dementia? Legendus hic Locus.

Denique celebratur in primis apud Rhetores illa Definitio, quæ fit per Negationem & Affirmationem, ita nimis, ut Orator primo quidem dicat, quid res ipsa non sit, deinde quid sit ipsa, adjecta interdum Ironia post Negationem.

Ita Cicero in Pisonem, n. 23. & 24. probat Pisonem non fuisse Consulem, definiendo Consulatum, quem negat esse positum in lictoribus, in toga, sed in consilio ceterisque virtutibus. Tu etiam mentionem facies Consulatus tui; aut te fuisse Rome Consulem dicere audebis? Quid? tu in lictoribus, in toga, & praetexta esse Consulatum putas? quæ ornamenta etiam in Sex. Clodio, te Consule, esse voluisti. Hujus tu Clodiani canis insignibus Consulatum declarari putas?

Animo

Animo Consulem esse oportet, consilio, fide, gravitate, vigilancia, cura, toto cienique munere Consulatus, &c.

Et Oratione pro Domo tua, n. 89. Populum Romanum definit, tum remotis iis quæ abhorrent a populi Romani dignitate, tum eorum affirmatione, quæ huic dignitati convenient. *An tu Populum Romanum esse illum putas, qui constat ex iis, qui mercede conducuntur? qui impelluntur, ut vim afferant Magistratibus, ut obsideant Senatum, optent quotidie cædem, incendia, rapinas? Quem tu tamen populum, nisi clausis tabernis, frequentare non poteras: cui populo duces Lentidios, Lollies, Sergios prefeceras. O speciem, dignitatemque Populi Romani, quan Reges, quam Nationes exteræ, quam Gentes ultimæ pertimescunt, multitudinem ex sevis conductis, ex facinorosis, ex egentibus congregatum! Illa fuis pulebritudo Populi Romani, illa forma quam in campo vidi- sti tum, cum etiam tibi contra Senatus totiusque Italie au- thoritatem & studium dicendi potestas fuit. Ille, ille populus est dominus regum, victor atque imperator omnium gentium, quem illo clarissimo die, scelerate, vidisti tum, cum omnes principes civitatis, omnes ordinum, atque etatum omnium, suffragium se non de civis, sed de civitatis salute ferre cen- sebant: cum denique homines in campum non tabernis, sed municipiis clausis venerunt.*

Item laudato jam paulo ante n. 97. Orationis pro Sextio, definivit Optimates, dicendo quid non, & quid sint, ab his verbis: *Quis optimus est iste, &c.*

Et Orationis ejusdem n. 17. probat, nec Pisonem, nec Gabinium fuisse Consules, per viam Negationis describen- do utriusque mores per elegantem Hypotyposim & Ethopœ- jam ab his verbis: *Sed fuit profecto quedam illa Reipubli- cæ fortuna fatalis, &c.*

Similiter 2. in Rullum, n. 10. definit per Negationem, quid sit populare, ab his verbis: *Neque vero illa popularia sunt existimanda, &c.*

Philip. 3. n. 12. per viam Affirmationis & Negationis de- finit, quid sit esse Consulem, & negat Antonium debuisse Consulem reputari, ex quo nudus & ebrios concionatus es- set, ab his verbis: *Nec vero M. Antonium Consulem post Lu- percalia putare debuistis, &c.*

Et in Pisonem, numero jam laudato 43. definit, quid poena sit, & quid non sit ab his verbis: *Quid est igitur poena, &c.*

E X E R C I T A T I O .

Definitio per Similitudinem.

Tanto suavius bonæ conscientiæ testimonium,
quanto acerbior malæ stimulus.

S Y N O P S I S .

Exord. & Prop. **C**onstabunt sola explicatione & dilatatione ipsius Propositionis.

Confirmatio. Petetur 1. a Definitione bonæ conscientiæ per varias Similitudines seu comparationes ductas a tranquillo mari , agro fertilissimo , domo splendida & ornata . 2. A Definitione malæ conscientiæ per contrarias Similitudines : dicendo illam esse instar plateæ publicæ , agitati maris tempestatibus, Inferorum carceris , &c.

Conclusio. Quis ergo alteram alteri præferendam non putet ?

O R A T I O .

Ut est nemo omnium , quantum est , qui vivunt , si quid modo humanum sapiat , qui beatas pacis ac tranquillitatis delicias miseris perturbationum ac turbarum motibus anteponendas non judicet ; ita nullum reperias tam ferum , tam barbarum , tam expertem omnis humanitatis , qui bona conscientiæ suavitates malæ conscientiæ molestiis potiores esse fateatur .

Agite vero : quid usquam est rerum omnium , quod altissimæ pacis imaginem felicius adumbret , quam bonæ conscientiæ facies ? Dices illam esse mare quoddam pacatum semper ac tranquillum , unde cupiditatum insani fluctus , inordinatae mentis tempestates , & graves perturbati animi procellæ longius exulant . Illam crederes agio fertili similimam , quem suavissimis virtutum omnium floribus ubique constitutum , nulla vitiorum inimica vis umquam temeravit . (*Definitio per Similitudines*) Intueri putas claram domum ac splendidam , in qua nihil non ornatum , nihil non compositum recteque ordinatum se offert : ubi confusio rerum nulla , nullus tumultus , nullæ agitationes , sed quies secura , pax suama , æterna tranquillitas felicissimum domicilium defixere .

Nunc vero , si quis funestissimam cruenti belli speciem videre

Videre velit, flectat oculos contrariam in partem; & hominis nequissimi conscientiam diligenter consideret. An non illa se objiciet animo instar plateæ cuiusdam publicæ, qua permeantes perpetuo per apertos latosque aditus immoderati omnis generis affectus rixas, jurgia, contentiones, tumultus, bella singulis momentis excitant. An non exhibebitur oculis æstuans aliquod & effervescentis terribilem in modum pelagus, in quo decertantes contrariis studiis, totidem instar concitatorum turbinum, gravissimi vitiorum motus tristissimas, in singulas horas, tempestates ac procellas commovent? An non delapsum te in ipsum Inferorum carcerem existimes, ubi nullus ordo, nulla concordia, nulla pars quietis, sed sempiternus horror, perpetua disfensio, æterna perturbatio sedem posuere?

Quis ergo tam parum amans pacis, tam perdite belli cupidus, qui non omni studio enitendum sibi putet, ut quanto cautius conscientiæ malæ vitabit acerbitudinem, tanto acrius bona conscientiæ suavitatem confectetur?

E X E R C I T A T I O.

Definitio per Effecta & Enumerationem.

Modestiam inter ceteras virtutes Adolescentis esse dignissimam.

S Y N O P S I S.

HÆc ipsa Propositio dilatata Exordio & Propositioni deserviet.

Confirmatio. Petetur a Definitione Modestiæ per Effecta, descendetque Orator ad Enumerationem singularum corporis partium, quibus componendis Modestia præst: puta linguæ, vultus, oclorum, totiusque hominis.

Deinde, dicet Modestiam non se tenere intra limites corporis fingendi, sed etiam informare animum: quod tractabit pariter per Definitionem Modestiæ ab Effectis, quæ patit in animo; & versabitur in iisdem enumerandis: scilicet medetur iracundiæ, superbiæ, & aliis pravis animi motibus.

Conclusio. Quanto igitur studio sectari Modestiam Adolescentes debent?

O R A T I O.

Cum nihil in Adolescentibus laudabilibus esse solet, quam recta corporis & animi compositio quædam atque moderatio, tum certe ex eo facile quivis intelligat, quanto studio Adolescenti cuilibet expetenda Modestia sit, quæ in componendis moderandisque corporis atque animi partibus tota occupetur.

Agite enim: inter ceteras corporis animique dotes, quænam Modestia potior, quænam Adolescenti dignior? Est enim illa virtus, quæ linguam fræniat, ne elatius, quam par sit, aut petulantius quid audeat: quæ vultum componit, & serenat oculos, ne quid superbum, aut lubricum præferant: quæ risum moderatur, ne sit effusus nimis & procax. (*Definitio per Effecta & Enumerationem partium*) Hæc occludit aures, ne improborum consiliis sermonibusque pateant. Illa manus continet, ne sit gestus fractior aut inconcinnior. Eadem incessum dirigit, ne quid sit in eo molle, aut languidum, aut concitatum; si vero gravis, constans, & moderatus. Atque ut uno verbo omnia complectar, Modestia virtus est, quæ hominem ad urbanitatem, decorem, humanitatemque, totum fingit ac componit.

Neque vero intra corporis fingendi limites se continet: assurgit altius, animumque ipsum, ut & corpus, egregie conformat. Hæc est enim iracundiæ moderatrix, expultrix superbiæ, impolitiæ inimica, & vitiorum omnium, quæ humanitatem lædunt, hostis acerrima. Etenim, si in animum insurgat vehemens & turbulenta cogitatio, adeat continuo Modestia, quæ grassantem ac luxuriantem compescat, refrænet, ac coerceat.

Quæ cum tot ac tantæ sint Modestia dotes, quis est tam parum cupidus liberalis rectæque institutionis Adolescens, qui in Modestia sibi comparanda omnem suam curam atque operam bene collocatam non arbitretur?

EXERCITATIO.

Definitio per Negationem & Affirmationem.

Veram Nobilitatem in una Virtute esse positam.

S T N O P S I S.

Exord. **D**icit Orator, multos esse qui Nobilitatis laude gloriantur, paucos qui nobiles debeat appellari.

Rationem afferet, quæ Propositionem continebit, quia pauci sunt qui Virtutem colant, in qua vera Nobilitas posita est.

Confirmatio. Petet illam 1. a Definitione Nobilitatis per Negationem, dicetque illam non esse positam in titulis, in itemmatibus, in longa Majorum serie, &c. maxime si quis Nobilitatem flagitiis dedecoret. 2. A Definitione per Affirmationem demonstrabit, Nobilitatem a Virtute sola esse repetendam, enumerabitque virtutes viri nobilis proprias: puta patientiam in laboribus, in periculis fortitudinem, in adversis constantiam, in spernendis voluptatibus robur animi.

Conclusio. Aut igitur colendam esse Virtutem, aut Nobilitatis laude non esse gloriandum.

ORATIO.

Quam multi sunt hodie, qui rebus in suis numerandam putant Nobilitatis gloriam, & supra mortalium vulgus se se insolentius efferunt; tamen sunt pauci, qui vindicare sibi laudem illam jure possint, & vel ipsam viri nobilis appellationem meruisse videantur.

Nam cum vacuum & inane nomen nemo peritus rerum æstimator Nobilitatem esse dixerit, neque eamdem ullo ponendam in pretio arbitretur, nisi arctissimam habeat cum Virtute necessitudinem; tum certe quisquis ad ipsum nobilitatis decus aspirat, is frequentissimum virtutum omnium comitatum debet ante omnia præseferre.

Age enim: tete ipsum compello, qui superbo natalium fastu ferociter intumescis, & vanam magni nominis umbram ostentas, tamquam secisses ipse aliquid, quamobrem tam præclaris ortus parentibus nascerere. Quam informasti ani-

mo

mo nobilitatis speciem ac formam? Tune illam in speciosis titulis, in ambitioso stemmatum apparatu, in longa fumosarum imaginum serie, in illustribus virtutis avitæ monumentis, quæ palam jactas ad pompam & ambitiosius circumfers, reponendam arbitraris; (*Definitio per Negationem*) dum ipse partam a Majoribus gloriam flagitorum fordibus degener nepos obscuras? dum titulos illos, quos illi virtutibus meruerunt, depravatis moribus inficis? dum magnum & insigne nomen, quod tulerunt, licentiosioris vitæ fama dedecoras? dum tot illustrium virorum modestiam insolente superbia, continentiam eorumdem levitate, diligentiam socordia, parsimoniam luxu, sobrietatem intemperantia, integritatem vitæ libidinibus, fortitudinem ignavia contaminas ac corrumpis?

Egregiam enimvero laudem & prædicandam ubique speciem nobilitatis, quam venerentur in te Majores tui, & per tot nepotes ad te demum usque propagatam feliciter sibi gratulentur! Disce tandem ab istud illis Majoribus, quorum tu gloriam & illustria facinora prædicas magnificientius, quasi pertineret ex iis ad te quidpiam, disce, inquam, quæ porro virtutes nobilem efficiant. (*Definitio per Affirmationem*) Ille nobilis est, quem in ferendis laboribus patientia, in adeundis periculis alacritas, in tolerandis adversis constantia, in spernendis voluptatibus robur animi, in vincendis cupiditatibus fortitudo commendant. Per hos scilicet virtutum gradus Majores tui ad tantum gloriæ apicem pervenerunt. Tu quid fecisti? quid passus umquam gravius es, ut illustribus virtutum illarum monumentis superbires? Illi vigilias egerunt multas, summo mane castra & signa in hostem moverunt; tu multam in diem dormis otiosus. Illi gravissimas duræ militiæ asperitates pertulerunt; tu dissluentem deliciis ac voluptatibus vitam conteris. Illi inediæ incommoda sunt experti; tu conviviis ac commessionibus perpetuo indulges. Illi cum hoste manus sæpe conseruerunt; tu choreis ac spectaculis assistis.

Desine ergo, nepos degener, numerare inter avos tuos clarissimos illos viros, quos ostentas; nomen illud abjice, quo gloriaris; inter vilioris plebeculae quisquiliias inglorius delitesce; aut certe ita vive deinceps, ut Majoribus tuis, & viri nobilis appellatione, dignus videri possis.

ALIA EXERCITATIO.

Per eundem Locum.

Cinna ad Augustum Cæsarem, cum ab eodem conflatae in ipsum conjurationis reus argueretur.

SYNOPSIS.

Exord. **F**atebitur ultro Cinna illatae accusationis crimen, neque dissimulabit insidias a se Augusto comparatas.

Propositio. Dicer sibi superest unum in Cæsaris clementia præsidium, qui quocumque supplicio dignus videri debeat.

Confirmatio. Dicet nihil esse tam ~~augustum~~ tamque dignum Principe, quam injurias condonare. Tractabit rationem istam per Definitionem: & primo quidem per viam Negationis, dicendo Augustum numquam posuisse dignitatem majestatemque Principis in vana ostentatione potentiae, in debellandis hostibus, in vindicandis injuriis; aliam habuisse de Romani Imperatoris majestate opinionem. 2. Per viam Affirmationis contendet, existimasse Augustum, nihil esse viro Princi convenientius, quam bene mereri de omnibus, amicos fovere, parcere hostibus, injurias oblivisci; quam laudem hereditariam a Cæsare parente acceperat.

Concludet rogando Augustum, ne a pristina gloria deflectat, sed potius novum cumulum adjiciat.

ORATIO.

Quid dicam, Cæsar? aut potius quid tacendum non putem? Hinc almissi sceleris pudor ac dolor vocem præcludunt, inde singularis in proditorem humanitas stuporem ac silentium incusat. Conflatam a me tuum in caput conjurationem exprobras, saeum revincis, aperis socios, totam insidiarum & nefandæ machinationis seriem pandis: an negare vel dissimilare crimen possim, si velim? an etiam, si possim, debeam excusare? Fatentem habes reum, Cæsar, & paratum ultro subire quod statuere cumque placuerit. Nocentem plece, nihil deprecor, nihil abnuo: non potes in me ferre sententiam tam gravem, quæ videri mitior pro facinoris atrocitate non debeat.

Quam-

Quamquam, quem alloquor? & apud quem ago caussam
ingratus? Non hic accusatoris vel Judicis caussam sustines;
sed amicum, sed parentem agis. (*Definitio per Negationem*)
Tu quereris de me; at reum accusare parcis: sottem in-
crepas; at eundem non damnas. Agnosco dignam natali-
bus, dignam parente, dignam imperio indolem: agnosco
mores humanissimi Principis, quem nemo haec tenus offen-
sum sensit, nemo vel inimicus non amicum expertus est.
Scilicet numquam existimasti, Cæsar, dignitatem majesta-
temque Principis in ostentatione vana potentiæ, in vindi-
candis propriis injuriis, in fundendo inimicorum sanguine
esse positam. Hi sensus olim & Marios, & Syllas, &
Antonios decuerint, qui Romanorum civium sibi place-
bant in cæde, qui tyranni potius atque hostes patriæ,
quam Imperii rectores atque moderatores appellari meruer-
runt. (*Definitio per Affirmationem*) At tu, qui humanita-
tem atque clementiam, qua te Principem inter ceteros
exhibes, laudem esse Principis viri potissimum semper repu-
tasti; nihil tam providisti sedulo, quam ut propensam in
omnes cives voluntatem testareris; amicos benevolentia
soveres, æmulatores gloriae tuæ, aut etiam inimicos bene-
ficiis alliceres, injurias obliviscerere, & quam in C. Cæ-
sare reliquas inter virtutes humanitatis gloriam suspexas,
ejusdem te locupletissimum ac munificentissimum nerendem
Populo Romano ostentares.

Igitur tuere, Cæsar; quam tibi jam apud omnes com-
parasti, benignitatis famam: memineris, quam multi ser-
vatos se a te fuisse gloriantur. Indulge partem aliquam
bonitatis illius infortunato Cinnæ, quem fortuna prodi-
tem non fecit, nisi ut, vel immeritum dum absolveres,
novus inde nomini tuo splendor, novum decus accederet.

C A P U T IV.

Locus ab Enumeratione Partium.

Quid est Enumeratione Partium?

R. Est Distributio totius in suas partes: ut, Virtus
non est fugienda; ergo nec justitia, nec prudentia, nec
temperantia, nec fortitudo, nec ceteræ virtutes fugiendæ
sunt.

Hoc ipsum præstat Cicero, ubi per Enumerationem pro-
bat imperatorias virtutes esse in Pompejo, quas in scien-
tiam rei militaris, fortitudinem, auctoritatem, & felicita-

tem distribuit, pro Lege Manilia, n. 28. Ego enim sic existim, in summo Imperatore quatuor has res inesse oportere, scientiam rei militaris, virtutem, auctoritatem, felicitatem. Quis igitur hoc homine scientior umquam fuit, aut esse debuit? &c. Ubi singulas illas divisionis partes diligenter Enumeratione pertractat: scientiam quidem, a bellorum multitudine quæ gesserat: virtutem, a testimonio multarum Provinciarum quæ testes fuerunt illius virtutis. Testis Italia, &c. Testis est Africa, &c. n. 30. &c. auctoritatem, a testimonio sociorum & hostium, quos recenset a n. 44. ad 47. felicitatem denique a multitudine viatoriarum, quas terra marique reportaverat, n. 47.

Quotuplex est Partium Enumeratio?

R. Multiplex. Prima, cum distribuitur res in eas partes, ex quibus constat: ut cum homo in corpus & animam; animus in memoriam, intelligentiam, & voluntatem dividitur.

Ita Cicero in Pisonem, n. 53. probat, neminem venisse obviam Pisoni Romam redeundi, quia nec legati ejus, neque cives, neque amici venerant. Confer nunc vicissim redditum tuum, quandoquidem, amissso exercitu, nihil incolumē domum, præter os illud pristinum tuum, retulisti: qui primum qua veneris cum lauratis tuis lictoribus, quis scit? quos tunc Maeandros, dum omnes solitudines persequeris, que diverticula flexionesque quæsistī? quod te municipium vidi? quis amicus invitavit? quis hospes aspexit? Nonne tibi nox erat pro die? nonne solitudo pro frequentia? capona pro oppido? non ut redire ex Macedonia nobilis Imperator, sed ut mortuus infamis referri videtur? Romam vero ipsam sœdavit adventus tuus. . . . Quemadmodum venisti? Quis tibi non dicam horum, aut civium ceterorum, sed tuorum legatorum obviam venit?

Et Oratione post Reditum ad Quirites, n. 2. probat sibi omnia suisle restituta, & vocem illam *omnia*, quæ totum est, in eas partes quas continet, nempe liberos, fratrem, rem familiarem, amicitias, consuetudines, dignitates, eleganti Enumeratione distribuit. Etsi homini nihil magis est optandum, quam *prospera*, *equabilis*, perpetuaque fortuna, secundo *vita* sine ulla offensione cursu; tamen si mibi tranquilla & placata fuissent omnia; incredibili quadam & pene divina, qua nunc, vestro beneficio, fruor, leticie voluptate caruissim. Quid dulcius hominum generi a natura datum, quam sui cuique liberi? mibi vero & propter indulgentiam meam, & propter excellens eorum ingenium, vita

vici sunt mea cariores. Tamen non tanta voluptate erant suscepiti, quanta nunc restituti. Nihil cuiquam fuit jucundus, quam mibi meus frater; non tam id sentiebam, cum fruebar, quam tunc, cum carebam, & posteaquam vos me illi, & mibi cum reddidistis. Res familiaris sua quemque delectat: reliquæ meæ fortuna recuperata plus mibi nunc voluptatis afferunt, quam tunc incolumi afferabant. Amicitia, consuetudines, vicinitates, clientæ, ludi denique & dies festi quid haberent voluptatis, currendo magis intellexi, quam fruendo. Iani vero bonos, dignitas, locus, ordo, beneficia vestra, quamquam mibi semper clarissima visa sunt, tamen ea nunc renovata, illustriora videntur, quam si obscurata non essent. &c.

Et Oratione in Pisonem probat, ipsum esse odio omnibus, n. 64. Senatus odit te . . . videre Equites non possunt . . . Plebs Romana perditum cupid... Italia cuncta execratur. &c. Item pro Domo sua, n. 73. & Philip. 14. n. 34:

Secunda Enumerationis species, cum totum dividitur in eas partes, quas Philosophi integrantes vocant: v. g. cum corpus dividitur in caput, pedes, & brachia.

Revocari ad eam Enumerationis speciem locus hic potest Orat. in Pisonem, n. 1. ubi singulas capitum ipsius partes enumerat & excutit. Non enim nos color iste servilis, non pilosæ genæ, non dentes putridi deceperunt: oculi, supercilia, frons, vultus denique totus, qui sermo quidam tacitus mentis est, hic in errorem homines impulit.

Tertia, cum genus dividitur in species suas: ut virtus in prudentiam, justitiam, fortitudinem, & temperantiam, quæ sunt quatuor virtutes, ut ajunt, Cardinales.

Habes exemplum illius Enumerationis Orat. pro Plancio, n. 80. Etenim, Judices, cum omnibus virtutibus me affectum esse cupiam, tamen nihil est, quod malim, quam me & gratum esse & videri. Hæc est enim una virtus non solum maxima, sed etiam mater omnium virtutum reliquarum. Quid est pietas, nisi voluntas grata in parentes? Qui sunt boni cives, qui belli, qui domi de patria bene merentes, nisi qui patriæ beneficia meminerunt? Qui sancti, qui religionum contentes, nisi qui debitam Diis immortalibus gratiam, justis honoribus & memori mente persolvunt? Quæ potest esse jucunditas vitæ, sublatis amicitiis? quæ porro amicitia potest esse inter ingratos? &c.

Quarto fit etiam Enumeratione per Caustas. Sic Cicero pro Domo sua, remotione caustarum quas enumerat, ostendit, uno Ciceronis odio adductum fuisse Clodium, ut tam

multa aduersus ipsum moliretur , n. 59. Quid enim vos
uxor mea misera violarat ? quam vexavistis , raptavistis ,
omni crudelitate laceravistis . Quid mea filia ? cuius fletus
assiduus , sordesque lugubres vobis erant jucundæ , ceterorum
omnium mentes oculosque fleceabant . Quid parvus filius ?
quem quamdiu absfui , nemo nisi lacrymantem confectumque
vidit : quid fecerat , cum eum roties per insidias interficere
voluistis ? Quid frater meus ? qui cum aliquanto post meum
discessum ex Provincia venisset , neque sibi vivendum , nisi
me restituto , putaret , cum ejus moror , & squalor incredibilis &
inauditus , omnibus mortalibus miserabilis videretur :
quoties ex vestro ferro ac manibus est elapsus ?

Sic in Pisone , n. 40. probat , nihil scriptum a Pisone
de Provincia ad Senatum , quia nihil erat quod scribi
cum aliqua gratulatione posset . Quid tandem erat actum
aut gestum in illa Provincia , de quo ad Senatum cum aliqua
gratulatione scribi abs te oporteret ? an vexatio Macedonica ?
an oppidorum turpis amissio ? an sociorum direptio ? an agro-
rum depopulatio ? an munitio Theßalonicae ? an obsessio mili-
taris ue ? an exercitus nostri interitus , ferro , fame , frigore ,
pestilentia ?

Et 1. Catil. n. 13. probat nihil esse quod retinere Cati-
linam in urbe possit . Quid enim est quod te jam in urbe
delectare possit ? &c. Et Phil. 2. n. 2. removendo ceteras
caussas , propter quas ipsi infensus esset Antonius , probat
hanc unam esse , quia nulla re alia efficacius demonstrare
potuerat , se esse hostem Patriæ .

Quinto. Fit Enumeratio per Effecta . Ita Divin. in Ver-
rem , n. 38. enumerat quæcumque prave ac nequiter facta
suerant a Verre variis in Provinciis , in quibus nomine
Populi Romanani Magistratum egerat . Putusne te posse , que
C. Verres in Questura , quæ in Legatione , quæ in Praetura ,
quæ Romæ , quæ in Italia , quæ in Achaja , Asia , Pamphy-
liaque parrarit , ea , quemadmodum locis temporibusque divisa
sunt , sic criminibus & oratione distinguere ? &c.

Et 6. Verr. n. 1. omnia Verris furtæ enumerat . Nego
in Sicilia tota , tam vetere , tam locupleti Provincia , tot op-
pidis , tot familiis , tam copiosis , ullum argenteum vas , ullum
Corinthium , aut Deliacum fuisse ; ullam gemmam , aut mar-
garitam ; quidquam ex auro , aut ex ebore factum ; signum
ullum æneum , marmoreum , eburneum ; nego ullam picturam
neque in tabulis , neque textilem fuisse , quin quæsierit , inspe-
xerit ; quod placitum sit , abstulerit .

Et

Et n. 127. ejusdem Orationis enumerat omnia signa ac simulacra quæ rapuerat.

Sexto. Fit etiam Enumeratio per Congeriem. Ita Catil. 2. num. 7. per Congeriem scelera Catilinæ enumerat : Quid enim mali , aut sceleris singi , aut excogitari potest , quod ille non conceperit ? Quis tota Italia veneficus ? quis latro ? quis sicarius ? quis parricida ? quis testamentorum subiector , circumscriptor ? quis ganco ? quis nepos ? quis adulter ? quis mulier infamis ? quis corruptor juventutis ? quis corruptus ? quis perditus ? qui se cum Catilina non familiarissime vixisse fateatur ?

Sic & Orat. pro Sextio , n. 95. scelera Clodii enumerat & exaggerat . In Pisonem , n. 63. scelera Pisonis . 7. Phil. n. 15. flagitia Antonii . Luxum Chrysogoni pro Roscio Amerino , n. 133.

Hic vero Locus tractatur vulgo per istas Figuras ,

Primo per Anaphoram , seu Repetitionem . Ita Cicero post Reditum in Senatu , n. 28. Possum ego satis in Cn. Pompejum unquam gratus videri , qui non solum apud vos , qui idem omnes sentiebatis , sed etiam apud universum Populum Romanum salutem Reipublice & conservatam per me , & conjunctam esse cum mea dixerit ? Qui caussam meam prudentibus commendarit , imperitos edocuerit , eodemque tempore improbos auctoritate sua compresserit ? bonos excitarát ? Qui Populum Romanum pro me tamquam pro fratre , aut parente , non solumhortatus sit , sed etiam obsecravit ? Qui ipse , cum propter metum dimicationis & sanguinis domo se teneret , etiam a superioribus tribunis petierit , ut de salute mea & promulgarent & referrent ? Qui , &c.

Et Phil. 4. n. 9. Negat hoc D. Brutus Imperator , Consul designatus , natus Reipublicæ civis . Negat Gallia , negat cuncta Italia , negat Senatus , negatis vos . Quis igitur illum Consulem , nisi latrones putant ?

Item 2. in Rullum , n. 9. Phil. 2. n. 12. & 16.

Secundo . Per Interrogationem , ut observari facile potest ex Locis pene omnibus jam hic laudatis : & præterea pro Cluentio , n. 107. ubi Cicero egregiam Enumerationem habet , in qua recensitis singulorum Judicum nominibus , subjungit singulorum dotes aliquas singulares . Legendus hic Locus .

Tertio per Interrogationem Subjectioni junctam : ut Oratione de Provinciis Consularibus , ubi n. 29. tractat Enumerationem per istas Figuras , ostenditque , nihil esse , quod Cæsaris redditum in urbem remorari debeat . Quid est ,

cum ipse Cæsar in Provincia communari velit, nisi ut ea, quæ per eum affecta sunt, perfecit Reipublicæ tradidatur? Amœnitas eum, credo, locorum, urbium pulchritudo, hominum nationumque illarum humanitas & lepos, vicitoriae cupiditas, finium imperii nostri propagatio retinetur. Quid illis terris asperius? quid incultius oppidis? quid nationibus immatiens? quid porro tot victoriis praestabilitius? quid Oceano longius inveniri potest? An redditus in patrum habet aliquam offensionem? utrum ad populum, a quo missus est; an apud Senatum, a quo ornatus est? An dies auger ejus desiderium an magis oblivionem? an laurea illa magnis penitulis parenmittit longo intervallo viriditatem?

Insignis est ille pro Cornelio Balbo Locus, n. 9. Quid enim absit huic homini (Cn. Pompejum intelligit) quod si adesset, jure hoc tribui & concedi putarem? Ususne rerum? qui pueritiae tempus extreum, principem habuit bellorum atque imperiorum maxinorum? cuius plorique tequales minus saepe castra viderunt, quam hic triumphiavit? qui tot habet triumphos, quot ore sunt, plorique temerum? tot vitorias bellicas, quot sunt in rerum natura genora bellorum? An ingenium? cum etiani ipsi casus eventisque rerum, non dulces, sed comites ejus consiliorum fuerint? in quo uno ita summa fortuna cum summa virtute certavit, ut omnium judicio, plus homini, quam decet, triduorum? An pudor? an iniustitia, an religio in eo, an diligentia unquam requisita est? Quem Provincie nostre, quem liberi populi, quem exercitū gentes, easdiorem, mollescere, fidelitatem non modo non videbant, sed aut sperando unquam, aut optando cogitabant?

Et laudato supra loco pro Domo sua, n. 99. & 99. item 7. Ver. n. 123. & Phil. 7. n. 21.

Illustris & illa pervulgataque est Enumeratio per distributionem, qua, in Plinii Panegyrico, Trajanū in urbem ingressus describitur, & publica latitia ita pingitur. Ergo non ietas quemquam, non uultuado, non sexus retardavit, quoniam oculos insolito spectaculo impedit. Te parvuli noscere, ostentare juvenes, mirari senes, tegri quoque, neglecto mollementum imperio, ad conspectum tui, quasi ad fiduciem sanitatisque præcepere. Alii se ssatis viuisse, te usso, te reperio; alii magis virilem esse sibi praedicabant. Videres referunt teleta & laborinita, opiberas uniuersa vias, altorem hinc inde populum, &c.

E E R C I T A T I O.

Minervæ apud Jovem Oratio in Bacchum vini inventorem.

Locus ab Enumeratione Partium.

S T N O P S I S:

Exord. C Onqueretur, quod Dii, qui præter ceteros opitulari mortalibus deberent, iidem plerumque maxime omnium noceant.

Propositio. Dicet, nullum superesse sibi in orbe perfugium, ex quo vini usum Bacchus intulit: idque tractabit per Enumerationem vitiorum, quæ sapientiam fugare solent.

Confirmationem petet ab illa corruptela, quam vini usus invexit: & per Enumerationem recensabit malos vini effetus, propter quos sibi ulterius non liceat cum hominibus versari. Addet, nullam esse æstatem aut conditionem ab illa corruptela immunem.

Concludet rogando Jovem, vel ut vites omnes perdat, vel ut patiatur æternum facere se cum terris divortium.

O R A T I O.

Quonam infelici gentis humanæ fato fieri dicam, æquissime rerum omnium pater ac moderator Jupiter, ut qui præter ceteros mortaliū commodis invigilare ac providere deberent Dii immortales, iidem obesse hominibus quam maxime, & gravissimum importare detrimentum inveniantur.

(*Enumeratione per Repetitionem*) Evidem dolebam hactenus, quod regendis mortalium animis æterno fatorum consilio præposita, eorumdem fugere consortium identidem cogerer, dum alii ambitioni serviant, alii student avaritiæ, alii mollibus deliciis voluptatibusque diffluunt, alii odiorum stimulis irarumque fluctibus abripi se patiuntur, & tam insanias cupiditates nimia Superi indulgentia plerumque fovent ac nutriendunt. Verum ex quo perniciosum vini usum imprudens Bacchus terris intulit, quis superesse mihi potest apud homines locus? quod secretum in orbe toto perfugium est, quod inaccessam eorum furori securitatem præstet?

Testem te appello, Jupiter æquissime: (*Enumeratione per*

per Effecta) vidisti enim , & tuis usurpati oculis , quantum illecebrosus ille & detestabilis liquor mortalibus corruptelam attulerit . Hinc lites , rixæ , jurgia , contentiones , bella , cædes nascuntur . Hinc prodiciones amicorum , familiarum ruinæ , Rerum publicarum eversiones promanant ; nullum denique scelus , nullum magnum facinus est , ad quod suscipiendum capitalis illa pestis non impellat . Hæc labes cetera animi corporisque vitia accedit atque exstirpatur : hæc temeritatem sufficit ad ambitionem , faces atque incendia ministrat ad iam atque odium , furorem affert ad vindictam , illecebras parat ad voluptatem ; cumque homini nihil præstabilius mente Superi dederint , huic divino muneri ac dono nihil tam iniustum est , quam vinum : neque enim vino dominante temperantiae locus omnino est , neque in ebrietatis regno virtus ulla potest consistere .

(*Enumeratio per Distributionem*) Saltem si qua pars humani generis a teterima vini corruptela immunis habetur ; si qua ætas , aut si qua vitæ conditio præcavere sibi ab ipsis illecebris atque lenociniis valeret ; si quis angulus in orbe toto , quem metuenda pestis illius contagio non afflasset . At ubinam gentium non dominatur illa ? quem non inficit ? cui parcit ? Depravat juvenes , viros corrumpt , dementat senes , egenos ac locupletes , viros ac mulieres perdit ac labefactat .

Quare vide , amabo , prudentissime Jupiter , vel ut vites omnes , quam late patet orbis , radicitus eruas atque extermines ; vel si graffari pestem illam diutius permiseris , noli mihi succentere , si relictis deinceps terris , æternum cum humano genere divortium fecero .

ALIA EXERCITATIO.

Bacchi apud eundem Jovem Oratio pro sui defensione .

S X N O P S I S .

Exord. **D**eplorabit sortem suam , quod beneficia sua , pro quibus laudari debuisset , pejorem in partem trahantur .

Propositio. Dicet nihil esse tam bonum , quo quis abuti non possit ; adeoque , si vinum propterea damnatur , quod eo quidam abutantur , cetera etiam vituperari debere : idque tractabit Enumeratione rerum bonarum , quæ pravo usu pernicioꝝ fiunt .

Con-

Confirmationem petet ab iis commodis, quæ vinum assert: dicetque per Enumerationem, vires reficere, sustentare stomachum, vitiosos humores pellere, curare morbos, &c.

Deinde tanto amplius esse beneficium demonstrabit, quanto ad plures pertineat: quod explicabit per Enumerationem.

Concludet, Minervam admonendo, ut ab increpatione abstineat; sed provideat pro suo munere, ut apud mortales vini usum sapienter temperet.

O R A T I O.

Quam luctuoso fieri meo fato dicam, æquissime rerum omnium moderator Jupiter, ut vel impensa a me liberalius beneficia deteriorem in partem accipientur, nihilque præter contumelias atque obtrectationes videar experiri, unde laudis plurimum ac commendationis expectare debuisse?

Ecce dies mihi coram te dicitur, & apud æquissimum tuum tribunal impertiti mortalibus vini reus accusor. Novum crimen, Deorum Pater optime, & ante hunc diem prorsus inauditum sapientissima soror mea ad te detulit. At enim cælesti illo munere homines infidi abutuntur.

Nam quo recidimus, amabo, si pravus rerum quarumque bonarum usus beneficis earumdem auctoribus imputetur? (*Enumeration per Repetitionem*) Plutum accusa patruum tuum tot opum, tot divitiarum largitorem; accusa Cere rem fructuum omnium quibus vescuntur homines, artificem; accusa propagatorem luminis Apollinem; tete, Soror, accusa bonarum Artium inventricem; imo accusa ipsum rerum omnium effectorem atque architectum Deorum parentem. Nam quota pars est rerum istarum, quas impertiisse se hominibus liberaliter Superi pro se quisque glorian tur, quam, dum perperam iisdem utuntur, mortales non depravent atque corrumpant?

Vide ergo, vel ut Superos omnes, quicumque opitulari mortalibus conati sunt, pariter accuses; vel fateare, quam imminente inventum a me vini usum improbaveris. Nam quid majus tandem meliusye datum haecenus est, aut futuris retro temporibus umquam donabitur? (*Enumeration per Effecta*) Quid cælesti illo liquore pretiosius? qui vires reficit, sustentat stomachum, cor exhilarat, vitiosos procul humores pellit, certumque adversus varia morbo ruin contagia remedium suppeditat. Quid vino potentius? quod animos exsuscitat, ingenii igniculos accendit, robur inspi-

Inspirat, & ad difficilia quæque atque ardua superanda adjumento est.

At enim vinum tibi non placet, Minerva: (*Enumeration per Distributionem & per Effectu*) at quotus est tandem, non hominum dico, sed Deorum, cui non placuerit? Adolescentiam recreat, corroborat juventutem, senectutem alit ac sovet, res adversas leviores facit, secundas latiores. In luctu solatio est, curas abigit, mœrorem dissipat, deinde nullus est in orbe toto angulus, ubi pro concessio gratissimo munere pares mihi, ut decet, gratulationes non deferantur.

Parce ergo, Soror amicissima, vel increpare memet du-
rius, quasi pestiferum quoddam veneni genus terris intui-
lissem, vel saluberrimum vini munus acerbius execrari.
At tu potius pro sapientia tua, & concessa tibi apud mor-
tales auctoritate, provide diligenter, ita temperari vini
utrum, ne quis, vel tu, vel Deorum aliis, impensum a
me liquorem illum beneficum expostulare possit.

ALIA EXERCITATIO.

Jonathas ad Saulem pro Davide.

S Y N O P S I S.

Exord. **D**icit non tam sua in Davidem benevolentia, quam suo in patrem studio & populi gratia adductum fuisse, ut pro Davide roget veniam.

Propositio. Ostendet quanti intersit & patris & totius populi gratia adductum fuisse, ut pro Davide roget veniam.

Confirmatio. Id probabit per Enumerationem partium, demonstrando, quanto David sit apud omnes in pretio, quem tamquam totius gentis columen ac præsidium venerantur, & vocem illam, *Omnes*, distribuet suas in partes.

Deinde idem probabit per illam Enumerationem, revo-
cando patri in memoriam, quanta populi Israelitici ipsiusque Saulis gratia David fecerit: ut Sauli obsequens apertis periculis caput devoverit, ut Philistæos represserit, & ipso-
rum Duce Gigantem immanissimum interfecerit.

Confutatio. Diluet Saulis suspicione, rogabitque patrem: quid velit in Davide plestere? & per Enumerationem illustratam Subjectione, innocentem probabit. Deinde Patrem ad-
monebit dedecoris, quod sibi Davidis morte accuseret. Quid enim omnes dicent? quod amplificabit Enumeratione.

Con-

Concludet deprecando patrem, per quidquid habet carissimum, ut Davidi parcat.

O R A T I O .

Etsi me meus in Davidem amor, Pater amantissime, adhortatur satis, ut ipsi gravissimo capitum in discrimine posito pro virili parte suppetias feram; hoc tamen Lubentius paratae fortissimo viro mortis deprecator accedo, quod populi salus atque ipsius gloria cum illius vita conjuncta sit. Sic est enimvero, Pater amantissime: nam da mihi hanc veniam, ut palam & aperte profitear, quam gravis immineat populo Israelitico pernicies, quam turpis nomini tuo labes inurenda sit, si quid in Davidem durius statuatur.

Perniciem dico imminere toti populo gravissimam. Quis enim nescit, quantas & quam meritas universus populus spes in Davide repositas habeat? quem terrorem hostium, libertatis assertorem, vindicem salutis, patriæ columen, universæ gentis præsidium toties expertus est. (*Enumeratio per Repetitionem*) Quis suas fortissimo viro fortunas, opes, vitam, securitatem, ac pacem acceptas non debet? quis illius gratia se suaque omnia ultro volensque non devoveat? quis, sublato ille, concidendum sibi esse pariter non putet? Hunc norunt pueri, ostentant juvenes, senes mirantur, ipsæ mulieres insolitis laudibus extollunt. (*Enumeratio per Distributionem*) Illum milites in castris, proceres in aula, universus in civitate populus, tuque adeo, Pater amantissime, publicæ salutis tutorem ac defensorem non semel appellasti.

Neque vero tam gloriosum nomen nullo sui capitum discrimine, aut nulla rerum gestarum gloria promeruit. Nam quid hic tibi revocem in memoriam, quæ nosti fatus, quot & quanta tua & populi totius gratia præstiterit? (*Enumeratio per Effecta*) Tacebo, ut tibi obsecutus gravissimos quoisque periculorum casus non refugit: non commemorabo, ut inustam nemini nostro labem ipso hostium in sanguine abstersit: silebo, ut tumidos Philistæorum fatus repressit, vires fregit, copias fudit, exercitus delevit, & superbissimum ipsorum ducem Goliath, vim illum infolescentem plus æquo immanissimi corporis robore, & nobis ferociter insultantem, prostravit, & tam insigni facinore hærentem jam diu populorum animis metum depulit.

Quamquam nihil moror, Pater amantissime, quin Da-

videm de te totaque gente nostra tam bene meritum morte afficias, si quid errasse ipsum noveris. At quod plectis in ipso scelus? quo demum flagitio indignationem tuam promeruit? (*Enumeratio per Interrogationem & Subjectionem*) An initi cum patriæ hostibus consilii reum accusas? at quod esse potuit illi cum Philistæis commercium, quos ad hunc usque diem ad internecionem persecutus est? An detrectato imperio rebellem ac contumacem arguis? at quam obsequens tibi, & quoties, vel ipso capitis periculo, extitit? An tibi ipsi molitus insidias suspicaris? at Davidis animus expertus es fatis, cum vita tua dominus atque arbiter suas a capite tuo, vel cum ipsum ad necem acrius perquireres, manus abstinuit.

Ah! ne igitur, Pater amantissime, virum innocentem, nobis tam utilem ac necessarium, ulterius persequere. (*Enumeratio a Consequentibus*) Nam quid loquentur de te omnes, si quid gravius in Davidem peccaveris? Quid dicet Israëliticus populus, quem tot ac tantis eripuit cladibus ac servavit? quis erit sermo exterarum gentium, quæ invictum fortissimi viri robur suspexere? quid ipsi hostes, quid Philistæi sentient, cum sublatum a te illum noverint, per quem tot annos adversus gravissimos ipsorum impetus regnum tuum stetit inaccessum? Tunc, ut ira morem geras, exterorum, hostium, tuorum olim ac malevolentiam incurras? Imo, imo, declina labem illam ac dedecus, quod nomini tuo inureres. Hoc te filius tuus Jonathas, per quidquid in vita tibi carum est, orat atque obtestatur. Patere, ut exorem a te hominis amicissimi vitam: hanc mihi impertire paternæ caritatis partem: da vivere illum incolumem, quo perempto mihi metihi perire necesse sit.

C A P U T V.

Locus a Notatione Nominis & Conjugatis.

UTrumque hunc Locum ad idem caput revocamus, propter eam quam habent inter se affinitatem, cuius utriusque tametsi rarus est apud Oratores usus, quia levioris est ad persuadendum ponderis; tamen quia plurimum valet ad delectandum, nonnumquam a Tullio certisque Oratoribus usurpatum.

Quid est Notatio Nominis?

R. Est Locus verborum originem & significationem inquirens. Sic Consul a consulendo, Senatus a senibus, Imper-

Imperatoꝝ ab imperando dicitur. Ita Cicero Notatione nominis usus est in Verrem, facete ludens in festa Verrea, quæ Verres in Sicilia suo nomine institui curaverat, 4. Ver. n. 52. O præclara Verrea! quoquam si accessisti, quo non attuleris tecum istum diem? Etenim quam tu domum, quam urbem adiisti, quod fanum denique, quod non eversum atque extersum reliqueris? Quare appellantur sane ista Verrea, quæ non ex nomine, sed ex moribus naturaque tua constituta esse videantur.

Quomodo probares a Notatione, Neronem non esse inter Imperatores reponendum?

R. Hoc modo. Ille non fuit Imperator, qui sibi non imperavit; sed Nero sibi non imperavit; ergo Nero non fuit Imperator.

Quomodo ornandus hic Locus?

R. Tractari ornate posse Notationem nominis: 1. per Comparationem: 2. si vel personæ, vel rei sunt nomina illustria, ita tractabis illa, ut ex singulorum interpretatione redundet aliqua commendatio; si turpia sint, aliquod vituperium: v. g. si quem commendare volueris ab ipso Magni nomine, 1. comparabis nomen istud cum clarissimis aliis nominibus, puta cum nomine Pacifici, Felicis, Pulchri Justi, & ostendes Magni nomen ceteris omnibus titulis esse præponendum; 2. ab ipsa nominis significatione accipies singillatim omnes illos honores, quibus nomen istud insignitur, ita ut demonstres aliquid in eo esse oportere, qui tale fert nomen, ut rebus in ceteris pariter excellat: sicut, quicumque Magnus sit, ad ea quæ magna sunt & illustria, incendi atque inflammari debeat.

Quid sunt Conjugata?

R. Sunt ea, quæ ab uno eodemque nomine seu vocabulo derivantur, eique ut communi jugo sunt quasi religata: v.g. ab ista voce Imperium, derivantur, Impero, Imperator.

Quomodo probares a Conjugatis, Judicem humanum esse oportere?

R. Hoc modo. Homo debet esse humanus; sed Judex est homo; ergo Judex debet esse humanus.

Ita Cicero pro Marcello, n. 11. probat, Cæsarem invictum esse oportere, qui clementia & æquitate animi victoriæ conditionem superaverit. Ceteros quidem omnes victores bellorum civilium jam ante æquitatem & misericordia viceras: hodierno die te ipsum viciſti. Vereor, ut hoc, quod dicam, non perinde intelligi auditu possit, utque ego ipſe cogitans sentio. Ipsam victoriam viciſſe videris, cum ea ipſa, que illa

illa erat adepta, vieti remissi. Nam cum ipsius victoria conditione jure omnes vieti occidistemus, clementiae tue iudicio conservati sumus. Recte igitur unus invictus es, a quo etiam victoria ipsius conditio, visque devicta est.

Ibid. n. 32. *Arma ab aliis posita, ab aliis erepta sunt. Ingratus est injustusque civis, qui armorum periculo liberatus animum tamen reiinet armatum.*

Et Lib. 4. *Tusculanarum Quæstionum, n. 57. Quis enim potest, in quo libido cupiditasve sit, non libidinosus & cupidus non esse? in quo ira, non iracundus? in quo angor, non anxius? in quo timor, non timidus?*

Et Oratione pro Roscio Amerino, n. 16. *Etenim rectum putabat, pro eorum honestate se pugnare, propter quos ipse honestissimus inter suos numerabatur.*

Item in Pisonem, n. 19. *Cum enim esset omnis causa illa mea Consularis & Senatoria, auxilio mihi opus fuerat & Consulis & Senatus.*

Et 2. Philip. n. 10. *Non tractabo ut Consulem, ne ille quidem me ut Consularem.*

Et lib. 3. de Natura Deorum, n. 84. *Jam mensas argenteas de omnibus delubris jussit auferri: in quibus quod more Grecie inscriptum esset, Bonorum Deorum, uti se eorum bonitate velle dicebat.*

Quomodo ornandus & tractandus est hic Locus?

R. Egregie tractari posse, 1. per Hyperbolam: ut si de impio homine dixeris: non est tantum impius, sed ipsa impietas.

Ita Cicero de Verre, 1. Ver. n. 26. *Ut mibi non unus homo improbus opprimendus sit, id quod Siculi petiverunt; sed omnino omnis improbitas, id quod Populus Romanus jam diu flagitat, extinguedatque delenda sit.*

2. Per Paronomasiam: ut 4. Verr. n. 129. Cicero de Astrologo loquens haec ait: *Quæ iste cum cognovisset novus Astrologus, qui non tam celi rationem, quam cœlati argenii duceret.*

3. Per Asteismum, sive per urbanam aliquam dictiōnēm: ut 4. Verr. n. 24. *Satisne vobis magnam pecuniam Venerius homo, qui e Chelidonis sinu in Provincia profectus esset, Veneris nomine quæsiſſe videtur?*

4. Per Traductionem: ut Philip. 11. n. 36. *Animadvertis, Patres conscripti, dici jam a quibusdam, exornari etiam nimium a me Brutum, nimium Cassium ornari Quos ego orno? nempe eos, qui ipsi sunt ornamenta Reipublicæ.*

EXERCITATIO.

*Pacifici nomen ceteris nominibus magnificis
esse preferendum.*

Locus a Notatione Nominis.

S Y N O P S I S.

Exord. & Prop. **D**icit Orator, inter cetera nomina, quæ magni viri ambiunt, nullum esse Pacifici nomine illustrius.

Confirmationem petet 1. a Comparatione cum clarissimis aliis nominibus: puta, felicis, pulchri, magni, &c. dicetque Pacifici nomen istorum omnium nominum dotes virtutemque complecti ac superare.

2. Idem probabit argumento a Notatione nominis Pacifici: quod explicabit & interpretabitur per synonymas voces, & similitudinem cæli, quod numquam decorum est magis, quam cum serenum est: tale esse imperium, quod numquam illustrius est, quam cum pace fruitur.

3. Ostendet nomen illud omnes Principum dotes contineat, ut qui Pacificum dixerit, felicem, pium, magnum, &c. dixerit.

Conclusionem traducet in Ludovici Magni laudes, qui nihil tam visus sit affectare, quam Pacificum videri.

ORATIO.

Cum multa magnaque ambitionis conquisita sunt a Principibus viris nomina, quibus se suorumque facinorum memoriam posteritati commendarent; tum certe nullum umquam extitit tam splendidum, tam illustre, tam magnificum, quod cum Pacifici nomine, gloria, splendore, magnificantia certare possit.

(*Notatio per Comparationem*) Quod enim mihi nomen cum gloriose Pacifici nomine conferas? an Felicis? nomen beatum per se quidem; sed fortunæ magis, quam moribus convenit. An Pulchri? jucundum enimvero & suave; sed est ea laus corporis, non animi. An Magni? vox ipsa magnifica, plena majestatis; sed in ea plus ambitionis interdum solet esse, quam gloriæ. At, cum Pacifici nomen appellamus, non inanem aliquam tribuimus glorio-

lam , quæ cum pulchritudine deflorescat ; non alienam , cuius in societatem venire fortuna possit ; non ambitionem , quæ valetatis habeat plurimum , parum dignitatis : sed veram , gravem , solidam , eamque , quæ ceterorum nominum virtutes omnes ac dotes complectatur , & longo intervallo supereret .

(*Notatio per Interpretationem*) Pulchrum etenim & illustre Pacifici nomen est , plena dignitatis appellatio : atque ut nulla cœli facies plus ostentat decoris atque pompæ , quam quæ clemens est ac serena ; sic numquam est imperii majestas augustior , quam cum suavitate & quasi serenitate pacis ornatur . Popularis hic titulus idemque divinus , quo laudes Principum omnes & splendida nomina , veluti sole , minorum ignium lumina continetur ; ut qui Pacificum dixerit Regem , idem & Patrem patriæ , & populi delicias , & optimum Principem , & Pium , & Felicem , & Magnum appellet , nomine uno tam ambitiosa nomina repræsentans .

Quare hanc sibi formam imperii Regum omnium sapientissimus Ludovicus Magnus semper proposuit , qui cum regni habenas capessere primum coepit , Regem se non credidit futurum , nisi Regnum quod laceratum discordiis & tumultibus perditum regni speciem vix habebat , quietum ac tranquillum constituta pace obtineret . Qui quoties provocatus ac Iaceſſitus bellum inferre compulſus est , sic usus est victoria , ut pacem volentibus daret , invitis imponeret ; qui foederatas totius Europæ vires dum frangeret tam feliciter ac debilitaret , eo consilio pugnabat ac vincebat , ut belli pacisque arbiter longam ac securam non suis modo , sed alienis , tranquillitatem conciliaret ; qui partis tot victiarum suarum monumentis etiam hodie cedere non dubitat , ut pulsam jam diu & exulantem crudioris belli diuturnitate pacem revehat , & tam Imperio Gallico , quam universo orbi feliciter redonet .

De Inventione

EXERCITATIO.

Nero numquam fuit Imperator.

Locus a Conjugatis.

S R N O P S V S

Exord. **D**icit Orator, parum esse, si quis Imperatoris nomen affectet, nisi vim nominis illius omnem impleat moribus.

Propositio. Quæret a Nerone, quo pacto nomen usurpare Imperatoris audeat, qui flagitiis omnibus nominis illius dignitatem violaverit; & per Hypotyposim Neronis vitam diffluentem deliciis, & omni scelerum colluvie concretam describet.

Confirmatio. Dicet, numquam Neronem imperasse populis; nisi quis putet eum imperare populis, qui eosdem virgis laceret, affigat cruci, & incendio deleat. Hic exactabit Neronis crudelitatem ac savitiam.

Addet, eum appellari Imperatorem non posse, qui sibi ipse imperare nesciat; cui avaritia, libido, iracundia dominentur.

Concludet dicendo, Neronem ex albo Imperatorum esse expungendum.

ORAT 110.

fi

Laudetur enimvero hic Imperator, aut etiam appelleatur, aut hoc nomine dignus putetur, qui non inanem fantum ac vacuam tanti nominis umbram affectat, sed rem ipsam profitetur moribus, & rebus præclare gestis promiceretur.

(*Nero non fuit Imperator, qui Imperii dignitatem violavit.*) An te, mortaliuum flagitiissimum, ut Imperatorem nuncupem, aut imperasse umquam crediderim, qui nec virile quidquam habeas præter nomen? Aue enim: quis tandem servus, si tu Imperator? an tu Imperatorem insignibus, non animo, fastis, virtutibusque distinguis? Putas in vestitu mollii, madente coma, composito capillo, lascivientibus oculis, incessu fracto, in conviviis, in choreis, in stupris, Imperatorem Romanum quisquam agnoscat? Egregiam enim Imperatoris speciem! exemplum Imperii veteris!

imaginem antiquitatis ! Reipublicæ columnen , & dignum
avita virtute monumentum !

Et tu mihi mentionem facies Imperii tui ? te imperitasse
Populo Romano jactitabis ? Ede nobis aliqua , si potes ,
Imperii illius tui monumenta : cedo ; (*Nero non fuit Imperator , qui populis non imperavit .*) quid in commune bo-
num , quid in privatorum commoda , quid in civitatis &
universæ Reipublicæ decus & ornamentum contuleris ? Video
laceratos virgis cives , affixos cruci clarissimos viros ,
truncata avulsaque membra ; video oblita pice , & toti-
dem veluti faces , collucentia Romanorum corpora ; video
extincta Reipublicæ lumina , sublata civitatis ornamenta ,
sumantem miserabili incendio Röمام , & illatas quam-
cumque in partem , Nerone imperante , flamas . Hæ sunt
tristissimæ dominatus tui reliquiae , his te facinoribus Popu-
lo Romano Imperatorem approbasti .

(*Non fuit Imperator Nero , qui sibi ipse non imperavit .*)
Quamquam quid tam mirum aut insolens videri debet ,
non potuisse Neronem imperitare populis , qui sibimet ipse
numquam imperavit ? Quomodo enim , aut cui tandem
imperet , qui improbissimis dominis , turpitudini , ac dede-
cori parere consueverit ? cui avaritia imperet , insultet ira-
cundia , libido dominetur , & ceteræ labes animi turpissi-
mum servitutis jugum imponant ?

Expungatur igitur & eradatur penitus Imperatorum Ro-
manorum ex albo Neronis nomen , qui nec populis , ut de-
bet , nec sibi , ut par erat , potuit imperare . Obliteretur ,
si potest , hominis nequissimi memoria , & de tristissimo
Imperii funestissimi tempore omnis retro posteritas conti-
cecat .

ALIA EXERCITATIO.

Locus a Notatione Nominis & Conjugatis .

Horatius ad Vinnium Asellam , qui se offensum putabat ,
quod ille , in sua ad eum Epistola , ad Asinæ nomen
quod tulerat pater ejus , alludere malignius visus esset .

S Y N O P S I S .

Exord. **S**ignificabit , quanti ipsum & totam ipsius familiam
semper fecerit .

Propositio . Dicet , nihil debere ipsi dolendum videri ,
quod ludere visus fuisset in paternum nomen .

Con-

Confirmatio. Ostendet a Notatione nominis nihil conferre vel ad probrum vel ad commendationem ea nomina, quæ homines fato potius nescio quo, quam ullis suis aut virtutibus aut vitiis sortiti sunt; sed laudem ac gloriam repeti ab uniuscujusque meritis: hæc esse quæ homines commendant.

Addet a Conjugatis, quemadmodum illustria nomina non illustrant eos qui illa gerunt, nisi eadem virtutibus suis commendent; sic ridicula nomina nihil obesse cuiquam, cuius in moribus nihil sit idiculum.

Concludet, adhortando Vinnium, ut perget esse vir bonus ac strenuus; sic non vertendum probro, quod Asina pater dictus esset, & ipse Asella vocaretur.

O R A T I O.

Nam quid doles, Amice Vinni? quid expostulas? quid te offendit a me fuisse criminari? Nescis ergo quantitate semper totamque Asellarum cognitionem fecerim? quanti nunc quoque te faciam, cui, quod est cumque apud me pretiosissimum, ultro volensque crediderim? quem putaverim inter reliquos maxime idoneum, qui versiculos meos Cæsari redderes?

At enim lusi paternum in domen; visus ego sum jocari, quod ab Asina patre, Asella vocareris: hinc te despetum & irrisum putas. Næ aut injuriam facis, Amice Vinni, nisi factum id joco & amanter, uti inter amicos solet, arbitreris; aut certe erras graviter, si nomen illud quod geris, verti in contumeliam posse existimas.

Mihi crede, Amice Vinni, nihil juvant vel ad probrum vel ad condemnationem ea nomina, quæ natalium fato potius, quam ulla meritorum ratione obtigerunt. Totum hoc fortunæ est, quæ in componendis distribuen- disque nominibus, uti ceteris in rebus, ludit & pro innata levitate juveniliter exultat. Tunc quidquam hic vindices tamquam tuum, quod unum ad voluntatem fortuna moderatur, aut tibi doleas irrogatum, quod sortis ludibrium effecit? Non nititur fundamento tam fragili vera ac germana laus; neque probrum ac turpitudo tam sutilibus ex caussis oriri solent. Factis se suis quisque commendat aut dedecorat, nec nisi virtutibus aut vitiis debet, quod glriosus vel infamis habeatur. Esto: ludicum quid ac stupidum etiam sonet Asellæ nomen, propter eam quam habet cum Arcadicæ pecudis appellatione;

affinitatem . At quis hoc imputet tibi , qui vir gravis , qui ingeniosus etiam apud omnes audias ? Vides , Amice Vinni , quam serio nunc tecum agam , & quam minime velim ut credas , minus te amari a me , aut etiam minoris aestimari .

Dic mihi , quæso : an illi homines quos suspexit antiquitas , & admiramus tantum hodieque , gloriam suam debent speciosis illis nominibus , quæ gesserunt ? an non potius recte factis ac virtutibus illustria ipsa nomina , quæ ferebant , accepta gratulabantur ? An ipsorum posteri , qui eadem illa nomina simul cum vita traxerunt a Majoribus , decus ullum aut splendorem hinc habent , nisi nominum ejusmodi gloriam splendidis facinoribus tueantur ? Et hoc persuadeas tibi , Amice Vinni , nihil obesse cuiquam ridiculum quantumvis nomen , si nihil sit in moribus ac vita , quod rideri merito possit .

Quare , si me audis , perge vir esse bonus ac strenuus : fuge otium , & assiduis , ut soles , insiste laboribus , nemo ut stuporem tibi vel desidiam reprobrare possit . Tum demum securus vive ; neque metuendum tibi puta , ne paternum Asellæ nomen tibi umquam in contumeliam vertatur .

C A P U T VI.

Locus a Genere & Specie seu Forma .

TAMENSI apud Philosophos multum ponitur discriminis genus inter & speciem ; plerumque tamen apud Oratores utrumque ita promiscue confunditur , ut quidquid habet multa infra se , sive specie sive solo numero diversa , genus appelletur .

Quid est ergo Genus ?

R. Est illud , quod commune multis res varias specie differentes infra se continet .

Quomodo probares a Genere , amandam esse prudentiam ?

R. Hoc modo . Virtus est amanda ; sed Prudentia est virtus ; ergo Prudentia est amanda .

Quis porro Loci illius est usus ?

R. Hoc Argumenti genus adhiberi frequentius in Exordiis . Hic enim Orator præmittere quædam solet generatim & universe , quæ rationem Thesis habent , unde descendit ad Hypothesim . Ita Demosthenes laudatus est eorum prudentiam ac fortitudinem , qui pro patria ceciderant ,

rant, duo præmonet esse virtutis principia, prudentiam & fortitudinem; quarum altera, quid sit agendum, præscribit, altera exequitur. Cavendum autem Oratori præcipue, ne in Genere diutius immoretur, tum præfertim cum apponitur loco Quæstionis indefinitæ. Est enim puerile vitium, hærente longius in Thesi, quam in Hypothesi.

Argumenti vero quod a Genere ducitur, vis in eo est, quod, quidquid Generi tribuitur vel negatur, id Speciei pariter, sive rei singulari sub genere contentæ, tribuat vel negetur: v. g. qui probaverit virtutem esse excolendam, is eodem pacto probaverit temperantiam vel fortitudinem esse excolendam; rursus qui ostenderit aliquem nulli vitio affinem esse, ille ostenderit eumdem nec avaritiæ nec ebrietati esse obnoxium.

Exemplum Generis egregium habes, apud Ciceronem pro Milone, ubi probat, fas esse occidere insidiatorem, hoc argumento.

Si licet occidere hominem, maxime insidiatorem; sed licet aliquando occidere hominem; ergo licet occidere insidiatorem.

1. Omissa propositione, quæ per se clara est & evidens, descendit ad Assumptionem, quæ generis rationem habet, & probat licere aliquando occidere hominem, i. Inductione exemplorum, n.7. Negant intueri lucem fas esse ei, qui a se oecisum esse hominem fateatur. In qua tandem urbe hoc homines stultissimi disputant? nempe in ea, quæ primum judicium vidit de capite M. Horatii, fortissimi viri: qui nondum libera civitate, Populi Romani comitiis liberatus est, cum sua manu sororem imperfectam esse fateretur Nisi vero existimat dementem P. Africanum fuisse, qui cum a C. Carbone, Tribuno plebis, in concione seditiose interrogaretur, quid de Tib. Gracchi morte sentiret, respondit jure cæsum videri. Neque enim posset aut Abala ille Servilius, aut P. Nasica, aut L. Opimius, aut C. Marius, aut, me Consule, Senatus non nefarius haberet, si sceleratos cives interfici nefas esset.

2. Ab armis quæ ferre homines solent, & reliquis adjunctis, n. 10. Quid comitatus nostri, quid gladii volunt, quos habere certe non liceret, si uti illis nullo pacto liceret.

3. Ab ipsa Lege naturali, n.10. Est enim hæc non scripta, sed naturæ lex: quam non didicimus, accepimus, legimus; verum ex natura ipsa arripuimus, hauimus, expressimus: ad quam non docti, sed facti; non instituti, sed imbuti sumus: ut si vita nostra in alias insidias, si in vim, si in tela

tela aut latronum aut inimicorum incidisset, omnis honesta ratio esset expedienda salutis. &c.

4. Ab auctoritate Legis scriptæ, quæ dat facultatem sui defendendi, n. 11. Et si persapienter, & quodam modo tacite, dat ipsa lex potestatem defendendi; quæ non modo hominem occidi, sed esse cum telo hominis occidendi causa vetat: ut cum causa, non telum quereretur; qui sui defendendi causa telo esset usus, non hominis occidendi causa habuisse telum judicaretur.

Habes aliud exemplum argumenti a Genere petiti in Oratione pro Cælio, ubi cum negare Tullius non posset, Cælium in adolescentia sua fuisse paulo liberioris ac solitioris vitae, revocat quæstionem ad Genus, & probat multa adolescentibus esse nonnumquam permittenda, n. 28. Datur concessu omnium huic aliquis ludus etati, & ipsa natura profundit adolescentiae cupiditates, que si ita erumpunt, ut nullius vitam labefactent, nullius domum evertant, faciles ac tolerabiles haberri solent.

Et in Oratione pro Archia, cum laudandum eum suscepisset, revocat Hypothesim ad Thesim, & humanitatis studia artesque liberales laudat impensis, a n. 19. ad 21. Sit igitur sanctum apud vos, homines humanissimos, hoc Poetæ nomen, quod nulla umquam barbaries violavit. Saxa & solitudines voci respondent; bestiæ saepè inimanes cantu recluntur atque consistunt: nos instituti rebus optimis non Poetarum voce moveamur? Homeruni Colophonii suum esse civem dicunt, Chli suum vindicant, Salaminii reportunt, Smyrnei vero suum esse confirmant... Ergo illi alienum, quia Poeta fuit, post morteni etiam expertunt: nos hunc vivum, qui & voluntate & legibus noster est, repudiabimus?

Ita parricidii accusatus Roscius Amerinus sic defenditur a Cicerone, ut plurima præmittat de gravitate illius sceleris, & ab eodem deinde eum absolvat & eximat, a n. 62. ad 72.

Prodest in primis hoc argumenti genus, quando ratio aliqua difficilior refellenda, aut Oratori res est cum adversario majoris cuiusdam auctoritatis, cui obtrectare palam non audet. Hoc præstat egregie Tullius in Oratione pro Murena, ubi naëtus adversarium Catonem Philosophum Stoicum, virum magni ponderis, quem probitas sua atque auctoritas regebant, rem ita perficit, ut, omisso veluti Catone, Stoicam Philosophiam quam ille seculabatur, vituperet audacius atque reprehendat, n. 55. Fuit quidam summo ingenio vir, Zeno, cuius inventorum

amuli

emuli Stoici nominantur. Hujus sententiae sunt gravissimae, & precepta ejusmodi: Sapientem gratia numquam moveri, numquam cuiusquam delicto ignorare: neminem misericordem esse, nisi stultum & levem: vivi non esse, neque exorari neque placari: scelos sapientes esse, si distortissimi sint, formosos; si mendicissimi, divites; si servitutem serviant, Reges: nos autem, qui sapientes non sumus, fugitivos, exsules, boiles, insanos denique esse dicunt: omnia peccata esse paria: omne delictum, scelus esse nefarium: nec minus delinquere eum, qui gallum gallinaceum, cum opus non fuerit, quam eum qui patrem suffocaverit: sapientem nihil opinari, nullius rei paenitere, nulla in re falli, sententiam mutare numquam. Hæc homo ingeniosissimus, M. Cato, auctoribus eruditissimis inductus arripuit; neque disputandi caussa, ut magna pars, sed ita vivendi &c.

Hanc deinde doctrinam exagitat insigniter more suo consequentibus numeris.

Quid est Species?

R. Est res aliqua particularis, quæ sub Genere, sive sub Universali, ut loquuntur Philosophi, continetur.

Quomodo probares a Specie, laudandam esse virtutem?

R. Hoc modo. Laudanda est pietas; sed pietas est virtus; ergo virtus laudanda est.

EXERCITATIO.

Locus a Genere.

Adhortatio ad eos, qui liberales Artes exercent, ut Ludovici Magni memoriam studeant posteritati commendare.

S Y N O P S I S.

HOc Argumentum Orator adhibebit petitum a Genere. Si quorum hominum immortalis memoria esse debeat, eorum maxime, qui multiplici virtutum gloria excelluerunt; sed aliquorum debet esse immortalis memoria; ergo &c.

Omissa Propositione, quæ manifesta est, veniet ad probandam Assumptionem, scilicet esse aliquos homines, quorum memoria debet esse immortalis. Hoc ipsum periodice effereret Exordii loco.

Deinde rationes afferet Assumptionis.

Primam elicit ab eo desiderio , quod viri aliqua laude præstantes suis relinquunt , dum excedunt e vivis .

Secundam a studio eorum hominum , qui illustriorum virorum vitas scriptis suis commendavere , aut corum , qui ipsorum imagines vel in marmore vel in ære inciderunt .

Tertiam ab universo populorum omnium consensu , apud quos extant aliqua eorum monumenta qui aliqua laude floruerunt .

Quartam ab ipsa tam liberalium quam ceterarum Artium natura , quæ eo potissimum fine inventæ videntur , ut virorum illustrium memoriæ propagandæ servirent .

Tertio per Anacephalæosim resumet allatas supra rationes , ex quibus concludet , iis deberi immortalitatem , qui aliqua laude præcelluerunt . Mox a Thesi descendet ad Hypothesim , ut probet deberi eamdem Ludovico Magno , qui non aliquo , sed omni virtutum genere excellit .

Quarto idipsum demonstrabit per Enumerationem virtutum illarum , quibus Ludovicus prædictus est , & præstat illis Heroibus quos Fabula commendavit .

Concludet dicendo , nullam esse Artem , quæ ab ejus laudiis conticescere debeat : & per Apostrophen ad singulas jissem suas cuique partes præscribet .

O R A T I O .

(*Thesis*) Est hoc singulare quorumdam hominum ac proprium veluti fatum , ut peculiari aliquo Superuni munere terris concessi , & ceterorum exemplo nati esse videantur . Verum quo lætius excipi solent illi , dum nascuntur , eo gravius , dum rapiuntur , desiderium sui relinquunt ; sic ut expleto , quantum homini jam permittitur , longioris vita curriculo , nemo vel præmatura morte raptos non doleat , vel impertitam ipsis fuisse , præter conditionem mortalium , immortalitatem non velit .

Hinc vero exarsit eruditorum hominum diligentia , ut quos suspexissent olim populi & amavissent , eorum mores ac virtutes scriptis in suis fideliter expressas relinquerent . Hinc stimulari se sensit Pictorum solertia : ut dum nativis adumbrata coloribus illustrium virorum ora redderent , eorumdem absentiam ac desiderium quodam modo consolarentur . Hinc & novos sumpsit animos Sculptorum labor atque dexteritas in incidendis in marmore vel in ære Herorum suorum egregiis facinoribus : ut dum res ab illis tam bello quam pace præclare gestas posteriorum oculis sub-

jice-

jicerent, soverent perperno quam illi concitabant olim admirationem sui, neque eorum memoriam senescere umquam paterentur.

Scilicet illud est propagandæ apud posteros illustrium virorum gloriae desiderium ejusmodi, ut non injectum extrinsecus, sed innatum nobis videri possit, adeo ut nemo, nisi iniquus, ferat illorum oblitterari memoriam, qui se, dum viverent, immortalitate dignos præstiterunt. Cedo enim nationem hominum aliquam, tam incultam, tam agrestem, tam barbarem, apud quam multa omnis generis monumenta non extant, quibus res a majoribus suis aliqua cum laude gestæ commendantur.

Quid porro omnes literæ, quid disciplinæ liberales, quid ceteræ inferioris nominis artes volunt, aut loquuntur? Quem demum ob finem inventæ, & tam diligenter excultæ, nisi ut magnorum virorum gloriae famularentur? Quid Eloquentia admirabilius? quid Poesi dulcius? quid Pictura vel Sculptura gratius? quæ vel inventæ nusquam, vel in ortu ipso cœpissent obsolescere, nisi in repræsentandis suo quæque modo clarissimorum hominum virtutibus elaborasset. O nullis satis prædicandum laudibus parandæ illustribus viris gloriae desiderium, sine quo non careremus modo tam egregiis omnium Artium monumentis, sed ne ipsarum quidem nomen haberemus.

(*Hypothesis*) Quod si naturæ vox, eruditorum consuetudo, unanimis populorum consensus, Artium omnium industria & industria immortalitatem iis vindicant, qui aliqua virtutis laude, dum viverent, floruerunt: quanto potiori jure, qui Artes cujuscumque generis exercent, de compara randa Ludovico Magno nominis immortalitate cogitabunt? qui non aliqua virtute, sed universo virtutum agmine circumseptus, dotes quæ ceteros Principes commendavere, singulas in se uno complectitur.

Sed quæ par oratio tot prædicandis virtutibus esse possit? aut quid inter tam breves dicendi angustias vel delibare ex illis quidpiam confidamus? Nam dotes animi aggrediemur, an corporis? quam ampla surgit Oratori, quam magnifica de utroque prædicandi fæges! Age enim: quanta frontis dignitas! quam vivida lux oculorum! quam decens oris compositio! quam nova totius vultus species atque amabilitas, quæ pulveris patiens atque solis, nec ipsis bellorum laboribus deteratur! Jam in incessu quanta gravitas, in corpore quam justa concinnaque conformatio membrorum, in homine toto quam verenda majestas! sic ut

inter

inter Aulicos suos si quando permixtus inveniatur , nemini qui ipsum numquam viderit , liceat illum ignorare , aut Regem inquirere .

Quod si tam eximias exhibet dotes corporis , quanto præstantiores animi virtutes præfert ? in eo quid non regium , quid non admirabile , quid non memoria dignissimum ? Est aliquis , qui de ingenii præstantia , facilitate , perspicacia certare cum ipso possit ? quem sui , quem exteri gravissimis de rebus dicentem & ex tempore respondentem toties obstupuere : cuius ex ore nulla vox umquam effluxit , quæ longioris cujusdam & altissimæ meditationis partus videri non posset . Quis eo vel in providendis rebus sagacior , vel in administrandis sapientior ? qui æquabilem ac constantem longissimi regni fortunam prudentiæ in primis suæ acceptam debet : qui regnare per se solus vel junior didicit : qui ministros ad pompam magis & munificentiam , quam ad necessitatem habet . Quis porro cupidior juris , & amantior æQUITATIS ? qui vel propriis in rebus sua unius sententia sæpe caussa cecidit . Unde vero quemquam nactus eris , qui tanta cum potestate tantam moderationem conciliari ? Credent Posteri , sic imperasse motibus animi Ludovicum , non modo nihil ut umquam iratus peccaverit , sed nec protulerit quidpiam , quod vel ostensionem vel indignationem saperet ? Denique mitto dicere , quam sit liberalis & magnificus , quam bonus domesticis , quam amabilis cunctis & acceptus . Parco memorare magnitudinem animi in periculis , in adversis constantiam , modestiam in prosperis . Prætero tenerrimam pietatem in Deum , studium Religionis acerrimum , incredibilem vel inter prosperos armorum eventus pacis amorem .

Evolvat , per me licet , universus orbis suos ; scrutetur præca monumenta vetus antiquitas ; fingant sibi vel ipsæ Fabulæ Heroem ad arbitrium , quem cum Ludovico Magno collatum velint .

Regem ergo tam multis ornatum virtutibus quis non extollat ? Quæ facultas tandem ab ejus conticescat laudibus ? Quis nomen ipsius toti posteritatis consecrandum ultro non suscipiat ?

Hunc Pictura , qualis est , talem futuris ætatibus repræsentet , & vividis , quantum potest , coloribus egregiam oris speciem , digna Heroe staturam , & spirantem in toto corpore Majestatem studeat imitari . Erigat triumphales arcus Sculptura , quos nulla temporum ac tempestatum injuria diruat ; incidat in ære atque marmore relatas ab eo vieto-

victorias, expugnatas urbes, occupatas Provincias, fusos exercitus, & conjuratas totius Europæ vires fractas toties ac debilitatas. Quod exequi Pictura, nec præstare Sculptura possit, singulares ejus animi dotes ac virtutes Poësis & Eloquentia commendent. Liberalem illum, magnificum, fortem, moderatum, clementem, justum, affabilem, pium, Superis perinde atque hominibus amabilem loquantur ac prædicent. Addat se reliquis Artibus Historia, & res ab eo gestas, voces etiam singulas excipiat, & sine fuso vel cerussa veritatis unius interpres monumentis publicis conseruet.

Denique ita conspirent Artes universæ ad consecrandum Ludovici Magni nonnen, ut, quem jam universus admiratur orbis, eundem ventura retro fæcula suspiciant ac venerentur.

ALIA EXERCITATIO.

Defenditur Jonathas, quod contra patris editum paululum mellis gustasset.

S Y N O P S I S.

A Rgumentum Defensionis Orator petet a Genere, quod sic informabit. Si quando lex mollem ac benignam interpretationem pati potest, maxime eorum gratia, qui nihil de lege audierunt; sed lex benignam interpretationem pati potest aliquando; ergo &c.

Omissa Propositione veniet ad Assumptionem: nimirum, lex mollem & benignam interpretationem aliquando patitur: idque dilatabit in Periodum, qua Exordium & Propositio continebuntur.

Rationem afficeret, quia nullius umquam Legislatoris ea mens fuit, ut suas leges nulla emolliri interpretatione vellet.

Id vero probabit, quia neque sapientiæ, neque æquitatis ipsorum fuisset, ut nemo umquam a lege lata eximeretur.

Non fuisset 1. ipsorum sapientiæ, quia prævidere illi non potuerunt varia locorum ac temporum adjunctæ, in quibus latæ ab ipsis leges observari non possent.

2. Non fuisset æquitatis, si eos violatæ legis reos haberi voluissent, qui eas non potuissent observare.

Denique relicta Thesi veniet ad Hypothesim, per quam concludet, Saulem admonendo, non esse plectendum Jonatham,

tham , nisi aut parum prudens , aut parum æquus videretur , qui violatam legem in eo puniat ; qui propter ignorantiam eamdem observare non potuerit .

O R A T I O .

Etsi non is ego sum , Princeps sapientissime , qui vel commissam à supremo Numine legum conditoris potentiam atque auctoritatem elevandam putem : vel populorum concordie indulgens plus æquo excusare legum infractores velim : tamen nihil dubito palam profiteri , vix esse posse legem ullam , quæ mollem interdum benignamque interpretationem non admittat .

Nam quis est , aut fuit umquam tam retinens juris sui , aut debiti sibi obsequii tam iniquus exactior , ut quas fancire leges meditaretur , eas sic valere semper partem in omnibus vellet , ut nullis incidentium rerum casibus aut infirmari , aut etiam penitus abrogari pateretur ? (Thesis) Unum te mihi rei hujuscce testem appellare liceat , Rex sapientissime : hunc tu Principem virum vel a sapientia belle comparatum , vel ab æquitate satis instructum æstimares , qui in fanciendis legibus , nulla locorum aut temporum expensa ratione , nullo ætatum conditionumque deleto habito , ita severe pronunciaret in omnes , ut neminem ab imperata lege immunem esse posse sineret , & in quemcumque demum , qui legem non implevisset , non animadvertisse duriter arbitraretur ?

Scilicet extitit aliquando , auf consequentibus retro temporibus existet Legislator aliquis tam perspicax , & futuri potest se temporis scrutator tam accuratus , ut præviderit , nihil contingere umquam posse , quod latas a se leges infringere , nihil quod eisdem observandis moram afferret , nihil quod , ne minime etiam implerentur identidem , prohiberet .

Quod si Legislator nullus prævidere potuit quæcumque interveniunt tam sæpe implendæ legis impedimenta ; imo si penitus sensit ac vidit , vel cum suas omnibus leges diceret , non posse illas quibusvis locorum ac temporum adjunctis ab omnibus observari : an foret ille arbitrio tuo justissimus , qui insolita quadam præventus severitatis laude , nullam admetti vellet sancitæ legis interpretationem , sed quamlibet omissolegis offensam eodem pariter modo multandam judicaret ?

(Hypothesis) Quamobrem vide , amabo , Rex sapientissime ,

sime, idemque studiosissime cultor æquitatis, qua demum vel sapientiæ vel æquitatis laude plectendum Jonatham tuum censeas, ad quem nulla pars imperatæ legis pertinuit. Tune eum teneri lege tua velis, cui, legem a te latam fuisse cum ignoraret, nulla illius implendæ facultas suppeditabat? Tune violatam ab eo legem reprehendas, eumdemque putas morte puniendum, qui legem, etiam cum voluisset, observare non poterat? Memineris potius solitæ prudentiæ tuæ atque æquitatis; &, quam in neminem de populo severitatem adhibere sustineres, cave filium in tuum putas esse exercendam.

C A P U T VII.

Locus a Simili.

Quid est Similitudo?

R. Est duarum vel plurium rerum in aliqua ratione convenientia: v. g. Consul & Gubernator navis sunt duo, quæ in ratione gubernandi convenientiunt. Ut enim hic nimirum, sic ille Rempublicam regit. Hoc porro differunt similitudo & comparatio, quod similitudo versetur circa rerum qualitates, ut vocant; comparatio vero circa quantitatem. Dum enim comparamus, aut plus, aut minus, aut par inesse alicui dicimus.

Ita Cicero 3. Philip. n. 9. Quid Tarquinius tale, qualia innumerabilia fecit Antonius? Quod nihil aliud significat, nisi plura fecit Antonius, quam Tarquinius.

In Similitudine vero attenditur tantum, quale sit illud, de quo agitur. Ita Cicero Philip. 4. n. 11. Faciam igitur, ut Imperatores instituta acie solent: quamquam paratissimos milites ad præliandum videant, ut eos tamen abortentur: sic ego vos ardentes & erectos ad libertatem recuperandam cobortabor. Ubi nulla fit paris, majoris, aut minoris mentio.

Habes illustria Similitudinis exempla apud Ciceronem pro Roscio Amerino, n.56. ubi Accusatores comparat cum Anseribus & Canibus. Anseribus cibaria publice locantur, & Canes aluntur in Capitolio, ut significant, si fures venerint. At fures internoscere non possunt. Significant tamen, si qui noctu in Capitolium venerint; & quia id est suspicuum, tametsi bestiæ sunt, tamen in eam partem potius peccant, quæ est cautior. Quod si luce quoque Canes latrent, cum Deos salutatum aliqui venerint; opinor, iis crura suf-

fringantur , quod acres sint etiam rum , cum suspicio nulla sit . Simillima est Accusatorum ratio . Alii vestrum Anseres sunt , qui tantummodo clamant , nocere non possunt : alii Canes , qui latrare & mordere possunt . Gibaria vobis præberi videmus , vos autem debetis maxime impetum in eos facere , qui merentur . &c.

Ibid. n. 75. Ut non omnem frugem neque arborem in omni agro reperire possis , sic non omne facinus in omni vita nascitur .

Ibid. n. 131. excusat Syllam , quod aliqua animadvertere non potuisset in magna rerum quas curabat , mole , ab exemplo Jovis , cui non imputantur imbræ & tempestates , quæ tamen detrimentum afferunt , quia isthæc potius vi & magnitudine rerum fiunt , quam divino consilio : & sic concludit . Nisi hoc mirum est , quod vis divina assequi non possit , si id mens humana adepta non sit . Egregius est in primis locus .

Ibid. n. 151.

Sic & pro Comœdo , n. 17. Ut ignis in aquam conjectus continuo restinguitur & refrigeratur ; sic reservens falsum crimen in purissimam & castissimam vitam collatum statim concidit & extinguitur .

Et Ver. 7. n. 144. comparat ejus avaritiam cum illis hominibus , qui Poetarum testimonio sinus maris & promontoria occupabant , ut inde transeuntes in naves impetum facerent .

Pro Murena , n. 35. incertas & obscuras populi voluntates comparat cum procellis & tempestatibus , quæ in mari oriuntur .

Pro Cquentio , n. 238. Ut mare , quod sua natura tranquillum sit , ventorum vi agitatur & perturbatur ; sic & Populus Romanus sua sponte placatus , hominum seditionorum vocibus & violentissimis tempestatibus concitatur .

Post Reditum ad Quirites , n. 4. fatetur Cicero recepta bona sibi tanto gratiora videri , quanto sanitas post gravem morbum jucundior est .

Quotuplex est Similitudo ?

R. Dividitur plerumque in Parabolam , Inductionem , & Exemplum .

Quid est Parabola ?

R. Est rerum alioqui diversarum in una re vel in pluribus convenientia : sive est narratio verisimilis ad mores informandos idonea propter eam , quam habet cum re quam persuadere Orator nititur , convenientiam . Huc Apologi

logi & Fabulæ referuntur , quæ sunt narrationes penitus fictæ , quæ moribus instituendis conducunt .

Quid est usus Parabolæ?

R. Frequentissimus ille est tam apud sacros , quam apud profanos Oratores , præsertim in Exordiis . Habes illustrissima Parabolæ exempla in sacris Literis , præsertim in novo Testamento .

Apud Ciceronem Parabolæ locum habet , quod de Anseribus & Canibus narratur pro Roscio Amerino , n. 56. supra laudato ac descripto .

Item 1. Catil. n. 31. Ut sepe homines ægri morbo gravi , cum æstu febrique jactantur , si aquam gelidam biberint , primo relevari videntur , deinde multo gravius vehementiusque afflignantur ; sic hic morbus , qui est in Republica , relevatus istius poena , vehementius reliquis vivis ingravescet .

Et in Vatinium , n. 4. Venisti iratus omnibus : quod ego , siniū ac te aspexi , prius quam loqui cœpisti , cum ante Gellius , nutriculu seditionis omnium , testimonium diceret , sensi utque providi . Repente enim te , tamquam serpens e latibulis , oculis eminentibus , inflato collo , tumidis cervicibus intulisti .

Et lib. 6. Epist. Famil. epist. 7. Quemadmodum scalarum gradus si alios tollas , alios incidas , nonnullos male hærentes relinquas , ruine periculum struas , non ascensum pares ; sic tot malis cum victum , tum fractum studium scribendi , quid dignum auribus , aut probabile potest afferre ?

Quid est Inductio?

R. Ut hoc loco sumitur , est coacervatio multarum rerum similiū ad aliquid concludendum . Hoc disputationis genus erat admodum familiare Socrati , qui per ejusmodi Inductiones oculis subjiciebat , quæ probanda suscepérat .

Habes exemplum Inductionis pro Cornelio Balbo , n. 51. Hic tu Cn. Pompeji beneficium , seu potius judicium & factum , infirmare conaris , qui fecit , quod C. Marium fecisse audierat : fecit quod P. Crassum , quod L. Syllam , quod Q. Metellum , quod denique domesticum auctorem , patrem suum , facere viderat ? Neque vero in uno Cornelio id fecit : nam & Gaditanum Hasdrubalem ex bello illo Africano , & Mamertinos obvios , & quosdam Uticenses , & Saguntinos fabros , civitate donavit .

Est egregia illa apud Tertullianum ad probandam corporum resurrectionem inductio : Lux quotidie intersecta resplendet , & tenebre pari vice decadendo succedunt ; sidera defuncta vivescunt : tempora ubi finiuntur incipiunt : fructus consumentur

muntur & redeunt. Certe semina nonnisi corrupta & diffusa
fecundius surgunt. Omnia percundo servantur, omnia de
interitu reformantur.

Quid est Exemplum?

R. Est probatio alicujus rei dicto vel facto alterius con-
firmata, quæ præstantissima est Similitudinis ratio, & ma-
gnæ auctoritatis ad persuadendum.

Habes exempla illius Similitudinis apud Ciceronem pro
Roscio Amerino, n. 50. Næ tu, Eruci, accusator essem ridi-
culus, si illis temporibus natus essem, cum ab aratro arceſſe-
bantur, qui Consules fierent. Etenim, qui præceſſe agro colen-
do flagitium putet, profecto illum Attilium, quem sua manu
spargentem semen, qui missi erant, convenerunt, hominem
turpissimum atque in honestissimum judicares. At hercule Ma-
iores nostri longe aliter & de illo & de ceteris talibus viris
existimabant. &c.

Ibid. n. 66. probat Orestis exemplo eos exagitari furiis,
qui parricidium admiserunt.

Et Oratione pro Plancio probat exemplorum collectione
nihil esse quod Laterensis doleat, quod in petitione Ædilitatis
repulsam passus fuisset, n. 51. Quaris etiam, Lateren-
sis, quid imaginibus tuis, quid ornatisſimo atque optimo vi-
ro, patri tuo, respondeas mortuo. Noli ista meditari: atque
illud cave peius, ne tua ista querela dolorque nimius ab il-
lis sapientissimis viris reprehendatur. Vedit enim pater tuus,
Appium Claudium, nobilissimum hominem, vivo patre suo,
potentissimo & clarissimo cive, C. Claudio, Ædilem non esse
factum, & eundem sine repulsa factum esse Consulem: vi-
dit, hominem tibi maxime conjunctum, egregium virum, L.
Volcatium; vidit, M. Pisonem in ista Ædilitate, offensiuncula
accepta, summos a Populo Romano honores esse adeptos: Avus
vero tuus, & P. Nasice tibi Ædilitiam prædicaret repulsam,
quo cive neminem ego statuo in hac Republica fortiorum: &
C. Marii, qui duabus Ædilitatis acceptis repulsis, septies Con-
sul factus est: & L. Cæsar, Cn. Octavii, M. Tullii, quos
omnes scimus Ædilitate præteritos, Consules esse factos.

Huc etiam refer laudatum modo locum pro Balbo, n. 51.

Præterea 2. Verr. n. 51. pro Sextio, n. 48. & n. 101. pro
Cælio, n. 49.

Quomodo ornanda est Similitudo?

R. Primo per Comparisonem: ut 1. in Verrem, n. 48.
Ut in Actoribus Græcis fieri videmus, ſepe illum, qui est
secundarum, aut tertiarum partium, cum possit aliquanto cla-
rius dicere, quam ipſe primarum, multum summittere, ut il-

le Princeps quam maxime excellat : sic faciet Allienus : tibi serviet , tibi lenocinabitur ; minus aliquanto contendet , quam potest .

Et Verr. 6. n. 21. Fecisti , ut praedones solent : qui cum communis hostes sint omnium , tamen aliquos sibi instituunt amicos , quibus non modo parcant , verum etiam præda quos augeant , & eos maxime , qui habent oppidum opportuno loco , quo sepe adeundum sit navibus , nonnumquam etiam necessario .

Huc refer Comparationem Accusatorum cum Anseribus pro Roscio Amerino , n. 56. Comparationem Syllæ cum Jove , ibidem .

Secundo ornatur Similitudo per Fictionem : ut Orat. pro Sextio ; n. 45. Etenim , si mihi in aliqua nave cum meis amicis naviganti hoc accidisset , ut multi ex multis locis praedones classibus eam navem se oppressuros minitarentur , nisi me unum sibi dedidissent ; si id vectores negarent , ac mecum simul interire , quam me tradere hostibus mallent : jecisssem me ipse potius in profundum , ut ceteros conservarem , quam illos mei tam cupidos non modo ad certam mortem , sed in magnum vitæ discriumen adducerem . &c. :: Per illam Fictionem ostendit Cicero , quam prudenter cessisset ex urbe invitatis ac repugnantibus amicis , ne ipsos in magna Reipublicæ perturbatione maximis periculis exponeret .

Et 4. Orat. in Catilinam , n. 12. Etenim quæro , si quis paterfamilias , liberis suis a servo interfectis , uxore occisa , incensa domo , supplicium de servo quam acerbissimum sumpserit : utrum is clemens ac misericors , an inhumanissimus & crudelissimus esse videatur ? Mibi vero importunus ac ferreus , qui non dolore ac cruciatu nocentis , suum dolorem cruciatumque lenierit . Sic nos in his hominibus , qui nos , qui conjuges , qui liberos nostros trucidare voluerunt ; qui singulas uniuscujusque nostrum domos , & hoc universum Reipublicæ domiciliū dele re conati sunt ; qui id. egerunt , ut gentem Allobrogum in vestigiis hujus urbis , atque in cinere deflagrati imperii colloca rent : si vehementissimi fuerimus , misericordes babebimur ; sin remissiores esse voluerimus , summa nobis crudelitatis in patriæ civiumque perniciem fama subeunda est .

Habes alia Fictionis exempla 1. Verr. n. 20. 6. Verr. n. 78. pro Cæcina , n. 1. - n. 35. pro Lege Manilia , n. 50. pro Sextio , n. 83.

Tertio exornari Similitudo potest per Hypotyposim : uti fecit Cicero Philip. 11. n. 7. ubi Antonium cum Dolabella comparans , utriusque saevitiam subjicit in morte Trebonii .

Ponite igitur ante oculos, Patres conscripti, miseram quidem illam & flebilem speciem, sed ad incitantes animos nostros necessariam: nocturnum impetum in urbem Asie clarissimam, irruptionem armatorum in Trebonii domum, cum miser ille prius latronum gladios videret, quam, quæ res esset, audisser: furentis introitum Dolabellæ, vocem impuram atque os illud infame, vincla, verbera, eculeum, carnificem, tortu remque Samiarium, &c.

Ex iis quæ dicta sunt de Similitudine, facile est intel ligere, quid Dissimilitudo sit.

Quid est Dissimilitudo?

R. Est locus, per quem ex re dissimili colligitur aliquid dissimile.

Quomodo probares a Dissimilitudine, humaniter hospites esse excipientes?

R. Hoc modo. Barbari se suos in hospites gerunt crudeliter; igitur nos decet in eosdem humanos esse.

Quomodo amplificandus hic Locus?

R. Eadem ferme ratione, qua locus a Similitudine: nimurum per excogitatam ingeniose aliquam parabolam, per inductionem, multa dissimilia colligendo; denique per exemplum, seu collectionem exemplorum.

Quomodo ornandus hic Locus?

R. Qua ratione ornatur Similitudo, nempe per Comparisonem, seu potius Antitheses, per Fictionem, Hypotyposim, &c.

Habes exempla multa Dissimilitudinis apud Ciceronem. Pro Murena, n. 22. ubi Jurisconsultum Sulpicium cum Imperatore Murena comparat per dissimilitudinem studiorum. Sed ut, hoc omisso, ad studiorum atque artium contentionem revertamur: Qui potest dubitari, quin ad Consulatum adipiscendum, multo plus afferat dignitatis, rei militaris, quam Juris Civilis gloria? Vigilus tu de nocte, ut tuis consultoribus respondeas; ille ut eo, quo intendit, miture cum exercitu perveniat. Te gallorum; illum buccinarum canus exsuscitat. Tu actionem institutis; ille aciem instruit. Tu caves, ne tui consultores; ille, ne urbes aut castra capiantur. Ille tenet, & scit, ut hostium copia; tu, ut aquæ pluviae arreantur. Ille exercitatus est in propagandis finibus; tu in regendis.

Ibidem, n. 83. probat, debere Judices dissimile facere judicium de Murena, ab eo, quod Catilina facturus fuisset, si penes ipsum fuisset de Murena judicare, ex dissimili Judicium & Catilinæ in Rempublicam studio. Si L. Ca-

tilina cum suo consilio nefariorum hominum, quos secum eduxit, bac de re posset judicare, condemnaret L. Murenam; si interficere posset, occideret. Perunt enim rationes illius, ut orbetur auxilio Respublica: ut minuatur contra suum furorem Imperatorum copia: ut major facultas Tribunis plebis detur, depulso adversario, seditionis ac discordiae concitanda. Idem ne igitur delecti amplissimis ex Ordinibus honestissimi atque sapientissimi viri judicabunt, quod ille importunissimus gladiator, hostis Reipublicæ judicaret?

Ibidem, n. 6. probat ex dissimilibus Catilinæ & Murenæ in Rempublicam studiis, dissimilem suam cum utroque agendi rationem.

Verr. 6. n. 77. confert per Dissimilitudinem latrocinia Verris, & ejus sacrilegia, cum Majorum pietate in Superos, & religione. Videte, quanta religione fuerit apud Segestanos Diana simulacrum. Scitote neminem repertum fuisse, neque liberum, neque servum, neque civem, neque peregrinum, qui illud signum auderet attingere. Barbaros quosdam Lilybeo seitote ad vocatos esse operarios. Hi denique illud, ignari totius negotii ac religionis, mercede accepta, sustulerunt. Quod cum ex oppido exportaretur, quem conventum mulierum factum esse arbitramini? quem fletum majorum natu? quorum nonnulli etiam illum diem memoria tenebant, cum illa eadem Diana Segestam, Carthagine revecta, victoriæ Populi Romani reditu suo nunciasset. Quam dissimilis hic dies illi temporis videbatur? Tum Imperator Populi Romani, vir clarissimus, Deos patrios reportabat Segestanis, ex urbe bostrum recuperatos: nunc ex urbe sociorum Prætor ejusdem Populi turpissimus atque impurissimus eosdem illos Deos nefario scelere auferebat.

Item pro Sextio, n. 37. & 38. dissimiles sui Metellique discessus rationes afferit.

Sunt hæc alia Dissimilitudinis exempla: pro Quintio, n. 1. & 2. pro Roscio Amerino, n. 72. 88. pro Comœdo n. 7. & 20. 6. Verr. n. 115. pro Cluentio, n. 128. & 129. pro Domo sua, n. 130. in Vatinium, n. 9. in Pisonem, n. 31. ubi Pisonis abitum & absentiam cum suo abitu reddituque comparat: item num. 37. & 51. ubi redditum suum cum redditu Pisonis per Dissimilitudinem comparat. Pro Plancio, n. 68. pro Sylla, n. 8. Philip. 10. n. 20. pro Rabirio Perduelli, n. 15.

EXERCITATIO.

In morosam Stoicorum hominum severitatem, qui omnem etiam honestam animi oblectationem respuunt.

Locus a Similitudine.

S Y N O P S I S.

Exord. **D**icit Orator, Stoicos ut multis in rebus, sic in animorum cognitione peregrinos atque hospites extitisse.

Propositionem efferet per Interrogationem, Nam quid ineptum magis, quam rejicere omnem animi oblectationem?

Rationem afferet, quia ea est animi natura, ut assidua contentione frangatur.

Confirmations in petet a Similitudine, & 1. quidem a Parabolâ, Narrabit, uti Villicus terram fertilissimam natura sua, dum eamdem assidue nimis fodit & excusat, fecerit sterilem. Ornabit Parabolam Hypotyposi, qua describet hominem in arando, in fodiendo, in ferendo assiduum. Quo dēmum exitu? &c. Addet, hoc ipsum evenire in animis etiam natis ad ferendos studiorum fructus egregios, si nimium fatigentur,

2. Idem probabit per Inductionem rerum tam naturallium quam arte factarum, quæ cessationem a labore postulant. Agri etiam feracissimi tertio quoque anno sinuntur requiescere. Arcus, si continuo tendatur, frangitur; res quælibet usu frequentiore conteritur,

3. Exemplorum collectione, puta, Lepidi, Catuli, Scipionis, Lælii, qui sapientissimi habiti ab omnibus relaxabant interdum animum, soliti per Brutorum hortos discessi ludere: B. Joannis Evangelistæ, quem in solitudine sua ferunt cum avicula collusisse: supremi etiam rerum omnium Conditoris, qui post sex dierum laborem, septimo tandem conquievit.

Concludet explodendo Stoicæ severitatis æmulatores,

O R A T I O.

Cum multis in rebus hospites ac peregrini haberi merito possunt illi Philosophi, qui severiorem quamdam virtutis formam æmulati, Stoici vulgo nuncupantur; tum certe

te numquam errasse gravius, aut turpius alucinati suis-
se visi sunt, quam cum certas regendis ac moderandis ho-
minum animis præscribere leges voluere.

Agite enimvero: quid ineptum magis, aut ab ipsa ani-
morum natura magis alienum videri possit, quam eosdem,
quod factabant illi pertinaciter, sic exercere rebus seriis
ac gravious, ut nullam ipsis ne honestam quidem relaxa-
tionem permittas?

Datur enim consensu omnium aliqua ætati cuilibet ani-
mi relaxatio, que si moderate adhibetur, neque præscri-
ptos honestatis limites excedat, non modo non rejicienda,
sed utilis etiam ac necessaria videatur. Nam quis tam ru-
dis & imperitus, qui nesciat, eam esse animorum indolem,
ut contentionē assidua debilitentur plurimum atque etiam
infringantur, nedum confirmentur aut invalescant?

Erat Agricolæ cuiquam uberrimum, si quod fuit in tota
vicinia, solum. Illic veniebant feliciter segetes, uvæ, po-
ma, & suavissima cujuscumque generis fructuum copia suc-
crescebat. (*Similitudo per Parabolam*) Hic lucri avidus
inter paucos, & ubertatem terræ expertus non semel, mi-
nime cessabat agrum excolare, & nunc arando, modo so-
dicando, jam serendo fatigare. Nullam partem anni a la-
bore vacuam abire patiebatur: nullus etiam inter multos
dabatur annus, quo nativo exhausta succo, & molli deco-
cta pinguedine, terra tantisper conquiesceret, & atmassis fre-
quentiore partu vires repararet. Quid demum putatis eve-
niisse? vel quos assiduae culturæ fructus tulisse Agricolam
arbitramini? An serax ille natura sua & pinguis ager fa-
ctus est perenni cultu fertilior? an ubiores singulos in
annos fruges protulit? an herum ditavit aut locupletavit
suum? Nihil minus: hæc una fuit tam inepti laboris
merces, hoc stulta aviditatis præmium tulit, ut agrum
aresfaceret, excoqueret, labefactaret. Quid aliud consequi-
mini, amabo vos, insani, quotquot estis, animorum cul-
tores? quem habet finem illa, quam adhibetis perpetuo,
exercitatio gravis ac seria? quo demum exitu felices illi,
& ferendis quibuscumque studiorum fructibus pares animi
pertractantur a vobis, nisi ut serius ocius hebescant &
obtundantur?

(*Similitudo per Inductionem*) Ignoratis igitur quod ipsa
nostris quotidie oculis natura subjicit? Attendite enimvero,
quam uberrimi etiam & soli pinguioris agri culturam
patiantur: An non, nisi quiescere illos identidem siveris,
arescant continuo, & sua dominum expectatione destituant?

Quid in artefactis peritissimum rerum magister usus atque experientia commonent? Arcus si tenditur semper, illum frangi videas, aut certe multum enervari: duriora marmora crebriore frictu minuuntur: res quælibet assiduo nimis usus teritur ac deperit. Et hanc putatis esse solius animi conditionem, ut nullis debilitetur exercitationibus, ut perenni contentioni resistat, ut repetitis quantumlibet laboribus succumbat numquam aut vincatur?

(*Similitudo per Collectionem Exemplorum*) Tamen haud ita sentiebant viri ætatum omnium judicio sapientissimi: alium sibi vestra disciplina morem ineundum putaverunt: non tam rigidum virtutis ipsius cultum profitendum censuere. Non Crassi, non Lepidi, non Catuli, non Scipiones, non Lælii, quos honesta interdum oblectatione relaxasse animum legimus: imo, si quid Tullio creditur, discinctos lusisse nonnumquam, & posita ad tempus, quæ Magistratus decet, gravitate, pene dixerim puerorum instar per Brutorum hortos discurrassæ.

At tune etiam, severæ si quis es ejusmodi doctrinæ æmulator, tune id reprehendes in nobis, quod vel ab ipso B. Joanne novimus factitatum? Tu rejicies & amandabis procul a vita oblectamentum omne, quod nec ipse, austerrissimæ sanctitatis exemplar, amantissimus Christi Discipulus abhorruit? Tu acerbius illum increpabis, quod in media rerum æternarum contemplatione cicurem foveret aviculam, & cum ea identidem colluderet?

Aude etiam & ipsum supremum rerum omnium artificem aut inertiarum aut languidioris otii Deum accusare. Cessatorem urge, & oscitantem increpa, quod sex in orbe fabricando dies cum posuisset, septimo tandem ab omni opere conquieverit. O temeritatem inauditam! o impudentiam singularem! o ridiculam & omnium fibilo explodendam sapientiam!

Desinant ergo fucum facere intempestivi, si qui sunt, obtrectatores; personatam illam severitatem exuant; aut si morosa ipsos indoles tantopere delectat, suis conclusi tenebris, viros licitis frui oblectamentis patientur.

ALIA EXERCITATIO.

Labor improbus omnia vincit.

Adhortatio ad Juventutem studiosam, ut ad capessendas liberales Artes diligenter incumbat.

SYNOPSIS.

Exord. Commendabit Orator Divinam Providentiam, quæ varia hujus vitæ bona mortalium laboribus redimenda proposuit.

Rationem afferet: quia alioquin molli in otio consensercent, si nullo suo labore votorum compotes fierent.

Propositio. Dicet, hoc saltē habere nos solatium, quod nihil non assequi labore nostro liceat.

Confirmationis prima pars petetur a Parabola adolescens cujusdam, cui pater moriens agrum liquerat hereditatis loco, sed eundem incultum. Describet per Hypotyposim & Ethopœjam, ut grandi labore deterritus Adolescens otiali mallet, quam agrum exercere; donec adfuit consultior quidam, qui ita divisit agrum breves in portiunculas, ut singulas singulis diebus arandas adolescenti proponeret: quod ille dum exequitur ultro, totum brevi excultum agrum vedit. Mox conversa ad studiosam juventutem oratione, eam hortabitur, ne deterreatur rerum discendarum multitudine; sed in singula, quæ proponuntur, tantum incumbat cum ea expectatione, quæ laboris assidui mercedem adpromittat.

Secunda pars ducetur ab Inductione rerum multarum, quæ labore comparantur. Agri steriles & infructuosi, dum exercentur, fertiles fiunt; crastæ & impolita marmora in statuas egregias assurgunt; lapilli rudes & informes pretiosas in gemmas mutantur.

Tertia pars petetur ab Exemplis Demosthenis, qui linguae difficultatem labore vicit; Ciceronis, qui homo plebejus ad summum laudis ac dignitatis apicem pervenit; Socratis, qui nonagenarius didicit ludere fidibus. Concludet, nemini de re qualibet esse desperandum, si parcere labori noluerit.

O R A T I O .

Cum multis in rebus incredibilis quædam divinæ providentiae sapientia virtusque singularis elucet; tum certe mirabilis semper vita est, cum varia hujuscæ vitæ bona ita mortalibus comparanda proposuit, ut eadem laboribus ipsorum vendere quodammodo videretur.

Quotus enimvero quisque hominum est (adeo pigrum in otium turpemque omnes in desidiam inclinantur) qui, si fieri votorum cōmpos, & nullo suo labore assequi posset, quod ambit, otiani potius & indulgere genio eligat, quam inanibus sc̄ē curis nihilque profuturis laboribus macerare?

Verum in hac ipsa, quæ singulis hominum imposita est, laboris exercendi necessitate, hoc saltem nobis relictum est non leve conditionis nostræ solatium, quod nihil invium laboriosæ industriæ, nihil inacessum exiitiat.

(*Similitudo per Parabolam*) Hoc erat profecto, quod persuadere filio volebat pater quidam familias non imperitus, & in ipsa sui ruris asperitate ac solitudine non vulgaris sapientiæ cultor diligens ac studiosus æmulator. Is moriens adolescenti filio agrum testamento reliquerat pingue illum quidem natura sua ac feracem in primis, sed eundem tam incultum, tam neglectum ab omni parte, nihil ut præter spinas & inutiles carduos exhiberet. Doluit non mediocriter adolescenti, & illusum sibi ratuſ a patre, suam verissimis lacrymis sortem deplorabat. Frustra admonebant ruris illius incolæ, esse naturam soli uberrimam; venturos illic non poenitendos frustus, si cultura diligens accederet; experiretur ipse tantum, & operi manum admoveret. Obsurduerat tam sapientibus monitis laboris impatiens adolescentior, & se oneri tanto imparem dictans, totos dies aut somno aut inertia turpi conterebat. Adfuit inter ceteros quidam consultissimus, qui juvenis illius vicem miseratus, ita fefellit ipsius ignaviam, ut laboris atque industriæ studium accenderet. Nam cum advertisset, hominem difficultate ac diuturnitate deterritum a labore cessare; agrum, qui arandus juveni incumbebat, varias sic divisit in partes, ut portionem exiguum singulos in dies excolendam tantum proponeret. Quod ille ex longa veluti difficultate recreatus ultro volensque dum perficit, intra breve tempus purgatum sentibus ac carduis agrum vidit, & ad excipiendas fruges

fruges optimas easdemque magno cum fœnore reddendas comparatum .

Atque hoc utinam persuadere sibi vellent , quicumque liberalibus disciplinis dant operam adolescentes ingeniosi ! Viderent illi , quam inanem obtendant socordiae suæ caussam , dum expostulant , obrui se retum discendarum multitudine , neque ætatem tam teneram ferendis tot laboribus parerem esse . Evanesceret brevi illa difficultatum moles , si rebus ipsis , quæ perdiscendæ singulos in dies incumbunt , attenderent diligenter , eumque post aliquot annos laborum suorum fructum experientur , ut illius , cui navassent operam , facultatis perfectionem aliquam absolutionemque attingissent . Enimvero quid assiduus improbusque labor tandem aliquando non assequatur ?

(*Similitudo per Inductionem*) Ubinam gentium est solum aliquod tam ingratum ac iterile , quod si vertere sæpius , arare , bonisque inserere frugibus diligens agricola voluerit , suos aliquando fructus non ferat , eosque minime pœnitendos ? Est aliqua massa tam rudis , marmor aliquod tam impolitum , truncus aliquis tam informis , unde vel Minervæ , vel Jovis , vel Alexandri simulacrum egregium non prodeat , si sedulus ac diligens aut Phidiæ , aut Praxitelis , aut Polycleti labor accesserit ? Aurum ipsum , quod tam speciosum , tam splendidum , micat oculis , quid esset aliud , quam frustum aliquod asperum & informe , nisi coctum sæpius ac recoctum , nisi redditum incudi centies , suum a labore decus ac pretium accepisset ? Quid dicam de lapillis illis pretiosissimis , qui terrestria veluti totidem astra haberi possunt ? unde , amabo , lucem suam splendoremque mutuantur , nisi ab artificum industria , qui tanto majorem ac longiorem in iis perpoliendis operam impendunt , quanto illustrius cetera artium ornamenta pretio ac dignitate superant ?

Verum ista videri fortasse poterunt obscuriora , quamdiu sine appositione exemplorum disputabuntur . Agite ergo : quibus tandem gradibus Demosthenes ad tantam Eloquentiæ laudem ac famam pervenit ? Videbatur ille tam alienam naectus indolem ab ea dicendi facultate cui studebat , propter linguæ quo laborabat , vitium , ut ne primum quidem sui nominis apicem valeret pronunciare . Accedebat tam absonta tam invenusta vocis exilitas , ut tacendi potius quam loquendi partes homini ad agendas causas ineptissimo convenienterent . (*Similitudo per Exemplorum Collectionem*) Tamen vicit assilia contentione difficultates

tes illas Orator laboriosus , & apposito sub lingua calculo , contentaque s̄epius ad rupes & montes voce , sic impediat dissolvit linguam , & exilem vocis naturam firmavit , ut nemo felicius ageret aut loqueretur .

Quæ spes relicta videbatur plebejo homini , ut ad primos dignitatis gradus aliquando assurget , rerumque adeo summa potiretur , nisi hoc labore suo atque industria Tullius perfecisset ? Adeo nihil est rerum omnium , quod longo studio & assidua contentione comparari non possit !

Mitto dicere de Socrate , qui nonagenarius jam senex non dubitavit operam dare fidibus , quibus in exercendis ita profecit labore ac vigilantia , ut Musicorum nemini cederet .

Et erit deinceps quispiam , qui Literarum salebras adeo reformidet , ut otiali turpem in modum malit , quam laudabili studio ac labore excutere soporem ac veternum , & se ad assequendum quod est in unaquaque arte præstansissimum , comparare ? Maecte igitur animo , Adolescens ingeniose , quisquis es : ne te deterreat in Literarum studio quidquam , quantumvis durum atque asperum , quo minus ad illud superandum vim omnem ingenii , quam habes , atque solertiam adhibeas .

E X E R C I T A T I O .

Paterfamilias morti proximus ad filios de tuenda inter fratres concordia .

Locus a Dissimilitudine .

S Y N O P S I S .

Exord. **D**Icet , nihil habere se , quod commendet filiis impensis , quam ut tueri inter fratres concordiam conentur .

Rationem afferet : quia nihil est , quod tam ad omnium & singulorum gloriam ac felicitatem juvare possit .

Confirmationem petet r. a Parabola : narrabitque , quod fecit pater , qui virgarum fasciculum filiis porrigens jussit , ut bacillos singulos alios post alios frangerent ; quod fecerunt illi labore nullo , cum fasciculum ipsum disrumpere non potuissent .

2. Per Inductionem petitam ab arte factis & natura libus : ruunt fornices , si avulsus e tota mole lapis vel unus

unus fuerit : ipsa mundi fabrica labefactabitur , si desierit esse partes inter singulas concordia , per quam subsistunt . Bona habitudo corporis pendet ex nexu atque unione partium , quæ si dissolvitur , ruinam affert toti corpori .

3. Ab Exemplorum collectione . Successores Alexandri Magni res ab ipso partas tueri non potuerunt , quia servare concordiam non voluere . Eteocles & Polynices dissidentes inter se Regnum Shebanum perdidérunt : Romani , dum bellis civilibus indulgent , extremam toti Imperio perniciem attulere .

Conclusio . Videte ergo , quam concordes vivere vos oporteat , &c.

O R A T I O .

Proximum adest mihi vitæ finem natura deficiens admonet , Filii carissimi . Vixi hucusque pater satis , neque habeo quidquam de Superis quod querar . Si quid ultra superest optandum mihi , unum hoc precabor , ut quales esse vos semper ambierim , dum vixi , tales pergatis esse , postquam e vivis excessero . Quapropter nolite expectare , vobis ut aliud præcipiam , aut commendem jam jam moriturus , quam quod præcipi vobis a me tam sape , tam enixe commendari haec tenus audistis . Vivite concordes , Filii amantissimi , pacem colite diligenter , & mutua fratres caritas perenni vincirio cunctos adiungat .

Nihil ego vobis concordia melius vel dare , vel precari possim : hic certum nomini vestro decus , ampla rebus vestris copia , perpetua consiliis vestris felicitas adspirabit . Nemo vos lacescat umquam , qui conjunctos norit ; vel damno sentiat suo , quam frustra vis unita fratum oppugnetur : quos si quid olim dirimeret , viribus singuli nefrite , non est uspiam contra rixas aut similitates præsidium .

Hoc erat , Filii amantissimi , quod liberis olim suis pater quidam familias innubat . Is , uti jam ego sum , morti proximus , virgarum fasciculum filiis disrumpendum obtulit . Nihil illi vel seorsim singuli , vel conjuncti omnes viribus , quidquam profecere . (*Dissimilitudo per Parabolam*) Tuin pater , soluto fasce , virgas easdem alias ex aliis jubet infringi . Quas conatu nullo conjunctas rumpere non potuerant , divisas semel ab invicem disrupere : adeo concordia res parvæ stare possunt , discordia maximæ dilabuntur .

(*Dissimilitudo per Inductionem*) . Attollite oculos , Filii carissimi , suppicite ingentem illum fornicem , quo tota domus

mus hujus nostræ moles innititur. Unde librati tenues in auras ac veluti suspensi tot lapides contra vim innatam qua deorsum feruntur, resistunt tamen ac perstant; nisi quod catenati simul ac vinceti sese invicem tuentur ac sustinent? Unum aliquem a reliquis avellite, continuo fornix ipse corruat, & totam domum, quam fulcit, secum in ruinam trahat.

Video vos omnes hodie firmo robustoque corpore: nemo vestrum est, qui spem longioris vitæ patri non afferat: quem utinam voti compotem Superi faciant! At quid lætam, amabo, vegetamque in vobis valetudinem efficit, efficietque deinceps, ut pollicetur sibi pater? nempe ille nexus felixque partium concordia, quæ, se dum invicem adjuvant, & suas unaquæque vices obeunt, bonam toti corpori habitudinem & sanitatem incorruptam conciliant: qui nexus quoniam in me jam dissolvitur, neque suis deinceps vacare officiis propter ingravescentem ætatem possunt partes singulæ; idcirco, Filii, fatiscit pater, & valedicere vitæ cogitur.

Sed quid ego vos moror? ipsam hanc mundi tam mirabilem fabricam diligentius contemplamini. Putatis molem illam, quæ tam variis ex rebus tamque repugnantibus elementis coalescit, in eodem statu diu conservandam, nisi temperata singularum partium concordia præstaret orbi toti perennitatem, & perpetuus tam stupendæ varietati nexus famularetur?

(*Diffimilitudo per Exemplorum Collectionem*) Hujus porro rei tam necessaria vitio, quis memoret, Filii carissimi, quam multa non modo privatorum hominum familiis, sed maximis etiam imperiis mala evenerint? Dum ambitioni, invidiæ, simultatibus serviunt Alexandri Magni successores, partas invicti Principis virtute totius Orientis opes atque Provincias brevi perdidere. Si mutuam inter se fidem, &, quæ fratres decebat, concordiam servare potuissent Eteocles & Polynices; neque infestis sese invicem animis atque armis confodissent, neque acceptum a patre regnum evertissent. Et illi gentium vñctores dominique totius orbis, Romani, dum conspirantibus omnes studiis Rempublicam administrarunt, quantam imperio gloriam peperere! iidem, ubi semel propriæ laudis æmulatione dissociare cœpit voluntates civium, quantam rebus suis cladem atque perniciem attulerunt!

Ex iis atque aliis quæ proferre possim, simultatum incommidis, documentum capite, Filii carissimi, quod ex

ex usu vobis sit : fugite ab illa peste , quæ tot importat mala ; fovete diligenter paribus omnes studiis tot bonorum procreati:icem concordiam . Hoc ego vos , per amorem illum tenerum , quo dilexi unumquemque , per amplexus illos , quos singulis moriens divido , precor atque obtestor . Sit illud mihi etiam post suprema fata solatium , me cultores pacis & amantes concordiæ filios genuisse .

C A P U T VII.

Locus ab Oppositis , seu Contrariis .

Quid sunt Opposita , seu Contraria ?

R. Sunt ea , quæ in eodem subiecto vel esse non possunt , vel si in eodem fuerint , necessario inter se pugnant .

Quot sunt Contrariorum genera ?

R. Quatuor vulgo nominantur : Adversa , Relata , Privantia , & Negantia .

A R T I C U L U S I.

De Adversis .

Quid sunt Adversa ?

R. Sunt ea , quæ inter se maxime distant , & ab eodem subiecto se expellunt : ut virtus & vitium , calor & frigus .

Quomodo probares ab Adversis , expetendant esse temperantiam ?

R. Hoc modo . Odiosa est intemperantia ; ergo temperantia est expetenda .

Quomodo amplificandus est hic Locus ?

R. Demonstrandum est breviter , Contrariorum contrarias esse rationes ; quamquam hoc sæpe , quasi manifestum , probari non eget . Deinde contrarietas in multis ostendenda : & hic præsertim insistendum .

Quomodo variandus est hic Locus ?

R. Tribus præcipue modis . Primus est , quo verba verbis opponuntur . Exemplum habes apud Ciceronem Catil . 2 . n . 25 . Ex hac parte pudor pugnat , illinc petulantia : hinc pudicitia , illinc stuprum : binc fides , illinc fraudatio : hinc pietas , illinc scelus : hinc constantia , illinc furor : hinc honestas , illinc turpitudo : binc continentia , illinc libido : deni-

denique equitas, temperantia, fortitudo, prudentia, virtutes omnes, certant cum iniuitate, cum luxuria, cum ignavia, cum temeritate, cum vitiis omnibus: postremo copie cum egestate, bona ratio cum perdita, mens sana cum amentia, bona denique spes cum omnium verum desperatione confligit.

Et pro Roscio Amerino, n. 75. In urbe luxuriae creatur, ex luxuria avaritia existat necesse est, ex avaritia erumpat audacia, inde omnia scelera ac maleficia gignuntur. Vita autem bæc rustica, quam tu agrestem vocas, parsimoniae, diligentiae, justitiae magistra est.

Item Verr. 4. n. 192.

Secundus modus est, cum Membra Membris opponuntur, ut Verr. 5. a n. 2. ad 7. Nam qui hoc sibi sumpsit, ut corrigat mores aliorum, ac peccata reprobet, quis, huic ignoscat, si qua in re ipse ab religione officii declinarit?.. Furem aliquem, ac rapacem accusari? vitanda tibi semper erit omnis avaritiae suspicio. Maleficum quempiam adduxeris, aut crudelis? cavendum erit semper, ne qua in re asperior, aut inhumanior fuisse videare. Corruptorem, adulterum? providendum diligenter, ne quod in vita vestigium libidinis appareat. Omnia postremo, que vindicaris in altero, tibi ipsi vehementer fugienda sunt. Etenim non modo accusator, sed ne objurgator quidem ferendus est is, qui, quod in altero vitium reprehendit, in eo ipse deprehenditur... Fidem in vita sanctissimam qui putat, potest ei non inimicus esse, qui Questor Consulem suum, consiliis commissis, pecunia tradita, rebus omnibus creditis, spoliare, relinquere, prodere, oppugnare ausus sit? Pudorem, & pudicitiam qui colit, potest animo æquo istius quotidiana adulteria, meretriciam disciplinam, domesticum lenocinium videre? Qui religiones Dzorum immortalium retinere vult, ei, qui fana spoliarit oninia, qui ex thesaurum orbitis prædari sit ausus, inimicus non esse qui potest? Qui jure æquo omnes putat esse oportere, is tibi non infestissimus sit; cum cogitet varietatem, libidinemque decretorum tuorum? Ec.

Et pro Roscio Amerino, n. 88. Restat, Judices, ut hoc dubitemus, uix potius Sex. Rosciū occiderit: is, ad quem morte ejus divitiae venerint; an is, ad quem mendicitas: is qui antea tenuis fuerit; an is qui postea factus sit egentissimus: is qui ardens avaritia feratur infestus in suos; an is qui semper ita vixerit, ut quæstuni nosset nullum, fructum autem eum solum, quem labore peperisset: is qui omnium sectorum audacissimus sit; an is, qui propter fori judiciorumque insolentiam, non modo subsellia, verum etiam urbem ipsam re-

for-

formidet: postremo. Judices, id quod ad rem, mea sententia, maxime pertinet, utrum inimicus potius, an filius?

Item pro Cælio, n. 12. Utebatur hominibus improbis multis: (de Catilina loquitur) & quidem optimis se viris redditum esse simulabat. Erant apud illum illecebræ libidinum multæ: erant etiam industrie stimuli quidam ac laboris. Flagrabant vitia libidinis apud illum: vigebant etiam studia rei militaris. Neque ego umquam fuisse tale monstrum in terris ullum puto, tam ex contrariis, diversisque inter se pugnantibus nature studiis, cupiditatisque conflatum. Quis clarioribus viris quodam tempore jucundior? quis turpioribus coniunctior? Quis civis meliorum partium aliquando? quis tetricor hostis huic civitati? Quis in voluptatibus inquinatior? quis in laboribus patentior? Quis in rupacitate avarior? quis in largitione effusior? &c.

Item Phil. 2. n. 31.

Tertius modus est, cum Periodis Periodi opponuntur; cuius exemplum esse possit laudatum jam Exordium Verri- nae 5. a n. 1. ad 7.

Et Oratione pro Lege Manilia, n. 11. Majores vestri sèpe, mercatoribus ac navicularoribus injuriosius tractatis, bella gesserunt: vos tot civium Romanorum milibus, uno nuncio, atque uno tempore necatis, quo tandem animo esse debetis? Legati quod erant appellati superbius, Corinthum patres vestri, totius Græciae lumen, extinctum esse voluerunt: vos eum Regem in ultum esse patiemini, qui Legatum Populi Romani, Consularem, vinculis ac verberibus, atque omni supplicio excruciatum necavit? Illi ci- vium Romanorum libertatem imminutam non tulerunt: vos vi- tam erectam negligetis? Jus legationis verbo violatum illi perse- cuti sunt: vos Legatum Populi Romani, omni supplicio interfec- tum, in ultum relinquetis? Videte, ne, ut illis pulcherrimum fuit, tantam vobis imperii gloriam relinquere; sic vobis surpissimum sit, illud, quod accepistis, tueri ac conservare non posse.

Et Oratione post Reditu in Senatu, n. 2. Quod si carissimos parentes habere debemus, quod ubi iis nobis vita, patri- monium, libertas, civitas tradita est: si Deos immortales, quorum beneficio & haec tenuimus, & ceteris rebus aucti sumus: si Populum Romanum, cuius bonoribus in amplissimo consilio, & in altissimo dignitatis gradu, atque in bac omnium terrarum arce collocati sumus: si hunc ipsum ordinem, a quo magnificientissimis decretis sumus honestuti: immensum quidam & infinitum est, quod vobis debeamus, qui vestro singu- lari consilio atque consensu parentum beneficia, Deorum im- mortalium munera, Populi Romani honores, vestra de me multa judicia, nobis omnia uno tempore redidistis.

EXERCITATIO.

Orator coram Salomone alteram e mulieribus, quæ ad ipsius tribunal venerant, falsam matrem arguit, quod Infantem vivum, quem amib[us] repetebant, geminas in partes dividi postulasset.

Locus ab Adversis.

SYNOPSIS.

Exord. M Ater se prodit sua erga liberos caritate; ergo per contrariorum regulam, Mater illa non est, quæ in eosdem crudelē se probat.

2. Per interrogationem cum Sujetione junctam dicet, nihil magis esse contrarium maternis affectibus, quam velle & impetrare mortem illius, quem filium suum vindicet.

Confirmationem petet ab Adversis. 1. Verba verbis opponendo: Filium repeteret, eundem interimere, alterum pietatis, alterum immanitatis est. Hinc pugnat honor, illinc odium, &c.

2. Membra membris opponendo, per expositionem ostendet, illam non esse matrem, quæ contrarios maternæ pietati sensus exhibeat: per Antitheses. Matres filios suos enutriunt; hæc enecat: &c.

3. Periodos Periodis opponendo. Vidimus matres, quæ ne quid infantes sui paterentur, nihil non pertulere, quæ &c. Hæc vero matrem se audet profiteri, quæ &c. Paria membra adjicit, quæ priori periodo respondeant.

Conclusio. Facestat ergo crudelis illa mulier, &c.

ORATIO.

(*Adversa*) Cum ea sit materni affectus indoles, & ab ipsa natura insita vis, Rex sapientissime, ut eximia in liberos caritate statim se prodat; necesse est profecto, ut, quæ alienos ab amore materno sensus præferat, illa nihil matris habere, ne nomen quidem, judicetur.

Quo igitur pacto mulier illa matrem se probet, aut quo tandem jure filium in hoc puero repetat aut vindicet suum, quæ in eundem tam dura, tam crudelis, tam barbara sit? Age enim: te ipsam compello, mulierum omnium maxime impia: an non te satis matrem abnegasti, cuius ex ore sceleratissimo dira in hunc puerum sententia modo lata est: Neque mibi, neque tibi, sed dividatur? Nam quid pietati

tati maternæ oppositum magis, qnam sic affectam videri te erga eum, quem a te genitum mentiris; ut eumdem non patiare modo crudeliter trucidari, sed tristissimum illud spectaculum siccis oculis aspicias; & ipsa tam immaterial carnificinam jubeas exerceri?

(*Adversa per Oppositionem Verborum verbis*) Evidem filium tuum dum repetis, dum sapientissimi Regis aequitatem appellas, matrem agnosco, materna sentio viscera; at eumdem carnificis furori dum permittis, dum medium dividi ante oculos jubes, novercam intelligo, mulieris alienæ fævissimam inhumanitatem execror. Ex alteia quidem parte favent tibi pugnantque pro te quædam materna pietatis officia; ex altera te falsitatis ac mendacii arguunt immanissimi barbaræ mulieris sensus: hinc certat amor, illinc odium: hinc caritas, illinc impietas: hinc misericordia, illinc ferocitas: Imo, imo vincit amorem odium, pietatem scelus, misericordiam immanitas superat. Nam si tu mater, mulierum crudelissima, quæ noverca tandem; quæ parricida censebitur?

(*Adversa per Membrorum Oppositionem*) Sed quid te moror, Regum sapientissime, qui pro tua incredibili sagacitate factam a vera matre satis internoscis? Matres quos genuere, eos nutriunt; illa, quem genitum a se profiteatur, jubet enecari. Matrum viscera vel ad levissimos infantium dolores commoveri solent; illa præsentissimo infantis miseri periculo non tangitur. Nulla mater umquam audita est, quæ nullo cupiditatis æstu incitata in filium ferox deliberata voluntate extiterit; illa sponte tranquilloque animo filium morti devovet.

(*Adversa per Periodorum Oppositionem*) Vidimus matres, quæ, ne carissimo uteri sui pignore spoliarentur, aut æternis abdidere se latebris, aut irrupere medios inter amatorum hominum cuneos, aut ardentes inter rōgos insilire, aut filiorum vitam servare cum non possent, eadem se trucidandas mano objecere. Et illa pueri hujus infornati mater reputabitur, quæ carere illo ultro lubensque patiatur; quæ, servare illum cum possit, morti objiciat; quæ, nullo ipsum persequente aut ad pœnas repetente, crudelissimum ipsa supplicii genus irroget; quæ denique insolens & inauditum ad hunc usque diem ferocitatis exemplum futuris æstatibus relinquit?

Facest ergo supposititia mater, & crudelissimi mendacii pœnas ferat: aut si vera ac germana mater, immanissimas inter seras procul amaretur.

ALIA EXERCITATIO.

Ab Adversis.

Consolatio ad Senecam, cum jussu Neronis, cuius adolescenciam instituerat, ad mortem damnatus esset.

SYNOPSIS.

Exord. **S**ummet Orator ab Adversis: dicetque non debuistis ipsum aliud institutionis suae præmium a Nerone expectare.

Probabit allatam Propositionem ab Adversis. Ille non debuit ferre te in vita diutius, cuius vitam & mores tam verbis quam moribus arguebas; sed vitam & mores ejus verbis & moribus arguebas; ergo, &c. Incipiet a Propositione, quam tractabit a Contrariis. Nam quæ societas esse poterat &c. Hic Verba verbis opponet, Neronis virtutibus Senecæ opponendo.

Deinde veniet ad Assumptionem, quam tractabit pariter Sententias sententiis opponendo. Tu pietatem in parentes; ille &c. Tu mansuetudinem in cives commendabas; ille &c. & sic deinceps sanctos Senecæ mores cum prava Neronis agendi ratione comparando.

Concludet, consolando Senecam a Contrariis, Periodos Periodis opponendo. Non potuisses videre Neronem furem in cives, in fratres, in conjugem, in matrem, quem ad virtutes tam contrarias institueras. &c.

ORATIO.

(*Adversa*) Etsi non debuit esse tam luctuosus institutionis tuæ fructus, sapientissime Seneca, ut pro laude contumeliam, odium pro benevolentia, pro mercede supplicium reciperes; tamen qui vel a teneris pervideras Neronis animum, projectam ad gravissimum quodque nequitiae genus voluntatem, tu nihil præter mortem, vel quidpiam ipsa morte crudelius, habebas expectandum.

(*Adversa per Verborum oppositionem*) Nam quid aliud vir integerrimus a nequissimo Principe, quid studiosus in primis moderator a juvete ferocissimo sperare poterat, nisi ut eum de medio tolleret, quem tam adversum suis moribus, & quotidianum pravitatis suæ censorem experiebā-

batur? Quæ enim societas esse poterat pudoris cum petulantia, pudicitiae cum libidine, pietatis cum scelere, æquitatis cum injustitia, humanitatis cum crudelitate, rationis cum amentia, virtutum denique omnium cum turpissimo vitiorum comitatu?

(*Adversa per Membrorum Oppositionem*) Tu pietatem in parentes, benignitatem in propinquos, humanitatem in omnes persuadebas; ille furorem in omnes bonos, fævitiam in domesticos, in propinquos immanitatem, parricidium in parentem meditabatur. Tu continentiam magnis in opibus, liberalitatem, magnificentiam extollebas; ille turpissima depravatus avaritia, non modo nihil largiebatur de suo, sed quibuscumque privatorum hominum fortunis inhiabat. Tu auream rebus in singulis temperantiam, in judiciis æquitatem, in plectendis etiam nocentibus commiserationem servandam esse dictabas; ille nec inflesti innocentium lacrymis, nec æquitatis habere rationem, nec ullam in agendo servare moderationem aut sustinebat, aut etiam noverat. Tu refrænandas libidines, cupiditates coercendas, pudorem ac pudicitiam excolendam, non moribus minus quam verbis prædicabas; ille corpore pariter atque animo corruptus ac perditus volutabat sese voluptatum in cœno, & obscenissimas quasque libidinum sordes festabatur.

(*Adversa per Periodorum Oppositionem*) Noli igitur queri, vir sapientissime, quod tam immisericorditer ab eo morti sis adictus, qui salutem tuam, si fuisset aliquando periclitata, suo etiam Imperio ac capite redimere debuisset. Felicem te, qui ad ultimam sceleratissimamque Neronis ætatem non perveneris. Mori certe tibi longe antiquius duxisses, quam vivere his miserandis Reipublicæ temporibus. Quid tu sustinuisses Imperatorem nequissimum, evertentem aras, maternum in peccatus ferrum exigentem? Vidiſſes illum perdentem suos, dilapidantem Rempublicam, vexantem Imperium, ferrum faceque patriæ inferentem: tu qui colere Deos immortales, pietatem in parentes fovere, populum & cives tueri, Rempublicam amplificare, defendere patriam docueras illum a teneris, & præclarissima quæque virtutum omnium præcepta instillaveras. Aliud dedisti, dum viveres, virtutis specimen: neque, ut eras animo comparatus, tibi placere vita hac conditione potuſſet.

ARTICULUS II.

De Relatis.

Quid sunt Relata?

R. Sunt ea, quae se invicem spectant, ita ut unum sine altero intelligi non possit: ita se habent pater & filius, dux & miles, præceptor & discipulus.

Quomodo amplificatur & ornatur hic Locus?

R. Hoc illi commune est cum reliquis Contrariis, ut per Anthitheses maxime exornetur.

Quis est illius usus?

R. Frequentissimus est, tametsi plerumque minus advertitur: quid enim magis commune est, quam comparare præterita cum præsentibus, filium cum patre? quam laudare subditum a rege, hospitium ab hospite, militem ad duce? Valet autem præsertim hic locus in exordiis, quæ nisi sumantur a Relatis, vulgo debiliora sunt.

Exemplum Relatorum habes pro Rabirio Postumo, n. 2, ubi Tullius Rabirium excusat a patre, Satis est homines imprudentia lapsos non erigere: urgere vero jacentes, aut præcipitantes impellere, certe est inhumanum: præsertim, Judices, cum sit hominum generi prope natura datum, ut si qua in familia laus aliqua forte flouerit, hanc fere, qui sunt ejus stirpis, quod ferrone hominum ad memoriam patrum virtus celebretur, cupidissime persequantur; siquidem non modo in gloria rei militaris Paulum Scipio, aut Maximum filius, sed etiam in devotione vita & in ipso genere moriis imitatus est P. Decium filius. Sint igitur similia, Judices, parva magnis. Fuit enim, nobis pueris, hujus pater C. Curius princeps ordinis Equestris, fortissimus & maximus publicanus: cuius in negotiis gerendis magnitudinem animi non tam homines probassent, nisi in eodem benignitas incredibilis fuisset: ut in augenda re non avaricie prædam, sed instrumentum bonitati querere videretur. Hoc ille natus, quamquam patrem suum numquam viderat, tamen & natura ipsa dico, quæ plurimum valet, & assiduis domesticorum sermonibus, in paternæ culpæ similitudinem deductus est. Multa gessit: multa contraxit: magnas partes habuit Publicanorum: credidit populis: in pluribus provinciis ejus versata res est: &c.

Sic in oratione pro Marcello, n. 3. laudat Tullius & extollit factum Cæsaris a Relatis. Ex quo profecto intelligis, quanta in dato beneficio sit laus, cum in accepto tanta sit gloria.

Et

Et pro Milone n. 7. Negant intueri lucem esse fas ei, qui hominem occisum esse a se fatetur. In qua tandem urbe hoc homines stultissimi disputant? nempe in ea, quæ primum iudicium vidit de capite M. Horatii, fortissimi viri, qui, nondum libera civitate, populi Romani Comitiis liberatus est, cum sua manu sororem imperfectam esse fateretur.

Item Catil. 4. n. 21. ubi probare nititur a Relatis maiorum se habuisse gloriam, quod patriam ab interitu vindicasset, quam maximi Imperatores, qui rerum gestarum laude eamdem honestassent.

EXERCITATIO.

Vir Nobilis, idem Senior, ad Filium, cum ipsum ad primam Expeditionem bellicam Barcinonem in Hispaniam mitteret.

Locus a Relatis.

SYNOPSIS.

Exord.  Prabit, ut sibi per ætatem liceret adesse filio comitem, eumque exemplis magis quam verbis erudire.

2. Admonebit ipsum a Relatis, ut meminerit sâpe, quibus sit ortus majoribus, & quam conspicuum rebus præclare gestis nomen gerat; caveatque proinde, ne ab antiqua majorum virtute degeneret.

3. Ab iisdem Relatis dicet, non desuturos ipsi commilitones, qui cum officii sui admoneant; eam esse Gallicæ nobilitatis laudem, ut nullum inertiarum locum esse patiatur.

4. Jubebit, ut oculos etiam in Regem Hispaniarum totius exercitus Imperatorem conjiciat: hinc fore ut intelligat, quanto quisque nobilior sit, tanto eundem generosiorem esse oportere.

Concludet hortando, ne Patris ipsius memoriam revocare pigeat, & ab ipso capere virtutis documentum.

ORATIO.

Si mihi per ætatem & infractas bellorum laboribus vires liceret adesse tibi socium ac comitem, dum ad Barcinensem expeditionem proficisceris; non ego te, fili carissime, commonendum verbis, sed factis potius ad magna quæque

stimulandum arbitrarer. Verum quoniam affectæ jam male
senectutis incommoda , & tristissimi , quos experior , lon-
gioris militiæ fructus dulcissimum hoc parenti solatium
eripiunt , ut inter armorum primitias moderari juventutem
tuam & informare exemplo possit; excipe saltem ultro vo-
lensque isthæc virtutis documenta , quæ parentis absentis
vice desuntgantur .

(Relatu) Ac primum recurrent frequenter animo for-
tissimi viri Majores tui , qui has , quas capessis hodie , par-
tes tanta cum laude sustinuerunt . Etenim circumstant te
inruiteræ Herorum imagines , quæ te obliuisci domesticæ
laudis non sinant , quæ commoneant dies noctesque trahere
te ab iis originem , quos actis retro temporibus omni vir-
tutum genere cumulatos fuisse Annales nostri testantur .
Tu factus es heres illius sanguinis , qui per tot herorum ve-
nas flexit , & continua ad te serie propagatus in clarissi-
mos Imperatores pullulavit . Hujus ergo sanguinis integri-
tatem atque nobilitatem vide , non dicam , ne ullo umquam
flagitio polluas ac contamines , sed novo virtutum tuarum
splendore distinguas magis & illustres : ut nominis illius ,
quod geris , partam tot egregiis facinoribus gloriam non
obscures , sed spectatam magis ejusdem famam laureis ac
triumphis efficias .

(Relata) Quamquam vel si deesse possent tibi potentissi-
ma quæque a majoribus tuis recte factorum incitamenta ,
haberes tamen in commilitonibus tuis eos gloriæ stimulos ,
qui te requiescere non paterentur , si in obeundis officiis tui
partibus deses aut ignavus esse posse . Est hæc enim Gal-
licæ juventutis indeoles , ut nullum aut inertiaæ aut ignaviæ
locum relinquat : felix ex omni parte fortunataque , si quam
alacris & comparata semper ad aggrediendum quidlibet ,
tam esset in agendo prudens ac moderata . Hujus tu porro ,
fili carissime , sic æmulare fortitudinem , ut temeritatem su-
gias ; sic avidum laudis animum imitare , ut pravitatem ac
corruptelam morum declines .

(Relata) Quod si volueris proponere tibi perfectissimum
virtutum omnium exemplar , cuius ad normam ac regulam
exigere vitam tuto possis , conjice identidem oculos in Phi-
lippum ipsum invictissimum totius exercitus Imperatorem .
Hic sociatas felicis communionis vinculo videbis dotes
omnes , quæ Imperatorem commendant : nihil in eo teme-
ritas & audacia de fortitudine , imprudentia de maturita-
te , levitas de consilio , de magnificentia importuna gravi-
tas , aut majestas de comitate vel humanitate deterit . Suus
est

est ita cuique virtuti locus, ut nullum vitiorum commercium aut societatem admittant.

(Relata) Adderem hic de me ipso quidpiam, fili carissime, nisi jam in ceteris sufficiet tibi graviora multo laudis incitamenta. Tamen meminiisse interdum patris non pigeat, & dum narrari de me quidpiam audies cum aliqua virtutis commendatione, documentum inde cape, quanti sit eamdem aliquando promeruisse.

ALIA EXERCITATIO.

Amilcar Carthaginensium Dux Filium Annibalem solemniter ante aras sacramento adigit, ut nullam cum Romanis pacem umquam admittat.

S Y N O P S I S.

Exord. Per Prolepsim, dicet, non dubitare se, quin habeat in filio paternæ virtutis æmulatorem; at velle se id habere solatii, ut si quid sibi humanitus contingit, heredem relinquat sui in Romanos odii.

Deinde Propositionis loco suum in Romanos odium exponet, quod dicet accepisse se a majoribus hereditarium, dolitus nisi eodem filius stimularetur.

Tum excitabit ipsum Carthaginensium exemplo, qui nihil aliud spirare viderentur, nisi Romanum sanguinem.

Mox per vehementem Adhortationem filium adaget ad eliciendum solemne sacramentum de facienda numquam cum Romanis pace.

Concludet, sperando fore ut filius laborum suorum ac periculorum socius odisse Romanos assuescat.

O R A T I O.

Quamquam, fili amantissime, juvenili animo virtus insita & multis argumentis jam probata certissimam spem facit, fore ut acerrimum in te paterni exempli æmulatorem aliquando habeam; tamen si quid in eo bello, quod meditor, humanitus contingere, non tam ultro, ut fatear quod res est, concederem fatis, nisi juratum hostem Romanii nominis, meique heredem odii relinquarem.

Quod quidem, quale quantumque mihi cum illa gente vel ab ipsis ineuntis adolescentiæ temporibus extiterit, commemorarem ego pluribus, nisi gesta per tot annos bella, reje-

rejectæ toties conditiones pacis , instructus etiamnum hodie
florentissimus exercitus satis declararent . (Relata) Nam
quod vitæ meæ tempus , aut quæ consiliorum meorum ra-
tio ab inferenda Romanis clade vacavit umquam ? aut quid
prætermisum a me fuit ad hunc usque diem , ut invisum
genti nostræ populum delerem penitus atque extinguerem ?
Neque vero quidquam attinet , fili amantissime , retexere
hic operosius capitalis illius odii causas , quod non tam
voluntate mea suscepturn , quam hereditario quodam jure
a majoribus nostris acceptum gratulor . Hoc unum perpende
te velim , & singulari animi attentione considerare :
ne , sicut Amilcari gloriosum fuit suscepta odiorum semi-
na non fuisse modo diligenter , sed etiam provexisse ; ita
sit Annibali turpissimum quidquam ex eo vel torpore vel
negligentia remisisse .

(Relata) Ipsa , ipsa te Carthaginiensium nostrorum
exempla stimulent , & accendant . Quotquot hic milites
aspicis , tot juratos puta Romanorum hostes , tot Amilca-
res ad eorum ruinam ac perniciem incensos . Intuere , si-
li , vultus singulorum , oculos , orisque totius ac corporis
habitum attentius considera . Quid illa spirat nobilis fero-
citas ? quid ille generosæ mentis impetus loquitur ? quid
instructæ & erectæ ad ferendum dexteræ aut volant , aut
ambiunt , præter Romanorum cædem ac sanguinem ? Hinc
disce , qualem esse te oporteat , qui regendis talibus viris
ac moderandis destinere .

Quid igitur in mora est , quominus ante istas Deorum
immortalium aras capitales populo Romano jures inimici-
tias , quæ nullum nisi cum vita ipsa finem inveniant ? Hoc
a te repetunt sacramentum Majores nostri , qui sempiter-
nam illam , quam ipsi consecuti sunt nobisque transmiser-
e , laudem ac gloriam Romanorum cladibus acceptam de-
bent : hanc a te fidem postulant tot generosi milites , qui
vitam suam pro communis patriæ salute ac gloria fortiter
devovent : hoc unum te erga se amoris monumentum pre-
catur pater , qui te laborum suorum periculorumque comi-
tem ac socium ultro dum adsciscit , id demum se consecu-
turum sperat , ut Romanos odiisse jam tu assuescas .

ARTICULUS III.

De Privantibus,

Quid sunt Privantia?

R. Sunt ea, quæ opponuntur, sicut habitus & ejus privatio. Ita se habent vita & mors, visus & cæcitas, lux & tenebrae: mors enim est privatio vitæ, cæcitas visus, tenebrae lucis.

Quomodo probares a Privantibus optandam esse mortem?

R. Hoc modo. Vita mitra est; ergo mors optabilis.

Quomodo tractatur hic Locus?

R. Non tam dilatatur plerumque a Cicerone, quam urgetur pressius, & per modum sententiosi cuiusdam axiomatis. Ita Cicero pro Milone, n. 79. argumentum petit a Privantibus. Ejus igitur mortis sedetis ultores, cuius vitam, si putetis per vos restitui posse, nolitis: & de ejus nece lata questio est, qui si eadem lege reviviscere posset, lata lex numquam esset.

Et Catil. I. n. 20. Quid est Catilina? ecquid attendis, ecquid animadvertis horum silentium? Patiuntur, tacent. Quid expectas auctoritatem loquentium, quorum voluntatem tacitorum perspicis?

Et pro Marcello, n. 15. Evidem de te dies noctesque, ut debeo, cogitans, casus dumtaxat humanos, & incertos eventus valetudinis, & nature communis fragilitatem extimesco; doleoque, cum Res publica immortalis esse debeat, eam in unius mortalis anima confisiere.

Item pro Cælio, n. 33. Existat igitur ex ista familia aliquis, ac potissimum Cæcus ille. Minimum enim dolorem capiet, qui istum non videbit.

Interdum tamen latius amplificari potest hic Locus, & ornari varietate figurarum, ut Oratione pro Cælio, n. 12. quem jam laudavimus in articulo de Adversis, ubi Catilinæ naturam multiplicem ac variam describit.

Et libro 3. de Oratore, n. 8. felicem Crassum esse probat, quod mors illi clauserit oculos eo tempore, quo visus nihil erat ipsi nisi funereum quid objecturus. Fuit hoc luctuosum suis, acerbum patriæ, grave bonis omnibus: sed id tamen casus Republicam secuti sunt, ut mibi non erupta L. Crasso a Diis immortalibus vita, sed donata mors esse videatur. Non vidit flagrantem bello Italiam, non ardenter invia Senatum, non sceleris nefarii principes civitatis reos,

non luclum filie , non exsilium generi , non acerbissimam C. Marii fugam , non illam post redditum ejus cedem omnium crudelissimum , non denique in omni genere deformiatam eam civitatem , in qua ipse florentissimi multum omnibus gloria praestisset .

Item pro Murena , n. 65. ubi Catonis Stoici & Ciceronis Academicici sententias privative opponit .

Et libro i. Tusculanarum Quæstionum , n. 12. Cicero Atticum Epicuri discipulum fateri cogit , misereros mortuos non esse , si omnino nulli sint , ut illi credebant . Mar. Jam mallem Cerberum metueres , quam ista tam inconsiderate dices . Att. Qui tandem ? Mar. Quem esse negas , cumdem esse dicas ? Ubi est acumen tuum ? Cum enim miserum esse dicas , rum eum , qui non sit , esse dicas Att. Age , jam concedo , non esse miserous , qui mortui sunt , quoniam extorsisti , ut faterer , qui omnino non essent , eos ne miserous quidem esse posse .

E X E R C I T A T I O .

Consolatio ad Homerum Poetarum principem ,
cum cæcus factus fuisset .

Locus a Privantibus .

Nihil est , quod oculorum usum requiras ; ergo debes esse contentus tua cæcitate .

S Y N O P S I S .

Exord. **D**icit Orator rem sibi fore difficillimam ad per- suadendum , posse quempiam ea re facile care- re , quæ in vita maxime expetenda est , si rem haberet cum alio , quam cum Homero .

Propositio. Dicit nihil esse , quod Homerus erexit sibi oculorum facultatem doleat .

Confirmationem petet ex triplici capite . 1. Nihil est , quod Homerus illud desideret , quod sibi commune esset non tantum cum ceteris hominibus , sed animalibus etiam vi- lissimis ; maxime cum multa habeat , quæ nemo alias sibi vindicare possit : divinum ingenium , eruditioiem , rerum omnium cognitionem perfectissimam .

2. Quia oculorum facultas nullam ipsi delectationem af- ferre possit , qua sine oculis frui non valeat ; nihil enim vide-

videret , quod jam non viderit , atque etiam animo comprehensum habeat . Hortabitur , ut fruatur illa rerum notitia , quam affecitus est .

Quia id habebit commodi , ut multa mala non videat , quorum aspectu boni affiguntur . Dicet deteriorem in dies fieri hominum conditionem ac vitam .

Conclusio . Hortabitur , ut cæcitatem suam æquo animo ferat , tot instructus præfidiis ad damnum illud resarcendum .

O R A T I O .

Cum nihil in vita expetendum magis videri soleat , quam facultas oculorum , iis autem orbatum esse durius quiddam atque intolerabilius vulgus hominum existimet ; ego certe dicturus hodie de cæcitatis commodis atque utilitate , difficilimi plenam operis provinciam aggrederer , si apud alium quemlibet , quam apud Homerum Orationem ejusmodi habendam esse intelligerem . Verum confirmat me mirum in modum ac recreat singularis præstantissimi viri probitas atque incredibilis sapientia ; neque vereor coram eo laudare cæcitatem , qui jacturam levem arbitratur , aut certe detrimentum ejusmodi inter mala gravissima non putat esse repandum .

Liceat enimvero , vir præstantissime , prædicare de te palam , quod sentio ; liceat conditionem illam tuam , quam imperiti homines miseram arbitrantur , fortunatissimam appellare . Scilicet nactus ingenium , quod ad ipsam Deorum immortalium sortem atque naturam accedat ; eruditionem adeptus ejusmodi , quam nemo hominum aut affecitus umquam est , aut deinceps asequi posse videatur ; complexus animo perfectam rerum omnium distinctamque notitiam tunc desiderandum cupidius illud arbitris , quod tibi cum ceteris mortaliis , probis pariter atque improbis , communis sit ; quod vilissima etiam animalia habere se gloriantur ; quod nullum deinceps tibi commodum , nullam voluptatem , atque delectationem afferret ?

Nam quid deinceps Homerum juvent oculi , aut quid conferre demum vel ad utilitatem , vel etiam ad voluptatem , posse videantur ? Age enim : quid objiciant illi spectandum in rerum natura , quod non videris ; quod penitus , quam contendere possit oculorum acies , non persperixeris ? Quam illi varietatem aut pulchritudinem menti exhibent , quam ante non senseris , de qua ingeniose , solerter , erudite non differueris ? Quod illi pariant novum oblectatio-

tionis genus, qua orbatus etiam oculis frui facile non valens? Retracta enimvero, quas informasti animo, accuratissimas eorum omnium quæ sub aspectum cadunt, ideas; revolve tecum diligenter partam assiduo labore naturæ totius cognitionem, cuius expressa tani fideliter in divinis operibus ttis vestigia admiramur; contemplare speciosas illas rerum omnium imagines, quæ multo pulchrius atque illustrius menti tuæ ornatæ videbuntur, quam vel a natura vel ab arte possint decorari.

Quamquam vel si carendum sit tibi voluptate aliqua, quam facultas oculorum afferret: quam luctuosa te & inelegibili necessitate eorumdem orbitas exsolvit! Dicamus enimvero, quod res est, vir sapientissime, neque dubito, quin idem pro tua sagacitate jam diu senseris. Senescit tensim hominum genus, & deterior in dies nostra conditio fit. Quis porro deploret satis ac lugeat illam malorum eluviem, quæ magis ac magis orbem hunc nostrum inundat ac perdit? Quis effusam ubique vitiorum caliginem sine gravissimo acerbitalis sensu sustineat? Quis tam parum cupidus amansque probitatis, quem tantæ depravationis aspectus non offendat? Quæ dum ego contemplor attentius, non tam erectos tibi a Diis immortalibus oculos, quam eosdem ab infami servitute vindicatos puto. Crescat enimvero & augeatur in immensum hominum improbitas, nullam deinceps ab ea parre modestitiam capies. Non videbis deformata in morum corruptela civitatis totius faciem, non inertem ac desidiosam adolescentiam, non intemperantem ac libidinosam juventutem, non virilem ætatem fluctuantem curis, ac sollicitudinibus agitatam, non morosam & avaram senectutem: non lites, non jurgia, non dissensiones, non inimicitias, non bella, & alia id generis incommoda, quæ eadem videntibus graviorem afferunt ipsa cætitate molestiam.

Hoc igitur accedat cætitati tuæ solatium, vir præstansse: & cum habeas tam multa, unde erectam tibi oculorum facultatem consoleris, atque etiam compenses, nolijacturam tam levem malorum in numero computare.

ALIA EXERCITATIO.

Veras esse in paupertate divitias.

Veræ divitiæ non sunt in divitiis positæ; ergo
in paupertate.

S T N O P S I S.

Exord. **D**Icet Orator, nihil esse, in quo fallantur homines gravius, quam in ea quam habent de divitiis opinione.

Rationem afferet, quæ Propositionem continebit, quia non in pecuniis, non in pretiosa supellestili, &c. quæ tantopere illi aestimant, divitiæ reponendæ sunt.

Confirmationem ex ea ratione petet, quia isthac omnia non habent, unde animum expleant: quam rationem tractabit per Interrogationem, & per viam Negationis & Affirmationis. Age enim: quis demum divitiarum fructus? An ut contempleris in arca &c.

Hoc ipsum illustrabit ditissimorum hominum exemplo, puta, Crœsi, Midæ, Crassi, qui quo haberent plura, eo plura appeterent: dicetque eos numquam fuisse divites.

Denique dicet, illum vere fuisse divitem, qui in summa rerum indigentia contentus sua forte oblatos ab Alexandro thesauros rejecerat.

Conclusio. Pauperes consolabitur, quibus, si velint, contentos esse licet.

O R A T I O.

Cum in rebus aestimandis errare graviter solet hominum genus, tum certe numquam alucinari turpius, aut a recta ratione sensisse quidquam visi sunt alienum magis, quam cum futilibus inanibusque momentis divitiarum nomen posuere.

Nam quæ est ista multorum in commemoranda pecunia, in jactanda pretiosa supellestili, in recensendis latifundiis tam superba & insolens ostentatio? quo tandem jure divites appellant ista qui habent, & in ejusmodi rebus aut consequendis aut assequendis curas, studia, contentiones collocant? Soline igitur divites, qui magnam vim auri & argenti, qui aurea tecta, qui villas, qui signa, qui tabulas, qui

Qui supellecilem ac vestem infinite possident? Quid si nec divites quidem? quid si etiam pauperes merito nuncupandi videantur? Quem enim intelligius divitem? aut hoc verbum in quo homine ponimus? Opinor in eo, cui tanta possessio est, ut ad beate liberaliterque vivendum contentus sit: qui nihil querat, appetat nihil, nulla re egeat, nihil tentiat sibi deesse, nihil omnino requirat. Animus enim hominis oportet se judicet divitem, non vulgi opinio. Divitiarum fructus omnis atque utilitas in copia est: copiam declarat satietas rerum atque abundantia, quam qui non assequuntur, numquam divites futuri sunt.

Nunc vero date mihi unum aliquem ex pecuniosis illis & copiosis hominibus, cui satis illud sit, quod habet; qui satiatus omnino sit; qui nihil curet amplius; qui propter aviditatem pecuniae nullum quæstum turpem faciat, neminem fraudet, decipiat, expilet. Revocate, ex omni temporum serie, divitis alicujus memoriam, qui in summa rerum illarum quas isti bona appellant, possessione laudabilem tenere potuerit continentiam. Crœsum scilicet divitem nuncupabis, qui regno locupletissimo non contentus insatiabili habendi plura cupiditate in extremum egestatis ac calamitatis discrimen devenit? Venditabis mihi Midam tamquam locupletissimorum hominum e numero, quem insanabilis auri argenteique amor eo demum adduxit, ut medias inter opes crudeli fame ac siti taeritum non interiret? Crassum vero inter homines ditissimos censebis reputandum, cui cum privato homini tantæ possessiones supperten, ut integro exercitui suis impensis alendo par esset, novos tamen in singulos dies thesauros aggerebat?

Quinam igitur divites dicendi sunt, si divites illi non debent appellari? Ille, ille dives erat, qui oblatas ab Alexandro ingentes pecunias in magna rerum indigentia sic rejicit, ut ipso etiam principe beatior ac fortunatior videri posset.

Vos ergo, quotquot tenues & exiles fortunas nacti estis, quantum vel ipsi vestra illa egestate atque inopia ad veras solidasque divitias præsidium habetis, quibus tam facile liceat, quod est divitiarum proprium, vestris rebus esse contentos?

ARTICULUS IV.

De Negantibus seu Repugnantibus.

Quid sunt Negantia , seu Repugnantia , seu Contradicentia ?

R. Sunt ea, quorum unum negat aliud : ut , est sapiens ; ne igitur dicas insipientem , vel non sapientem .

Quot modis erui potest argumentum ex hoc Loco ?

R. Duobus præcipue . Primus est , si duo Contradicentia secundum varios effectus , caussas , & adjuncta sumpseris : v. g. amor & odium sunt contradicentia : hinc sequitur , amoris effectus , caussas , & adjuncta odio repugnare . Ita recte concluderes : Non odit ille Deum , qui sæpe sacrificium cum magno pietatis sensu offerre consuevit ; qui preces assiduas fundit , quem uberrimis lacrymis sibi propitium reddit , quem ut alii colant ac venerentur , omni studio ac diligentia contendit . E contrario autem : Si me amas , cur me verberibus excipis ? cur criminaris ? cur conviciis oneras ? cur ut inimicum aversaris ? cur jacentem erigere abnus ?

Alter modus est , si antecedentibus ac consequentibus adceris particulam non ; tunc enim argumentum facies a Repugnantibus : v. g. Sol ortus est ; ergo dies est : ad particulam non : Non Sol ortus est ; ergo non est dies .

Habes exempla apud Ciceronem Repugnantium plurima . Pro Cælio , n. 5. ubi probat a Repugnantibus falsum objectum fuisse Cælio , quod apud suos probatus non fuisset . Nam , quod objectum est , Municipibus esse adolescentem non probatum fuis : nemini umquam presenti Puteolani majores honores habuerunt , quam absenti M. Cælio : quem & absentem in amplissimum ordinem cooptarunt ; & ea non petenti detulerunt , que multis potentibus denegarunt : iidemque nunc lecissimos viros , & nostri ordinis , & Equites Romanos cum legatione ad hoc judicium , cum gravissima atque onatissima laudatione miserunt . &c.

Et pro Sylla , n. 83. probat a Repugnantibus , eum nullam habuisse in conjuratione Catilinaria partem : Sed quid ? ego qui Catilinam non laudavi , qui reo Catilinæ Consul non adfui , qui testimonium de conjuratione dixi in alios , adeone vobis alienus a sanitate , adeo oblitus constantiae meæ , adeo immemor rerum a me gestarum esse videor , ut , cum Consul bellum gesserim cum Conjuratis , nunc eorum

Ducem conservare cupiam, & in animum inducam; cuius nuper ferrum retuderim, flammamque restinxerim, ejusdem nunc causam vitamque defendere? . . . Ego ille coniurationis investigator atque ulti, certe non defendereni Syllam, si conjurasse arbitrarer.

Quis est usus Repugnantium?

R. Multiplex ac frequens. 1. Deservit hic locus amplificationi, ut probat laudatus numerus 85. pro Sylla. Item Verr. 7. n. 84. Vide, quid interfit inter tuam libidinem, majorumque auctoritatem; inter amorem furor: mque tuum, & illorum consilium atque prudentiam. Illi aditum litoris Syracusanis ademerunt; tu maritimum imperium concessisti. Illi habitare in eo loco Syracusanum, quo nave accedere possent, noluerunt; tu classi & navibus praesesse Syracusanum voluisti. Quibus illi sue urbis partem ademerunt, iis tu imperii nostri partem dedisti.

Et pro Cælio, n. 45. probat non deditum ipsum suisse amoribus, quia repugnat, tantam eloquentiam, quanta elucebat in Cælio, stare posse cum amorum blandimentis atque deliciis. Atque scitote eas cupiditates, que objiciuntur Cælio, atque haec studia, de quibus dispuo, non facile in eodem boni esse posse. Fieri enim non potest, ut animus libidini deditus, amore, desiderio, cupiditate, sape nimia copia, inopia etiam nonnumquam impeditus, hoc, quidquid est, quod nos facimus in dicendo, non modo agendo, verum etiam cogitando possit sustinere. . . . Et n. 74. An hic, si se se isti vita dedisset, Consularem hominem admodum adolescens in judicium vocavisset? hic, si laborem fugeret, si obstrictus voluptatibus teneretur, in hac acie quotidie versaretur? appeteret inimicitias? in judicium vocaret? subiret periculum capitum? ipso inspectante populo Romano, tot menses aut de salute aut de gloria dimicaret?

Et pro Domo sua, n. 4. ubi probat, non suiste se expellendum a Cladio, quem ejectum omnes boni luxerunt: quo carere Civitas se non posse profitebatur.

2. Hic locus orationem illustrat: ut pro Milone, n. 2. Nam illa praesidia, que pro templis omnibus cernitis, eti contra vim collocata sunt, non afferunt tamen Oratori horroris aliquid, ut in foro & in judicio, quamquam praesidiis salutariis & necessariis septi sumus, tamen ne non timere quidem sine aliquo timore possimus.

Item Verr. 4. n. 159. ubi probat, fieri non potuisse, ut Siculi sua voluntate & non coacti statuas Verri erexit, quas decedente ipso e Sicilia dejecerant.

Quomodo tractandus hic Locus?

R. Vel per Affirmationem , cum ex affirmatione unius infertur negatio alterius ; vel per Negationem , ex qua inferatur affirmatio . Sic dum affirmat Tullius , magnos honores habitos fuisse Cælio etiam absenti ; negat eumdem fuisse non probatum suis Municipibus . Sic negat , Syllam habuisse ullam in conjuratione Catilinaria partem , quia ipsuni laudaverat , & ejus defensionem susceperebat .

E X E R C I T A T I O .

Roscius paterna cædis accusatus , quod in p-reempti patris cubiculo dormiens inventus esset , defenditur .

Locus a Repugnantibus .

S Y N O P S I S .

Exord. COnqueretur Orator de Accusatorum iniquitate , qui confectum dolore Roscium ob peremptum patrem , novo accusationis genere exanimet .

Propositio. Patrem Roscius non occidit : id tractabit per aliquam figuram .

Confirmatio. Petetur a Repugnantibus . 1. Quia dormiens filius in occisi patris cubiculo inventus est . Repugnat . ut quis , occiso patre , ullam quietis partem capiat : sed Roscius dormiens inventus est : ergo repugnat . ut Roscius patrem occiderit . Incipiet ab expositione Assumptionis , quod unum argumentum afferunt adversarii ad probandam accusationem , dicetque , hoc uno satis eximi suspicione sceleris miserum adolescentem : quam complexionem tractabit per varias Interrogationes . Tum veniet ad Propositionem , ostendetque fieri non potuisse , ut Roscius ullam quietis partem caperet , si occidisset patrem . Hoc probabit

1. Ratione petita a testimonio conscientiaz , quæ reum tanti sceleris perpetuo exagitat ; hoc esse primum nocentis supplicium .

2. Orestis exemplo , qui , matre interfecta etiam ad vindicandam patris mortem , exagitatus fuit a Furiis : quanto magis Roscius , si parentem optimum interfecisset ?

3. Ab iisdem Repugnantibus , ex parte amoris , quo Roscius filium , & filius vicissim patrem complectetur . Repugnat , ut patrem occiderit Roscius , quem amabat ; & a quo amabatur ; sed &c. Omissa Propositione , veniet ad

Assumptionem, ostendetque, quantus esset patris in filium amor, & vicissim filii in parentem.

4. Ex anteacta Rosci vita aliud argumentum a Repugnantibus elicit. Non potuit cadere parricidium in eum, cuius vita fuit innocens: sed Rosci vita fuit innocens: &c. Propositionem tractabit, dicetque scelus ejusmodi non eadere, nisi in eum, cuius vita fuerit perdita, quia nemo repente fit pessimus: ergo ostendatur in vita Rosci flagitium, per quod, quasi per gradus, ad parricidium pervenerit. Deinde Assumptionem tractabit: invitabit adversarios, ut probent corruptam fuisse Rosci adolescentiam.

Conclusio. Fiet per vehementem Deprecationem, qua commiserationem Judicum excitabit.

O R A T I O .

Quod unum Adolescenti optimo restabat in acerbissimo parentis amantissimi desiderio doloris solatium, ut ad persequendos impiæ cœdis autores curas omnes ac studia converteret; id hodie novo atque inaudito scelere non sustulerunt modo homines prudentissimi, sed recens adhuc ac cruentum miserabiliter vulnus insanabili plaga ulcerarunt.

Accusatur enimvero, & in vestrum judicium Roscius adducitur; compescere cogitur pias lacrymas, quibus filius optimus parenti optimo parentabat; & quam nefariis intersectoribus vindictam meditabatur, eamdem a seipso jubetur propulsare. Adeo nullum furori suo ponunt modum, quos Roscius adversarios patitur, nisi adolescentem miserum, quem, erepto patre, luctu perdiderunt, eumdem incredibili accusationis genere exaniment.

Quid agam, Judices? quid loquar? An diluendam serio accusationem illam aggrediar, quæ per se satis ipsa refellitur? scilicet ullam inveniat apud vos fidem, quod illi mentiuntur turpiter, aut erit vestrum quispiam, qui sibi persuadeat intersectum a Roscio parentem suum? Tam parum vobis notus esset adolescens suavissimus, ut vel levissimam sceleris tanti suspicionem in eum cadere posse putaretis?

At enim inclamantes audio ipsius adversarios. Eadem ipsa nocte, qua peremptus est Roscius pater, inquiunt, inventus filius patris in cubiculo altum dormiens. Egregium

gutn enīmērō , Judices , & ad faciendam fidem compāratum belle argumentum . Roscius occisi patris in cubiculo dormiebat . (*Repugnantia ab Adjunctis*) Ecquis ex vobis , Judices , qui vel ex hoc uno , quod firmissimum ponunt accusatores contentionis iniquas fundamentum , suspicione sceleris miserum adolescentem non liberet ? quis itatim non perspiciat conflatam hanc esse malevolorum invidia ad labefactandam innocentiam Rosci calumniam ? Non viderunt illi scilicet delatores minime mali , hac ipsa parte ruere accusationem , qua fulciendam eamdem esse arbitrabantur ?

Agite porro , Judices æquissimi , putatis quemquam . cum omnia divina atque humana jura scelere nefario polluisse , somnum statim capere potuisse ? ereditis , licuisse huic sine cura quiescere , qui ne spirare quidem sine metu sustinuissest ? Etenim sua quemque fraus , suis error maxime perturbat ; suum quemque scelus exagitat , amentiaque afficit ; suæ malæ cogitationes conscientiaque animum terrent ; atque illud solet primum esse nocentis supplicium , ut horrifícis admissi sceleris imaginibus torquatur . Ita se res habet , Judices : magnam vim , / magnam necessitatem , magnam religionem possidet paternus præsertim sanguis ; ex quo si qua macula concepta est , non modo elui non possit , verum usque permanet ad animum , ut summus furor atque amentia consequantur . Hæ sunt impiis assidue domesticæque furiæ , quæ dies noctesque parentum poenas a conseleratissimis filiis repeatant .

Hinc Orestes ille , quem patris ulciscendi causa ita sumpsisse legimus de matre supplicium ut Deorum immortalium monitis atque oraculis id fecisse dicatur , perpetuis tamen agitabatur furiis , quæ nec quiescere usquam miserum paterentur ; quod ne pius quidem sine scelere esse potuissest . Interim Roscius nulla impulsus ad interficendum patrem contumelia , nullo parentis odio provocatus , in recenti memoria peracti sceleris , conspersis adhuc ac cruentis sanguine paterno manibus , tam securus debitæ parricidis vindictæ , tam quietus perstitisset , ut alto demergi somno potuissest ?

(*Repugnantia a Caussis*) At enim quid his immoror diutius , Judices ? Jam sensitam inflistam optimo adolescenti calumniam ; jam illatam sceleris nefandi labem tacitis suffragiis depulisti . Notus vobis nimirum Rosci animus , spectata primis ab annis suavissima juvenis indoles , & tenerrimus in optimum parentem amor ; qui non modo

anti sceleris societatem non admittit , sed etiam vel levissimam suspicionis umbram amolitur . Scilicet Roscius parentem occidisset , quem amabat tantum , & a quo vicissim tantopere amabatur ? Oh si loqui posset infelix Roscius ! si redire rursum in hanc lucem ! Quo sensu doloris summo capit is in discrimine positum sua causta videret eum , quem non tam ipsa communio sanguinis , quam eximia spectatae pietatis officia & singularis quædani in parentem caritas amabilem efficiebat !

Sed redeat vox in memoriam , Judices , qualis ab ipso ineuntis ætatis exordio Roscius extiterit : hæc enim ipsa maleficium , quod irrogatur ipsi , magnitudo facit , ut nisi adolescentis in vita ostendantur expressa parricidii vestigia ; res profecto tanta , tam scelestæ , tam atrox , tam nefaria credi non possit . Proferatur ergo necesse est turpis adolescentia , omnibus flagitiis vita inquinata , sumptus estus cum probro ac dedecore , prorupta audacia , summa temeritas , quæ ab infania non abhorreat . Accedat huc oportet odium parentis , animadversionis paternæ metus , amici improbi , servi consciæ , tempus idoneum , locus opportune captus ad eam rem : pene dicam , respersas manus sanguine paterno Judices videant oportet , si tantum facinus credituri sint .

(Repugnantia ab Effectis) Vos , vos appello , accusatores nefarii , & tam inaudita calumniæ nequissimi artifices : edite nobis , excogitate , fingite etiam , si potestis , aliquod in tota Roscius adolescentia flagitium , per quod , qualis per gradus , ad istam quam imputatis ipsi , impietatem ascenderit . Nemo repente fit pessimus , sed in minimis noxis & levioribus peccatis exercitatum esse quempiam oportet , antequam in extrema sceleris prorumpat : vos mihi arripitis , quod vitiorum omnium extremum est ; relinquitis illa , quibus remotis , hoc ipsum esse non potest . Nulla culpanda familiaritas , non amor , non iustus , non convivia , non levitas animi ulla ostenditur : & cum ea non reperiantur quæ sceleris umbram habent , in eo summum furorem atque impietatis cumulum reperiri posse insuffissimi accusatores mentiuntur ?

Videte ergo , Judices , quo tandem animo in hac causa vos esse oporteat . Vestris in manibus adolescentis misericordia posita est . Videtis testes innocentia lacrymas , auditis suspiria , acerbissimum , quo jam exanimatus pene est infelix Roscius , luctum intuemini . Ah ! utinam vel hoc pretio redimere parentis vitam liceret ! utinam effusione

sanguinis eum ab interitu revocare posset ! Hoc ergo date
miseri adolescenti solatium , ut cum parente optimo ,
etiam boni nominis famam , quod unum bonum superest ,
amisisse per vos non videatur .

ALIA EXERCITATIO.

*Religio Christiana per universum orbem propagata ,
magnum miraculum .*

Locus a Repugnantibus .

SYNOPSIS.

Exord. & Prop. **D**Icet Orator , felix illud fuisse Religionis
ejusdem obsertere viderentur , tamen longe lateque disse-
minata sit .

Confirmationem petet i. a Repugnantibus Effectis .
Religio Christiana multa præcipit , quæ sunt naturæ con-
traria : puta abjecere se infra ceteros , cupiditates doma-
re , colere paupertatem , oblivisci injurias , inimicos dili-
gere , &c.

2. A Caussis Repugnantibus . An adhibitus ad id operis
Tullius aliquis , qui eloquentia ? an Philosopus , qui
argumentorum momentis ? an Imperator , qui potentissimo
instructus exercitu , Religionem illam colendam esse
persuaderet , aut ad eamdem amplectendam cogeret ? &c.
Id persecere vilissimi homunciones , pescatores duode-
cim , &c.

3. Ab Adjunctis Repugnantibus ! Resistentibus scilicet
populis , qui falsis addicti jam pridem essent Numinibus ;
vetantibus Imperatoribus , & vim tormentorum omnium
adhibentibus , ne Religio nova induceretur .

Denique veram caussam afferet : potentiam nimirum di-
vinam , qua instructi duodecim homines , rebus alioquin
humanis destituti , difficultates omnes superavere .

Concludet exclamando : O miraculum ! &c.

ORATIO.

Quam felici Religionis Christianæ fato fieri dicam , ut
quæ evelwendis ex hominum animis priscis erroribus , &

depravatis longo usū moribus emendandis, nata videbatur; ea tamen in orbem terrarum universum sic disseminata ac propagata sit, nulla ut regio, quantumvis recondita, suavissimo divinæ illius lucis splendore caruerit?

(*Repugnantia ab Effectis*) Agite enimvero: quot & quantas habuit Religio Christiana superandas difficultates, quot infirmando corruptæ naturæ præjudicia, antequam fidem apud mortalium animos aliquam inveniret? Illa compellebat homines abjicere se infra ceteros: at ii parati semper assurgere, subjacere nemini, omnibus superiores esse volunt. Illa coercere libidines, cupiditates frenare, animo dominari præcipiebat: at ii cupiditatibus liberius indulgent, & nullo temperari eas freno patiuntur. Illa distribuere facultates egentibus, diligere paupertatis incommoda admonebat; at ii cumulandis opibus inhiant, summamque in divitiarum possessione felicitatem esse possum arbitrantur.

Quid cetera appellem Religionis illius quot documenta, tot obstacula? condonare injurias, inimicos diligere, lacescitum silere, bene precari maledicentibus, contumeliis effectum beneficia rependere; a quibus quantum hominum indoles abhorreat, testes ipsi sumus, qui præceptionibus ilsdem jam dudum imbuti, vix ac ne vix quidem in iis exequendis dociles atque obsequentes invenimus.

(*Repugnantia a Gaußis*) Verum quibus tandem artibus adducti sunt homines, ut Religionem naturæ tam adversam, tam repugnantem moribus, amplecterentur? An adhibitus Tullius aliquis, qui sermonis elegantia demulceret animos, & eloquentiæ vi Religionis dignitatem extolleret? an Philosophus, qui rationum & argumentorum pondere suscipienda illius necessitatem demonstraret? an Imperator potentissimus, qui armorum metu cogeret populos, & extrema quæque contumacibus minaretur? Nullam, mihi credite, ex ista laude partem sibi vindicant, vel Orator, vel Philosophus, vel Imperator: totum illud, quantum quantum est, aggressi sunt duodecim vilissimi homunciones, qui fame morerentur, nisi pisciculos caperent, rudes, illiterati, contemptibiles, ignoti. Et tamen (quis credat) opus tam arduum, tam difficile, tam humanis impar viribus, perfecere, quod neque Eloquentiæ subsidiis Oratores, neque argumentorum momentis Philosophi, neque Imperatores numerosissimis exercitiis, non dicam exequi, sed ne tentare quidem ausi fuissent.

(Repugnantia ab Adjunctis) Quamquam ne quis existimet sic inventam in orbem terrarum ab ipsis hominibus Christianam Religionem , ut conspirantibus in unum animis excepta sit . Imo tanto infensiores habuit adversarios , quanto graviores leges imponebat . Obstitere populi , quibus , dum inanem fallorum Numinum cultum proscripteret , interdictum volebat quidquid in deliciis atque in amoribus aliquando habuissent : obstitere Principes , quorum dissolutos & omni flagitorum genere inquinatos mores arguebat : obstitere , quantum erat in ipsis , Romani Imperatores , ne fidem obtineret illa Religio , quæ retundebat fastum ipsorum atque superbiam , quæ effrenatam dominandi libidinem intra iustos limites coercebat . Quas porro illi artes , quas nos admovere machinas , ut serpentem manantemque latius , invitis ipsis ac repugnantibus , Religionem Christianam reprimerent , & suo in ortu penitus extinguerent ? Quid hic referam eculeos , flagella , rotas , cruces , serventia liquati plumbi balnea , ardentes craticulas , incensos rogos , & alia id generis crudelissima supplicia , in quibus Neronum furor , Diocletianorum , ac Caligularum immanitas triumphabat ? Quid eloquar blanditias , promissa , divitiarum voluptatumque illecebras , quibus vires frangere , enervare animos , eorumque debilitare constantiam pertentarunt , quos aperta vi superare non potuerant ? Verum neque blandis deliciarum irritamentis emolliti , neque suppliciorum infraicti terroribus , Piscatores illi duodecim obstatula quæque fortiter devicere , & pugnantibus nequicquam contra ipsos rebus , ut sic loquar , universis , Christianam ubique terrarum Religionem stabiliere .

At enim sic destituti præsidiis , unde vim roboris tantam häufere ? Repetamus altius prodigiorum tam insolentium magnitudinem . Aderat nimirum ipsis e Cælo Deus , cuius caussam agebant in terris . Hinc periculis omnibus confidentia illa superior , hinc ex ipsis difficultatibus rerumque angustiis fortitudo animi major crescebat . Quid enim divinæ potentiaz , qua freti tam ardua tamque inaudita moliebantur , resistere valeat ? quid hominum consilia contra supremam voluntatem potuissent ? O vim divinæ potentiaz admirabilem ! o miraculum nulla temporum memoria conticescendum !

C A . P U T I V .

Locus ab Adjunctis.

DRequentissimus est hujus loci usus , & Oratori maxime necessarius , cum nulla pars sit Orationis , cujuscumque generis illa sit , cui non interviat .

Quid sunt Adjuncta?

R. Sunt ea quæ cum re de qua agitur , non necessario quidem , sed probabiliter cohærent .

Quot sint Adjunctorum genera?

R. Tria . Præcedentia , quæ rem præcedunt ; Comitantia , quæ rem comitantur ; Consequentia , quæ consequuntur .

Quid sunt Adjuncta Præcedentia?

R. Caussæ , consilia , injuriæ illatæ vel acceptæ , consuetudo , minæ , suscepsum iter , omnis denique institutus ad rem apparatus .

Habes exemplum in Oratione pro Sylla , n. 52. ubi ab Adjunctis Præcedentibus probat , ipsum cum Catilina non conjurasse . Nam quis est igitur , qui sum dicat in campum aspirasse Syllam ? Atqui si tum se cum Catilina societate sceleris conjunxerat , cur ab eo discedebat ? cur cum Autronio non erat ? cur in pari caussa non paria reperiuntur signa criminis ? . Hoc tempore , cum acerrime ardet conjuratio : cum Catilina egredetur ad exercitum ; Cassius incendiis , Cetbegus cædi præponeretur : Lentulus in urbe relinqueretur : Autronio , ut occuparet Etruriam , præscriberetur : cum omnia ordinarentur , instituerentur , parerentur : ubi fuit Sylla , Cornelii ? Num Rome ? immo longe abfuit . Num in iis regionibus , quo se Catilina inferebat ? multo etiam longius . &c.

Et pro Milone , n. 51. Video adhuc constare omnia , Judicæ : Miloni etiam utile fuisse Clodium vivere ; illi ad ea , quæ concapierat , optatissimum interitum Milonis : odium fuisse illius in hunc acerbissimum ; in illum hujus nullum : consuetudinem illius perpetuam in vi inferenda ; hujus tantum in repellenda : ... Ex his Antecedentibus probat Clodium fuisse insidiatorem .

Et pro Murena , n. 13. probat saltatorem non fuisse Murenam , quia in eo non reperiuntur ea omnia quæ saltationem vulgo antecedunt : qualia sunt , intemperantia , convivium intempestivum , & aliæ id genus deliciæ , quam extrema est saltatio .

Quæ-

Quænam sunt Adjuncta Comitantia?

R. Ad septem genera vulgo revocantur, quæ hoc versiculo continentur.

Quis, Quid, Ubi, Quibus Auxiliis, Cur, Quomodo, Quando.

Habes Illustræ Comitantium Adjunctorum exemplum pro Milone, n. 54. Si hæc non gesta audieritis, sed picta videtis; tamen appareret uter esset insidiator, uter nihil cogitaret muli, (*Quid*) cum alter vebretur in rheda penulatus, una federet uxor. *Quid* horum non inpeditissimum? vestitus, an vehiculum, (*Quis*) an comes? quid minus promptum ad pugnam, cum penula irretitus, rheda impeditus, uxore gene constrictus esset? *Viciete nunc illum*, (*Quando*) primum egredienteem e villa, subito; cur? vespere: (*Cur*) quid necesse est? tarde; qui convenit, præsertim id temporis? *Divertit in villam Pompeji*. Pompejum ut videret? (*Quibus auxiliis*) Sciebat in Alstensi esse. Villam ut perspiceret? millies in ea fuerat. *Quid ergo erat moræ, & tergiversationis?* Dum hic venivit, locum relinquere noluit. Age nunc, iter expediti latronis cum Milonis impedimentis comparate. (*Quomodo*) Semper ille antea cum uxore: tum sine ea. Numquam non in rheda: tum in equo. Comites Græculi, quocumque ibat, etiam cum in castra Etrusca properabat: tum nugatum in contitatu nihil. Milo, qui numquam, tum casu pueros symphoniacos uxoris ducebat, & ancillarum greges. Ille, qui semper secum scorta, semper cxoletos, semper lupas ducebat, tum neminem, nisi ut virum a viro lectum esse dices. *Cur igitur victimus est?* (*Ubi*) quia non semper viator a latrone, non numquam etiam latro a viatore occiditur: quia, quamquam paratus in imparatos Clodius, tamen mulier incidenter in viros.... Habes præcedente numero 53. circumstantiam Locci. Videamus nunc id, quod caput est: locus ad insidias ille ipse, ubi congressi sunt, utri tandem fuerit aptior. &c.

Quænam sunt Adjuncta Consequentia?

R. Sunt ea, quæ rem gestam subsequuntur: ut pallor, rubor, incessus titubans, frequens anhelitus, reprehensio publica, hæsitatio, exhaustum patrimonium, morbi, gladius cruentus, clades, &c.

Habes egregium exemplum Adjunctorum subsequentium, pro Milone, n. 61. *Quod si nondum satis cernitis, cum res ipsa tot tam claris argumentis, signisque, luceat, pura mente atque integra Milonem, nullo scelere imbutum, nullo mente perteritum, nulla conscientia exanimatum, Romani reveruisse: recordamini, per Deos inmortales! que fuerit celeritas redi-*

reditus ejus : qui ingressus in forum , ardente Curia : quæ magnitudo animi , qui vultus , quæ oratio . Neque vero se Populo solum , sed etiam Senatui tradidit : neque Senatui modo , sed etiam publicis praesidiis , & armis : neque his tantum , verum etiam ejus potestati , cui Senatus totam Republciam , omnem Italiæ pubem , cuncta Populi Romani arma coniunxit . Cui se numquam profecto tradidisset , nisi caussæ sue considereret ; præsentim omnia audienti , magna metuenti , multa suspicanti , nonnulla credenti . Magna vis est conscientiae , Juges , & magna in utramque partem : ut neque timeant , qui nibil commiserint ; paenam semper ante oculos versari putent , qui peccarint .

Et pro Flacco , n. 99. Cum tabella vobis dabitur , Judges , non de Flacco dabitur solum : dabitur de ducibus auctoribus que conservandæ civitatis ; dabitur de omnibus bonis civibus ; dabitur de vobismetipsis ; dabitur de liberis vestris , de vita , de patria , de communii salute . Non iudicatis in hac causa de extremis nationibus , non de sociis : de vobis , ac de vestra Republica judicatis .

Item Philippica septima pene tota negat Antonium admittendum esse in civitatem , idque probat ex iis malis , quæ secum importaturus in urbem esset .

Et pro Milone , n. 78. recenset pericula , quæ Reipublica imminebant , si Clodius a Milone interfectus non fuisset . Mandate hoc memorie , Judges . Spero multa vos , liberosque vestros in Republica bona esse visuros . In his singulis ita semper existimabitis , vivo P. Clodio , nibil borum vos visuros fuisse . In spem maximam , & quemadmodum confido , verissimam adducti sumus , hunc ipsum annum , hoc ipso summo viro Consule , compressa bominum licentia , cupiditatibus fratris , legibus & judiciis constitutis , salutarem civitati fore . Num quis igitur est tam demens , qui hoc , P. Clodio vivo , contingere potuisse arbitretur ? Quid ? en , quæ tenetis , privata atque vestra , dominante homine furioso , quod jus perpetue possessionis babere potuissent ? &c.

Quis est Adjunctorum usus ?

R. Frequentissimus est , quam qui maxime , præse tim tamen valet ad laudem ac vituperium , item ad describendum & narrandum . Etiam in exquirenda intentione formandisque conjecturis plurimum potest . Pro Roscio Amerino , n. 85 . Hunc quæsitorem ac judicem fugiebant , atque horrebant ii & quibus periculum creabatur : ideo quod , tametsi veritatis erat amicus , tamen natura non tam propensus ad misericordiam , quam implicatus ad severitatem videbatur .

Quomodo amplificandus & ornandus hic Locus?

R. Primo expendendum est, quid uniuscuiusque circumstantiae nomine intelligatur. 2. Consulendus est Cicero, & ad ejus imitationem recurrendum. Atque ut diligentior habeatur Adjunctorum notio, singula explicabimus, & petitatis ex Cicerone exemplis illustrabimus.

Quis. Personas significat, in qua spectare oportet affectiones animi varias, amorem, iram, artes, virtutes: puta, justitiam, prudentiam, fortitudinem &c. item vitia: v. g. avaritiam, ambitionem, iracundiam, & reliquas animi labes. Præterea in persona de qua agitur, attendenda figura corporis, deformitas, pulchritudo, fortunæ, sive bona externa, nomen, genus, conditio vitæ.

Adjuncta Personarum tractat Cicero Verr. 7. n. 143. In exterritorum hominum, & maleficorum, scelerorumque, in predonum hostiumque custodias, tu tantum numerum civium Romanorum includere ausus es? Numquamne tibi judicii, numquam concionis, numquam bujus tantæ frequentie, quæ nunc animo te iniquissimio infestissimoque intuetur, venit in mente? numquam tibi Populi Romani absensis dignitas, numquam species ipsa bujuscemodi multitudinis in oculis animoque versata est? numquam te in horum conspectum reditum, numquam in Forum Populi Romani venturum, numquam sub legum & judiciorum potestatem casurum esse putasti? At quæ erat libido crudelitatis exercende? que tot scelerum suscipiendorum causa? Nulla, Judices, præter predandi novam singularemque rationem.

Et n. 147. Videtis cives Romanos gregatim conjectos in latumias: videtis indignissimo in loco coacervatam multitudinem vestrorum civium. Quærite nunc vestigia, quibus exitus illorum ex illo loco compareant. Nulla sunt. &c. Idem persequitur n. 148. & 149.

Ita defendit Roscius Amerinum, n. 39. & ab Adjunctis personæ probat non fuisse ab eo patrem occisum. Patrem occidit Sex. Roscius. Qui homo? Adolescentulus corruptus, & ab hominibus nequam inductus? Annos natus magis quadraginta. Vetus videlicet sicarius, homo audax, & saepè in cœde versatus? At hoc ab accusatore ne dici quidem audistis. Luxuries igitur hominem nimirum, & æris alieni magnitudo, & indomitæ animi cupiditates ad hoc scelus impulerunt. De luxuria purgavit Erius, cum dixit, hunc ne in convivio quidem ullo fere interfuisse. Nihil autem umquam debuit. Cupiditates porro quæ possunt esse in eo, qui (ut ipse accusator objicit) ruris semper habitarit, & in agro excelen-

do vixerit, que vita maxime disjuncta a cupiditate, & cum officio conjuncta.

Et pro Dejotaro, n. 26. probat eum non saltasse senem, qui puer gravissimus & severissimus fuerat.

Pro Cælio, num. 42. excusat liberiorem consuetudinem a persona Cælii, cuius adolescentiæ multa ignosci oportebat.

Pro Comœdo, n. 20. Hominem defendit ex Adjunctis personæ, quibus Chæream fraudulentum probat, & ab eo deceptum Roſcium ostendit.

Catil. 3. n. 13. ab Adjunctis personarum conjuratos sceleris reos arguit. Ac mihi quidem, Quirites, cum illa certissima sunt visa argumenta atque indicia sceleris, tabellæ, signa, manus, denique uniuscujusque confessio: tum multo illa certiora, color, oculi, vultus, taciturnitas. Sic enim obſtupuerant, sic terrum intuebantur, sic furim nonnumquam inter se aspiciebant, ut non jam ab aliis indicari, sed indicare se ipſi viderentur.

Et Catil. 2. n. 5. conjuratorum vim & copias a vilitate personarum elevat ac deprimit, & eosdem describit, n. 10. & 18.

Verr. 7. n. 139. flagitium Verris exaggerat a dignitate civium Romanorum, quos virgis cædi cruentum in modum justerat.

Philip. 3. a n. 28. ad 32. bellum suadet in Antonium ab Adjunctis personæ ipsius Antonii, cuius mores ac vitia describit.

Quid. Negotium ipsum, vel remi de qua agitur, explicat.

Habes exemplum illius Adjuncti Verr. 7. n. 148. ubi crudelitatem Verris in cives Romanos exaggerat.

Si quis Rex, si qua civitas exterarum gentium, si quæ natio fecisset aliquid in ciuem Romanum ejusmodi, nonne publice vindicaremus? non bello persequeremur? possemus hanc injuriam, ignominiamque nominis Romani inultam, impunitamque dimittere? Quid bella majores nostros, & quanta suscepisse arbitramini, quid cives Romani injuria affecti, quod navicularii retenti, quod mercatores spoliati dicentur? At ego retentos non queror: spoliatos ferendum puto: navibus, mancipiis, mercibus adeptis, in vincula coniectos esse mercatores, & in vinculis cives Romanos necatos esse arguo. &c.

Et ibid. n. 166. Si tu apud Persas, & in extrema India deprehensus, Verres, ad supplicium ducerere: quid aliud clamitares, nisi te esse Ciuem Romanum? &, si tibi ignoto apud

igno-

ignotos, apud barbaros, apud homines in extremis atque ultimis gentibus positos, nobile & illustre apud omnes nomen tuæ civitatis profuisset; ille, quisquis erat, quem tu in crucem rapiebas, qui tibi esset ignotus, cum civem se Romanum esse dicebat: apud te Praetorem si non effugium, ne moram quidem mortis, mentione utque usurpatione civitatis assequi potuit.

Ubi. Differentias loci complectitur, & varias species: ut si profanus, si sacer, si publicus, si privatus, si agrestis, si urbanus.

Luculentum Adjuncti illius exemplum Philip. 2. n. 63. Sed haec, que robustioris improhibitatis sunt, omittamus: loquamur potius de iniquissimo genere levitatis. Tu ipsis fauicibus, ipsis lateribus, ista gladiatoria totius corporis firmitatem tantum vini in Hippæ nuptiis exhauseras, ut tibi necesse esset in conspectu populi Romani vomere postridie. O rem non modo visu fœdam, sed etiam auditu! si inter cœnam, in ipsis tuis immanibus illis poculis, hoc tibi accidisset, quis non turpe duceret? in cœtu vero Populi Romani negotium publicum gerens, Magister Equitum, cui ruetare turpe esset, is vomens, frustis esculentis, vinum redolentibus, gremium suum & totum tribunal implevit.

Et n. 68. Tu ingredi domum illam ausus es; tu illud sanctissimum limen intrare? tu illarum ædium Diis Penatibus os importunissimum ostendere? Quam domum aliquamdiu nemo aspicere poterat, nemo sine lacrymis præterire: bac te in domo tamdiu diversari non pudet? in qua, quamvis nihil sapias, tanien nihil tibi potest esse jucundum. An tu illa in vestibulo rostra, spolia cum aspexisti, domum tuam te introire putas? ... Me quidem miseret parietum istorum atque tectorum. Quid enim umquam domus illa viderat, nisi pudicum, nisi ex optimo more & sanctissima disciplina? Fuit enim ille vir, Patres conscripti, (Pompejus) sicut scitis, cum foris clarus, tum domi admirandus, neque rebus exteris magis latendus, quam institutis domesticis. Hujus in sedibus pro cubiculis stabula, pro tricliniis popinæ sunt.

Eiusdem computationes & luxum in domo Varronis, hominis abstinentissimi, exaggerat n. 194.

Et pro Milone, n. 53. ex opportunitate loci, ex quo pugnabat Clodius, arguit Milonem fuisse insidiatorem.

Et ibid. n. 90. scelus Clodii, qui incenderat Curiam, a loci sanctitate amplificat. Templum sanctitatis, amplitudinis, mentis, consilii publici, caput urbis, aram sociorum, portum omnium gentium, sedem ab universo Populo Romano uni ordini concessam vidimus inflammari, exsciendi, funestari.

. Et

Et oratione 2. in Rullum , n. 94. Campanos arrogantes libidinibusque perditos a natura loci arguit .

Quibus auxiliis , hoc est , quibus instrumentis ac præsidis , an baculo , an gladio , an sica ? vel quibus ministris , auctoribus , adjutoribus ?

Exemplum habes , pro Milone in loco jam laudato , ubi tam Milonis , quam Clodii apparatum describit . *Age nunc , iter expediti latronis* , &c.

Et Philip. 2. n. 58. describit apparatum , quo Antonius incedebat cum Mima sua . *Vehebatur in effedo Tribunus plebis : victores laureati antecedebant : inter quos , aperta lectica , Mima portabatur : quam ex oppidis Municipales , homines honesti , obviam necessario prudeentes non noto illo & mimico nomine , sed Volumniam consulutabant . Sequebatur rhea da cum lenonibus , comites nequissimi : rejecta mater amicam impuri filii , tamquam nurus , sequebatur .*

Adde Clodianam cædein , quæ Miloniana tota ab eo loco describitur .

Cur , Causam significat , maxime efficientem & finalem , ut quo consilio , qua spe , quo motu , &c.

Eo loco Cicero utitur ad Milonis defensionem , n. 32. *Satis est quidem in illa tam audaci , tam nefaria beltua , docere , mugnam ei caussam , magnam spem in Milonis morte propositum , magnas utilitates fuisse .*

Et ibidem , n. 49. *Age , sit ita factum : que caussa , cur Romanam properaret ? cur in noctem se conjiceret ? quid afferebat caussa festinationis ? Quod heres erat ? Primo erat nihil , cur properato opus esset : deinde : si quid esset , quid tandem erat , quod ea nocte consequi posset ; amitteret autem , si postridie mane Romanam venisset ?*

Quomodo , totius rei gestæ varios modos complectitur ; ut si triumphus , si cædes , si sacrificium narratur , statim modus ipse & ratio ponitur ante oculos . Potest enim diversa ratione triumphus decerni & institui , item & cædes .

Exemplum habes 7. Verr. num. 190. *Ipse inflammatus sceleri & furore , in forum venit . Ardebant oculi : toto ore crudelitas eminebat . Expectabant omnes , quo tandem progressurus , & quidnam acturus esset : cum repente hominem proripi , atque in foro medio nudari , ac deligari , & virgas expediri jubet . Clamabat ille miser , se civem Romanum esse ... Cædebat virgis in medio foro Messanæ Civis Romanus , Judices ; cum interea nullus gemitus , nulla vox alia istius miseri , inter dolorem , crepitumque plagarum audiebatur , nisi*

si hæc: Civis Romanus sum. Hac se commemoratione civitatis omnia verbæ depulsum, cruciatumque a corpore dejectum arbitrabatur. Is non modo hoc non perfecit, ut virgarum vim deprecaretur: sed, cum imploraret sepius, usurparetque nomen civitatis; crux, crux, inquam, infelici & ærumnoso, qui numquam istam potestatem viderat, comparabatur. &c.

Ad eum porro locum refertur, quidquid tam de Hypothosi, quam de Ethopœja, in libro de Figuris diximus. Duæ enim istæ figuræ natæ sunt ad rerum gestarum rationem graphice describendam.

Quando. Tempus significat, quo aliquid sit actum: an nocte? an pleno die? an æstate? an hieme? &c.

Pro Quintio, n. 81. Nævium Tullius coarguit; probatque septuaginta passuum millia aut esse biduo decursa, aut Sex. Nævium compluribus diebus ante mississe in possessionem, quam postularet, ut ipsi bona possidere liceret.

Pro Lege Manilia, n. 33. Pompeji victoriam commendat a celeritate. Tantum bellum, tam diurnum, tam longe lateque dispersum, quo bello omnes gentes ac nationes premebantur, Cn. Pompejus extrema hieme apparavit, ineunte vere suscepit, media æstate confecit.

Pro Milone, n. 49. Atque ut illi nocturnas ad urbem adventus vitandus potius, quam expetendus fuit: sic Miloni, cum insidiator esset, si illum ad urbem noctu accessurum sciebat, subsidendum atque expectandum fuit. Noctu, invidioso & pleno latronum in loco occidisset. Nemo ei neganti non credidisset, quem omnes salvum esse, etiam confidentem, volunt. Sustinuissest hoc crimen primum ipse ille latronum occultator & receptator locus, dum neque muta solitudo indicasset, neque cæca nox ostendisset Milonem.

E X E R C I T A T I O.

Goliath immanis Gigas a juniore Davide prostratur.

Locus ab Adjunctis Comitantibus.

S T R N O P S I S.

Quis. A N ille est tam timendus hostis populo Israeliti. co? &c.

Quid. Describetur informe cadaver, immanis truncus, avulso capite, spirantes adhuc minas oculi, &c.

Ubi. Invitabit Orator Philistæos, ut propioribus oculis R aspi-

aspiciant Imperatorem suum , tingentem suo sanguine terram illam , in qua laurearum segetem metere cogitabat .

Quibus auxiliis . Tractabit Locum illum per Sustentationem . An exercitus totus in hominem irruit ? an bellator aliquis egregius illum oppressit ? an Saul ipse ? Hoc perfecit adolecentulus .

Cur . Sic mortalium fastus reprimit Deus , sic amat hostes suos levibus instrumentis profligare , ne &c .

Quomodo . Non percutit semper Deus nocentes fulmine , non ferrum adhibet , aut faces &c . Erit posteris documentum prostratus bellator funda & lapide .

Quando . Hortabitur Israelitas , ut agant gratias Deo , cuius in extremo rerum suarum discrimine amicam manum tenserint .

O R A T I O .

Quid video ? quale se meis oculis offert spectaculum ? Hiccine est immanis Gigas Israelitico populo tam timendus hostis ? (*Quis*) quem aggredi nemo sustinuit , nemo provocantem ad pugnam ausus est opperiri ; qui solus magni instar exercitus haberi poterat ; cuius vel ad aspectum fortissimi bellatores expavescebant : tantum animi ferocitate , virium præstantia , corporis immanitate ceteris mortalibus prævalebat . Proh ! quam mutatus a semetiplo , quam dissimilis objicitur !

(*Quid*) En jacet informe cadaver , extenditur truncus ingens , & avulsum humeris caput suo natat in sanguine . Frustra resides iras spirant adhuc oculi , & in torva fronte prioris audaciæ vestigia deprehendas : si let lingua procax in omne tempus , & lumina in æternam noctem clauduntur .

Adeste Philisthæi , quotquot etis , tanto præsidio , dum viveret , tumidi nimium & insolentes : accedite propius ; aspicite curiosis oculis vestrum Imperatorem . Ecce terram illam suo inficit sanguine , quani inaccessam fore & ab armis nostris intactam confidebatis . (*Ubi*) Hic dedecoris & opprobrii multa vobis seges exsurgit , ubi laurearum ac palmarum messem amplian expectabatis .

At quis prostravit tam terribilem , tam metuendum bellatorem ? quis spes cum eo vestras affixit ? quis illatam toti populo ipsique Deo injuriam vindicavit ? (*Quibus auxiliis*) An irrumpens in eum universus exercitus sua hominem unum multitudine oppressit ? an selectus ex omni populo vir aliquis fortissimus formidandum Gigantem aggressus est ? an ipse Saul tot palmarum nobilis , & partis toties de-

Phi-

Philistæa gente victoriis conspicuus , tumidos viri insoleatis fastus repressit ? Expectate dignius aliquod admiratione facinus , & prædicandum posteris miraculum suspicite . Rem peregit pastor imbellis , rudit & imperitus belli adolescens tulus , & tractandis armis nondum idoneus .

(Cur) Sic mortalium superbiam confundis , o Deus ! ac ne quis suo confusus robore & solertia ferox insolescat ; ne debitam tibi rei bene feliciterque gestæ gloriam audeat sibi vindicare : quos adversarios experiris , quos plectere pro tua æquitate statuisti , eosdem amas levibus quibusque instrumentis profligare .

(Quomodo) Neque vero fulmine semper nocentes feris , & dejicis superbos : non adhibes ferrum & faces ad vindicandas hominum injurias . Erit in omne tempus salubre mortalibus documentum immanis ille Colossus funda prostratus & lapide , quid valeas ; quam frustra tibi genus hominum illudat ; quam sit inutile ac supervacaneum , quidquid contra voluntatem tuam struit ac molitur .

(Quando) Vos vero , dilectus supremo Numinis & amabilis populus , plaudite , Israelitæ , & immortales liberatori vestro gratias persolvite . Sic ille vestræ saluti consulit , sic opitulatur suis , & in extremo rerum discrimine , cum spes affulget nulla , cum retro fluere ac desperata prorsus esse cuncta dices , acerrimum se defensorem ac præsentilissimum vindicem exhibit .

ALIA EXERCITATIO.

Trajectus a Gallis Rhenus , inspectante & obstante in adversa ripa hostium exercitu .

Ab iisdem Adjunctis Comitantibus :

S T N O P S I S :

Quis . Exordietur a laudatione gentis Gallicæ , cui nihil licet esse impossibile , quantumvis plenum periculis videri possit .

Quid . Describet objectas Gallicæ virtuti moras . Non fossæ , non paludes , non propugnacula hostium manibus extorta , sed flumen rapidissimum & altissimum natura sua Gallorum impetus retardabat .

Quibus auxiliis & Quomodo . Dicet Orator Gallos non construxisse pontem , exemplo Xerxis ; non derivasse flumen , ut

fecerat olim Cyrus; non comparasse navigia, sed ingressos flumen ipsum & rapidissimas aquas equo trajecisse, in quibus stare pontium structura non potuisset.

Ubi & Quando. Describet expertes formidinis Gallorum animos mediis in periculis; stantes adversa in iipa hostes, & tormenta omnia in Gallos explodentes.

Cur. Ostendet uno comparanda gloriæ & ostentanda fortitudinis desiderio impulsos ad tentandam tanti periculi aleam.

Concludet extollendo prodigium illud vix ullam apud posteros fidem inventurum.

O R A T I O .

Ne pigeat revocare in memoriam illustrissimum Gallicæ fortitudinis specimen, & facinus omnium linguis ac sermonibus decantatum toties, etiam post longum tempus retractare. (*Quis*) Crederent umquam posteri, quod dicturi sumus, & rei tam fidelibus monumentis consignatae fidem adjungerent, nisi jam diu eam obtinerent Galli apud universos populos famam, nihil ut tam arduum, quod non aggrediantur, nihil tam plenum periculis, quod non ultro subeant, nihil tam inexpugnabile, quod vincere non soleant ac superare?

(*Quid*) At quantum illud fuit, quamque ad admirationem singulare, quod de ipsa rerum natura triumphare Galli visi sunt, neque oppositis ab ea potentissimis obicibus potuit virtus eorum invicta retardari! Vedit enimvero noster exercitus objectam sibi non fossæ, non muri, non propugnaculi, non paludis moram, aut quidvis aliud inusitati operis repagulum, quod hominum manus fabricaverant; sed altissimi rapidissimique fluminis alveum: Rhenum uno verbo, quem non tam muniti undique aggeres, propugnacula, insulæ tuerentur, quem vis aquarum immensa, & nusquam hactenus pertentata defenderet: vedit, inquam, neque has sibi vias insuperabiles putavit.

(*Quibus auxiliis & Quomodo*) Tamen non contabulavit fluvium, ut Xerxes, aut Cæsar; non derivavit, ut Cyrus; non adhibuit navigia, ut mos est bellorum martisque communis: sed immensos aquarum vortices, illud pelagus, securus eques ingreditur; pedem figit, ubi stare pontium structura non potuisset; aquas ambulat, quas nayigiis transmittere periculosum fuisset.

(*Ubi & Quomodo*) Quod si fecisset unus aliquis in tan-

tanto exercitu, si imminentis hostis contemptor in adversam ripam evasisset, hominis industriam, fortitudinem miraremur. Nunc autem traiecle turmas integras, inspiciehte hoste, ripam insidente, tormentis, jaculis, telis omnibus ingruente, non repulsas fuisse, non territas; sed in hostium arcis intonuisse, ex inferiore loco irruisse in propugnacula, obstantes ac repugnantes trucidasse, mactasse, occidisse: id si admirabile quiddant ac prodigiosum non dicimus, vestram fidem, quid deinceps a nobis in miraculorum numero reponetur?

(Cur). Neque vero haec patrata quis putet a Gallis aut periculi metu, quod instaret, aut potiusque spe præda, quam ambirent, aut propagandi longius imperii gratia, quod interpositi fluminis repagulum arctius coiceret: fuerint illa priscis hercibus virtutis incitamenta. Haec una genti Gallicæ merces proposita, unum hoc erit tantæ fortitudinis præmium, si nova quædam fiat ad comparatam jam laudem accessio, & inusitatum antea invicti robori exemplum futuris æstatibus ostentetur.

Gaudet ergo parta tam insigni facinore gloria, & apud seros nepotes eam quam meruit, fortitudinis invictæ laudem, sibi gratuletur.

EXERCITAATTO.

Vitellii in Senatu Oratio, qua Pisonem illustrare Germanico mortis reum accusavit;

Locus ab Adjunctis Antecedentibus, & Consequentibus.

S Y N O P S Y S S

Exordi. **D**icit, non venire se aut communi aut proprio inflatum odio ad Pisonem accusandum.

Propositio. Deferre se ad Senatum extrema morientis Germanici verba, quibus ipsorum agitatem adversus interficitem suum flagitabat: quod unum etsi sufficeret ad probandam accusationem, multa alia ad eamdem confirmam-
lam concurrere.

Confirmatio. Petetur ex duplice capite. i. Ab Adjunctis Antecedentibus, & ab odio Pisonis in Germanicum, quod probabit tam a publica oratione quam habuerat Piso in Germanicum Athenis, quam a privatis sermonibus, in quibus carpere Germanicum affectabat.

1. A corrupta militia in Syria , suscepit fortissimum Centurionum in locum ignavis militibus , quos ea ratione conciliatos in Germanicum incitaverat .

3. A missis frequenter exploratoribus , dum Germanicus agrotaret , qui morbi & porrecti veneni eventum nunciarent .

Deinde idem arguet ex Adjunctis Consequentibus , & 1. a iudis & sacrificiis , & aliis laetitiae signis , quæ Piso post Germanici mortem ediderat , quem locum tractabit per Aut theses , comparando Pisonis gaudium cum publico Romæ , civitatum , totius exercitus moerore .

2. Ab alba veste , quam Plancina Pisonis conjux induerat , atra quam gerebat , deposita .

3. Ab oppugnata Agrippinæ classe , quæ Germanici cines res cum universa ejus familia veheret . Non habuit satis Piso tollere Germanicum de medio , nisi totam ejus familiam perderet , quasi vero speravisset defuturos accusatores , si spem gentis inclitæ totam excidisset .

4. Ab absentia Pisonis , qui venire Romam iussus ad purgandum illatum crimen , abnuerat obsequi .

Denique ab ornata Pisonis domo , quam ut Judices subire velint , sceleris vestigia deprehensuri , hortabitur .

Conclusio. Per Deprecationem. &c.

O R A T I O .

Etsi incredibilis civitatis totius in præmatura Germanici morte luctus ac moeror , meaque cum fortissimo Principe necessitudo satis me adhortantur , ut meritas ab æquitate vestra judiciorumque vestrorum severitate in parricidiam ipius repetam poenas ; nolite tamen existimare , Patres conscripti , me vel publico vel privato adductum odio in istud sanctitatis domicilium accessisse , ut Pisonem , vi rum post hominum memoriam longe scelestissimum , in tam frequenti confessu accusarem .

Quare ignoscet mihi vel in ipsis rerum adjunctis universus populus , si neque suis , neque mei ipsius inimicitiis hodie serviam . Satis habebo deferre vobis , Patres conscripti , tristes infortunatissimi Principis querelas , qui nefario adversariorum suorum sceleri coactus cedere , hoc unum habuit acerbissimæ mortis solatium , si suam vestrīs in manibus caußam deponeret . Utinam extremos morientis spiritus recipere , & ultimas voces audire vobis contigisset ! Parcite (inquietabat , unumquemque nostrum , fidissimos rerum sua-

suarum comites respiciens) parcite, amici, inanibus lacrymis miseri Principis funus prosequi.

Extremæ gentes Germanicum lugeant: vos, si quid amico indulsum volueritis, facite, Senatus ut sciatur, me Pisonis odio atque insidiis interceptum interire. Hæc una vox, hoc unum fortissimi viri testimonium, et si sufficeret per se satis ad evincendam interfectoris perditissimi improbitatem; tamen offerunt se mihi tam multa sceleris argumenta, ut perstringendis eorum nonnullis temperare non possum.

(*Adjuncta Antecedentia, Odium.*) Oderat Germanicum Piso, Patres conscripti, & ita oderat, ut nulla provocatus umquam injuria suam Germanico salutem ac vitam deberet. Sed quid adeo mirum est, si Pisoni cum tanto viro tam parum conveniret? Nam quæ poterat esse societas rationis cum amentia, pudoris cum libidine, fortitudinis cum ignavia, virtutum omnium cum nequissimo vitiorum omnium comitatu? Quid dicam, quam sæpe privatis in colloquiis maledicendi de Germanico, vellicandi res ab eo præclare gestas, adlinendi labem ipsius moribus occasionem arriperet? Saltem si pestiferum invidiæ suæ virus inter angustos nefarii pectoris limites continuisset, si tantum inter paucos conceptæ jam diu malevolentia labem effudisset. (*Maledicta privata & publica*) At media in luce, coram universo exercitu, detrectare de Germanico cruentum in morem non dubitavit. Hominem urebat scilicet, quod æquitatem populi Romani apud exterias gentes Germanicus humanitate sua commendabat, quod significatione benevolentia Atheniensium animos demerebatur. Volebat Piso eos haberi durius, & quod obtineri clementia poterat, id verberibus ac plagis malebat extorqueri.

(*Corrupta a Pisoni Militia in Syria*) Quamquam ne quis existimet constantem esse in ea morum severitate Pisonem; non est ille tam rigidus ac ferreus, ut fleti ac mansuetum nesciat. Voluit interdum videri clemens ac misericors. Testis Syria, in qua tam insignia mansuetudinis suæ vestigia hominum suavissimus impressit. Hic habebant hiberna castra legiones nostræ, quæ sub Germanici institutione hanc erant assolutæ militaris disciplinæ laudem, ut neque minus segniter suas quisque vices obiret, quam si a tergo institisset hostis; neque modeste minus ac civiliter viverent, quam si medios inter cives versarentur. Non placuit Pisoni ista vivendi forma; offendit hominem mitissimum asperior ratio disciplinæ. Positas ab Imperatore leges reformatas putavit legatus consultissimus, idemque

blandissimus ; novum in castra morem induxit , & ejectis fortissimis quibusque Centurionibus ignavos eorum in locum milites suffecit : hac spe fretus nimirum , ut dum indulgentia sua foveret militum socordiam , rigidioris invidiā disciplinæ in Germanicum traduceret .

(*Exploratores a Pisonē missi , dum Germanicus ægrotaret*) Et dubitaret aliquis , conjurasse Pisonem illius in vitam , quem capitali odio persequebatur ? Parco hic memorare , Patres conscripti , ut ægrotante Germanico frequentes in ejus castra exploratores atque emissarios Piso mitteret , qui morbi illius cuius auctor ipse & causa extitisset , teriem , vim , progressus in dies singulos referrent ; ut crescente malo , creceret pariter Pisonianæ familiæ gaudium , & remittente interdum fatali veneni contagio , singulorum ora contabescerent .

(*Adjuncta Consequentia*) Sed quid in istis diutius immortor ? quæ si Pisonem illatæ Germanico mortis reum non arguerent ; quæ sunt obitum ejus consecuta , ejusdem paricidii concium satis evincant . (*Pisonis gaudium in publico mœrore*) Revocate , quæso , animis , Patres conscripti , quanto bonorum omnium luctu perlatus ad nos fuerit de Germanici morte nuncius ; quanta singulos ordines invaserit & quam sincera comploratio ; ut univerfa hæc civitas repentina concussa metu lamentari cœpit , quasi parens patriæ occidisset . Interim Piso , quasi re gesta feliciter , sacras Diis immortalibus hostias immolabat . Dum populi totius suspiriis ac gemitibus Roma personaret ; Piso festas solemnis lætitiæ voces incendebat : dum squalerent municipia , afflstantur coloniæ , civitates hujus imperii universæ civi fortissimo parentarent ; Piso triumphalem ludorum pompam populo exhibebat : dum orbataæ invictissimo duce legiones , abjectis hastis , amarissimo sese luctui permitterent ; Piso militum suorum voluptates ac gaudia effusis largitionibus redimebat . Ipsa , ipsa viri nequissimi conjux Plancina noluit in tanta gestientis familiæ exultatione sui pariter gaudii publicum negare monumentum , & quæ fuerat sceleris particeps ac machinatrix , rebus ad votum fluentibus , sibi non gratulari . Hinc posita veste quam gerebat , pullata , quasi metuisset latissimi triumphi diem lugubri cultu funestare , decentiorem ornatum induit , & candidis amieta vestibus sese palam ostentavit .

At ista levia sunt , Patres conscripti : attendite animis ad graviora . (*Oppugnatio Agrippinæ classis a Pisonē*) Non stetit per Pisonem , quin una cum Germanico tota Cæsarum familia occumberet ; ac nisi tutelares Imperii hujus genii patratam Agrippinæ Germanicique liberis cladem avertissent ,

orba-

orbatam fortissimo robore Rempublicam nostram lugeremus. Nam quid loquar, quod nemo vestrum ignorat, Patres conscripti, quales per insidias, & quam valida manu oppugnata classis illa fuerit, qua tristissimas Germanici reliquias desolatamque ipsius familiam, Augusti nepotes, deportaret? Grates enimvero vobis, Superi, qui nobis carissima illa capita, dum gravius lacecerentur, conservavistis; qui contra spem omnem expectationemque nostram publicae incolumitati ac saluti providistis.

Te vero, hominum sceleratissime, quis demum furor in tot innocentias victimas armabat? quis erat sensus pestiferæ conjurationis? qua spe ad fundendum tot Cæsarum sanguinem incitabare? Putabas nimirum, si Germanici familiam sustulisses, neminem in posterum adfore, qui parricidii tui immanitatem revelaret, qui te huic ordini amplissimo merita multandum poena deferret. At quam falsus opinione tua es! Tot habebis accusatores, quot sunt in hac urbe cives optimi, quot in Romanis legionibus fortunati Germanici commilitones, quot sunt in tota Italia Reipublicæ nostræ defensores acerrimi. (*Absentia Pisonis ab urbe*) Verum quia nec ea parte salvum se & in columem fore sensit, aliam homo vaserrimus ineundam putavit exitii quod imminere sibi videbat, declinandi rationem. Scitis ipsi, Patres conscripti, qua contumacia, venire jussus ut illata accusacione sese purgaret apud vos, parere abnuerit: quam ægre demum hinc judiciorum vestrorum æquitate perterritus, inde amicorum consiliis qui spem impunitatis, si adesset, injiciebat, vietus & impulsus in hanc urbem redierit.

(*Ornata Pisonis domus*) Quamquam videte, quæso, Patres conscripti, ut ipsa se prodit improbitas, & in paratos laqueos ultro irruit, & fuci quem obduxerat, impatiens, talis postmodum, qualis est, videri amat. Venit Piso, ut objectum sibi crimen dilueret, ut ostenderet nullam habuisse in Germanici morte partem: tamen dum mœrent omnes, dum jacet confecta senio tota civitas, dum luctum ac moestiam spirant omnia; sola Pisonis domus luctu vacat. Succedite enimvero, Patres conscripti, Pisonis in domum. Quid hic pompam lætissimam, quid celebrem triumphi apparatum, quid gratissimam festivitatem non sapit? Quid igitur moræ est, quin latentem etiam reum vestris sententiis eruatis, & quam meritus est scelere suo, poenam irrogetis? Hoc repetunt pii Germanici cineres, hoc desolata liborum ipsius orbitas, hoc Augusti neptis Agrippina flagitat & obtestatur.

ALIA EXERCITATIO.

*Romani cuiusdam ad Coriolanum Oratio, cum matris & uxoris
precibus expugnatus, Romam ab obsidione
solvere statuisse.*

**Locus ab Adjunctis Antecedentibus, & Con-
sequentiis.**

S T N O P S I S:

Exord. **R**em ipsam, quam facere parat, exhibebit: sci-
R licet expugnatum fuisse mulierum precibus il-
lius animum, quem Legati Romanorum, amor patriæ, in-
viatum senserant.

Propositio. Petet, an abjecerit laudabile consilium, quod
inierat, vindicandi Romam ab iniqua p'ebis dominatione;
aut non videat periculum quod adeat, si ab incepto de-
stiterit?

Priorem partem probabit ab Antecedentibus: jubebitque
ipsum meminisse, quo studio libertatis arma sumperferat.
Non te privatae injuriæ, non populi odium, sed patria ju-
go mancipata stimulavit; non potuisti ferre dominantem
nobilitati & leges imponentem populum. An elanguit ar-
dor ille muliercularum precibus evictus? &c. an docilis
populus factus est? &c.

Alteram partem probabit a Consequentibus: exponetque,
quam multum timendum habeat a Romanis, qui serius
ocius illatas injurias ulciscuntur; quam multa ab ipsis Vol-
scis, qui patientur iniquius initum cum ipsis foedus ab-
rumpi: &c.

Conclusio. Per vehementem Deprecationem.

O R A T I O .

Ergo vinceris, dux fortissime? metuenda tuis hostibus
& fatalia postmodum futura ponis arma? Roma pacem
obtinet? Scilicet imbellis feminæ animum illum expug-
nant, quem nulla umquam bellorum pericula, nullæ Se-
natus preces, nullus mœrentis & obsequentis populi do-
lor, nullæ quantumvis honorificæ oblati foederis conditio-
nes, non ipsa ruituræ jam jam in cineres patriæ caritas
inflexerat? Evidem non iacusem ego pietatem tuam, Dux
for-

fortissime: sclo, quid blanda conjux apud filium conjugem, quid verenda mater apud amantem filium possit: At patere, meum ut stuporem tibi, & incredibilem qui pro te me angit, metum aperiam. Nam quid putem demum, vel quid loquar? An oblitus hodie tui es? an periculum non vides, quod subis? Sic inchoata tanto ambitu cœpta momento excidunt, sic propriæ salutis contemptor in apertum exitium corrui?

(Antecedentia) Ah! liceat revocare tibi in memoriam, quo te consilio ad oppugnandam Romam accinxeris; quis fuerit sensus armorum tuorum, cum inferre bellum patriis mœnibus statuisti. Non te impotens ambitio, non cæsa dominandi cupiditas, non civium tuorum odia, non injuriarum recordatio, non implacabilis vindictæ furor manum armarunt. At te sincera patriæ caritas, libertatis amor, Romæ gloria, Imperii salus, ad suscipiendum bellum hoc pepulere. Non potuisti ferre dominantem plebem, dum nobilitas serviret: doluisti illam regnare, quæ parere didicerat; hanc obsequi, quam imperare decuisset. Exarsisti nobili studio vindicandæ ab infami jugo patriæ quam diligis, & in pristinum libertatis decus restituendæ. Tu suum sacrîs legibus vigorem, suam Magistratibus reverentiam, Patribus auctoritatem asserere meditabaris. Huccine tandem recidit dignum Coriolano consilium? tam cito ardor ille nobilis deferuit? remisit virtus illa? & quam superba Roma vereri primum visa est, adversus muliercularum lacrymas elanguit? At ni te gloriæ studium, libertatis decus, tuorum amor, patriæ salus moveant: (piget dicere) moveat te periculi gravitas, quod imminet, si rerum hoc in discrimine inflecti te indignis precibus permiseris.

(Consequentia) An ergo tam parum nosti populum illum perduellem, cui parcis? Nempe jam posuit furores, jam docilis factus est, & mansuescere didicit? jam patiens excipiet jugum? nihil ille deinceps iniquum meditabitur? nihil retinebit veteris pertinaciæ? exosus turbas ac tumultus innatæ levitatis obliviscetur? non dolebit umquam illatam sibi ab eo fuisse vim, quem expulerat? nihil pigebit abjecisse se illius ad pedes, quem olim proscribere meminerit? reverebitur usque, aut etiam amat Coriolanum, quem, nisi obstitisset conjux, nisi vetuisset mater, ferocem viatorem & implacabilem expugnatorem expertus fuisset?

Sed esto: Romani nihil in te peccent; tam mites in posterum, tam dociles habeas, quam rebelles olim, quam contumaces persensisti. Nihilne videtur tibi, quod a Vol-

scis metuas? non iniquo ferent illi animo violari foedus, quod sanctum a te cum ipsis est? non indignabuntur, deferi se ab eo turpiter, quem ejectum Patria, exsulem, & gentem consilii exceperunt? non irruent in te tamquam in proditorem? non te repetent ad poenas, devotam furo-ri suo victimam; & concessam ingratæ urbi pacem tuo sanguine non rediment?

Ah! ne tuam ipsius in ruinam præceps corruas, Dux fortissime. Si tuæ consultum gloriæ in perpetuum tempus esse volueris; si qua tuendæ salutis cura te remordeat; nisi laborum tuorum socios tuæque sortis comites in apertum capitis discrimen objicere volueris: persta firmiter in eo consilio, quod iniisti tam laudabiliter, tam feliciter promovi. Securus esto matris ac conjugis, quibus nihil periculi imminet, si viceris. Permitte illas tantisper dolori suo, dum triumphi tui magnitudo lacrymas abstergat, & brevissimi luctus moram magno gaudii foenore confoletur. Interim Romæ mœnibus exercitum admove. Rerum mox dominus atque arbiter, si quid indulgere patriæ volueris, tanto gratius beneficium impendes, quanto minus expeditum illa sibi gratulabitur.

C A P U T V.

Locus a Causis.

Quid est Causa?

R. Causa vulgo definitur a Philosophis: Id unde res aliqua est.

Quotuplex est Causa?

R. Quadruplex: Efficiens, Materialis, Formalis, & Finalis.

Quid est Causa Efficiens?

R. Est id, a quo res habet ut existat. Alia autem est Physica, ut artifex domus; alia Moralis, ut spes pæmii.

Quid est Causa Materialis?

R. Est id, in quo vel ex quo fit aliquid: ut lignum est Causa Materialis scamni, parietes domus; quia ex ligno fit scamnum, domus constat ex parietibus.

Quid est Causa Formalis?

R. Est ratio quædam & forma, per quam res aliqua in sua natura ita constituitur, ut per eamdem a ceteris distinguantur. Hæc porro triplex vulgo numeratur: Essentialis, ut anima in homine; Accidentalis, ut calor in igne; Artificialis, ut colorum ductus in tabella.

Quid

Quid est Causa Finalis?

R. Est ea, propter quam aliquid fit: ita beata vita est Causa Finalis hominis; quia agit omnia, ut illam acquirat.

Quomodo ducitur argumentum a Causis?

R. 1. Si tollantur Causæ & negentur, tolluntur pariter & negantur Effecta: v. g. Nullus fuit Architectus; ergo nulla domus.

* 2. Si affirmetur Causa necessaria, Effectus quoque affirmabitur: v. g. Fuit ignis in hoc loco; ergo & calor.

3. Si res possibilis ostendatur ex vi & potentia Causarum: ita probare poteris Resurrectionem esse possibilem, ex eo, quod Deus sit Causa Efficiens; & materia, sive Causa Materialis, homine etiam mortuo, superstes maneat.

Exempla Causæ Efficientis pro Roscio Amerino, n. 38. ubi probat, eum non esse patricidii reum: quia caret iis vitiis, quibus ad parricidium stimulari aliquis & incendi possit. Quibus tandem te, C. Eruci, argumentis accusatorem censes uti oportere? nonne & audaciam ejus, qui in crimen vocetur, singularem ostendere; & mores feros, immanemque naturam; & vitam vitius flagitiisque omnibus deditam; & denique omnia ad perniciem profligata & perdita? Quorum tu nihil in Sex. Roscium, ne obiciendi quidem causa contulisti.

In Pisonem, n. 41. carpit in ipso mollitiem vita tamquam causam vitiorum omnium, quibus erat deditus. Nam ille gurges atque belluo, natus abdomini suo, non laudi atque gloriae, cum Equites Romanos in provincia, cum Publicanos, nobis & voluntate & dignitate conjunctos, omnes fortunis, multos fama vitaque privasset, cum egisset aliud nihil in illo exercitu, nisi ut urbes depopularetur, agros vastaret, exhaustaret domos: ausus est (quid enim ille non auderet?) a Senatu supplicationem per literas postulare. Tunc etiam, atque adeo vos geminæ voragine scopolique Reipublicæ, vos meam fortunam deprimitis? vestram extollitis?

Sic in Oratione pro Milone exponit caussas, cur Clodius Milonem odisset, n. 35. & pro Domo sua, cur multi a se descivissent, n. 6. & 7. & pro Sylla, n. 48. probat, nihil esse, cur irascatur Torquatus, quod Syllam defendat.

Quis est usus Causæ Efficientis?

R. Valet maxime ad rem amplificandam. Sic in Verr. 3. n. 7. Verrem exhibit agitatum scelerum poenit, quæ tam in Deos, quam in homines commiserat. Agunt eum præcipitem poenæ civium Romanorum: quos partim securi percussit, partim in vinculis necavit, partim implorantes jura libertatis

tis & civitatis in crucem sustulit. Rapiunt sum ad suppli-
cium Dii patrii: quod iste inventus est, qui e complexu pa-
rentum abreptos filios ad necem duceret, & parentes pretium
pro sepulitura liberum posceret. Religiones vero cærenoniæque
omnium sacrorum fanorumque violatae, simulacraque Deorum,
quæ non modo ex suis templis ablata sunt, sed etiam ja-
cent in tenebris, ab isto retrusa atque abdita, consistere ejus
animum sine furore atque amentia non sinunt.

Valet etiam ad rem minuendam. Ita Cicero extenuat
res bellicas Cæsaris tamquam Imperatoris minus proprias,
ut ejus clementiam extollat, qua Marcello injurias con-
donarat, n. 6. pro Marcello. Bellicas laudes solent quidam
extenuare verbis, easque detrabere ducibus, communicare cum
militibus, ne propriæ sint Imperatoriæ. Et certe in armis
militum virtus, locorum opportunitas, auxilia sociorum, clas-
ses, commeatus, multum juvant. Maximam vero partem;
quasi jure suo, Fortuna sibi vindicat: & quidquid est prof-
pere gestum, id pene omne dicit suum. &c.

Valet etiam ad hortandum. Sic 2. Verr. n. 51. Gla-
brionem hortatur hoc modo Tullius ad suscipiendam ju-
diciarum caussam. Cogita, qui sis, quo loco sis, quid dare
populo Romano, quid reddere majoribus debeas. Fac tibi pa-
terne legis Acilie veniat in mentem, qua lege populus Ro-
manus de pecuniis repetundis, optimis judiciis, severissimisque
judicibus usus est. Circumstant te summe auctoritates, que
te domesticæ laudis oblivisci non sinant: que te dies noctes-
que commoneant fortissimum tibi patrem, sapientissimum
avum, gravissimum sacerorum fuisse.

Item & ad dehortandum ille Locus utilis est. Sic in
libro de Senectute, n. 40. 41. ut excitet voluptatis odium,
& ab ea deterreat, exhibet perniciosos voluptatis effectus.
Hinc patriæ prodiciones, hinc Rerumpublicarum eversiones,
hinc clandestina cum hostibus colloquia nasci dicebat: nullum
denique scelus, nullum malum facinus esse, ad quod susci-
piendum non libido voluptatis impelleret: Stupra vero, & adul-
teria, & omne tale flagitium nullis aliis illecebris excitari,
nisi voluptatis. Cumque homini sive natura, sive quis Deus
nihil mente præstabilius dedisset; huic divino muneri ac do-
no nihil tam esse inimicum, quam voluptatem. Nec enim do-
minante libidine, temperantie locum esse; neque omnino in
voluptatis regno virtutem posse consistere.

Exempla Caussæ Materialis habes Verr. 6. n. 64. Exag-
gerat furtum Verris a materia Candelabrorum quæ rapue-
rat, quia gemmis & auro constabant. Candelabrum e gem-
mis

mis clarissimis, opere mirabili perfectum. Et ibidem, n. 62. Non pauca etiam pocula ex auro, quæ, ut mos est regius, & maxime in Syria, gemmis erant distincta clarissimis. Erat autem vas vinarium ex una gemma pergrandi, trulla excavata, manubrio aureo.

Et Verr. 4. num. 83. Sthenii elegantem a materia commendat supellecilem, quam Verres variis modis suam fecerat. Etenim Sthenius ab adolescentia paulo studiosius haec compararat, supellecilem ex ære elegantiorem, & Deliacam & Corinthiam: tabulas pictas: etiam argenti bene facti, prout Ternitani hominis facultates ferebant, satis. Quæ posteaquam iste abstulit, alia rogando, alia poscendo, alia sumendo: fecebat Sthenius, ut poterat. &c.

Item lib. 2. de natura Deorum, n. 39. Sidera commendat a materia. Atque hac mundi divinitate perspecta, tribuenda est sideribus eadem divinitas: que ex nobilissima purissimaque ætheris parte gignuntur; neque ulla præterea sunt admissa natura, totaque sunt calida atque perlucida.

Quis est usus illius Loci?

R. Valet hic Locus ad commendationem manufacturerum, ad extollendum rei alicujus pretium, aut idem minendum. Sic pro Murena Jurisprudentiam elevat ab exilitate rerum, circa quas versatur, n. 19.

Exempla Causæ Formalis suppeditat Oratio pro Sextio, n. 47. ubi Tullius probat, mortem sibi expetendam fuisse potius, quam timendam, quia hominis animus immortalis est. An mihi ipsi, ut quidam putant, fuit mors æquo animo oppetenda? Quid? tum mortemne fugiebam? an erat res ulla, quam mibi magis optandam putarem? aut ego illas res tantas in tanta improborum multitudine cum gerebam, non mibi mors, non exsilium ob oculos versabantur? non haec denique a me tum, tamquam fata, in ipsa re gerenda concinebantur? An erat mibi in tanto luctu meorum, tanta disjunctione, tanta acerbitate, tanta spoliatione omnium rerum, quas mibi aut natura aut fortuna dederat, vita retinenda? Tam eram rudis? tam ignarus revum? tam expers consilii, aut ingenii? nihil audieram? nihil videram? nihil ipse legendo querendoque cognoveram? Nesciebam vitæ brevem esse cursum, gloriæ sempiternum? cum esset omnibus definita mors, optandum esse, ut vita, quæ necessitatibus deberetur, patriæ potius donata, quam reservata naturæ videretur? Nesciebam, inter sapientissimos homines hanc contentionem fuisse, ut alii dicent hominum animos sensusque morte restinguiri, alii autem tum maxime mentes sapientium ac fortium viorum,

runt, cum e corpore excessissent, sentire ac vigere. Quorum alterum fugientium non esse, carere sensu: alterum etiam optandum, meliore esse sensu.

Et lib. 1. Officiorum, n. 106. concludit homini fugiendam esse voluptatem ab excellentia ingenii seu animi, qua polleat. Ex quo intelligitur, corporis voluptatem non satis esse dignam hominis præstantia, eamque contemni ac rejici oportere. Sin sit quisquam, qui aliquid tribuat voluptati, a diligenter ei tenendum esse ejus fruendæ modum. Itaque viclus cuiusque corporis ad valetudinem referantur & ad vires, non ad voluptatem. Atque etiam si considerare velimus, quæ sit in natura excellentia & dignitas; intelligemus, quam sit turpe, diffluere luxuria, & delicate ac molliter vivere: quamque bonum, parce, continenter & severe, sobrie,

Et Verr. 6. n. 72. exaggerat sacrilegium Verris ab egregia forma simulacri Diana, quod Verres sustulerat. Fuit apud Segestanos ex ære simulacrum Diana, cum summa atque antiquissima præditum religione, tum singulari opere artificioque perfectum.

Et n. 74. de eodem Diana simulacro. Hæc erat posita Segeste, sine excelsa in basi: in qua grandibus literis P. Africani nomen erat incisum.... Erat admodum amplum, & excedens signum cum stola: verunitatem inerat in illa magnitudine aetas atque habitus virginalis. Sagittæ pendebant ab humero: sinistra manu retinebat arcum, dextra ardem faciem preferebat.

Item Candelabrum jam a nobis laudatum extollit ab egregio operis artificio, n. 65. ibidem. Etenim erat eo splendor, qui ex clarissimis plurimis gemmis esse debebat: ea varietate operum, ut ars certare visceretur cum copia; ea magnitudine, ut intelligi posset, non ad hominum apparatus, sed ad amplissimi templi ornamentum esse factum.

Quis est usus illius Loci?

R. Valet ad explicandam & describendam rem clarius, & etiam ad amplificandam.

Habes exempla Caussæ Finalis pro Roscio Amerino, n. 84. ubi Tullius probat a Fine, non fuisse Roscius patris imperfectorem, quia nullum habere poterat ipsius occidendi propositum finem. Sic vita hominum est, ut ad malificium nemo conetur sine spe atque emolumento accedere. L. ille Cassius, quem populus Romanus verissimum & sapientissimum judicem putabat, identidem in caussis querere solebat, Qui bono fuisse.

Sic & pro Milone, n. 32. concludit Cicero, insidias non ab illo, sed a Cladio fuisse comparatas; quia spes emolumenti

menti Clodium respiciebat, non Milonem. Quoniam igitur pacto probari potest, insticias Miloni fecisse Clodium? Satis est quidem in illa tam audaci, tam nefaria bellua, docere, magnam ei causam, magnam spem in Milonis morte possum, magnas utilitates fuisse. Itaque illud Cassianum, Cui bono fuerit, in his personis valeat. Etsi boni nullo emolumento impelinuntur in fraudem, improbi sepe parvo. Atqui Milone interfecto, Clodius hoc assequebatur, nov modo ut Praetor esset non eo Consule, quo sceleris nihil facere posset: sed etiam ut his Consulibus Praetor esset, quibus si non adjuvantibus, at conniventibus certe, sperasset se posse Rempublicam eludere in illis suis cogitatis furoribus.

Et pro Sextio, n. 98. & 99. Optimates commendat ab eo fine, quem sibi proponunt. Quid est igitur propositum his Reipublicæ gubernatoribus, quod intueri, & quo cursum suum dirigere debeant? id quod est præstantissimum, maximeque optabile omnibus sanis, & bonis, & beatis, cum dignitate otium. Hoc qui volunt, omnes Optimates: qui efficiunt, summi viri & conservatores civitatis putantur. Neque enim rerum gerendarum dignitate homines ita efferri convenit, ut otio non prospiciant: neque utrum amplexari otium, quod abhorreat a dignitate. &c.

Et lib. 8. Epistola 11. ad Atticum ita commendat hominis Politici finem. Ut gubernatori cursus secundus, medico salus, Imperatori victoria; sic huic moderatori Reipublicæ beata civium vita proposita est, ut opibus firma, copiis locuples, gloria ampla, virtute honesta sit. Hujus enim operis maximus inter homines, atque optimi, illum esse perfectorem volo.

Quis est illius Loci usus?

R. Valet in primis ad amplificandum & movendum. Ita pro Roscio Amerino, n. 145. Tullius ostendit, nullam adversario subesse causam Roscii accusandi; cum ea omnia quibus induci potuisset ad accusandum eum, jam esset consecutus. Quid vis amplius? quid insequeris? quid oppugnas? qua in re voluntatem tuam lèdi a me putas? ubi tuis commodis officio? quid tibi obsto? Si spoliorum causa vis hominem occidere, spoliasti: quid queris amplius? si inimicitarum: quæ tibi sunt inimicitiae cum eo, cuius antea prædia posseast, quam ipsum cognosti? Sin metuis: ab eone aliiquid metuis. quem vides ipsum sese tam atrocem injuriam propulsare non posse? Sin, quod bona, quæ Rosciū fuerunt, tua facta sunt, idcirco hunc illius filium studes perdere: nonne ostendis, id te vereri, quod præter ceteros tu metuere non debeas, ne quando liberis proscriptorum

S bona

bona patria reddantur? Sic in Pisonem , n. 56. probat Ciceron nihil habere Pisonem , quod tot patrata a se icelera excuset , nisi se cupidum fuisse triumphi , quod negabat , fateatur .

Et Oratione 2. in Rullum , n. 74. deterret Populum Romanum ab agro Campano dividendo , exponendo finem , quo Decemviri ad vendendum inovebantur . Num obscure regnum constituitur ? num obscure libertas vestra tollitur ? Nam , cum iidem rotam Italiam suis opibus obsidebunt ; iidem libertatem vestram suis praesidiis eorum colonis interclusam tenebunt . &c.

E X E R C I T A T I O .

Innocentii IV. Summi Pontificis ad B. Ludovicum Galliarum Regem Oratio , cum is ad Hierosolymitanam Expeditionem proficisci secretur .

Locus a Causis .

S R N O P S I S .

Exord. A Causa Efficiente , felicem appellabit Ludovicum , qui consilii ejusmodi habeat auctorem Deum : removebitque alias causas ; puta ambitionem , dilatandi Imperii desiderium : gratulabitur etiam operis sociis ac comitibus .

2. Hortabitur ipsos a Causa Materiali , ne deterreantur iis laboribus , quos in expeditione illa ferendos habuerint , majorem inde gloriae segetem habituri .

3. A Causa Formali dicet , tanto illustriorem fore ipsum triumphum , si regionem illam occupaverint , quanto terra illa præstat ceteris : terram illam esse , quam Christus suis laboribus , suoque adeo sanguine nobilitavit : indignum quid esse illam terram a Barbaris possideri .

Conclusio. Fiet a Causa Finali : ostendetque quantam eos facinore gloriam Deo paraturi sint ; quantam Christianorum genti latitudinem , quibus victoria sua aditum in loca sancta aperturi sint ; quantum sibi ipsis decus : jubebitque ipsos hac spe sustentare se .

O R A T I O .

Felicem te fortunatumque ; Princeps Religiosissime , qui Deo duce atque auspice , dignum animo , dignum Imperii majestate , dignum Rege Christianissimo facinus aggrediare : Nam quid aliud præter incredibile divinæ gloriæ studium , quo flagras ; tibi mentem illam insipiet , ut compositis feliciter domi fotisque rebus , & parta lætissimi regni tranquillitate , tam durum tamque laboriosum expeditionis genus suscipias ; (*A Causa Efficiente*) & avulsus medio regni de sinu , fidelibus populis eruptus , peregrinas procul in oras viam pertentes ? ut certam apud tuos gloriam spei dubiæ & anticipi , gloriæ pacis otium novis bellorum tumultibus , & regales aulæ delicias longis viarum obsidionumque defatigationibus postponas . Non te , quæ ceteros heroas extimulare & accendere solent , vel impotens ambitio , vel comparandæ gloriæ cupiditas , vel dilatandi imperii spes & expectatio incitarunt . Totum hoc sibi Deus vindicat , quodcumque apud barbaros quæris ; tu promovendæ ipsius gloriæ , propagandis ulterius ipsius regni finibus , adlaboras . Et vos , quos tanti operis socios atque adjutores sibi Ludovicus adscivit , æstimate , ut par est , conditionis vestræ dignitatem , & honorificum sapientissimi Regis judicium factis confirmate .

(*A Causa Materiali*) Neque enim difficultatibus ac periculis vacat consilium illud quod suscipientis , neque ad facilem vel certam gloriæ segetem advolatis . Nostis varios & anticipites armorum exitus ; & vestra Martis in laboribus virtus jam diu exercitata , fortis cùjuscumque discrimin pati didicit . At nondum experti estis , quid sit pugnare cum barbaris , & quanta vos ignotis in regionibus pericula maneant : quot parta laboribus , quam multo redimenda sanguine sit illa victoria , quam animo percipientis . Sed quid ego hic vel periculorum magnitudinem , vel difficultatem operis , vel laborum multitudinem extollam ; unde tanto major gloriæ vestræ meritorumque vestrorum seges exsurgit ? Non illa caduca vel fragilis , non inanis aut peritura , qualem plerique mortalium ambient ; sed vera , sed certa , sed incorrupta , & nullis umquam temporum spatiis conscribenda .

(*A Causa Formali*) Nam quis umquam triumphus , quæ victoria tantam olim peperit priscis heroibus gloriam ;

Quantam regiones illæ quas paratis armis vestris subjicere , vobis offerunt ? Mementote , quæto , quam uberem illa palmarum segetem , quam secundam lauorum silvam tellus ostentet , quam Christus ipse dignam suis laboribus inter ceteras judicavit . Hæc ipsa terra est , quam delapsus e pulcherrimo cæli domicilio sibi ad habitandum elegit , quam impressit vestigiis , peregrinationibus decoravit , tinxit tudoribus , illustravit miraculis , & totius effusione sanguinis purpuravit . Et hanc sibi terram tot abhinc annis barbari vindicent , fœdissimis dæmonum religionibus polluant , infami lucro mancipent , & sanctissimæ Religionis nostræ spoliis divites nobis audeant insultare ? Excitetur ad tanti dedecoris memoriam Christianorum heroum fortitudo , incendatur studium , pietas inflammetur . Videte , quæto , ne cum nullus in toto terrarum orbe locus sit sanctior , nullus cultu vestro dignior , nullus meliori jure vobis mancipatus , tanto tolerandum minus videri debeat , hereditatem tam sanctam , tam verendam , tam expetendam , ab impiis hominibus occupari . Ite igitur alacres , perficite fortiter , quod tam viriliter inchoastis .

(*A Causâ Finali*) Quod si difficultates itinerum , rerum anguitiæ , laborum asperitas , gravioris belli fastidia constantiam vestram pertentabunt , & incredibilem illum , quo jam succensi estis , ardorem videbuntur temperare ; ipsis illa , quam vobis ipsis proposuistis , vos sustentet , & præclari facinoris , cui navatis operam , conscientia consoletur . Veniat frequenter vobis in mentem , quod Religioni ipsique Deo militatis ; quod universæ Christianorum genti tutum ac facilem in illas terras aperitis aditum , in quibus sanctissima salutis nostræ mysteria patrata sunt ; quod vobis meti ipsis intermoriturum numquam apud posteros decus , & coronam in cælo quovis pretio redimendam comparatis .

ALIA EXERCITATIO.

A Caussis.

Adhortatio ad Mortales, ut abjecto rerum terrenarum amore, ad sectanda cælestis patriæ bona contendant.

SYNOPSIS.

Exord. D^eplorabit Orator sortem hominum, qui natū perfruendis æternis bonis, rebus perituris adhærescunt.

Propositio. Hortabitur ipsos, ut posito fucatae beatitudinis amore, ad felicitatem veram adspirent.

Confirmatio. Ostendet a Caussis cælestis patriæ premium. Et 1. a Caussa Efficiente, hoc est a Deo ipso, qui cælestem patriam suis ipse manibus condidit: comparabit illam cum ceteris rebus, quæ admirationem hominum stimulant; puta palatiorum magnificentiam, hortorum amoenitatem, argenti aurique splendorem, lucem gemmarum: dicetque Deum lusisse quodammodo reliquis in rebus; at suam in ædificanda cælesti patria industriam exhaustisse.

2. A Caussa Materiali. Qnæ et a Mortalibus, quæ tandem maximo in pretio habeant? An aurum? an argentum? an lapides pretiosos? dicetque Cælum auro stratum esse, muros ex margaritis conflatos, portas totidem esse pretiosissimos lapides: &c. qualis describitur in Apocalypsi B. Joannis sancta civitas.

3. A Caussa Formali. Dicet loci illius pulchritudinem exurgere ex ipsa Dei majestate, quæ cælestem regionem ornabit; ex Christi præsentia, qui solis instar Cælum colustrabit. Hinc fore ut his rebus perfruentes numquam satientur, sed novo semper easdem videndi & possidendi desiderio accendantur.

4. A Caussa Finali. Condita est cælestis patria, ut esset merces rerum pie sancteque gestarum. Jubebit ergo homines pensare labores Sanctorum, vigilias, cruciatus, &c. Christi ipsius meritorum magnitudinem, quæ Deus ut compensaret, videtur exhaustisse suas opes, ut Cælum ornaret.

Concludet. Et erit aliquis tam fastidiosus cælestis patriæ contemptor, qui &c.

O R A T I O .

Cum altissimis mortalium animis sic insitus est a natura veræ ac sinceræ beatitudinis amor , ut in ea vel possidenda vel saltem consecunda expleri penitus ac satiari nequeant : tum certe quis non mirabitur in persecundis fragilibus caducisque rebus plerosque hominum tam esse pertinaces , ut solidis & numquam perituriis carere bonis facile posse videantur .

(*A Causa Efficiente*) Nam quis vos error , mortales miseri , quis demens furor obsecrat ? quo fucatae larva beatitudinis insanos rapit ? Tantumne vobis infelix placet exsiliūm ? sic perpetuae mortis habitaculum delectat æternitati destinatos ? Respicite vosmetipsos ; intelligite tandem aliquando conditionis vestrae nobilitatem ; & dignos natura vestrae excellentia sensus induite . Cogitatis umquam cælestis illius regionis , quæ nostris capitibus imminet , eximiam pulchritudinem , magnitudinem immensam , splendorem admirabilem ? Hic scilicet beatum pacis ac quietis domicilium vos expectat : in hac regione fortunatissima , elaborata ipsis omnipotentis Dei manibus , jucundissima felicis ævi domus yobis præparatur . Ah ! si vos tantopere delestat ac rapit regalis palatiorum magnificentia , amoenissima ruris varietas , hortorum deliciae ; si perstringit oculos argenti nitor , ac splendor auri ; si gemmarum fulgor , lux siderum , firmamenti majestas in admirationem rapit : cogitate præstantius aliquid ac magnificentius in hac Cælesti patria , quæ hominum generi perfruenda destinatur . Scilicet in rebus universis , quæ sub aspectum cadunt , aut condendis aut exornandis , lusisse quodammodo divini Numinis potentia visa est ; at in extruendo exornandoque cælestis gloriae domicilio operam suam atque magnificentiam ita collocavit , ut opes exhausisse tuas , & vim industriæ adhibuisse omnem videri voluerit .

Qualem enimvero putatis esse augustissimi illius palatii apparatus , quod ex pretiosissimis quibusque rebus conflatum est ? (*A Causa Materiali*) Agite , vosmetipsi mortales : quid vobis videtur in bonis creatis pretiosissimum ? quid inter cetera aut admirationem concitat , aut cupiditatem vestram incendit ? An argentea supellex & aurea ? an adamantini lapides perstringunt oculos , & suis vos illecebribus pertentant ? bene est . Erit , unde cupiditatis vestra satietur sitis : nihil erit ultra , quod expetendum vobis re-

Inquatur : dabitur vobis aliquando, si vultis, in eam civitatem ingredi, quæ purissimo strata sit auro, cuius muri intexti gemmis & margaritis colluceant, quam poterat totidem pretiosi lapides exornent, quæ nativa quadam & numquam obscuranda luce collustretur.

(*A Causa Formali*) Sed quid hic aurum, quid gemmas, quid pretiosos lapides appello, quasi suam ab ejusmodi rebus pulchritudinem totam admirabilis ille locus mutuetur? Altius, mihi credite, cælestis patriæ magnificencia petenda est. Ipsa est Dei omnipotentis majestas, quæ suum cælo pretium facit; quæ domum illam exornat; eamque rebus omnibus, quæ vel cogitari possunt, exhibet multo magis expetendam: hanc sua ipse præsentia Christus illustrat, & splendidissimi Solis instar novam illi lucem impertit. Quid porro de Virgine sanctissima? quid de variis cælestium Spirituum ordinibus? quid de in numero beatarum mentium comitatu loquar? quæ de sua omnes gloria ad decorandam regionem illam fortunatissimam confrunt. Nihil ergo jam mirer, si purissimæ cujusdam voluptatis torrentibus, & incredibili deliciarum ubertate, cælestis patria designetur: si, quicumque illam asecuti sunt, ea sic perfrauantur, ut novo semper ejusdem potiundæ incendantur desiderio: si satietas illic sine nausea, diuturnitas sine fastidio futura sit.

(*A Causa Finali*) Hanc tamen tantam bonorum omnium copiam ac suavitatem ad cumulandam cælestis patriæ magnificantiam confluxisse, qui mirabitur; reputet ille secum, quod illa piorum hominum remunerandis laboribus destinata sit. Deus scilicet, qui in perficiendis ceteris naturæ operibus tam liberalis, tam munificus, tam prodigus extitit, nihil ut immortales divinæ potentiae divitias non loquatur, parcus in benefaciendo, in remunerando parum magnificus videretur. Etenim bonorum illorum copiam atque affluentiam, quibus hæc terrarum universitas abundat, ex æquo probis atque improbis reliquit ad arbitrium: potentior sære, qui pejor; ditior, qui rapacior; felicior, qui sceleratior est. Communis hæc nobis rerum abundantia cum bestiis etiam, cum impiis potiunda permittitur. Aliam ergo suis possessionem, opulentiorem illam melioremque, se posuit. Si tamen hæc publica, hæc vulgaria & in communi posita tot habent illecebras, tot deliciis perfusa sunt; quid de speciali hac prærogativa felicitatis sperandum videbatur? si tanta indulxit alienis, peregrinis, & hostibus; quid amicis, quid heredibus, quid filiis erat expectandum? qui vir-

tutum studio , qui divinæ legi constanter adhæsissent ; qui labores innumeros , vigilias , solitudines , flagella , mille dolorum ac mortis species ipsius causa pertulissent ; qui Christi ipsius merita , cruciatus , supplicia , necem acerbissimam suis ipsorum in meritis computarent .

Erigite igitur animos , Mortales , non jam miseri , sed fortunati , quos tanta beatitudinis æternæ magnitudo respicit . Dilatate vestri pectoris angustias ; frena cupiditati lateate ; optate , appetite , adspirate ad illa bona , quibus in perfruendis animus sic acquiescat , ut neque ea conservandi anxietate torqueatur , neque eadem amittendi metu .

C A P U T XI.

Locus ab Effectis.

Quid sunt Effecta ?

R. Sunt ea , quæ sunt orta de Causis . Unde sequitur tam multa illa esse , tam varia , quam varia multiplices que sunt Causæ . Imo quia notiora sunt Effecta quam Causæ , ideo multo frequentiorem apud Oratores usum habent .

Effectus , qui respondet Causæ Materiali , is est qui prodit ex materia : ita statua dicitur effectus materialis respectu aeris aut ligni , quia ex ære vel ex ligno fit .

Effectus , qui respondet Causæ Formali , est ipsa actio , quæ procedit a forma : sic formalis animæ immortalis effectus est , facere hominem immortalem .

Effectus Causæ Finalis est , quodcumque suscipitur ad finem consequendum . Ita labores , vigiliæ , virtutum exercitatio sunt effectus finalis beatitudinis , quia hæc omnia ad eamdem beatitudinem consequendam adhibentur .

Denique effectus Causæ Efficientis est id , quod ab illa efficitur : ut imago a Pictore .

Quomodo ducitur argumentum ab Effectis?

R. Si ex affirmatione Effecti Causa affirmetur : v. g. Fumus est ; igitur ignis aut est , aut fuit . Vel si ex negatione Effecti a Causa necessaria provenientis negatio causæ elicetur : v. g. Nullus est calor ; ergo nullus ignis .

Quomodo tractandus hic Locus?

R. 1. Per Congeriem . Ita Cicero lib. de Senectute numeris 40. & 41. a nobis supra jam laudatis in capite de Causis , funestissimos voluptatis effectus recenset . Hinc patr. prodiciones , &c.

Et pro Murena , n. 22. commendat militarem virtutem ab

ab Effectis per Congeriem. Hæc nomen populo Romano, hæc
buic urbi æternam gloriam peperit: hæc orbem terrarum
parere huic imperio coegit. Omnes urbani res, omnia hæc
nostra præclara studia, & hæc forensis laus & industria,
latent in iutela ac præsidio bellicæ virtutis. Simulatque
increpuit supicio tumulus; artes illico nostre conticescunt.

Sic paulo ante eodem numero probaverat virtutem mili-
tarem plus præsidii attulisse Muienæ ad Consulatum adi-
piscendum, quam Jurisprudentia Sulpitio contulisset.
Vigilas tu de nocte, ut tuis consularibus respondeas; ille
ut eo, quo intendit, mature cum exercitu pervenias.
Te gallorum; illum buccinarum cantus exfuscat.
Tu actio-
nem instituis; ille aciem instruit. Tu caves, ne tui consul-
tores; ille, ne urbes aut castra capiantur. Ille tenet, & scit;
ut hostium copie; tu, ut aquæ pluviae arceantur. Ille exerci-
turus est in propagandis finibus; tu in regendis.

Ita pariter Eloquentiæ dignitatem, jucunditatem, ac
necessitatem ab Effectis commendat per Congeriem lib. I.
de Oratore, n. 8. Neque vero mibi quidquam præstabilius
videtur, quam posse dicendo tenere hominum cætus, mentes
allicere, voluntates impellere quo velis: unde autem velis,
deducere. He una res in omni libero populo, maximique in
pacatis tranquillisque civitatibus, præcipue semper floruit,
semperque dominata est. Quid enim est aut tam admirabile,
quam ex infinita multitudine hominum existere unum, qui id,
quod omnibus natura sit datum, vel solus, vel cum paucis
facere possit? aut tam jucundum cognitu atque auditu, quam
sufficientibus sententiis gravibusque verbis ornata oratio ac per-
polita? aut tam potens, tamque magnificum, quam populi
motus, Judicum religiones, Senatus gravitatem unius oratione
converti? Quid tam porro regium, tam liberale, tam munici-
ficum, quam opem ferre supplicibus, exciture afflictos, dare
sicutem, liberare periculis, retinere homines in civitate?
Quid autem tam necessarium, quam tenere semper armæ,
quibus vel rectus ipse esse possis, vel provocare improbos,
vel te ulcisci lacestitus?

Et Philip. 5. n. 24. & 25. Antonium Annibali com-
parat, eumque dicit tam perniciosum Italiae extitisse.
Post autem neque solemnibus sacrificiis factis, neque votis
nuncupatis, non profectus est, sed profugit paludatus. At quo?
in provinciam firmissimorum ac fortissimorum civium: qui
illum, ne si ita quidem venisset, ut nullum bellum inferret,
ferre potuissent: impotentem, irucundum, conumeliosum,
superbum, semper poscentem, semper rapientem, semper ebrium.

At ille , cuius ne pacatam quidem nequitiani quisquam ferre possit , bellum intulit provinciae Galliae , circumfudit Mutinam , firmissimam & splendidissimam Populi Romani coloniam : oppugnat D. Brutum , Imperatorem , Consulem designatum , civem non sibi , sed nobis & Reipublice natum . Ergo Annibal hostis , civis Antonius ? quid ille fecis hostiliter , quod hic non fecerit , aut faciat , aut molitiatur , & cogitet ? Totum iter Antonii quid habuit , nisi depopulationes , vastationes , cædes , rapinas ? quas non faciebat Annibal , quia multa ad usum suum reservabat . &c.

Item Phil. 2. n. 67. Antonii intemperantiam per congeriem ab Effectis describit . Quæ Chaybdis iam vorax ? &c.

Et in Pisonem , n. 26. probat ab Effectis eum non fuisse Consulem . An tu eras Consul ? &c. Et pro Archia , n. 16. Hæc studia adolescentiam alunt , &c.

2. Tractatur Locus ab Effectis per Conversionem . Ita Cicero Philip. 2. n. 55. malorum omnium , quæ Italiz acciderant , auctorem facit Antonium . Doletis tres exercitus populi Romani interfectos ? interfecit Antonius . Desideratis clarissimos cives ? eos quoque vobis eripuit Antonius . Auctoritas hujus Ordinis afflictæ est ? affixit Antonius .

3. Per Complexionem . Exemplum esto Locus hic lib. 4. ad Herennium , n. 18. Qui sunt qui fœdera ſæpe ruperunt ? Carthaginenses . Qui sunt qui crudele bellum in Italia gesserunt ? Carthaginenses . Qui sunt , qui ſibi poſtulant ignosci ? Carthaginenses .

Quis est uſus illius Loci ?

R. Valet plurimum in descriptionibus , in amplificationibus , in motibus excitandis .

Exemplum habes pro Cluentio , n. 23. Memoria teneo , Milesiam quamdam mulierem , cum eſſem in Asia , quod ab heredibus ſecundis accepta pecunia , partum ſibi ipſa medicamentis abegiffet , rei capitalis eſſe damnatam : neque injuria ; quæ ſpem parentis , memoriam nominis , ſubſidium generis , heredem familiæ , designatum Reipublicæ civem , ſuſtuliffet .

Valet etiam in ſuadendo , & in laudando . Sit illud exemplum ex Oratione pro Plancio , n. 26. An Minturnenses coloni , quod C. Marium ex civili errore , atque ex impiis manibus eripuerunt ; quod tecto receperunt , quod fefsum inedia fluctibusque recrearunt ; quod viaticum congeſſerunt ; quod navigium dederunt ; quod eum linquentem terram eam quam ſervaverat , lacrymis votisque omnibus proſecuti ſunt , eterna in laude versantur : Plancio , quod me , vel vi put-

pulsum, vel ratione cedentem, reperit, juverit, custodierit;
bis, & Senatui, populoque Romano, ut haberent quod redu-
cerent, conservarit: honori hanc fidem, misericordiam, vir-
tutem fuisse miraris?

Valet pariter hic Locus in vituperando. Habis exemplum in Pisonem, n.18. Edicere est ausus cum illo suo pare, quem tamen omnibus vitiis superare cupiebat, ut Senatus, contra quam ipse censueret, ad vestitum rediret. Quis hoc fecit ulla in Scythia tyrannus, ut eos, quos luctu afficeret, lugere non sineret? Mærorum relinquis, mæroris auferis insignia, Eripis lacrymas, non consolando sed minando. &c.

EXERCITATIO.

Eloquentiae commendatio.

Locus ab Effectis.

S T N O P S I S.

Exord. **D**icit Orator duabus potissimum rebus moveri hominum animos, gloria scilicet & utilitate.

Propositio. Dicet suam hinc Eloquentiæ commendationem ac prium contingere, quod gloriam & utilitatem pariat.

Confirmationis prima pars probabitur ab Effectis: demonstrabitque per congeriem, quam gloriolum sit Eloquentiæ, inclinare posse voluntates hominum, quocumque velit; regere animos, ferre opem laborantibus, liberare periculis, &c. Id ipsum ostendet exemplo Demosthenis ac Ciceronis, qui dicendo consecuti sunt, ut alter Athenis, alter Romæ dominaretur.

Secunda pars ab Effectis probabitur: Eloquentiæ scilicet utilitas: dicetque plus illam ad incolumitatem salutemque publicam contulisse, armata manu: quod probabit cum exemplo Demosthenis, qui prosperas Philippi res infregit; tum Ciceronis, qui Catilinæ impetum coercuit. Id tractabit per Interrogationem, Repetitionem, Complexionem.

Denique ostendet quantam eadem Eloquentia gloriam & utilitatem attulerit iis, qui ea laude præstiterunt; quod conficiet ab Effectis, recensendo honores, quos homines novi adepti sunt Eloquentiæ beneficio.

Concludet hortando Candidatos, ut a se qui conterint Eloquentiæ laudem, quæ & ipsis & patriæ tantum gloria & utilitatis afferre possit.

O R A T I O .

Cum ea mortalium omnium , quantum est qui vivunt , necessaria quædam conditio est , ut alii gloriæ studio , alii propriae utilitatis expectatione moveantur ; tum si quid erit hujusmodi , quod gloriosum pariter atque utile videri possit , id certe singularem ac præcipuam in humanis rebus commendationem habere necesse est .

Atque hinc facile quivis intelligat , quantam apud hominum animos laudem , quam non vulgare pretium sibi Eloquentia vindicet , cui dos illa gemina , veluti propria atque innata sit , ut incredibilem gloriam cum summa utilitate conjungat .

(Ad Effectis per Congeriem) Age enimvero : quid gloriosum magis , & ad stimulandam ingenitæ laudis ambitionem potentius , quam dominari ubique dicendo posse ; nihil ut tam sit arduum ac difficile , quod Eloquentia non vincas ac superes ? Nam ubi tandem Eloquentia imperium non exercet suum ? ubi singularis illius quod habet al permovendos animos , roboris vestigium non deprehendas ? Dominatur in toro , & Judicum religionem , Senatusque auctoritatem sic regit , ut mentes vel ad iram , vel ad odium , vel ad dolorem incitet , si velit ; aut ab hisce permissionibus ad lenitatem misericordiamque revocet . Dominatur in civitate , populique motus ita moderatur , ut vel errantes ab errore deducat , vel exciret languentes , vel effrenatos ac fuentes compescat ac mittget . Dominatur in castris , eosque militum animis stimulos acuit , ut , qui armis vicerint , eos sæpe vincendos prius Eloquentia Imperator habuerit . Jam vero quid tam magnisimum ac regium , quam ferre opem supplicibus , amicorum periculis adesse , revocare perditos , jacentes erigere , afflictos consolari , tueri innocentes ab improborum injuria , novis denique singulos in dies beneficiis bonorum omnium gratiam ac benevolentiam promereri ? Hac ipsi fretos facundia legimus duo Eloquentiae lumina Demosthenem ac Ciceronem , alterum Athenis , Romæ alterum tantum sibi apud omnes auctoritatem conciliaffe , ut civium regerent animos , & quamcumque vellent in partem , voluntates inclinarent .

Quod si tam gloriosum est existere in conferta multitudine unum aliquem , qui in mentes hominum singulare quoddam imperium exerceat ; quantam id ipsum utilitatem

tem affert bene nioratis civitatibus , cum ad tuendam populorum gloriam , tum ad eorum incolumentem salutemque conservandam ? Et enim hoc plerumque in Oratore diserto præsidium , quod vis armata non sufficiat . Testis est laudatus jam a me divinus ille Demosthenes , qui sola lingua facundia perfecit , ut prosperas Philippis infringeret . Indormiebant omnes utilitati publicæ , nemo conferre quidquam ad belli sumptus , nemo arma sumere , nemo subiue fortunæ periclitantis aleam sustinebat : adeo rerum suarum gloria omnium Macedonum rex perculerat ! Ahsuit Demosthenes , qui civium somnolentiam argueret , increparerat ignaviam , & resudes jam dudum animos ad magna quæque incenderet . Testis & ipse Romanæ linguae gloria M. Cicero , cuius facundia multo plus ad salutem Imperii ac tutelam contulit , quam fortissimi Imperatores profuerint . (*Ab Effictis per Reptitionem*) . Nam quis Rōmam , illam gentem omnium dominam , cum in ruinam suam præceps rueret , ab interitu vindicavit ? quis nefarias improborum civium machinationes detexit ? quis contudit impetus ? quis metum incussit ? quis eripuit arma furentium de manibus ? quis urbem ab incendio , cives ab internecione , Italiam totam ab exitio revocavit ? nisi una M. Tullii Eloquentia , quo cumque præsidio potentior atque efficacior .

Verum si tantam ex eruditis disertorum virorum laboribus gloriam cum tanta utilitate conjunctam compararunt civitates illæ , apud quas isthæc Eloquentiæ lumina resulserunt ; non habuerunt vicissim Oratores illi præstantissimi , quod de patria quererentur , aut minus vel emolumenti vel gloriæ ab eadem perceperisse se expostularent . Nam quibus tandem non nituere conspicui honoribus ? aut quod tam excelsum dignitatis fatigium est , cuius facti compotes non fuerint ? Vidimus homines novos , nulla majorum gloria , nullo generis splendore spectatos , iis defunctos fuisse magistratibus unius Eloquentiæ præsidio , quibus nobilissimi quique viri excludentur : vidimus eam adeptos fuisse in opinione hominum ramam , ut quot eorum dicta , tot effata ; quot verba , tot decreta ; quot responsa , tot oracula haberentur .

Et erit quisquam tam parum cupidus patriæ laudis aut suæ , tam negligens vel publicis vel privatis in rebus , ut facilem rei utriusque colligendæ viam , si possit , ingredi refugiat ? Vos hæc potissimum spectat oratio , quotquot capessendæ Eloquentiæ navatis operam : hæc vobis proponitur

natur digna laboribus vestris merces atque compensatio ;
hi stimuli teneris adhuc ac recentibus animis adjiciuntur , ut si quam afferret moram asperioris studii diuturnitas , tam gloriosa mercedis expectatio novum ad superiandos obices quo scumque robur , novos animos sufficiat.

ALIA EXERCITATIO.

*Laudabitur institutum illud , quo laboriosæ
Juventuti præmia proponuntur .*

Locus ab Effectis .

STRNOPSIS.

Elogia. & Prop. **D**ucetur a commendatione eorum , qui laboriosæ Juventuti præmia proposuerunt .

Confirmatio . Ab Effectis , & 1. per Congeriem quæret , quid sit constitutum utilius , quam quod ingenium acuit , diligentiam stimulat , studiorum molestias , scientiarum asperitates lenit ac mitigat ?

2. Per Complexionem dicet , hunc fuisse Institutionis illius effectum , ut tot olim Athenis , tot Romæ , tot hodie apud nos in liberalibus artibus excellant .

3. Per Distributionem ostendet , nullum esse , qui mercedis expectatione non stimuletur ; nobiles æque ac ignobiles , ingeniosi pariter atque hebetes , strenui ac socordes ascenduntur .

Conclusio . Continebit Regis Christianissimi præconium , cuius munificentia perpetua fit , ut numquam Parisiensi in Collegio laboriosæ Juventuti præmia desutura sint .

ORATIO.

Cum multa sunt in omni Republica ad Juventutem instituendam inventa feliciter , ac sapienter constituta ; tum nihil præclarius , quam quod stimulandæ juvenum industriae proposita præmia esse voluerunt , ut insitam singulorum animis educationis bonæ fementem mercedis expectatio promoveret .

(*Ab Effectis per Congeriem*) Quid enim poterat ad excoletudam sedulo Juventutem potentius excogitari , vel sanciri efficacius , quam illud ; quod ingenii aciem acuit ; vim ejusdem promovet ; diligentiam excitat ; fugat socordiam ;

diam , accendit æmulationem , laborum fastidiis occurrit , studiorum molestias mitigat , scientiarum asperitates emollit , & quidquid in assidua corporis atque animi contentionе durum ac molestum est , nescio qua suavitate aspergit & condit ?

Miramur , inter breves Athenarum angustias tot prodidisse ingenii doctrinæque lumina , tot ornamenta liberalium artium , tot in unaquaque disciplina illustria perfæstissimæ cujusdam absolutionis exempla extitisse ? totum hoc , quodcumque est , protulit , ornavit , ac perfecit mercedis expectatio . Miramur , incensos nobili quadam æmulatione Romanos institisse Græcorum vestigiis , pari contentione animi ad capessendos studiorum labores acceſſisse ; (*Ab Effectis per Complexionem*) Atheniensium industriam , eruditionem , & summum singulis in rebus laudis cumulum Romam aut æquasse , aut etiam superasse ? tam laudabile æmulationis studium excitavit , fovit , incendit inercedis expectatio . Miramur etiam , florere apud nos hodie in in omni doctrinarum genere præstantes viros , qui nec ingenio , nec eruditione , nec dicendi scribendique gloria veteribus Græcis aut Romanis cedant ? hanc & nostris temporibus conciliat laudem ac gloriam mercedis expectatio .

(*Ab Effectis per Distributionem*) Nam quis est tam æmulationis expers , tam aversus a Musis , tam parum veræ germanæque laudis studiosus , quem proposita industriae atque eruditioni præmia non commoveant , & ad superandas studiorum asperitates non sustentent ? Scilicet hæc comparandis laboribus parata merces sic nobilibus & natis ad magna quæque viris novos addit animos , ut tenues atque abjectos aculeis pungere non desistat ; sic ingeniosos exstimulat , ut hebetes ac plumbeos otiani non patiatur ; sic strenuis ac sedulis incitamenta sufficit , ut ignavos & inertes ad excutiendam vecordiam invitet .

Laudentur igitur homines illi literarii ludi moderatores , qui tam ingens , tam potens ad incitandam Juventutis solertiam momentum addidere . At quantas , quam immortales gratias Ludovicō Magno habebimus , cuius liberali munificentia factum est , ut in florentissimo totius orbis lyceo , numquam sua laboriosæ Juventuti præmia defutura sint ? Celebretur enimvero tam benefici Principis gloriosum nomen , & quamdiu florebunt liberales Artes , nulla posteritas de laudibus ejusdem conticescat .

C A P U T X I I .

Locus a Comparatione.

Quid est Comparatio? R. Est duarum vel plurium rerum inter se collatio. Quotuplex est Comparationis genus?

R. Triplex. Primum Majoris cum Minore. Alterum Minoris cum Majore. Tertium Paris cum Pari. Res enim, inter quas instituitur Comparatio, vel maiores sunt, hoc est verisimiliores, & quibus id de quo agitur; potiori jure convenit: vel minores, id est minus verisimiles, quibus non æque res aliqua conveniat, ac ei cum qua conferuntur: vel æquales in gradu veritatis, ut utris res potius conveniat, illisne quæ conferuntur, an illis quibuscum conferuntur, non satis intelligas.

Quomodo sit argumentum a Majori ad Minus?

R. Quando minus probabile concluditur ex magis probabili: v. g. Catoni licuit sequi bellum civile; licebit & Ciceroni.

Cicero pro Domo sua, n. 108. probat, Deos immortales domum suam non concipiisse, quod ne homines quidem sceleratissimi, quos illam concipiisse æquius erat, illam expetiverint.

Civis est nemo in tanto populo, extra contaminatam illam & cruentam P. Clodii manum, qui rem ullam de meis bonis attigerit, qui non pro suis opibus in illa tempestate defenderit, At, qui aliqua se contagione prædæ, societatis, emptionis contaminaverunt, nullius neque privati, neque publici judicii pœnam effugere potuerunt. Ex his igitur bonis, quorum nemo rem ullam attigit, qui non omnium iudicio sceleratissimus haberetur, Dii immortales domum meam consupiverunt?

Sic & pro Roscio Amerino probat, nihil esse mirum quod Sylla omnia animadvertere non potuerit, cum neque ipse Jupiter id possit, n. 131. Quid miramur, L. Syllam, cum solus Rem publicam regeret, orbemque terrarum gubernaret, imperiique majestatem, quam armis receperat, legibus confirmaret, aliqua animadvertere non potuisse, nisi hoc mirum est, quod vis divina assequi non possit, si id mens humana adepta non sit.

Et

Et Divinatione in Verrem , n. 40. ita disputat contra Cæciliū . Quod si ego hæc , propter magnitudinem rerum ac difficultatem , aſſequi non potui , qui in omni vita nihil aliud egi : quam longe tu te ab his rebus abſeffe arbitrare , quas non modo antea numquam cogitasti , ſed ne nunc quidem , cu[m] in eas ingrederis , que & quantæ ſint , ſuſpicari potes ?

Pro Murena vero , n. 9. probat eleganti & plena aſſentationis allegoria , non potuiffe ſe a defendendo Murena temperare . Atque bujusce rei de tuo ipſius ſtudio conjecturam , Servi , facillime ceperis . Nam ſi tibi neceſſe putas etiam adverſariis amicorum tuorum de jure conſulentibus reſpondere : & , ſi turpe exiſtimas , te advocoato , illum ipſum , quem contra veſeris , cauſa cadere : noli tam eſſe iuſtus , ut cum tui fontes vel inimicis tuis pateant , noſtros rivulos etiam amicis putes clauſos eſſe uportere .

Pro Milone probat longa amplificatione non eſſe habendam novo more de P. Clodii morte quæſitionem ; cum non eſtet id antea factum in nece clarissimorum virorum , n. 16. ad 22.

Pro Sylla , n. 21. conſutat a Majori ad Minus , quod Torquatus dixerat , ſe regnum Ciceronis ferre non poſſe . Quod tandem , Torquate , regnum ? Conſulatus , credo , mei : in quo ego imperavi nihil , ſed contra Patribus conſcriptis & bonis omnibus parui : quo in magistratu non iuſtitutum eſt a me regnum , ſed non permifſum . An tum in tanto imperio , tanta poſteſtate , non dicis fuſſe Regem ; nunc priuatum regnare dicis ? quo tandem nomine ?

Pro Plancio , n. 78. probat agendas ſibi fuſſe Plancio gratias , a quo deſenſus fuſſet ; ſiquidem id Populus Ro- manus publico decreto feciſſet .

Quomodo dicitur argumentum a Minorī ad Majus?

R. Quando magis probabile ſeu magis veriſimile ex mi- nus probabili ſeu minus veriſimili concluditur . Cujus argu- menti viſ ea eſt : ſi , quod minus probabile eſt , nihilominus verum eſt ; ergo & quod erit magis probabile , verum erit exiſtimandum : v. g. ſi duabus legionibus vinci potuit hostilis exercitus , certe poterit idem a quatuor ſuperari : ſi Martyres pro Christi cauſa vitam effuderunt , nos pro eodem levem contumeliam ferre detracſtabimus ?

Actione 2. in Verrem , n. 28. a Minorī ad Majus Cicero argumentatur . Quid eſt , quæſo , Metelle , judicium corrum- pere , ſi hoc non eſt ? Testes , praſertim Siculos , timidos ho- mines & afflitos , non ſolum auctoritate detergere , ſed etiam Conſulari metu , & duorum Prætorum poſteſtate ? Quid face-

res pro homine innocentे & propinquo, cum propter hominem perditissimum atque alienissimum de officio ac dignitate decedis?

Pro Lege Manilia, n. 11. Populum Romanum Tullius hortatur a Minori ad Majus ad tuendam Imperii dignitatem. Majores vestri sepe mercatoribus ac navicularioribus injuriosus tractatis bella gesserunt: vos tot Civium Romanorum milibus, uno nuntio; atque uno tempore necatis, quo tandem animo esse debetis? Legati quod erant appellati superbius, Contubus Patres vestri, totius Graeciae lumen, extinctum esse voluerunt: vos eum Regem inultum esse patiemini, qui legatum Populi Romani, Consularem, vinculis ac verberibus, atque omni supplicio excruciarum necavit? Illi Civium Romanorum libertatem imminutam non tulerunt: vos vitam exceptam negligitis? Jus legationis verbo violatum illi persecuti sunt: vos legatum Populi Romani, omni supplicio imperfectum, inultum relinquatis? Videte, ne, ut illis pulcherrimum fuit, tantam vobis imperii gloriam relinquere; sic vobis turpissimum sit, illud, quod accepistis, tueri ac conservare non posse.

Eodem argumento utitur Oratione post Reditum in Senatu, n. 2. probatque tanto majus esse Populi Romani beneficium, per quem omnia bona receperisset, quanto singula cariora sibi extitissent.

Et Oratione pro Cælio, n. 54. a Minori ad Majus auctoritatem exaggerat Lucceji cuiusdam, qua abutebantur adversarii in Cælium. Habeo, Judices, quem vos socium vestre Religionis jurisque jurandi facile esse patiamini, L. Luccejum, sanctissimum boninem & gravissimum testem: qui tantum facinus in famam atque fortunas suas, neque non audisset illatum a Cælio, neque neglexisset, neque tulisset. An ille vir, illa humanitate preeditus, illis studiis, artibus atque doctrina, illius ipsius periculum, quem propter hac ipsa studia aligebat, negligere potuisse? quod facinus in alienum hominem illatum severe acciperet, id omisisset curare in hospite? quod per ignotos actum cum comperisset, doleret, id a suis tenetatum esse negligret? quod in agris locisve publicis factum reprehenderet, id in urbe ac sue domi cœptum esse leviter ferret? quod in alicuius agrestis periculo non pretermitteret, id homo eruitus in insidiis doctissimi hominis dissimulandum putaret?

Et in Oratione de Provinciis Consularibus probat, n. 2. sibi actius læso jus suisse majus Pisonem & Gabinium notandi, quam Servilio suisset carpendi utrumque propter leviorum injuriarum.

Habes similia argumenta petita a Minori ad Majus pro Cæcina, n. 45. pro Plancio, n. 26. 3. Catil. n. 24-

& 25. in Pisonem, n. 18. pro Milone, n. 80. pro Cluentio, n. 32.

Quonodo fit argumentum a Pari?

R. Quando pariter probabile ex pariter probabili colligitur: v. g. Beati omnes innocentia vita, virtutis exercitatione, laborum tolerantia ad gloriam æternam pervernerunt; ergo & nos oportet iisdem gradibus ad eamdem gloriam ascendere.

Habes illius Loci exempla apud Ciceronem illustria. Pro Sylla, n. 48. Neque vero, quid mibi irascare, intelligere possum. Si, quod eum defendo, quem tu accusas; cur tibi quoque non succenso, qui accuses eum, quem ego defendeo? Inimicum, inquis, accuso meum. Et amicum ego defendeo meum. Non debes tamen quenquam in coniurationis questione defendere. Imo unquam nemo magis eum, de quo nihil est suspicatus; quam is, qui de aliis multa cogitavit.

Ibidem, n. 4. probat a Pari, se non esse reprehendendum, quod Syllam defendat, qui ab Hortensio aliquique viris clarissimis defensus fuerit. Ista conjuratio si patefacta per me est, tam patet Hortensio, quam mibi. Quem cum videoas honore hoc, auctoritate, virtute, consilio prædictum, non dubitasse, quin innocentem P. Syllam defenderet: quero, cur, qui aditus Hortensio ad causam patuerit, mibi interclusus esse debuerit. Quero illud etiam, si me, qui defendeo, reprehendendum putas esse, quid tandem existimes de his summis viris & clarissimis civibus, quorun studio & dignitate celebrari hoc judicium, ornari causam, defendi hujus innocentiam vires? Et n. 7. Quamobrem quid est, quod mirere, si cum iisdem me in hac causa vides adesse, cum quibus in ceteris intelligis absuisse? Nisi vero me unum vis ferum præter ceteros, me asperum, me inhumanius existimari: mens singulare immanitate & crudelitate prædictum.

Philippica 5. n. 25. probat Antonium eo lèm debere haberi loco, quo Annibalem, quia tam hostiliter egit, quam Annibal.

Et pro Roscio Amerino, n. 50. probat, non esse probro vertendum Roscia, quod subigenda terra operam dederit; quia multi alii opibus & dignitate praestantes idem secesserint. Ne tu, Eruci, accusator ridiculus es, si illis temporibus natus es, cum ab aratro arcesserantur, qui Consules fuerint. Etenim, qui præesse agro colendo flagitium putet, profecto illum Attilium, quem sua manu spargentem semen, qui missi erant, convenerunt, hominem turpissimum atque inhosflissimum judicares. At hercule Maiores nostri longe aliter & do-

illo, & de ceteris talibus viris existimabant: suos enim agros studiose colebant, non alienos cupide appetebant. &c.

Pro Murena, n. 31. bellum Mithridaticum, quod consilio armisque promoverat, a paribus bellis exornat.

Ibidem, n. 35. probat nullo Murenæ detimento vertendum, quod Murenæ prior Sulpicius in petitione Prætoriæ renunciatus fuisset.

Catil. i. n. 17. probat Catilinæ ex urbe discedendum esse, quia pari omnium honorum judicio damnatus est. *Quo tandem animo hoc tibi ferendum putas? Servi mehercle mei si me isto pacto metuerent, ut te metuunt omnes cives tui, domum meam relinquendam putarem: tu tibi urbem non arbitraris? Et, si me meis civibus iuraria suspectum tam graviter atque offensum viacrem: carere me aspectu civium, quam infestis omnium oculis conspicere mallem. Tu cum conscientia scelerum tuorum agnoscas omnium odium justum, & jam tibi diu debitum, dubitas, quorum mentes sensuque vulneras, eorum aspectum presentiamque vitare? Si te parentes timarent, atque odissent tui, neque eos ulla ratione placare posset: ut opinor, ab eorum oculis aliquo concederes. Nunc te patria, quæ communis est omnium nostrum parens, odit ac metuit: & jam diu de te nihil judicat, nisi de parricidio suo cogitare. Hujus tu neque auctoritatem verebere, neque iudicium sequere, neque vim peximesces?*

E X E R C I T A T I O.

Simon Judæorum Dux & Sacerdos ad Commilitones suos, de vindicanda Fratris sui Jonathæ ipsiusque liberorum morte, quos Tryphon, accepto redemptionis pretio, per fraudem malam interfecerat.

Locus a Comparatione.

S Y N O P S I S.

Exord. A Minor ad Majus dicet, facturum se injuriam ipsorum cum fortitudini, tum grato animo, si longiori Oratione cohortandos ipsos putaret, ad vindicandam illius mortem, qui dux ipsorum ac custos Religionis tam multa pro tuenda ipsorum Religione & salute suscepisset.

Propositio. Continebit brevem rei gestæ narrationem: exponetque, ut Tryphonis fraude interierit Jonathas, post.

postquam pro ipso ipsiusque liberis pacta pecunia persoluta fuisset.

Confirmatio. A comparatione ducta a Majori ad Minus; jubebit ipsos nieminiſſe, quantam majores ipsorum in suis contra Barbaros bellis fortitudinem exhibuſſent, quoties pro Religione veri Numinis decertassent; non lieere ipsis ab antiqua virtute esse degeneres. Adinonebit, causam Jonathæ cum ipsius Dei eaſſa esse coniunctam; neque occiſum fuisse Jonatham, niſi in odium veri Numinis.

Deinde per Comparisonem a Simili, dicet, pat ipsis expectandum esse a Deo præſidium illi, quod jam paribus in præliis pro ipsius cauſa ſuceptis experti eſſent, fi idem ſtudium, eundem ardorem præſeferrent.

Conclusio. Fiet per Anacephalæſim rerum jam dictarum; cum valida cohortatione ad rem strenue gerendam.

O R A T I O .

(A Majori ad Minus) Facerem ego vestræ fortitudini injuriam, aut certe de veftro in Jonatham animo viderer iniquius aſtimare, Commilitones amantifimi; ſi, dum illatum tanto viro funeſtissimæ mortis dedecus ac probrum paramus vindicare, longiori vos oratione ad rem viriliter gerendam exhortandos putarem.

Noſtis enim yero, qualis & quantus vixerit apud vos frater ille mihi cariſſimus. Dux idem vester, & ſacrorum custos ac propugnator acerrimus. Meminifit ſtudium ipsius comites ac periculorum ſocii, quotquot eſtis, quam ultrò discriminis cuiuſcumque aleam ſubierit, quam parum for- tunis capitique pepercereſit, quoties aut veftra ſalut, aut Religionis ſtudium reposceret. Nunc ille Tryphonis impir dolo ac ſeſlere nobis ereptus, videte, quos a vobis animos ad exigendam effuſi ſanguinis ultionem expectet. Equidem cum interceptus hostium inſidiis una cum liberis ſuis Jonathas Tryphonis in manus veniſſet, doluimus, ut par erat, infelicem strenui bellatoris caſum, quem ſua vir tuſ in tantum periculum adduxiſſet; at non erat ſine ſo latio tanti viri calamitas, & hostis avari cupiditas effre nata certam maturæ redēptionis ſpem afferebat. Neque vero nos ſefellit improbi hominis aviditas. Redimi iniquo pretio captivos jubet: infinitam pecuniæ vim ſibi mitti postulat, ſi ſalvum Jonatham cum ipsius liberis cupere mus. Nihil moramur: explemus hoſtis insanam fitim, nec parcendum auro ducimus, qui nec ſanguini parcitum vel

Iemus. At quam fructa! Auro potitur infamis prædo, & captivos obruncat! Nos inultum patiemur fcelus, fortissimi Commilitones?

(*A Minorī ad Majus*) Nam quo exarsisse studio legimus Majores nostros, si quando barbari aut paetam infregissent fidem, aut aliqua nostros homines contumelia affecissent, aut religionis nostræ sanctitatem violassent? Impatientes probri, & acceptæ injuriæ usque memores non deponebant arma, donec hostili in sanguine probrum eluisserent. Nos heredes tanti nominis, & avitæ virtutis æmulatores, segnes & otiosi torpescemus, dum pacti foederis iura despiciuntur, dum palam nobilis illuditur, dum gentis decus ac caput contra fas omne perimitur, dum veri Numinis cultus ac religio impetratur? Dico impetri veri Numinis cultum ac religionem, Commilitones. Neque enim existimate, dum Jonatham ulciicimur, aut suscipi a me unam fratris carissimi defensionem, aut a vobis Imperatoris fortissimi mortem tantum vindicari. Agitur caussa Dei ipsius, quem colimus; agitur honos Religionis, quæ Sacerdotem iuum desiderat, & sacrorum custodem acerrium requirit: non occidisset ille ab impiis, nisi se tam strenuum impietatis hostem, quam egregium patriæ propugnatorem exhibuisset. Videte ergo, ne, cum Dei ipsius caussa cum Jonathæ caussa conjuncta sit, cum in odium Israeliticæ Religionis occubuerit, cum illius crimen omne fuerit divini cultus amor ac studium, videte, inquam, ne sit implium violatam tam iniqua cæde pietatem neglere, & inultam pati.

(*A Pari*) Quam erit hodie vobis honorificum, quam gloriotum memoriae Jonathæ, cum eodem, quo flagravit ipse, veri Numinis studio incensi procedetis in aciem! Quantam hæc una generosi facinoris conscientia nostris hostibus formidinem, quam certam nobis victoriæ fiduciam afferet! Nam quis jam armis suis diffidat, quibus instrutum se ab ipso Deo meminerit? Nempe qui vestras olim injurias tam luculenter ultus est, non aderit hodie suas ulciscentibus? qui vos impares numero, formidolosos contra exercitus decertantes suo robore confirmavit, numero jam, animis, caussa superiores destituet? Idem hodie studium, eamdem alacritatem præstate: idem vicissim vindex Deus præsidium, idem robur præstabit.

Oro vos igitur per suavissimam Jonathæ memoriam, cuius sub vexillis tot annos militastis; per illam sanguinis communionem, quam in Simone duce vestro reveremini; per arma

arma illa quæ geritis , barbaris nuper tam fatalia ; per vestram fidem ac religionem , quæ sociorum vestrorum in cæde violata est : ite fortissimis animis , Ducem vestrum ac Sacerdotem , Deum ipsum & Religionis jura vindicate ,

ALIA EXERCITATIO.

M. Tullii Ciceronis Oratio in Senatu pro interficiendis Catilinæ sociis , qui in carcere detinebantur .

SYNOPSIS.

Exord. Demonstrabit , quam alienam a suis moribus rem agat , dum inferendam esse Civibus Romanis mortem persuadere aggreditur .

Propositio. Dicet versari in eo periculo Rempublicam ut , nisi severitas ejusmodi statuatur in cives nefarios , stare non possit : neque se postea alia ratione ejusdem incolumitati consulere .

Confirmatio . Excitabit Senatus odium in conjuratos . 1. Comparatione ducta a Pari : quam severe nimirum majores in eos animadverterint , qui res novas in Republica molierentur , aut aliquod usurpare in Rempublicam dominium cogitarent : adducetque in exemplum Gracchos , Saturninum , &c. qui in re simili oppressi fuerant .

2. Ducta Comparatione a Majori ad Minus , dicet , universum Populum Romanum in perditos cives conjurasse : an lentus fengisque Senatus unus videbitur ? quid tota dicit Italia ? &c.

3. Per Comparationem a Minoris ad Majus , adducet se in exemplum , & concludet : Videte ergo , ne , cum mihi honorificum fuerit vitam salutemque pro patria devovisse , vobis turpe sit &c.

ORATIO.

Quam infelici meo fato fieri dicam , Patres conscripti , ut cum mea ab ineunte ætate vel consilia , vel dicta , vel facta , humanitati ac clementiæ semper servierint ; hodie conversis in contrarium studiis , nihil præter eadem arqua sanguinem aut velle , aut etiam persuadere videar ?

Atque utinam , Patres conscripti , Civitatis hujus incolumitas , Reipublicæ salus , & impositi mihi a vobis in urens ratio paterentur carere me hodierno confessu vestro , &

tam tristi ministerio abstinere! Frueret ea, quam sum consuetus ad hunc usque diem, humanitatis laude, & ad ferendas miseris calamitositque civibus suppetias studium atque industriam converterem. Verum, cum ex illa, in qua me constituitis, ad invigilandum securitati publicae, specula prospexerim, Rempublicam salvam esse non posse, nisi perdit ac nefarii cives de medio tollantur; pristinum mihi exuendum putavi amorem clementiae, ut dignam Consule severitatem induerem.

(Comparatio ducta a Pari) Nihil ego vos moror Patres conscripti, vel in convincendo conjuratorum scelere, vel in gravitate flagitii, quod illi meditabantur, exaggeranda. Patuere insidiæ: clandestina cum hostibus consilia reiecta sunt: patratum in ipsis patriæ visceribus crimen intellexistis. Quid restat, nisi ut pares ad vindicandam injuriam animos afferatis? Majores nostri stare posse Rempublicam non putarunt, nisi publicae tranquillitatis osores, tamquam putrida totidem membra, resecarentur. Nam quid ego spectata satis Romanæ severitatis etiam in cives Romanos exempla commemorem? Quid vel ipsa conditæ urbis repetam exordia? Quid Manlium loquar, quid Crassum, quid Meiliū, quid Flaccum, quid Gracchos, quid Saturninum proseram, quos vel nefaria cum hostibus Reipublicæ consilia molientes, vel effusis largitionibus ad populi gratiam adrepentes, vel alienum a libertate nostra dominatum affectantes, gravissimis quibusque suppliciis civitas ista multavit? Vos ejusdem auctoritatis heredes & gloriae inultos esse patiemini, qui urbem hanc incendere, labefactare Rempublicam, communem extinguerem libertatem cogitarunt?

Ah! ne, per Deos immortales, Patres conscripti, stulta ac præpostera reorum commiseratio flectat vos aut commoveat. Quos meritis erectos poenis volueritis, hos universus Populus ad supplicium reposcit. Fuit haec mihi, ut fatear, quod resest, Patres conscripti, inter gravissimos, quos nefaria conjuratio metus incussit, consolatio non levis, cum paratos multitutinis totius ad repellendum communem malum animos deprehendi: erexit spem Consulis, & novos etiam addidit stimulos conspirans civium omnium ad tuendam libertatem nostram voluntas: nec prævalitur amputavi paucorum improbitatem, quam ad coercendam, quidquid in hac urbe sanctum atque integrum est, incenderetur. (A Majori ad Minus) Videte ergo, qualem in tali personam tueri vos oporteat. Cogitate, quales vos sitis, & ad quantum dignitatis gradum evecti. Nolite hauc inu-

inuere ordinā vestro labem , ut jactare quis possit , dum præter fortē fortis & animosus populus apparuit , se-
gnem ac lētum in vindicanda communi injuria Senatum
extitisse .

(A Minorī ad Majus) De me vero nihil dicam , Patres con-
scripti . Intellexistis enim vos ipsi satis , quanto capitatis mei
periculo imminentem vobis totique Populo Romano cladem
averterim : quantam in me scelerorum civium isto faci-
nōe invidiam concitaverim ; quibus meis laboribus quie-
tem ac tranquillitatem huic Imperio redemerim . Videte
hoc unum , ne , cum mihi honorificum fuerit , fortunas ,
salutem , vitam pro communi bono devovisſe ; ita vobis
turpe sit , inani metu deterritos ab extirpandis tanti mali
reliquis abstinuisse .

C A P U T XIII.

De Loci Assumptis seu extrinsecus petitis .

Quid sunt Loci Assumpti seu extrinsecus petitii ?

R. Sunt ii , qui petuntur aliunde , quam ex natura
rei , neque pendent ab arte , ut excogitentur , sed ut tra-
tentur .

Quorū sunt Loci extrinsecus petitii ?

R. Sex vulgo nominantur . Leges seu Præjudicia , Jusju-
randum , Fama , Tabulæ , Tormenta , Testes : de quibus
singulis seorsim nobis dicendū incumbit .

A R T I C U L U S P R I M U S .

De Legibus seu Præjudiciis .

Observandum est Legem aliam esse æternam , quæ Dei
est ; aliam naturæ , quæ ab eodem Deo est ut auctore
naturæ ; aliam humanam , quæ ab hominibus posita est .

Humana iterum dividitur in Ecclesiasticam , in Militar-
rem , in Civilem sive Togatam , pro varia hominum con-
ditione .

Rursum alia Lex est communis , quæ ad omnes ; alia
propria , quæ ad aliquos tantum pertinet , puta ad Regnum
aut ad Provinciam .

Quomodo confirmatur Locus a Lege ?

R. i. Si ostenderis per amplificationem a Definitionibus
conglobatis Leges esse vincula Reipublicæ , Regnum fun-
da-

damenta , procreatrices tranquillitatis . 2. Si Leges commendaveris ab eis , a quibus latæ sunt . 3. Si per amplificationem a frequentatione Consequentium , damna quæ ex earum violatione secutura sunt , demonstraveris .

Legum necessitatem dignitatemque multis commendat Cicero pro Cluentio , n. 146. Ut tibi concedam , hoc indignum esse quod cuiusmodi sit , jam video , tu mihi concedas necesse est , multa esse indignius , in ea civitate , quæ Legibus continetur , discedi a Legibus . Hoc enim vinculum est hujus dignitatis , quæ fruimur in Republica , hoc fundamentum libertatis , hic fons æquitatis . Mens , & animus , & consilium , & sententia civitatis postea est in Legibus . Ut corpora nostra sine mente ; sic civitas sine Lege , suis partibus , ut nervis , a sanguine , & membris , uti non potest . Legum ministri Magistratus ; Legum interpretes , Judices : Legum denique idcirco omnes servi sumus , ut liberi esse possimus .

Lib. i. de Inventione , n. 70. monet Judices Legum juratos custodes , ne a Legibus discedant . Judices qui ex Legie jurati judicatis , Legibus obtemperare debetis . Obtemperare autem Legibus non potestis , nisi id quod scriptum est in Lege , sequamini . Quod enim certius Legis scriptor testimoniū voluntatis sue relinquere potuit , quam quod ipse magna cum cura atque diligentia scripsit ? Quod si literæ non extarent , magnopere eas requireremus , ut ex his scriptoris voluntas cognosceretur . &c.

R. 1. Si probetur mutari posse Legem humanam hominis ad arbitrium . 2. Si ostendatur causam Legis non esse amplius . 3. Si retegatur aliquid iniquum in Lege . 4. Si lex Legi opponatur . 5. Si necessitatem agendi contra Legem fuiss. demonstretur .

Tullius pro Rabirio Perduelli , n. 13. eludit Legem , ostendendo Legem non esse amplius in usu , nec superesse causam , propter quam lata fuisset . Tu mihi etiam Legis Porcie , tu C. Gracchi , tu horum libertatis , tu cuiusquam denique hominis popularis mentionem facis , qui non modo suppliis inusitatibus , sed etiam verborum inaudita crudelitate , violare libertatem hujus populi , tentare mansuetudinem , commutare disciplinam conatus es ? Namque haec tua , quæ te hominem clementem popularemque delectant , I , Lictor , colliga manus : quæ non modo hujus libertatis magnitudinisque non sunt , sed ne Romuli quidem , aut Nume Pompilii , sed Tarquinii , superbissimi atque crudelissimi Regis . Ita sunt cruciatus carmina : quæ tu homo lenis ac popularis libentissime comniemotas , Caput obnubito , arbori infelici suspendito : que-

yerba, Quirites, jam pridem non solum tenebris vetustatis in hac Republica, verum etiam luce libertatis oppressa sunt.

Sic pro Domo sua, n. 53. Legem impugnat, quod per vim sit lata. Quid si per vim tulisti? tamenne Lex est? aut quidquam iure gestum videri potest, quod per vim gestum esse constet? An si in ipsa latione tua, capia jam urbe lapides jacti, si manus collata non est, idcirco tu ad illam labem, atque eluviem civitatis, sine summa vi pervenire potuisti?

Ibidem Legem Clodium injuste latam ex Causa Efficiente & ex parte Legis demonstrat, n. 47. At quid tulit Legum scriptor peritus & callidus? Velitis, jubeatis, ut M. Tullio aqua & igni interdicatur? Crudele, nefarium, ne in sceleratissimo quidem cive ferendum sine judicio. Non tulit, ut interdicatur. Quid ergo? Ut interdictum sit. O cœnum! o portentum! o scelus! Hanc tibi Legem Clodius scripsit, spuriorem lingua sua, ut interdictum sit, cui non sit interdictum?

Ibidem Legum oppositione domum suam sibi non juste erexit demonstrat, n. 43. Fueris sane Tribunus plebis tam jure, quam Lege, quam fuit hic ipse Rullus, vir omnibus rebus clarissimus, atque amplissimus: quo jure, quo more, quo exemplo Legem nominatim de capite civis indemnati tulisti? Vetant Leges sacratae, vetant duodecim Tabulae, Leges privatis hominibus irrogari: id est enim privilegium. Nemo umquam tulit: nihil est crudelius, nihil perniciosius, nihil quod hæc civitas minus ferre possit.

Et pro Milone, n. 10. Legem scriptam per Legem naturalem destruit. Est enim, Judices, non scripta, sed naturæ Lex: quam non didicimus, acceperimus, legimus: verum ex natura ipsa arripiuimus, hausimus, expressimus: ad quam non docti, sed facti; non instituti, sed imbuti sumus: ut si nostra vita in alias insidias, si in vim, si in tela aut latronum aut inimicorum incidisset; omnis honesta ratio esset expedienda salutis. Sicut enim Leges inter arma, nec se exceptari jubent, cum ei, qui exceptare velit, ante injusta pax luenda sit, quam justa repetenda.

EXERCITATIO.

*Accusatur apud Patrem eumdemque Consulem Manlius victor,
quod contra datam sibi legem cum hoste conflixerit.*

Locus a Legibus.

S T N O P S I S.

Exord. **D**ucet Accusator a commendatione Legum universim: quod tractabit per Prætermissionem, quia dicit apud virum Consulem, eumdemque magnum Imperatorem.

2. Deinde descendet ad commendandas præsettum Leges militares, quarum infraictio multo majoris momenti est, propter audaciam vitæ militaris, quæ freno indiget, & propter clades, quæ consequuntur.

3. Ostendet, Filium Manlii hac Lege obstrictum fuisse: debent enim viri principes prælucere ceteris exemplo, & ut majores sunt eorum virtutes, sic & majora solent esse eorum vitia.

4. Ostendet, Manlium patrem teneri Legem infraictam vindicare, eo magis quod a filio & a victore infraicta sit. Nam si filium non punierit, dicetur plus naturæ, quam æquitati concessisse; si victori parcat, hoc pessimum apud posteros exemplum violatae Legis relinquet.

Concludet, infelicem appellando Manlium, cui plus visse noceat, quam si vixtus esset.

ORATIO.

Si mihi apud aliquem alium, quam apud virum Consulem eumdemque rerum bellicarum peritissimum Imperatorem habenda esset oratio, hodiernam, quam invitus ac reluctans fortissimo Juveni inferre cogor accusationem, singulari Legum commendatione præmunriendam censuisse. Verum quid attinet commendare Leges apud eum, quem Legum ministrum ac custodem sanctissimum, eumdemque sapientissimum interpretem reveremur? Scilicet in hoc apice dignitatis constitutus, unde domi forisque cuncta moderaris; nosti unus omnium optime, T. Manli, quantus honor, quanta haberri debeat Legibus reverentia, quæ vincula

cula Reipublicæ , fundamenta Imperiorum , tranquillitatis ac pacis procreatrices nuncupantur . Hinc illa majorum nostrorum , vel ab ipsis conditi primum Imperii temporibus , constans opinio , tam esse necessarias Leges ad tuendam Reipublicæ dignitatem incolumitatemque conservandam , ut sine gravissimo ejusdem detimento infringi illas posse non putarent .

Quod si ceterarum Legum infraactio tantopere metuenda est , quanto præcavere diligentius oportet , ne qua militari disciplina labes inferatur ? Ut enim confidentiores esse solent , præter vulgus hominum , arma qui tractant ; & ipsa militiæ dignitas quædam ac gloria impunitatis fiduciam inspirat : nisi coerceatur freno ejusmodi hominum temeritas , atque intra justos obsequii limites retineatur , nemo non videt , tristissimam ab iis ipsis impendere Reipublicæ perniciem , qui ejusdem tutores ac conservatores reputantur .

Qua igitur confidentia , T. Manli , tuus ille filius , juvenis alioqui laudatissimus , consulare Imperium infregit ? An quia excelsiore loco positus nemini latere poterat , quod contra Legem admisisset ? an quia vicariam adeptus a te potestatem , tanto impensis primaflam in Imperatore ac Consule revereri debuisse ? an quia contempto per summum nefas paterno ac Consulari imperio perniciosum ceteris defectionis exemplum ostentaret ?

Tu vero qui tanti sceleris sedes arbiter ac judex , vide , T. Manli , vide quam severam tibi ipse legem dixeris . Præclusisti omnem tibi ad misericordiam aditum , qui de filio pater , de victore Consul & Imperator judicinum suscepseris . Si paternæ caritatis studio vietus indulgendum aliquid tuo sanguini censueris , quam tibi apud omnes concitabis famam , qui plus amori tenero pater , quam studio Reipublicæ Consul tribuisse videare ? Si victoris gloria placatus & inflexus ignoscendum juvenili temeritati existimas , quantum detrectandi deinceps obsequii juventuti Romanæ momentum sufficies Imperator ? Quem enim in posterum in officio retineant Imperatorum iusta , quoties aut illecebra victoriæ , aut illustrandæ locus se offeret : si polliceri sibi possit temeritas impunitatem , & rei gestæ feliciter obtenu contumacia memoriam oblitterare ? Imo quis virtutum in numero docile mentis obsequium reponendum putet , quod contemni impune posse , & felicibus armorum eventis postponi intelligat ?

In felicem te , juvenis fortissime , qui Judicem eum offendas ,

das, a quo sine magno dedecore sperare quidquam non aus-
sis. Misericordia te, cui relatae victoriae decus plus nocuisse
videatur, quam si vietus in acie temeritatis tuae poenas de-
disses. Faceret acceptae clavis opprobrium, ne quid tentari
ejusmodi exemplo tuo ceteri praesumerent. Dete ruisset
omnes suscepisti infeliciter operis calamitas, ne militaris
imperii leges violandas esse arbitrarentur, & junioris Man-
lpii exitium salubre toti juventuti obsequii documentum ex-
titisset. Quid restat, nisi ut partam imprudentia tua offen-
sionem repares, & quod ineruisti capitibus suppicio praeter-
grediendi deinceps militaris imperii metum incutias?

ALIA EXERCITATIO.

Defenditur junior Manlius.

Locus a Confutatione Legis.

STRONOPSIS.

Exord. Prostrebetur Orator, se cum adversario de digni-
tate Legum ac necessitate convenire, neque alia
se ratione usurum ad defensionem Manlii, quam Legum
auctoritate: quod ut faciat:

1. Legi humanæ, quam dicet mutari posse hominis ad
arbitrium, Legem naturæ multo validiorem opponet: fa-
tebiturque, si habeatur humanæ Legis ratio, puniendum
esse Manlium; at Lex naturæ reclamat, prohibetque eum
suppicio affici, qui victoria sua plus utilitatis Reipublicæ
attulit, quam mali, infractione Legis.

2. Dicet interpretatum esse juniores Manlium consilium
Legis, qua se teneri in ea occasione non putavit; quia, si
servasset Legem, certissimæ victoriae locum amisisset.

3. Excusabit illum, quod necessitate magis quam volun-
tate Legem violaverit: nam quid aliud faceret juvenis na-
tura servidus, cum ab hoste provocaretur; & a suis pro-
p̄s cogeretur, ut certaret?

Denique Perorationis loco petet, ne Manlio noceat quod
patriæ profuerit, quod patrem habeat judicem, quod Rem-
publicam defenderit.

O R A T I O .

Novimus enimvero , Judices : neque opus erat , ut in commendandis Legibus tam inutilem operam accusator poneret : novimus , inquam , quanta debeat esse Legum auctoritas , in hac præsertim Republica , quæ suum a bonis moribus atque institutis momentum atque ornamentum accipit . Imo adeo non velim vel in hac caussa infirmare quidquam ex iis , quibus adversus Manlium abuti visus est , ut ad illum defendendum nullum aliud lubentius ; quam Legum ipsarum patrocinium adhibendum putem . Habeant ergo Leges pondus illud apud nos , quod semper habuerunt : sint illæ fundamenta hujus imperii , Reipublicæ vincula , & amicæ pacis atque tranquillitatis fons & origo censeantur : nefas sit illas infringere ; & earum contemptores meritis , ut pat est , poenit coerceantur .

(Lex legi opposita) At quibus ; amabo , Legibus primus debetur honor ? quæ Leges tandem singularem a nobis cultum atque religionem vindicant ? An illæ , quæ ut hominum consilio prodierunt in hanc lucem , ita eorumdem arbitrio resurgi pariter atque infirmari solent ? an illæ potius , quæ non tam scriptæ , quam natæ nobiscum videri debent ? quas non didicimus , accepimus , legimus ; verum ex natura ipsa haussimus ; arripuiimus , expressimus : ad quas non docti , sed facti , non instituti ; sed imbuti sumus ? Esto : videri nocens possit & dignus morte junior Manlius , si latæ a parente eodemque Consule Manilio Legis ratio habeatur . At si reclamat ipsa naturæ Lex , si reum absolvit , si amplissimo præmio remunerandum dictitat : si secutus illius vocem fortissimus juvenis , gravissimum se Reipublicæ detrimentum , si Consulis editum servaret , utilitatis plurimum , si idem prætermitteret , allaturum prævidit : rogo vos , Judices , quo demum recidet Accusatoris oratio ; quam habere vim ad condemnandum viatorum videbitur ? Sensit enimvero junior Manlius , cum in iis ierum articulis deprehenderetur , ut certissima victoriæ spes affulgeret , cum affligendus ac profligandus hostis objiceretur , non audiendum esse Consul's imperium , qui depugnare prohibuisset : (Interpretatio legis) vidit non fuisse illud patris consilium , dum ferret Legem , ut oblatam rei feliciter gerendæ occasionem eriperet : non dubitavit , quin liceret sibi imperantis voluntatem sic interpretari , ut latum imperium in Reipublicæ gloriam atque perniciem cederet . An licebat aliter ipsi de Patre , de Consule , de Manlio existimare ?

(*Necessitas violande legis*) Quamquam habuerit Manlius aliam de Consulis voluntate opinionem ; crediderit illum tam tenacem imperii sui , ut vel cum Reipublicæ detimento servari vellet : an debuit propterea studiosissimus rerum nostrarum juvenis oblatum navandæ fôliciter operæ locum negligere ? Nempe instabat imprudens hostis , numero , viribus , animo inferior ; Manlius copiarum multitudine , robore , virtute superior certamen non iniisset ? Provocabat ille Romanos ad pugnam , & nobis tantum non insultabat ; Manlius juvenis natura fervidus , & gloriæ nostræ studio incensus , latus ac segnis dedecus pertulisset ? Commodam ille finiendi belli gravissimi opportunitatem sufficiebat ; Manlius vel ipso capititis periculo auferri sibi de manibus tam amplam gloriæ triumphique segetem sustinuissest ? Næ vicem hodie nostram doleremus , Judices , nisi in tam felici rei bene gerendæ occasione prætergrediendum patris ejusdemque Consulis imperium junior Manlius judicasset . Videte ergo , Judices , ne fortissimo juveni suus in patriam amor & singularis in unumquemque nostrum caritas nocuisse videatur : facite , nemo ut exprobrare nobis possit , eum a nobis affectum fuisse suppicio , cui triumphi gloria suis in Rempublicam meritis debebatur : sic temperate austera Contulís severitatem , ut amor parentis filium absolvere ac tueri non erubescat .

ARTICULUS II.

Locus a Jurejurando.

Quid est Jusjurandum ?

R. Est affirmatio vel negatio alicuius rei religiose ritu facta .

Quomodo confirmatur hic Locus ?

R. 1. Si ostenderis , quam inviolabile debeat esse promissum , quo Deo quis obstringitur : idque a Minori ad Majus . Nefas est pacta cum homine violare ; quanto magis cum Deo , cui debemus id omne quod sumus ?

2. Si per enumerationem partium recensu*is* poenias , quæ jurisperandi violatores consequuntur : experiuntur enim homines in se perfidos qui Deo perfidi extiterint , & sceleris conscientia cruciantur .

3. Si magnam in jurante vel auctoritatem vel probitatem demonstraveris .

Cicero lib. 3. de Officiis , n. 31. ita de Jurejurando loqui-

quitur: Nullum vinculum ad adstringendam fidem jurejurando Majores arctius esse voluerunt. Id indicant Leges in 12. Tavulis, indicant sacram̄, indicant fœdera, quibus etiam cum hoste devincitur fides; indicant notationes animadverſionesque Censorum, qui nulla de re diligentius, quam de jurejurando iudicabant.

Eo loci pluribus agitat Cicero Quæſtionem illam: utrum Regulus teneretur persolvere fidem, quam Carthaginensibus dederat: & probat, non potuisse ipsum frangere fidem datam vel hosti.

Hanc porro formulam Romani in Jurisjurandi formulis adhibebant: Si sciens fallor, ita me Diespiter, salva urbe hac arceque, & boni me dejiciant, ut ego hunc lapidem jacio.

Uuonodo refutatur hic Locus?

R. Primo, si ostendatur Jusjurandum opponi Legibus, vel juri scripto, vel naturali.

2. Neminem obstringi ad id, quod iniquum est, posse: id autem iniquum esse, quod dicitur sacramento fuisse confirmatum.

3. Si demonstretur, id de quo agitur, non expresse contineri in jurejurando, nec fuisse hanc jurantis mentem, ut in eo contineretur.

4. Si probetur emissum jusjurandum ex iracundia, vel ex imprudentia, vel extra locum.

Ita Cicero pro Rabirio Postumo, n. 36. probat eum, qui falsum semel dixerit, facere fidem non posse, vel si per Deos omnes juraverit. *Ubi semel quis pejeraverit, ei credi postea, etiam si per plures Deos iuret, non oportet.*

Idem omnino confirmat pro Comœdo, n. 46. Qui mentiri solet, pejerare confuevit. Quem ego, ut mentiatur, inducere possum: ut pejeret, exorire facile potero. Nam, qui semel a veritate deflexit, is non maiore religione ad perjurium, quam ad mendacium perduci confuevit. Quis enim deprecatione Deorum, non conscientie fide conimovetur? Propterea, quæ pœna a Diis immortalibus perjuro, haec eadem mendaci constituta est. Non enim ex actione verborum, quibus jusjurandum comprehenditur, sed ex perfidia & malitia, per quam infidie tenduntur alicui, Dii immortales hominibus irasci & succensere confueverunt.

Et lib. 3. de Officiis, n. 29. docet, non pejerare eum, qui falsum juraverit, sed quod ex animi sententia juraverit. Non enim falsum jurare, perjurare est; sed, quod ex animi sententia juraris, sicut verbis concipitur more nostro, id non facere, perjurium est.

Ibidem , n. 107. postquam probavit vel hosti jurisjurandi fidem servandam esse , negat eamdem esse rationem prædonum , quibus negari possit , quod jurejurando promisum est . Est autem etiam jus bellicum , fidesque jurisjurandi saepe cum hoste servanda . Quod enim ita juratum est , ut mens conciperet fieri oportere , id servandum est . Quod aliter ; id si non feceris , nullum perjurium est . Ut si prædonibus pactum pro capite pretium non attuleris , nulla fraus est , ne si juratus quidem id non feceris . Nam Pirata non est ex perduellium numero definitus : sed communis hostis omnium . Cum hoc nec fides esse debet , nec jusjurandum commune .

E X E R C I T A T I O .

*Herodias ad Herodem , ut pro edito jurejurando
Joannis Baptiste caput in disco dederat .*

Locus a Jurejurando .

S T N O P S I S .

Exord. **D**icit , non petere se tantum , ut datam fidem , qua nihil est apud Reges sanctius , sed ut dictum sacramentum perficiat .

Propositio . Jubebit meminisse ipsum , quam solemniter vel tertiam regni partem promisisset . Hoc tamen non peto , sed unius hominis multis tibi nominibus invisi caput .

Confirmatio . Ostendet 1. quam perniciosum daturus sit toti populo exemplum , si inani subtersugio eludi a se posse sacramenti religionem arbitretur .

2. Dicet , non esse clam sacramentum , sed aulæ toti notum : & per Apostrophen ad testes illius sacramenti , rogabit ipsos , ne tantam injuriæ labem inuri Regis nomini patientur .

Concludet , vehementer deprecando Herodem , ut datam tam solemni sacramento fidem statim exsolvat .

O R A T I O .

Si postularem a te , datam mihi fidem ut exsolveres , Princeps invictissime , cum nihil esse debeat apud Reges illa sanctius , nihil inviolatum magis , non possem salva regia

segiæ majestatis dignitate repulsa pati : nunc spreta ieiunione jurisjurandi , quod emisiſti tam ſolemniter , quo fieri pacto dicam , ut te in perficiendo ſacramento diſſicilem ac tergiversantem experiar ?

Tamen non peto pro jure meo partem Imperii tui tertiam , quam daturum te , si vellem , promiſisti : nihil ejusmodi efflagito , quod annuere durum eſte tibi debeat , aut moleſtum ; quod improbare quiſquam , ſi confeſſeris , aut velit , aut ſuſtineat ; quod nemo , ſi negaveris , negatum non expouleſt ac reprehendat . Hominis peto tibi tam multis nominibus inviſi caput : peto detentum in carcere violatae majestatis reum debita poena multari : peto de medio tolli Joannem illum Baptiſtam , cujuſ compescere eſ frenem maledicendi obtrectandique licentiam niſi hac una via non poſſis .

Quod ſi nullam habere viſ tam iuſtae poſtulationis ratio- nem , ſi nihil apud te jam poſſit Herodias , quam modo regni tui parte potiorem aſtimasti : cogita , quæſo , quam pernicioſum toti populo exemplum daturus ſis , ſi futili inanique ſubterfugio eludere te poſſe ſacramenti tui religionem arbitrariſ . Nam quo deinceps erit apud Judeos loco iuriſjurandi ſanctitas , quam nullum apud Regem ſapientiſſimum pondus habuiffe cognoverint ? quis religioni ducet non exequi quod promiſerit , cum violatam a te ſolemnis ſacramenti fidem intelliget ? quis peccare poſtea verebitur , qui tam idoneum in te auctorem , aut ſaltem tam iuſtam in Rege ſuo legitimamque excuſationem oſtentare poſſit ?

Utinam enimvero clam atque in tenebris iuſjurandum illud emiſiſtes ! utinam Herodias una teſtis illius ac conſcia extiſſet ! utinam deniſiſma oblivionis caligine poſſet etiamnum ſepeliri ejusdem memoria ! At tot habes illius teſtes , quot Aulicos , tot futuros poſtmoodum exempli illius pravi cenſores , quot domiſticos ; tot obtrectatores tui nominis , quot Judeos . Vos , o fiduſſimi comitas Principis inviſiſſimi , tantam Regis veſtri nomini injuriam deſen- dite ; contendite pro virili parte ; ne tam turpis Herodis memoriæ labes aliiſſerſcat ; depellite inetus illos , quos nimia ipsius humanitas atque clementia iujectit .

Quamquam nihil tibi hortatore opus eſt , Princeps inviſiſſime : tua te fides tam ſolemniter obligata , & illa ſacramenti quod emiſiſti , religio ſatis adhortantur , ut per- ficias ſedulo quod tam expreſſe promiſiſti . Age ergo : mitte quam priuum ſpiculatorem , qui hominis inviſi

caput auferat , qui te , aulamque tuam , totamque Iudeam importuno publicæ quietis perturbatore liberet . Sic Herodiadem , quæ placere tibi meruit , compotem voti dabis : sic oppigneratae fidei conscientiam exsolves , & novam dicto sacramento religiohem atque auctoritatem conciliabis .

ALIA EXERCITATIO.

Oratio viri Judæi contra Herodiadem pro Joanne Baptista.

Locus a jurejurando confutatus.

SYNOPSIS.

Exord. **M**irabitur , eam fuisse puellæ impudentiam , ut sanctissimo fidei nomine ac sacramenti religione ad extorquendam rem iniquissimam abuti non dubitaverit .

Propositio . Petet ab Herode per Apostrophen , num revera se putet ulla sacramenti religione obstrictum , ad impenrandam viri innocentis mortem ?

Confirmatio . Ostendet , nullam vim emissum ab Herode jusjurandum habere oportere Joannis in perniciem . 1. Quia non potuit quidquam promittere , multo minus jurare , quod est iniquum ; demonstrabitque , quam ini quis haberetur , si innocentem virum ad votum impudentis puellæ interficeret . 2. Quæret , an fuerit umquam mens Herodis , ut obligaret fidem ad violandas sanctissimas æquitatis leges .

Concludet dicendo nihil esse , quod Rex pertimescendum habeat ab eorum testimonio , qui jurantem audierant . Laudaturos illos potius Regis humanitatem atque clementiam , qui scelere non perfecisset quod sine scelere jurare non potuerat .

ORATIO.

Et fucum faciet præstigiis etiamnum suis procax atque impudens puella , & quod apud Reges sanctissimum est , fidei atque jurisjurandi nomen , eo per sumnum nefas ad extorquendam rem iniquissimam abutetur ?

Itane vero , Princeps invictissime , pondus apud animum tuum aliquod habuisset insolens Herodiadis Oratio ? an per-

persuasisset illa tibi tam indignum humanitate tua facinus? tene futili inanique jurisjurandi specie obstrictum arbitraris; ut viri sanctissimi necem properares?

At enim promisisti saltatrici impiæ, fore illam voti compotem sui: obligasti regiam spectantibus Aulicis fidem: inviolabilem solemnis sacramenti religionem adjectisti. Scilicet ut iniquum quid admitteres? ut ignominiosam nomini tuo labem inureres? ut Regum majestatem turpi flagitio dedecores? Hoc si postulat a te insipiens puella, tune id facturum te aut promisisti, aut promittere potuisti? Nam quod illud tandem est, quod petit? quo impia scelerata Herodiadis vota feruntur? quod sibi saltationis lascivæ præmium donari poscit? O singularem inauditamque in ætate tam tenera impudentiam! Tu, ne puellam mœstam ac dolentem abire patereris, verendum toti Judææ caput proscriberes? tu virum innocentem, nulla in re male meritum de te, perderes? tu divinum illum veritatis æquitatisque præconem, quem miratus es ipse toties, quem dicentem aestimasti, quem bene monentem & sana consulentem ultro volensque fustinuisti, inani sacramenti religione percusus interficeres?

An hic tibi, Princeps sapientissime, fuit animus, cum saltantis puellæ captus gratia, quodcumque postulasset illa, pollicereris; cum datam fidem interjecta sacramenti religione confirmares; cum vel tertiam regni tui partem non dubitares oppignerare: an hic, inquam, tibi fuit animus, ut in rebus etiam iniquissimis revulsam non ferret? Ergo si leges refringi sanctissimas, si jura violari omnia, si quidquid in regno tuo sanctum sapienter labefactari ac pessumdaari precaretur; tu puellæ impudentis ad votum miscere iusque deque omnia atque everttere cogitates?

Et hoc credis fore aliquem e consultissimo Aulicorum cœtu, qui approbet? qui tam impium admitti a te facinus, ultro volensque patiatur? qui succenseat tibi, quod insipientis puellæ preces rejeceris? qui violatam jurisjurandi fidem expostulet? Imo, imo ne dubita, Princeps sapientissime: collaudabunt omnes sapientiam tuam, quam intercipi dolosis vafræ puellæ illecebris non permiseris; prædicabunt humanitatem tuam, qui afflita innocentia contra vim atque audaciam adfueris; extollent summam æquitatem tuam, qui perficere cum scelere nolueris, quod polliceri sine scelere non potueras. Vive ergo securus aulæ tuæ; rejice a te longius consultam

male & imprudentem nimis puellam ; & quæ tam iniqua donari sibi postulavit , eam debita etiam pœna multare non dubites .

ARTICULUS III.

De Præjudiciis , Fama , & Testibus .

ET si Præjudicia vulgo confunduntur cum Legibus , quia nihil sunt aliud , quam Senatus consulta , seu Decreta jam ante facta , quibus Orator utitur ad similem caussam simili modo definiendam ; tamen usurpantur aliquando latius pro quacumque præjudicata opinione , quam alius aferat ad caussam , sive illa decreto aliquo aut exemplo nitatur , sive nulla certa ratione animos videatur imbuisse . Quare Oratoris est ire obviam ejusmodi Præjudiciis , exemplo Ciceronis pro Cluentio , n. 6. Quamobrem a vobis , Judices , antequam de ipsa caussa dicere incipio , hæc postulo : primum id , quod æquissimum est , ut ne quid præjudicati afferatis . Etenim non modo auctoritatem , sed etiam nomen Judicum amittensus , nisi hic ex ipsis caussis judicabimus , ac si ad caussas judicia jam facta domo deferemus . Deinde si quam opinionem jam vestris mentibus comprehendistis , si eam ratio convellet , si oratio labefactabit , si denique veritas extorquebit ; ne repugnetis , eamque animis vestris aut libentibus aut æquis remittatis .

Ratio vero vel confundi vel infirmandi hunc Locum repetenda est ex iis , quæ dicta sunt in Articulo de confirmandis vel infirmandis Legibus .

Quid est Fama seu Rumor ?

R. Est sermo sine ullo certo auctore dispersus .

Quomodo confirmatur hic locus ?

R. Si ostendatur 1. magnam esse vim & auctoritatem Famæ ab exemplis virorum illustrium , qui bona Famæ tam impente studuerunt .

2. Si probetur , Famam vix umquam decipi , quia videatur esse vox publica ; notum est autem illud : Vox Populi , vox Dei . Præterea si testimonium unius aut alterius ad hominem puniendum sufficit ; quanto magis Fama , quæ velut omnium hominum testimonium est ?

3. Et si non est negandum , Famam sæpe mentiri ; tamen non est retinendus in confessu nobili vir sinistri nominis : id enim toti ordini perinde probosum est , seu vera sit Fama , seu falsa .

4. Quærendæ sunt rationes , quæ cauſæ de qua agitur , ſunt propriæ , per quas ſparſi Rumoris veritas conſirmetur .

Ad conſirmandam Rumorum auſtoritatem ſit illud Pliniū Junioris in Panegyrico Trajanī . Cæſar , tales nos crede , qualis Fama cujusque eſt ; huic aures , huic oculos intende : ne reſpicias clandestinas exiſtimationes , nullisque magis quam audientibus iñſidiātes ſuſuros . Melius omnibus quam ſingulis creditur : ſinguli enim decipere & decipi poſſunt ; nemo omnes , neminem omnes feſellerunt .

Quomodo refutatur hic Locus ?

R. Ostendendo 1. quam ſit inanis Fama , quæ apud ſo-
lam plebem valere debet , non apud viros prudentes &
peritos Judices : quod amplificabitur ab exemplis virorum
innocentium , quibus ſæpe asperſit maculam .

2. Demonſtrando Rumores ejusmodi eſte opus hominum
otiosorum , qui amant falſa in vulgus ſpargerē .

3. Juverit iñveſtigare , unde nata ſit Fama , ut melius
probetur ejusdem levitas .

4. Alterendæ erunt rationes , ex quibus Famæ falſitas
demonſtretur .

Ita Tullius contra Famam diſputat pro Cælio , n. 38.
*At fuit Fama . Quotusquisque iſtam effugere potest in tam
maledica civitate ? Vicinum ejus mulieris miraris male au-
diſſe , cuius frater germanus sermones iniquorum effugere non
poſſuit ?*

Et pro Plancio , a n. 56. orat Judices , ne diſſeminatis
rumoribus fidem habeant . Illud unum vos magnopere oro
atque obſecro , Judices , cum bujus , quem defendo , tum com-
munis periculi cauſa , ne fictis auditioñibus , ne diſſeminato
diſperſo que ſermoni fortunas innocentium ſubſiciendas putetis .
Multi amici accusatoris , nonnulli etiam noſtri iniqui , multi
communes obtrectatores , atque omnium invidi , multa finxe-
runt . Nihil eſt autem tam volucre , quam maledictum : nihil
facilius emittitur , nihil citius excidit , nihil latius diſipa-
tur . Neque ego , ſi fontem maledicti reperietis , ut aut negli-
gatis , aut diſsimuletiſ , unquam poſtulabo . Sed , ſi quid ſine
capite manabit , aut ſi quid erit ejusmoái , ut non extet au-
tor , qui audierit : aut ita negligens vobis eſſe videbitur , ut ,
unde audierit , oblitus ſit : aut ita levem habebit auctorem ,
ut memoria dignum non putarit : bujus illa vox vulgaris ,
Audivi , ne quid reo innocentii noceat , oramus .

Quotuplex Testimonium ?

R. Triplex . Diuinum , Angelicum , & humanum . Ad testi-
monium Diuinum referebantur olim Oracula , Auspicio ,

Vaticinationes , Responſa . Oraculum est vox Dei vel per ſe , vel per alium loquentis . Auspiciū ſeu Augurium eſt testimonium captum ex cantu , volatu , & paſtu Avium . Vaticinatio eſt responſio alicujus Vatis . Denique Reſponſum dicebatur olim , vel quando Sacerdotes & Haruſpices reſutas ex iſpectione extorum conjiciebant , vel quando Conjectores ſomnia exponebant .

Quomodo confirmandus eſt Locus a Testibus ?

R. Primo . Laudandi ſunt Testes vel a nobilitate , vel a probitate , vel ab alio quovis capite , quo major ipius accedat auctoritas .

Ita Cicero Divinatione in Verrem , n. 13. Sunt Testes viri clarissimi noſtræ civitatis , quos a me omnes nominari non eſt neceſſe : eos qui adſunt , appellabo : quos , ſi mentirer , teſtes eſſe impudentiae meæ minimie veſlem . Scit is , qui eſt in conſilio ; C. Marcellus : ſcitur is , quem addeſſe video , Cn. Lentulus Marcellinus : quorum fide atque præſidio Siculi ma- xime nituntur , quod omnino Marcellorum nomine tota illa Provincia adiuncta eſt .

Item pro Coœdo commendat Teſtes , n. 42. Manilio & Lufcio negas eſſe credendum ? dic , aude . Eſt tue arrogantiæ , contumaciæ , vitaque universæ vox . Quid ? exſpectas , quam mox ego Lufcium & Manilium dicam , ordine , eſſe Senatores ; etate , grandes natu ; natura , ſanctos & religiosos ; copiis veri familiaris , locupletes & pecuniosos ? Non faciam : nihil mihi detrahām , cum illis exactæ etatis ſeveriſſime fructum , quem meruerunt , retribuam . Magis mea adolescentia indiget illo- rum bona exiſtimatione , quam illorum ſeveriſſima ſenectus deſiderat meam laudem .

Secundo . Quærendi ſunt Teſtes maxime oculati , qui rem non audierint tantum ; neque per alios , ſed per ſe viderint .

Exemplum habes pro Archia , n. 6. Quid enim horum infir- mari , Gracche , potest ? Heracleene eſſe tum adſcriptum nega- bis ? Adeſt vir ſumma auctoritate , & religione , & fide , M. Lucullus , qui ſe non opinari , ſed ſcire ; non audiviffe , ſed vidiffe : non interuiſſe , ſed egiffe dicit . Adſunt Hera- clienes Legati , nobiliſſimi homines : bujus iudicij cauſa cum mandatis & cum publico teſtimonio veneſunt ; qui hunc ad- ſcriptum Heraclensem dicunt .

Et 7. Verr. num. 56. Jam mei Teſtes veri ſunt . Quid enim dicit aliud C. Numitorius ? quid M. & P. Cotti , nobiliſſimi homines , ex agro Taurominitano ? quid Q. Luccejus , qui argentariam Rhegii maximam fecit ? quia ceteri ? Adbuc enim

enim Testes ex eo genere a me sunt dati , non qui novisse Gavium , sed qui se vidisse dicerent , cum is , qui se Civem esse Romanum clamaret , in crucem ageretur .

Tertio . Dicet Orator nulla spe illos , nullis inimicitiis impulsos fuisse ad dicendum testimonium .

Quarto . Dicet rem totam esse jurejurando confirmatam . Pro Comædo , n. 42. Hoc ego loco , soluto & quieto sum animo : & quorsum recidat responsum tuum , non magnopere labore . Firmissimis enim & sanctissimis testimonis virorum optimorum caussa Roscii communita est .

Inter omnia testimoniorum genera valet illud plurimum , quod Oratoris arte atque industria ab adversario petitur .

Ita Cicero Verr. 7. n. 156. Hoc tu Verres , idem dicas : hoc tu confiteris illum clamitasse , se Civem esse Romanum : apud te nomen civitatis ne tantum quidem valuisse , ut dilatationem aliquam crucis , aut crudelissimi reterritaque supplicii aliquam parvam moram saltem posset afferre . Hoc teneo , hic bæreo , Judices , hoc sum contentus uno : omitto ac negligo cetera : sua confessione induatur ac juguletur necesse est .

Quomodo infirmandus hic Locus ?

R. 1. Si pravi Testium mores ostendantur : si probentur Accusatorum testimonia non modo veritati , sed ne sibi quidem esse cohærentia .

Ita Cicero lata adversus Flaccum testimonia confutat ab eis ipsis , qui illa tulerant , n. 6. At a Testibus leditur . Antequam dico , a quibus , qua spe , qua vi , qua reconcitatis , qua levitate , qua egestate , qua perfidia , qua audacia præditis : dicam de genere universo , & de conditione omnium nostrum .

Et n. 9. At quos Testes ? Primum dicam (id quod est commune) Græcos : non quo nationi huic ego unus maxime fidem derogem . . . Verumtamen hoc dico de toto genere Græcorum : tribuo illis literas , do multarum artium disciplinam , non adimo sermonis leporem , ingeniorum acumen , dicendi copiam : denique etiam , si qua sibi alia sumunt , non repugno : testimoniorum religionem & fidem numquam ista natio coluit , totiusque hujusce rei quæ sit vis , quæ auctoritas , quod pondus , ignorant .

Bona pars Orationis pro Fontejo occupatur in confutandis testimoniosis a persona Testium , quibus omnem fidem & jurisjurandi religionem adimit , a n. 13. Lege & pro Roscio Amerino , n. 102.

Secundo . Si Testes dicantur esse inimici , allatis odiorum caussis .

Ut pro Roscio Amerino , n. 104. Quid tu vir optime ? ec-
quid babes , quod dicas ? nubi ausculta : vide , ne tibi desis .
Tua quoque res permagna agitur . Multa scelerate , multa au-
eter , multa improbe fecisti : unum stultissime , profecto tua
sponte , non de Erucii sententia : nibil opus fuit te istib[us] se-
dere . Neque enim accusatore muto , neque teste quisquam uti-
tur eo , qui de accusatoris subfello surgit .

Tertio . Si infames & contempti probentur . Ita Cicero
pro Cælio , n. 63. elevat testium fidem , quia illi erant im-
pudice feminæ familiares .

Quarto . Si Testes auctoritate digni proferantur , quibus
ignobilium Testium fidem infringas . Hoc præstat Cicero
laudato loco pro Fontejo , n. 13.

Denique ad elevandam vim Testium , qui nullam vel
improbritatis vel inimicitiarum suspicionem habere possint ,
geminam init Tullius rationem : alteram ut in amicorum
periculis locum esse honesto mendacio putet ; alteram ut
Judices obsecratur , ne ulla dignitatis Testium habita ra-
tione , tantum quid dicant illi , intueantur .

Prioris exemplum habes pro Ligario , n. 16. Quod si Cæ-
sari probare possemus , in Africa Ligirium omnino non fuisse:
si honesto & misericordi mendacio saluti civi calamitoso con-
sultum esse vellemus : tamen hominis non esset , in tanto di-
scrimine & periculo civis refellere & coarguere nostrum men-
daciūm ; & , si esset alius , cui certe non esset , qui in
eadem causa & fortuna fuisse.

Posterioris exemplum erit , quod dicit pro Murena ad
elevandum Catonis testimonium , n. 58. Venio nunc ad M.
Catonem , quod est firmamentum ac robur totius accusationis :
qui tamen ita gravis est accusator & vehementis , ut multo ma-
gis auctoritatem , quam criminacionem pertimescam . In quo
ego accusatore , Judices , primum illud deprecabor , ne quid
L. Murenae dignitas illius , ne quid expectatio Tribunatus ,
ne quid totius vite splendor & gravitas noceat : denique ne
ea soli huic obsint bona M. Catonis , que ille adeptus est , ut
multis professe posset .

Sequentes Exercitationes tria capita , de quibus dictum
est in hoc Articulo , promiscue complectentur .

EXERCITATIO.

Melampus celebris Medicus accusatur , quod auditus in Templo , dum oraret Deos , redeuntem annum sibi fortunari .

Locus a Præjudiciis , Fama , & Testibus .

SYNOPSIS.

*Exord. F*atebitur Accusator , ægre se descendere ad accusandum Melampum , qui videri quibusdam possit de civitate bene meritus .

Propositio. Dicet , hodierni facti dedecus omnem præteriti beneficii , si quod est , gratiam abolevisse .

Narratio. Referet , ut Melampus medias inter populi preces auditus , Deos dum oraret , ut sibi annum fortunarent : quod factum probabit a Testibus , qui audierunt , eosque dicet viros graves & probos , quorum valere testimonium debeat .

Confirmatio. Petetur 1. a Præjudiciis . Dicet , Populum universum exhorruisse ad preces hujusmodi , & invaluisse eam apud omnes opinionem , ut credant omne malorum genus in civitatem erupturum . Ostendet , quanta pernicies metuenda sit ab iis præjudiciis , nisi plectatur Melampus , aut Medicam artem exercere prohibeatur .

2. A Fama . Dicet Melampum audire apud multos avidum lucri , qui ad rem faciendam curare morbos malit , quam ad eosdem sanandos .

Conclusio. Male haberetur civis , qui civi alteri perni ciem machinatus fuisset : quo haberi loco debet , qui toti civitati exitium meditatus est ?

ORATIO.

Etsi , Judices integerrimi , videri quibusdam possum aut temerarius , aut invidus , qui hominem , quem putant de Republica nostra bene meritum , accusare aggrediar : tamen vel simili tam iniqua suspicio subeunda sit , plus apud me publicæ utilitatis ratio valebit , quam vulgi opinio .

Evidem non sum ego , Judices , tam iniquus rerum æstimator , aut tam detractor alienæ famæ , ut diffitear gravissimam huic civitati Melampi industriam atque operam exti-

extitisse. Fecisse visus est ad hunc uique diem, quod studiosi Medici & rerum nostrarum cupidi officium postulabat. At hodierni facti dedecus sic omnem præteritæ gratiæ, quantacumque sit, memoriam labefactavit; nihil ut deinceps præter severam judiciorum vestrorum æquitatem terre mereatur.

Conveneramus in Templum, uti fert pristina consuetudo, felicem redeuntis anni cursum oraturi. Aderat magna populi frequentia, quem vel rerum suarum necessitas, vel communis boni studium adduxerat. Interim, dum intenti omnes precibus Deorum immortalium opem efflagitant, erumpit Melampi vox; & quod tacito in corde perperam atque impie conceperat, id efferre palam non erubuit. Adeste Melampo, dixit, faventes Dii, & hunc mihi rebusque meis præsentem annum fortunate!

(*A Testibus*) Neque vero vel paucos, vel parum idoneos postulationis impiæ testes habemus. Auditus Melampus ab iis, qui circum aderant, probi omnes, & spectata toti populo fide, quorum nec ipse Reus testimonium audeat inficiari. Continuo singulorum per ora tam iniqui voti rumor propagatus. Exhorruit ad hujusmodi voces universa civitas, nec fuit quisquam, qui nefariæ precationis consilium vimque omnem statim non intelligeret. Sensit unusquisque provideri non posse Melampi commodis, nisi magno omnium detimento; & quod in ipsius utilitatem verteret, id totius urbis in ruinam esse refundendum. Nam quid hominis Mædici rem adjuvet, aut fortunare ipsum queat, Judices, nisi languentium multitudo, morborum copia, & afflictæ civitatis infirmitas?

Hinc jam sibi metuere omnes graviter, & infelicem morborum catervam, quasi jam accidisset, formidare; jam vexandos se febribus, cruciandos fame, pestilentia vastandos augurantur: ac, si Melampi vota audiantur, actum de civitate nostra atque conclamatum putant.

(*A Præjudiciis*) Non ignoratis, Judices, quam sit sententiæ pertinax populus, ubi semel opinionem aliquam induit, & quam non refugiat moliri quidlibet, ubi communis avertenda pernicies incumbit. Ego certe tranquillitatem huic urbi, vobis ipsis securitatem præstare non asum, nisi malo quamprimum eatur obviam, & vel tollatur de medio futurum postmodum turbarum atque rixarum caput; vel certe, quod poenarum genus levissimum est, medicam deinceps exercere artem Melampus prohibeatur.

Hæc porro tam injusta Melampi precatio suscitavit quo-
rum-

rumdam hominum curiositatem , ut in Medici vitam mo^retque studiosius inquirerent . Atque utinam minus avidus luci , minus rerum suarum cupidus audiisset ? (*A Fama* .) Evidem novi , Judices , non ponendum esse plurimum in rumoribus , quibus plerumque malignitas initium dedit ; incrementum credulitas . Tamen mirum est , viro Medico quantum hec noceat fama , ubi semel vulgi animo infedit . Tunc enim non creditur ad ægros accedere , ut depellat morbos , quam ut eosdem foveat ac perpetuet . Atque hec avaritiæ labes , quam Melampo imputant non pauci , vix creditis , Judices , quantam ad confirmandas sinistras hodierni facinoris opiniones vim habuerit . Non dubitant illi , quin sua illum avaritia impulerit , ut malorum omnium congeriem huic civitati precaretur .

Quare si inultam esse civis illius malignitatem non patremini , qui alteri civi perniciem effet machinatus , videte , quo animo esse vos in eum oporteat , qui civitatis totius ruinam atque exitium postulavit .

ALIA EXERCITATIO.

Melampus nobilis Medicus defenditur .

Locus a Præjudiciis , Testibus , & Fama confutatus .

S Y N O P S I S .

Exord. **D**icit Melampi Defensor , novum esse criminis genus , quod Melampo imputatur .

Propositio . Fatebitur , quod objicitur ab adversario , orasse Melampum , ut Dii præsentem sibi annum fortunarent : non inficiabitur testimonium petitum a Testibus , sed damnabit eorum malignitatem , qui pias Melampi preces pravum in sensum detorquent .

Confirmatio . Petetur 1. a Confutatione Præjudiciorum ; dicetque Melampum uno civitatis studio impulsum fuisse , ut tales preces funderet : hoc fuisse ipsi in animo , ut mederetur feliciter ægrotantium languoribus , & cognitis morborum caussis , idonea remedia præpararet . Fieri posse , ut pro sua sagacitate cognoverit ex varia aeris temperie imminere graves ægritudines , pro quibus sanandis præsentius Deorum auxilium postularit . Addet , optandum videri , ut Medici omnes preces ejusmodi funderent .

2. Confutabit argumentum petitum a Fama , ostendetque ,

que , quam inique ipsius famæ detrahatur : appellabit testes eos omnes , ad quos ægrotantes accessit , quos dicet nullum in Melampo avaritiæ vestigium deprehendisse .

Concludet dignum illum potius mercede , quam poena videri .

O R A T I O .

Nisi mihi longa judiciorum vestrorum experientia notum esset penitus atque perspectum , quanta sit vestrum omnium in cognoscendis caussis perspicacia , & in ferendis sententiis æquitas , Judices integerrimi ; haberem sane in summa accusationis hodiernæ acerbitate , quod infelici Melampo non mediocriter pertimescerem . Novum enimvero criminis genus & ante hunc diem inauditum advertarius meus vestrum ad tribunal detulit ; propter quod , si quid accusatori creditur , nobilissimus Medicus , vir spectatæ jam diu probitatis & de nostra civitate optime meritus , gravissimo supplicio plectendus esse videatur .

Scilicet auditus ille inter ardentissimas preces , quas pro vestrha omnium salute atque incolumitate funderet , obtustari Deos , ut sibi præsentem hunc annum fortunarent . (Confutatio Argumenti a Testibus petiti) Adducuntur Testes omnium judicio probatissimi , qui rem suffragio suo comprobent , qui suis te percepisse auribus tam impia , si Supetis placet , vota profiteantur . Nihil inficiabor ego , Judices , clarissimorum virorum testimonia . Sit ita sane , ut teellantur illi : nam cur amplissimam laudis segetem Melampo invideam ? (Confutatio Prejudiciorum) At unde accusatoris malignitas vertit in opprobrium , quod dari gloriae debuisset ? Non potuit ergo Melampus conscient sibi , quam difficilem & plenam periculi artem exerceat , singulare a Superis præsidium postulare , quin continuo morborum omne genus & tristissimam toti civitati perniciem precaretur ? non potuit vestræ salutis aut tuendæ , aut etiam reparandæ cupidus videri , quin ejusdem infensus nostris audiret ? non potuit felicem in curandis vestrum omnium ægritudinibus exitum ambire , quin fatalem civium capitibus Superum vindictam arcesseret ?

Nam quid aliud est homini Medico orare Superos , annum ut fortunent sibi , nisi ut sua apud vos opera colloqua feliciter succedat ? nisi ut in tractandis morbis sua spes eum non frustretur , certamque omnibus afferat sanitatem ? nisi ut cognitis veris morborum caussis remedia paret idonea ,

nea , quæ medentem numquam fallant , & ægros semper consolentur ? Atque utinam Judices , quantum est istorum hominum , qui lubricam Medicinæ artem profitentur , salutiferis ejusmodi precibus sæpe interpellarent Superos , & audiri ab iis mererentur ! Non illudetur quotidie nostris corporibus tam miserabiliter , neque Medicorum inscitiam nostris impensis doleremus .

Quid si Melampus peculiari quodam Deorum immortalium afflatus spiritu , aut pro sua perspicacia cognovisset ex aeris intemperie , novum aliquod & metuendum in primis morborum genus nostris cervicibus imminere ? Non debuit in his rerum adjunctis studiosus uniuscujusque nostrum Medicus , ac publicæ incolumitatis cupidissimus , novam vicissim sibi adprecari solertiam , & opem a Superis non vulgarem postulare , quæ vim impendentium morborum infringat , & tam gravibus incommodis medeatur ?

(Confutatio Argumenti a Fama petiti) Verum quis in accusatoribus Melampi tantam improbitatem ferat , ut de probatissimi viri moribus ac fama detraherent ? Scilicet non senserunt illi persuadere facile se posse , quod confixerant , nisi intactam hactenus optimi Medici vitam in invidiam adducerent . Audiistis , Judices , nec sine tacita indignatione audiistis exprobratam Melampo fuisse avidam sordidi lucri cupiditatem , quasi non tam impertiendæ salutis , quam rei faciendæ studio ad nos accederet . Qua in re testor multorum qui hic adsunt , fidem : qui Melampi solertiam , studium , sedulitatem , labores experti , nullum umquam in eo avaritiæ vestigium persensere . Surgant enim vero , si qui sunt in tam frequenti civium consenu : prodeant in medium , per me licet , qui Melampum aut avaritiæ , aut inertiarum , aut cupiditatis cujuspiam reum criminentur .

Vos vero , Judices , qui viri de nobis tam benemeriti Innocentiam perspicitis , videte , ne , quod vertere in Melampi laudem debuit , illud in opprobrium cedat ; ne pro gloria contumeliam , odium pro amore , pro mercede suppli- cium patiatur .

ALIA EXERCITATIO.

*Aulicus Clusinus ad Porcenam Regem, ut de pace cum
Romanis facienda cogitet, post imperfectum
a Scævola Regis Scrib. um.*

Locus a Præjudiciis & a Fama.

SYNOPSIS.

Exord. **D**icit gloriosum quidem esse Romanos aggredi & vincere: at bellum fore Clusinis & Regi ipsi exitiosum.

Propositio. Dicet maturandam esse cum Romanis pacem.

Confirmatio. Petetur a Præjudiciis, & 1. ab eo, quod Scævola dixerat trecentos esse Romanos ita paratos, ut vel proprio capitis periculo Porcenam interficerent. Nihil ergo tibi metuendum putas ab iis qui tuam unius in perniciem conjurarunt? 2. Ab ipso Scævolæ facto. Vide quam paruni absuerit, ne a Scævola interficereris. Eamdem illi perniciem tibi machinantur. An continuo vivere te in periculo oportet?

Secunda pars Confirmationis petetur a Fania, quam sibi apud vicinas gentes Romani fecerunt. Nemo est qui sibi ab eorum animis non metuat.

Conclusio. Vide ergo si tuæ, si Clusinorum saluti consultum volueris, ut consilia pacis inreas: &c.

ORATIO.

Si, quam gloriosum tibi existimasti fore acerrimo persequi Romanos bello, tam facilem de eisdem referre victoriæ posses, Rex fortissime; numquam vel dissuasor tanti operis, vel maturandæ cum gente fetocissima pacis auctor accessissim. Verum cum præviderim satis, intellexerimque penitus, bellum hoc quod suscepisti tam acriter, non tuæ ipsius modo, sed totius etiam populi Clusini clade esse concludendum; non dubitavi opponere me consiliis tuis, & generosum illum avidumque in primis gloriæ animum parumper retardare.

Nam quæ spes tandem tibi belli infelicis affulget? aut quid potius metuendum tibi non putes ab ea gente, quam in tuam unius perniciem conjurasse non ignoras? (*Argumentum*

mentum & Praejudiciis) Audiisti modo tuis ipsis auribus, quam pertinaci odiorum acerbitate tuum in caput involare meditetur Juventutis Romanæ flos lectissimus: nullum proprii capitatis periculum pertimescunt hostes illi tui, si modo perfidere possint, quod animo destinarunt; & levem vitæ suæ jastram arbitrantur, quam pro acceleranda morte tua devoverint. Tu singulorum animos æstima ex uno perfidi Scævolæ facinore. Cogita, qua spe Romanorum præsidia deseruerit; qua audacia nostra in castra penetrarit; qua temeritate tuum ipsius in tentorium fuerit ingressus; quo furore sceleratas manus scribam in tuum regio deceptus apparatu tulerit; qua animi pertinacia aut potius ferocitate & professus fuerit crimen quod parabat, & errorrem summum sui ipsius vindex ac tortor deplorarit. Hoc eodem trecenti juvenes incensi studio tentabunt idem facinus, & feliciori forte exitu perficient. Proinde in hoc discrimen, si juvat, accingere, ut in singulas horas de capite tuo dimices: habe paratos semper in vestibulo Regis ad vim repellendam milites; & indictum uni a juventute Romana bellum, si potes, sustine.

(Argumentum a Fama) Jam vero reputasti tecum satis, Rex fortissime, quibus cum hostibus decertandum habeas? qualiter illi apud vicinos late populos nominis sui terrorem injecerint? quantam sibi apud omnes fortitudinis atque constantiæ famam concitaverint? Nam quid ego Venientes ac Fidenates loquar funesta clade toties afflictos? quid Sabinos appellem vel in ipso Romæ nascentis exordio Romanorum robur expertos, & ad ineundam cum ipsis pacem coactos? quid Volscos multiplici prælio subactos? quid Latinos recenseam, qui nullum in bello præsidium contrapertinacem Romanorum constantiam nafti, ab infelici tandem Marte destiterunt?

Quamobrem vide, Rex fortissime, si tuæ, si Clusinorum saluti consultum velis, ut omnem statim inauspicati belli moram amputes; ut obsidionem quam inchoasti, quamprimum solvas; ut querelarum caput infelicem Tarquinium tuis de finibus exturbes, neque tibi societatem ullam cum hostibus Popuci Romani esse patiaris.

ALIA EXERCITATIO.

Aulicus Clusinus ad Porsenam Regem, ut in sua de obsidendis Romanis sententia perslet.

Locus a Præjudiciis & a Fama confutatus,

S Y N O P S I S.

Exord. Mirabitur suisse aliquem tam invidum Regis gloriae, aut tam timidum, ut consilium Porsenæ daret de solvenda obsidione.

Propositio. Hortabitur Porsenam ut perslet in consilio suo.

Confirmatio. Refutabit primum Præjudicium petitum a trecentis Juvenibus, qui dicuntur Regis in caput conjurasse; ac dicet, inventum illud a temerario Scævola ad incutiendos metus. Sed esto: an non adsumus, qui corpus Regis nostro corpore tueamur, & vel insidias, vel aper-tam vim repellamus?

Secundum Præjudicium petitum ab audacia Mutii Scævolæ sic confutabit, ut dicat plectendam esse juvenis temeritatem, ceterosque ejus suppicio deterritos nihil ausuros ejuſmodi.

Quod pertinet ad Famam, qua Romani dicuntur invicti: dicet eos non suisse viatos, quia nemo illos aggressus est fortiter; experturos in Portena & in Clusinis eos hostes, a quibus viuci possint.

Concludet hortando Regem, ne se vinci inani metu patiatur.

ORATIO.

Cum ea est apud omnes & nos præsertim Clusinos opinio Romani nominis, Rex fortissime, ut in iis aggredie-
dis atque superandis plurimum esse gloriae nemo dubitet; tum certe numquam induxissem animum, futurum aliquem aut tam invidum rerum tuarum, aut nostris viribus tam parum confidentem, qui te a persequendo quod inchoasti tam feliciter cum Romanis, bello revocare sustineret.

Ego certe si quid in præsentia adversus futilem ignavi militis orationem dicturus sum, si promovendam acrius Romanæ urbis obsidionem demonstrabo, id dictum a me sic existimes, Rex fortissime, quasi invictum animi tui robur haberem minus perspectum, aut de tua in perficien-
dis

dis consiliis constantia dubitarem. Verum ne quem forte Clusinorum animis injecerit ictupulum Orator ille magnificus, ne quod insinuare visus est, capitis tui periculum infeliciis belli fastidium attulerit, silendum mihi in remontenti hujus non putavi.

(*Confutatio Argumenti a Præjudiciis petiti*) Quamquam trecenti juvenes vitam in tuam conjurarunt: imminet præsens capiti tuo periculum, nisi conflatam in te tempestatem maturata pace depellas ac disturbes. Jam adiunt illi nostris in castris, jam tribunal regium obsident. Et erit aliquis qui rem illam sibi tam facile persuadeat, quam temere, quam audacter fuit a maligno Juvene pronunciata? Scilicet hoc inveniat filiem apud cordatos viros, quod ab hoste confitum ingeniose fuit vel ad incutiendos Clusinis metus, vel ad declinandam, quam meruit, suppliciorum acerbitatem? Sed esto: verum illud sit quod commentus hostis est (nam vel in fatis periculis esse nos timides oportet, cum de Rebus optimi salute atque incolumente agitur) esto inquam: hoc inierit in rebus perditis furiosum Romanam juventus consilium, ut per insidias ac cuniculos perficiat, quod vi aperta tentare non audet. An ergo nos non adsumus, qui regis latus nostro corpore tueamur? qui sustineamus impetum armata manu? qui temerariae Juventutis audaciam reprimamus? Veniant illi, & si quid audent aperto Marte, veniant & nos oppugnent palam; vel si rem agere per malas artes meditentur, vigilantiam occupent, si possunt, & perpetuas Clusinorum excubias fallant.

(*Confutatio argumenti a Fama petiti*) Interim, Rex fortissime, plebe, ut meritus est, furiosi juvenis temeritatem, debitas cruenta morte poenas exsolvat, discat revereri Regum maiestatem. Sapient, mihi crede, ipsius suppicio deterriti, si qui sunt ejusdem furoris æmulatores, neque tam gravi suo periculo inauditum ante hunc diem facinus pertentabunt.

Nos vero instabimus acrius cœptæ jam tam feliciter obfidioni. Dicent tandem aliquando Romani, non esse se tam invictos, ut vinci non possint. Noverunt hodie, quibus cum hostibus decertandum habeant: experiantur periculo suo, quam metuendi Clusini sint, qui Porsena duce militant. Nihil moræ est, Princeps invictissime: patere, rem ut agamus viriliter, ac si modo securos esse de periculo tuo Clusinos jussesis, certam tibi promptamque de Romanis victoriam pollicemur.

ALIA EXERCITATIO.

Defenditur Hippolytus apud Thessem patrem a Phaedra
Noverca accusatus.

Locus a Testibus & a Fama

S T N O P P S S I S S.

Exord. A B abrupto. Ergo Filium abjicis, & spem domus
unicam morti devoves? &c.

Propositio. Petet, an satis perpenderit pondus ac mone-
tum illatæ accusationis? jubebit Thessem brevem sum-
re ad deliberandum moram, antequara Hippolytum con-
demnet.

Confirmatio. Petetur 1. a Consultatione Testium: offensum
que, non esse legitimum illud testimoniū, quod tulit
Noverca; quia frequentissima sunt Novercarum in pri-
gnos odia: addet, nolle se penetrare altius odiorum cau-
fas, qua forte Phædram nocentiorem faciunt, quam Hippo-
lytum. Tum Phædræ accusationi opponenet clarissimorum
virorum testimonia, qui innocentem Hippolytum profitentur.

2. Illatum crimen destruet a bona fama, qua gaudet
apud omnes Hippollitus. Dicet, raro falli Famam, qua-
est vox publica. Quod si unius aut alterius testimoniū
valet ad aliquem absolvendum, quanto magis vox com-
muni?

Conclusio. Per Deprecationem.

Q R A T I O

Ergo ratum est, Rex fortissime? Peribit infelix Hippo-
lytus, & spem domus unicum, suavissimum patris solia-
tum, iratis precibus devoves? Evidem scio, quid asperet
animum, & quam grave sit illud contumeliae genus, quod
illatum tibi quereris. Non te ullum fortissimi juvenis odi-
um, non præceps atque impotens animi furor impulerunt.

tentia, eodem miserum patrem istu pertulit. Ergo fustine
tantisper funestas illas precess, quibus infontem forte e me-
dio tollere meditaris: da brevem matuædilectioni ma-
bam, dum constet faciūs, & gravius accusationi pondus
ac

ac momentum accedat. Age: quid urget? quod instat periculum, si supplicium distuletis? Hoc tibi ipse, hoc amoti in filium tuo permitte, nihil ut properasse nimis te pingeat. At enim Phædra nocentem profitetur! Noverca Privignum accusat, conjux regia vindictam de Hippolyto reposit?

Utinam apud aliuin, quam apud Theseum, pro Hippolyto perorandum esset! utinam liceret in hac causa infames Novercarum dolos, & iniqua in Privignos odia commemorare! utinam demonstrare impune possem ainaros parentum luctus ac desideria, dum uxoribus plus æquo creduli filios in suos sacerdierunt! Non ego curiosius inquiram in acerba Phædræ odia, neque scrutabor quæ possint est tam subitæ, tam novæ, tam parum expectatae odiorum causæ, quibus in Hippolytum exarsit. (*Confutatio Testium a Testantium persona*) Dolori tuo parciam, Rex sapientissime, neque committere velim, ut crudius tibi, quam sic illud quod doles, vulnus inferam. At si meruit videri nocens Hippolytus, dum accusatur a Noverca; non videbitur idem innocens, dum innocentia suæ testes tot inveniet, quot habet clarissimos cives Regia civitas? Una fidem obtinebit Phædra, dum Privigno stupri crimen infert; reliqui omnes infidi censemebuntur, dum integrimi juvenis castimoniam extollunt?

(*Fame vis & autoritas*) Ah! si nosse, Rex fortissime, quam singulari pudicitiaæ sancta gaudeat apud omnes tuus Hippolytus! quam sincerus cultor suavissimæ illius virtutis habeatur! quam apertus juratusque audiat domi forisque omnium illecebrarum hostis, quæ probatis moribus inferre vitium ac labem solent! Non imponitur facile multitudo: aut si quis est tam peritus simulationis artifex, ut fuscum tantisper faciat, serius ocius fraus patet, & fallax dolus innescit. Nempe tam potens sui sit amor, tam suis motibus imperet, ut latere diu possit simulationum involucris occultatus? sic exarserit intus incendium, ut nulla umquam scintilla foras eruperit? Non est hæc amoris īdoles. Rex sapientissime: vel invitus amor se prodit, aut si pectoris inter angustias contineri se patitur, amor non est. Neque porro mirum est, si amoris faces ille non senserit, qui tam alienam ab iis illecebris quæ irritare amorem solent, vitam inierit. Qualis enim tibi filius fitgitur? Venator a prima juventute affidius, & cupidissimus idem Veneris sectator! silvarum cultor, ac lustrorum nemorumque incola! mulierum ad unam omnia mosor infeti-

sus ; & amasius idem insamis ! Quo quid dici , quid exco-
gitari possit , quod aut cohæreat minus , aut ab ipsa sce-
leris suppicione fortius Hippolytum exfolvat ?

Tuum est , Rex sapientissime , consulere apud temeti-
psum , quid faciendum tibi sit , & quam habere fidem illa-
tæ filio accusationis crimen debeat .

ARTICULUS IV.

Locus a Tabulis.

Quid Tabularum nomine intelligitur ?

R. Tabulæ sunt testimonia , quæ proferuntur ex scri-
pto , quibus Pacta , Conventa , Contractus , & Codicilli ,
Stipulationes , aut Testamenta , vel quidvis aliud ejusdem
generis continetur .

Quonodo confirmandus est hic Locus ?

R. 1. Per Negationem exaggerari potest vis illius , ad
exemplum Ciceronis pro Sextio , n. 10. Non recte Decre-
tum officio aliquo expreßum vicinitatis , aut clientelæ , aut
hospitiū publici , aut ambitionis , aut commendationis gra-
zia : sed recte memoriam perfuncti periculi , prædicationem
amplissimi beneficij , vicem officii praesentis , testimonium præ-
teriti temporis .

2. Per Comparationem conferendum erit testimonium
scriptum cum fama ceterisque testibus , & rationes qua-
rendæ , quibus probetur plus habere auctoritatis testimo-
nium scriptum , quam aliud quodlibet .

Ita Cicero pro Archia , n. 9. commendat Tabulas , qui-
bus constabat , Archiam domicilium Romæ habuisse . At
non est professus . Imo vero iis Tabulis professus , que sole
ex illa professione , collegioque Prætorum , obtinenter publicarum
Tabularum auctoritatem . Nam cum Appii Tabulae negligen-
tius assertæ dicerentur : Gabinii , quamdiu incolumis fuit ,
levitas ; post damnationem , calamitas , omnem Tabularum fi-
dem resignasset : Metellus , homo sanctissimus modestissimusque
omnium , tanta diligentia fuit ; ut ad L. Lentulum Prætorem ,
et ad Judices venerit , & unius nominis litura se commotum
esse aixerit . His igitur tabulis nullam lituram in nomen A.
Licinii videtis .

3. Per Frequentationem Consequentium ostendendo non
possit violari testimonium scriptum & relatum in Tabulas
publicas , quin hæreat æterna labes ipsis impressa Tabulis
publicis : adeoque nullum fore jus , quod non possit infringi .

4. Ab Adjunctis exaggerabitur commissum contra Tabulas scelus. Si reus est ignobilis: dicetur, neminem fore deinceps, qui id se impune facturum non speret, quandoquidem violatae Tabulae violatores capite non vindicantur. Si reus est nobilis: ostendetur, pessimum apud posteros exemplum fore, si scelus impunitum relinquatur.

Quomodo refutandus hic Locus, aut infirmandus?

R. 1. Quærendum est aliquod Testimonium scriptum quod Tabulis opponatur, & ejus auctoritas amplificanda.

2. Si nullum ejusmodi Testimonium occurrit: declinanda vis est Tabularum, adhibita interpretatione; quæ nisi accedit, dicendum est, multa fore incommoda quæ ex scriptis legibus nascantur.

3. Si nulla afferri poterit probabilis interpretatio: probandum erit, non esse majorem vim testimonii scripti, quam vocalis: cur enim tanta vis est calami, aut typographiæ, ut si accesserit, continuo ex Testimonio faciat Oraculum?

4. Tam mutari possunt Tabulae, quam ceteræ Leges, quia non majoris auctoritatis fuerunt qui tulerunt illas, quam qui sanctitas & scriptas acceperunt.

5. Quo major est Tabularum antiquitas, eo videtur esse major nonnumquam mutationis in illas inducendæ ratio; quia pro varietate temporum, ut sunt variæ consuetudines variique mores, ita varia decreta.

6. Quærenda sunt exempla factæ alias in Tabulis mutationis.

Denique si non integræ, nec incorruptæ Tabulae sunt, fides Tabulis derogari potest. Ita Tullius pro Cluentio, n. 91. corruptas Tabulas esse contendit, propter quasdam lituras quæ factæ fuerant. Quod C. Verres, Praetor Urbanus, homo sanctus ac diligens, subsortitionem ejus in eo codice non haberet, qui tum interlitus proferebatur.

EXERCITATIO.

Oratio apud Moysen contra Israelitas , qui vitulum aureum in Idolum confiarant , contra illud Tabularum Decretum : Non facies tibi sculptile , ut adores illud .

Locus a Tabulis .

S R N O P S I S.

Exord. JUbebit Orator , Moysen meminisse , in eo se dignitatis gradu positum , ut caussam Dei auctoritate sua tueretur .

Propositio . Vide ergo , quo animo esse debeas in eos , qui sacrarum Tabularum auctoritatem suo scelere violaverunt .

Confirmatio . Præmittet id quod est scriptum in Tabulis , & Tabularum auctoritatem amplificabit : 1. per Negotiationem ad exemplum Ciceronis . Non recito vobis decretum humana voce sancitum , non fragili calamo exaratum , non legem quæ mutari possit hominum ad arbitrium : sed , &c.

2. Per frequentationem Consequentium dicet , nullum fore jus tam sanctum , quod humana perversitas non violent , si divinæ leges impune infringantur . Quos habebis tibi obsequentes , si impunitos relinquis , qui Deo obsequium negavere ?

Denique , Perorationis loco , petet a Moyse , ut vel populum plecat , vel Tabulas proterat ac conculcet . Vnde deat , utrum præstet .

ORATIO.

Cum intellexisti satis ad hunc usque diem , vir sapientissime , quo te confilio ad eum quem tenes , dignitatis apicem omnipotentis Dei manus evexerit ; tum certe Hodiernae caussæ gravitas ac magnitudo postulat , ut auctoritatis tuæ vim omnem ac robur ceteri omnes intelligent , & eo quo par est , modo discant revereri . Nam si fuit umquam tempus ullum , cum tibi tradita potestate ad tuendam Dei caussam uti oportuit ; nunc profecto est , cum incredibili totius pene populi suffragio atque impietate , divinæ legis majestas atque reverentia contempta est .

Sed quid ego insanientis multitudinis furores retractem , quos

quos tuis ipse oculis , non sine incredibili dolore , contipe-xisti ? Meministi , ut oblitus sui ac Dei conflatum ex auro vitulum invocavit : ut opes suas , gazaque , & omnem pre-tiosam supellectilem in scelestum opus erogavit . Sensisti , ut ad increpationes tuas indocilis ac durus vix ac ne vix quidem ab immani scelere temperavit . Interim jacebit fa-crarum Tabularum vis & auctoritas ; nullum ad coercen-dam populi levitatem atque audaciam habebit pondus in-culcata toties cervicibus duris lex illa : *Non facies tibi scul-ptile , ut adores illud . (Auctoritas Tabularum per Negatio-nem)* Nihil hic obscurum , nihil ambiguum , nihil verbo-rum caligine obvolutum : patent omnia . Lucem hanc non obscurabit populus infidelis , aut robur illud Dei ipsius au-toritate confirmatum infringet . Neque enim hic recito Decretum humana voce prolatum , sed sacratissimo ipsius Dei oraculo sanctum : non legem levi facilique calamo exaratam , sed omnipotentis Dei digito altissimis charæ-te-ribus impressam : non regulam morum , quæ varietati tem-poram ac mutabilitati obnoxia sit , sed quam mortaliū animis natura ipsa , aut potius naturæ auctor Deus peren-nibus notis inscripsit .

(Per Frequentationem Consequentium) Quod si hanc di-vinæ legis infractionem siveris impunitam quid erit dein-ceps , amabo , tam sanctum , quod humana perversitas non violet ? quo non prorumpet populi infidelis audacia ? quem flagitiis & impietati suæ modum esse patietur ? Credis , ul-lam fore populi hujus in servandis legibus ceteris reveren-tiam , qui nullam legis omnium sanctissimæ habuit ratio-nem ? putas futurum tibi ut pareant , si quid imperabis , quos contumaces ac rebelles Deus ipse expertus est ? hos tu frenabis ac circumduces ad arbitrium , qui impostum sibi a præpotenti Numine jugum excussere ?

Vide ergo , quid statuas , vir sapientissime , aut quid con-sili capiendum putes . At cogita alterum e duobus su-pe-reste tibi , quod eligas : aut enim rebellis detrectantisque imperium populi curam atque solicitudinem abjice ; aut reprime furentem , & invitum ac reluctantem ad ob-se-quium revoca : aut inustam divinæ legi labem atque con-tumeliam meritis , ut par est , pœnis ulciscere : aut sacras pedibus Tabulas , quibus vis omnis atque auctoritas adem-pta est , proculca .

Quamquam nœ inconsultus ego , qui dubitare videar , num parere Deo malis , quam rebelli populo favere impensis . Sequere ergo tam laudabilem impetum , ductor sapientissi-me :

me: exerce in perfidos dignam scelere severitatem, & emenda per te gens tota discat divinas leges revereri.

ALIA EXERCITATIO.

Oratio ad Moysen pro populo rebelli.

Locus a Tabulis infirmatus.

S Y N O P S I S:

Exord. **J**ubebit Orator Moysen meminisse, evectum ipsum fuisse ad tantam dignitatem, non tam ut populi judex aut vindic, quam ut patronus ac pater esset.

Propositio. Admonebit ipsum, ut pristinæ humanitatis memor populum benignius tractet, & pro eo deprecator apud Deum accedat.

Confirmatio. Legem allatam interpretabitur: dicetque, prohibitum non esse, ne quid fieret sculptile, sed tantum ne adoretur illud: & scelus populi in levitatem ipsius magis, quam in malitiam cadere profitebitur.

Deinde per frequentationem Consequentium ostendet consecutra mala, si populum durius plectat. Vertetur haec poena in dedecus divinæ Majestatis, quæ servare suos vel non potuerit, vel noluerit.

Conclusio. Moysen admonebit, non esse periculum in divinis legibus quemadmodum in humanis, quæ, si violentur, excidet legislator auctoritate sua. Denique hortabitur, ut utatur in populum ea benignitate, quam ipse in Deo expertus est.

O R A T I O.

Nam quis ille est, Vir sapientissime, qui te in populum tuum incendit, & tristissimam ipsi perniciem meditatur? An oblitus est, qualem hic personam apud nos geras, aut cuius gratia supremus rerum omnium arbiter ac moderator Deus ad eum quo defungeris, honoris apicem te exerit? Nempe severus judex & infensus ultius ad repetendam poenam te accingas, qui studiosi patroni & patris amantissimi partes tueris ac sustines? Ah! potius pristinæ clementiæ memineris: te infelicitis populi tangat calamitas: & quo deplorato magis rerum statu versatur, & ab irati Numinis inclemencia gravius quiddam metuendum ha-

habet , tanto acrius insiste , ab ejusdem cervicibus funestissimam cladem vehemens deprecator avertas .

Neque vero te sceleris ipsius gravitas , quam vehementius certe , quam par erat , extulit accusator , ab impertranda venia dehortetur . Peccavit quidem infelix populus (nam quid flagitium aut negare , aut dissimulare videar ?) peccavit , inquam : at peccatum illud tamen non est ejusmodi , ut omnem indulgentiae locum sustulerit . (Interpretatio Lgis) Nihil ego detraehum velim legis illius auctoritati , quam recitavit modo studiosus accusator : scio , quanta debeatur ipsi reverentia , & quam graves mereatur poenas experiri , qui sculptile quidpiam adorandum duxerit . Verum quam intulit ille populo nostro labem , ut violatam ab ipso legem illam arbitretur , nec probabit umquam , nec fecisse fucum etiam videbitur . Putas nimirum , hanc fuisse mentem populi , ut quod manibus ipse suis conflaverat , in eo divinum inesse quiddam existimaret ? aut quod non expers modo Numinis , sed ratione ipsa sensuque crederet destitutum , huic , tamquam Deo , cultum ac religionem adhibendam esse censeret ? Mihi crede , quantumvis noceas videri possit tuus ille populus , non cadit in eum pravitas tanta , ut sceleris hujus reus audiat . Illum non tam cordis malitia , quam animi levitas & inconstantia ab officio suo miserum in modum abduxit . Tu nosti indolem gentis illius , quam regis tot abhinc annis ac moderaris : expertus es non semel voluntatis imbecillæ mutabilitatem ; at nulla vel pravitatis vel inpietatis vestigia deprehendisti .

Si tamen culpam illam quam admisit imprudens , extremo castigandam supplicio aestimas ; si delere populum illum paras , cuius tutorem te ac defensorem , vel ipso capitum tui periculo , toties professus es : vide , amabo , qualem Deum in ipsam calumniæ labem arcessiturus sis . (Legis incommoda a Consequentibus) Non potes Israëliticum sanguinem fundere , nisi cædis auctorem Deum facias , & odiosam ipsi crudelitatis famam imputes . Nam quid dicent Ægyptii ? quid barbaræ nationes loquentur , cum deletos ad internectionem Israelitas audient ? Crudelem nempe Deum nostrum , barbarum , humani sanguinis sitientem , qui populum in solitudinem , ut interficeret commodius , malas per artes ex Ægypto deduxerit , mentientur . Ne patere tantum inuri religioni nostræ probrum . Utinam , utinam in Ægypto remansisset ille populus ! Satius fuisset ipsum inter gravissimas durissimæ servitutis molestias vitam age-re

re miserabilem, quam eumdem, post exantatos frustra tot labores, indigna morte absumi.

At enim jacebunt divinæ leges in contemptu, nisi, qui illas violarunt, severe puniantur: ipse legis auctor Deus illudetur, nisi sumptum de nocentibus supplicium auctoritatem ejus fulciat. Scilicet: credis ergo rem esse nobis cum eo Numine, cuius auctoritas ex hominum scelere detrimentum patiatur? cui dedecoris aliquis accedat, si populos minus obsequentes sibi senserit? Putas cegeræ ipsum hominum judiciis, ut illatam sibi contumeliam vindicet? aut non posse eum, cum volet, castigare per se, quos plenætendos esse censuerit? Noli ergo prævenire supremi Judicis severitatem; & quem forte conversus ad meliorem frugem populus placatum jam habet, ruris ad vindictam provocare. Uttere potius tua apud ipsum Deum gratia, ut, si quid oftensionis mitigandæ supereft, id tu pro tua in commissum tibi populum caritate perficias; & quam toties expertus es supremi Numinis in te benignitatem, eamdem vicissim in tuos æmulari non dubites.

ARTICULUS V.

Locus a Tormentis seu Questione.

Quid est Quæstio?

R. Est cruciatus, quo reus ad confessionem sceleris adigitur.

Quomodo confirmandus est hic Locus?

R. Primo. Dicit Orator antiquissimam illam esse vetitatis eliciendæ rationem, & a sapientissimis majoribus usurpatam.

Secundo. Vix aliam esse in tanta nostrorum temporum dissimulatione veritatis extorquendæ viam.

Tertio. Fieri poterit argumentum a Minoris ad Majus. Si metus Quæstionis sæpe veritatem exprimit, quanto magis Quæstio?

Tullius de Quæstione ita loquitur in Topicis, num. 74. Facit etiam necessitas fidem, que cum a corporibus, tum ab animis nascitur. Nam ex verberibus, tormentis, igni fatigati, que dicunt, ea videtur veritas ipsa dicere, & que a perturbatione animi sunt, dolore, cupiditate, iracundia, metu, quia necessitatis vim habent, afferunt auctoritatem & fidem.

Quomodo infirmandus est hic Locus?

R. Primo. Si timori & dolori tribuatur extorta confessio, non veritati.

Ita Cicero pro Sylla, n. 78. *Quæstiones nobis servorum ac tormenta accusator minitatur: in quibus quamquam nihil periculi suspicamur, tamen illa tormenta gubernat dolor, moderatur natura cujusque tum animi, tum corporis: regit quæstor, flebit libido, corrumpit spes, infirmat metus, ut in tot rerum angustiis nihil veritati loci relinquatur.* Vita P. Syllæ torqueatur: ex ea queratur, num quæ occultetur libido, num quod lateat facinus, num quæ crudelitas, num quæ audacia. Nihil erroris erit in causa, nec obscuritatis, si a vobis, Juges, vilæ perpetua vox ea, quæ gravissima debet esse, audietur.

Auctor vero librorum ad Herennium, lib. 2. n. 10. Qui in eculeo est positus, scire aut suspicari facile potest, quid audire quæstor velit, quod cum dixerit, intelligat sibi doloris finem futurum.

Secundo. Observandæ sunt leges a Tullio præscriptæ, lib. Partitionum, n. 50. Sæpe etiam Quæstionibus resistendum est, quod & dolorem fugientes multi in tormentis ementiti persæpe sunt, morique maluerunt falsum fatendo, quam inficiando dolere. Multi etiam suam vitam neglexerunt, ut eos, qui his clariores, quam ipsi sibi essent, liberarent. Alii autem aut natura corporis, aut consuetudine dolendi, aut metu supplicii, aut mortis, vim tormentorum pertulerunt. Alii ementiti sunt in eos quos oderant. Atque hæc exemplis firmando sunt.

Tertio. Quærendæ sunt ab adjunctis rationes, quæ sint rei de qua agitur, propriæ, ex quibus inanitas Quæstionis arguatur. Et hic maxime insistendum. Quis contra reum depositus? Contra virum clarissimum homo nullius fidei, vel iratus, vel inimicus, vel despiciatissimus, vel a natura timidus & ignavus.

Quarto. Opponenda erunt testimonia clarissimorum vi torum pro reo contra testimonium per vim expressum ab homine nullius auctoritatis.

Ita Cicero vim Quæstionis infirmat pro Milone, n. 59. quod Appius & apud se servos habuisset, & ab Accusatore producerentur, & ipsem Quæstionem urgeret de servis, qui ejus gratia facile mentiri possent. Sed quæstiones urgent Milonem, quæ sunt habite nunc in atrio Libertatis. Quibusnam de servis? rogas? de P. Clodii. Quis eos postulavit? Appius. Quis produxit? Appius. Unde? ab Appio? Dii boni! quid potest agi severius? De servis nulla quæstio est in dominos, nisi de incestu, ut fuit in Clodium. Proxime ad Deos accessit Clodius, propius quam tum, cum ad ipsos penetrarat: cuius de morte, tamquam de cœremoniis violatis, queritur. Sed tamen Majores nostri in dominum de sevra

servo quereri noluerunt, non quia non non posset verum inveniri, sed quia videbant indignum esse, & dominis morte ipsa tristius. In reum de servis accusatoris cum queritur, verum inveniri potest? Age vero: que erat & qualis Quæstio? Heus ubi Rufcio? ubi Cæsa? Clodius insidias fecit Miloni? fecit: Cœta crux. Nullas fecit. Sperata libertas. Quid hac Quæstione certius? Subito abiepti sunt in questionem, tamen separantur a ceteris, & in aëris conficiuntur, ne quis cum iis colloqui possit. Hi centum dies penes accusatorem cum fuissent, ab eo ipso accusatore producti sunt. Quid hac Quæstione dici potest integrius? quid incorruptius?

Lege & numerum 57. ejusdem Orationis.

E X E R C I T A T I O .

*Accusatur Maria Scotorum Regina apud Senatum Londinensem,
quod in Elizabetham conjuravit.*

Locus a Tormentis.

S Y N O P S I S .

Exord. **D**icit Accusator, antiquam illam esse & a sapientissimis majoribus usurpatam consuetudinem, ut per tormenta veritas eliceretur. Et rationem afferet: quia in tanta temporum nostrorum dissimulatione vix alia videtur esse via veritatis inveniendæ.

Propositio. Dicet, si umquam valuit testimonium per vim extortum, valere debet in causa Mariæ.

Confirmatio. Petetur a variis Adjunctis adhibitæ Quæstionis in causa Mariæ. 1. Quia non unus, sed multi Mariam accusarunt in tormentis. Non est autem credibile tam multos deceptores fuisse, vel deceptos. Si Maria esset innocens, inventus saltē fuisse aliquis qui &c. 2. Quia non hostes, non ignoti, quibus parum fidendum est; sed amici, sed domestici accusant, nulla proposita mercede vel spe vietæ. 3. Quia vi Quæstionis extortæ sunt ictus a Maria literæ.

Conclusio. Quis ergo Mariam innocentem putet, quæ testimoniis hujuscemodi convincatur?

O R A T I O .

Non est novus ille mos, sed vetus jam pridem consuetudo, quam noji invenimus ipsi, sed a sapientissimis majoribus traditam accepimus, Amplissimi Senatores, ut a quibus latet-

latentem penitus abstrusamque veritatem elicere oporteret, iis variæ Quæstiones ac tormenta adhiberentur.

Jam vero in hac tanta, quanta laboramus hodie, dissimulatione temporum, non potior modo compendiosiorque videri debet isthac veritatis indagandæ via, sed hanc unam superesse ad exticandas mendaciorum fallacias rationem cogimur magno omnium dolore profiteri.

(*Commendatio Testium in Quæstione confitentium*) Quod si qua valuit umquam in causa extortum vi Quæstionis veritatis testimonium, quantum habere pondus debet in probata jam tot nominibus Mariæ conjuratione? Nam qui sunt illi, amabo vos, qui Mariam accusant, & læsa in Elisabetha maiestatis ream criminantur? Accusant illam, qui? Non unus aliquis, aut pauci tantum; sed numero plurimi, sed omnes quicumque cruciatibus appliciti, quod negarant haec tenus, per fas ac nefas, idipsum modo coacti sunt confiteri. Nos interim arbitrabimur tam multos vel deceptores fuisse, vel deceptos? Non inventus saltet fuisse aliquis, qui stetisset pro Maria vel inter suppliciorum acerbitates invictus, hanc si vacare culpa ac scelere revera credidisset. Et cum a tuendo pertinaciter mendacio nullis tormentorum doloribus revocari complures possint, nemus in hac causa constans veritatis assertor ipso capitio periculo extitisset? Accusant Mariam, qui? Non hostes, quorum testimonium suspectum merito, ac mala plenum fide habendum esset; sed amici ac familiares, quos sancta amicitia jura, si salva veritate licuisset, in defendenda Maria fortes ac generosos præstisset. Accusant Mariam, qui? Non ignoti homines, qui per incertos rumores de Mariæ criminibus audierint; sed domestici, qui res ipsas suis usurparunt oculis, & sceleris ipsius magna pars extiterunt. Accusant Mariam, qui? Non corrupti beneficio, non proposita irrogandæ veniae aut evitandæ mortis expectatione adducti; sed rebellionis particeps, & ferali capitio sententia jam multati. Denique accusant Mariam, qui? Homines, quorum e scriniis exaratas ipsa Mariæ manus literas extorsimus, quæ scelus ipsum sine dubitatione ultra, sine erroris ullius metu, testantur?

Quis igitur erit deinceps tam obstinatus Mariæ fautor, ut, quam tam aperta, tam multa testimonia ream læsa Majestatis evincunt, eam nihilominus aut innocentem, aut nulla puniendam poena arbitretur?

ALIA EXERCITATIO.

**Defenditur Maria Scotorum Regina apud eundem
Senatum Londinensem.**

Locus a Tormentis infirmatus.

SYNOPSIS.

Exord. **D**icitur Defensor Mariæ , nescire eos , qui tantum ponunt in testimonio per vim Quæstionis elicito , quanta sit vis doloris ad extorquendum quidlibet : hinc accidisse plerumque , ut multi dolorem fugientes in tormentis mentiti sint , maluerintque mori falsum testando , quam inficiando dolere .

Confirmatio. Petetur a confutatione singulorum capitum , quæ contra Mariam allata sunt . 1. Multos quidem tulisse testimonium ; at servos omnes , quibus Veteres nullam fidem contra dominos habuerunt : quia si hoc liceret , servi metum dominis incuterent . 2. Nihil esse facilius , quam homines venales corrumpere , proposita immunitate a dolore , vel promissa etiam vita . Sed haec sunt promissa servis . 3. Mariæ vitam innocentem ac pacatam refragari ejusmodi testimonii . Quod spectat ad literas , dicet illas spuriarum esse , & exaratas a librario Mariæ .

Concludet excitando Judicium commiserationem , proposita Mariæ calamitate per annos 20. captivæ & tumulo proximæ .

ORATIO.

Nesciunt illi profecto corporis humani imbecillitatem , aut insuperabilem certe doloris acutissimi vim ignorare videntur , qui in testimonii per Quæstionis acerbitudinem elicitis tantopere ponendum putant , ut quæcumque mediis in cruciatibus miseri homines effutierint , iis tamquam totidem oraculis habendam esse fidem arbitrentur . Tamen , quid est , amabo vos , Judices , perpetua quadam exemplorum serie spectatum magis atque confirmatum , quam vel utrumque , vel alterutrum sic valuisse semper apud eos qui torquerentur , ut dolorem fugientes multi in tormentis sæpe mentiti sint , morique maluerint falsum testando , quam inficiando dolere .

Quod

Quod si umquam nullius esse ponderis ac momenti vi-
sa sunt expressa per tormentorum asperitates adversus in-
nocentiam testimonia ; audeo dicere , Judices , hodiernæ
causæ naturam esse hujusmodi , ut extortæ in Mariam
criminationes vim Quæstionis omnem infringant atque de-
bilitent .

Nam qui sunt illi , quantumvis multi proferantur , qui
suppliciorum vel metu vel dolore compulsi conflatae in E-
lisabetham conjurationis Mariam accusarunt ? Nulos hic
ego tot inter testes & accusatores agnosco , præter Mariæ
servos ac domesticos ; quorum testimoniis quanta fides ha-
benda sit , unanimis populorum pene omnium consensus
satis declarat . (*Confutatio Testimonii per Quæstionem ex-
pressi*) Noluerunt plerique vel audire tantum , qui domi-
num accusaturi discenderent : adeo non cruciandos illos
esse existimabant , ut injuriosum quid atque impium do-
minorum in perniciem extorquerent . Id porro quam san-
citem prudenter , quam sapienter observatum , Judices !
Nam cui tandem domino securum esse liceat , aut quem
vacare umquam metu posse censemitis , si servorum calu-
mniis atque criminationibus locus patuerit . Quis deterio-
rem multo eorum qui imperant , quam eorum qui ser-
viunt , conditionem non putet , si minitari dominis accu-
sationes servi audeant ? si trahere eos in judicium qua-
cumque tandem de causa confidant ?

Et illud adjicite , Judices : eam esse ejusmodi hominum
naturam atque insolem , ut tentari mercede , corrumpi be-
neficio , perterreri minis , superari mortis metu , obtainen-
dæ salutis expectatione allici facile possint . Atque illæ
sunt , quæ causæ suæ firmamenta contra Mariæ innocentiam
adhibuerunt homines malevoli , & instructæ in Regi-
nam sanctissimam calumniæ artifices . Hinc enim promis-
sa , inde graves minas : hinc mercedem amplissimam , in-
de cruciatus acerbissimos : hinc spem impertiendæ vitæ ,
inde mortis metum composuere : ut , quos non alliceret
spes præmiorum , eosdem suppliciorum timor infringeret .

Valeant ergo , Judices , illa testimonia per cruciatus ex-
pressa : nullo habeantur in loco eorum accusationes , quos
sic gubernat dolor , fleetit libido , corrumpit spes , infir-
mat metus , nullus ut veritati locus relinquatur . Tor-
queatur Mariæ vita , & ex ea queratur , num quod lateat
facinus , num quæ insidiæ occultentur , num qua in Elisab-
etham conjuratio se prodat . Nihil erit erroris in cau-
sa , nec obturitatis , si a vobis vitæ integerrimæ perpetua

vox , quæ gravissima debet esse , audiatur . Tunc patebit vobis , quam maligne literas illas a Maria scriptas accusatores ostentent , quas vel accusatorum malitia supposuit , vel librarii perfidia exaravit .

Quid restat , Judices , nisi ut per vestram fidem , per æquitatem vestram , per infortunatae Reginæ calamitatem , etiam atque etiam vos orem atque obteter , ne serpere ulterius maledicentium invidiam patiamini . Si quam culpæ partem infelix Maria admisisset , an non illud , quodcumque est , videri potuit eluisse satis durissima viginti annorum captiuitate ? an non satiatus abunde est adversariorum furor , qui tales vel ab experie sceleris poenas repetierint ? Qui in illius vitam inquirunt , quam brevi luctus , & dolor , totque ærumnis afflita valetudo eripiet ? Sinite illam latebris immori ; neque committite , ut exprobrari vobis aliquando possit , vos innocentis Reginæ sanguine vestras manus polluisse .



L I B E R Q U I N T U S .

D E A R G U M E N T A T I O N E .

Postquam egimus de Locis Oratoriis tam Insitis , quam Assumptis , seu de Locis cum Intrinsecus , tum Extrinsecus petitis , ex quibus eruuntur argumenta ad faciendam fidem idonea : restat ut , quo pacto tractari argumenta illa atque ornari possint , doceamus .

Quæres igitur , quomodo tractantur & ornantur argumenta ?

R. Per Argumentationem .

Quid est Argumentatio ?

R. Est dispositio quædam propositionum ac sententiarum , ex quibus legitima conclusio elicetur .

A R T I C U L U S P R I M U S .

De Argumentatione in genere .

Quotuplex est Argumentatio ?

R. Alia Philosophorum , alia Oratorum est propria .

Quotuplex est Argumentatio Philosophica ?

R. Duplex . Alia perfecta , quam illi Syllogismum vocant ;

cant ; alia imperfecta , quam appellant Enthymema .

Quid est Syllogismus ?

R. Est Argumentatio constans tribus propositionibus , quarum prima dicitur a Philosophis Major , secunda Minor , tertia Consequentia ; quæ ita disponuntur inter se , ut concessis duabus prioribus , tertia necessario admitti debat : v. g. omnis Virtus est laude digna : sed Temperantia est virtus : igitur Temperantia est laude digna .

Quid est Enthymema ?

R. Est Argumentatio constans duabus propositionibus , quarum alteram Antecedens , alteram Consequens nuncupant : v. g. Omne vitium turpe est : ergo Ebrietas est turpis .

Quare istæ Argumentatio vocatur imperfecta ?

R. Quia in ea subauditur una e tribus propositionibus , ex quibus Syllogismus componitur ; unde licet semper negare conclusionem , donec ad perfectam revocetur : v. gr. Omne vitium est turpe : sed Ebrietas est vitium : igitur Ebrietas est turpis .

In quo differant Argumentationes Rhetorum a Philosophicis ?

R. 1. Quia Rethorum Argumentationes non continent semper rationes veras , sed interdum , aut etiam sæpe , verisimiles tantum ; Philosophicæ vero nihil habere debeant nisi verum .

2. Quia Philosophus habet Argumentationes nudas ac simplices , quas certo semper propositionum ordine & sine artificio exquisito proponit ; Rethor e contrario suam in collocandis , amplificandis , ornandiisque propositionibus ita ponit industriam , ut tamen artem dissimulet . Cujus rei ratio ex eo repetenda , quod Philosophus probare tantum ; Rethor & probare & probando placere etiam intendat . Hinc forte manavit tritum illud Zenonis Stoici dictum , qui Philosophiam adstrictæ manui & in pugnæ collectæ , Rheticam vero eidem expansæ & explicitæ comparabat .

Quomodo utriusque discrimen in exemplo revinceres ?

R. Sit illud demonstrandum Judicibus , Æmilium fuisse a Lepido propinquuo suo interfictum , ut hereditatem ejus occuparet . Si nulli sint testes illius parricidii , sed meretantum conjecturæ , ita rem aggredietur Philosophus . Ille credendus est occidisse propinquum suum divitem , qui pauper erat , & hominis divitis heres futurus : atqui talis erat Lepidus : ergo Lepidus credendus est occidisse propinquum suum .

Quomodo Rhetor eamdem propositionem probabit?

R. Hoc pacto. Inhiabat Lepidus, amplissimæ hereditati, homo alioqui vita profligatissima. Accedebat ad singularem nequitiam scelerum omnium inventrix egestas: urgebatur a creditoribus, jamque ostentabantur misero carcer ac compedes. Quo se verteret demum tanto in discrimine? quid expectandum ab homine sic comparato, nisi ut carcerem & alia omnia pericula redimeret facinore sibi facilis? Quamquam: quid immoror in convincendo auctore sceleris? nonne alia bene multa satis probant, quid in hac occasione potuerit? &c. Utra porro Argumentatio alteri præferenda, sentient qui intelligunt.

ARTICULUS II.

De Argumentatione Rhetorica.

Quid est Argumentatio Rhetorica?

Q. R. Est apta & exquisito cum artificio facta propositionum, ex quibus argumentum constat, dispositio, unde legitima conclusio elicetur, & amplificata ornataque efflorescit oratio.

Quotuplex est Argumentatio Rhetorica?

R. Multiplex: quas inter haec vulgo quatuor recensentur. Ratiocinatio, Sorites, Enthymema, Dilemma.

Quid est Ratiocinatio?

R. Est Argumentatio omnium perfectissima, per quam tractatur & amplificatur Argumentatio Philosophica; & quæ tunc adhibetur, cum majori amplificatione indiget Oratio.

Quot in partes distribuitur Ratiocinatio?

R. In quinque partes, quas Tullius lib. 1. de Inventione, n. 67. ita recenset. Quinque sunt igitur, inquit, partes ejus Argumentationis, quæ per Ratiocinationem tractatur. Propositionis, per quam breviter locus is exponitur, ex quo vis omnis oportet emanet Ratiocinationis. Propositionis Approbatio, per quam id, quod breviter expositum est, rationibus affirmatum, probabilius & aperius fit. Assumptio, per quam id, quod ex propositione ad ostendendum pertinet, assumitur. Assumptionis Approbatio, per quam id, quod assumptum est, rationibus probatur. Complexio, per quam id, quod conficitur ex omni argumentatione, breviter exponitur.

Hæc porro, quæ de Ratiocinatione retulimus ex Tullio, ut clariora fiant, & ipsum Ratiocinationis artificium aperi-

tius

tius pateat, rem in exemplo statuemus, quo juvari deinde exercitatio possit.

ARTICULUS III.

De Artificio tractande Ratiocinationis Oratorie.

Quodnam est artificium tractande Ratiocinationis Oratorie?

- R. 1. Debet Orator attendere, quid sibi probandum incumbat.
2. Rationes querere ad id probandum idoneas.
3. Rationes illas revocare ad Argumentum Philosophicum.
4. Argumentum tractare Oratorio modo.

Quisnam ille est modus Oratorius?

R. Ut duabus prioribus Propositionibus Argumenti Philosophici, Majori nimirum ac Minori quas vocant, sua probatio adjungatur; quæ duæ partes tribus argumenti Philosophici partibus additæ Ratiocinationem Oratoriam efficient Quinquepartitam. Prima pars vocatur Propositio. Secunda, Probatio Propositionis. Tertia, Assumptio. Quarta, Probatio Assumptionis. Quinta, Complexio. Unde Patet, Ratiocinationem nihil aliud esse, quam Syllogismum probatum & dilatum, cui deinde amplificatio & ornatus accedit.

St itaque illa sententia per Ratiocinationem Rhetoricam pertractanda: *Vitæ puritas in primis colenda est, omniq[ue] studio retinenda.* Quærenda erit primum ratio, quæ persuadere illud possit, ex Loci Oratoriis: v. gr. hæc afferri potest ex Loco communi, quem appellavimus *ab Effectis*; Quia vitæ puritas arctissimam cum Deo conciliat amicitiam. Unde eruetur hæc Argumentatio more Philosophico. Colendum illud est omniq[ue] studio retinendum, quod arctissimum est cum Deo amicitiae vinculum: sed vitæ puritas arctissimum est cum Deo amicitiae vinculum: igitur ea est magnopere colenda, & omni studio retinenda.

Deinde Argumentationem illam ita poterit Orator dilatare, & in quinque Ratiocinationis partes sic distribuere.

1. Ut Propositio sit hæc: *Divina amicitia omni studio colenda ac retinenda.*
2. Ut Propositioni subjiciatur ista ratio, quæ ejus Probatio sit: *Quia a Deo omnia bonorum genera derivantur.*
3. Ut sequatur hæc Assumptio: *At vitæ puritas divine amicitiae vinculum est.*
4. Ut afferatur Probatio Assumptionis, ista nimirum: *Quia similitudo amicitiam parit, cumque Deus sit ipsa puritas, non potest eos non diligere, qui hac*

vittute præstant. Denique ut sequatur Complexio ; *Colen-*
dam esse vitæ puritatem.

Tum singulas illas Quinquepartitæ Ratiocinationis partes
ita poteris amplificare & ornare , & oratiunculam confidere .

P R O P O S I T I O.

Divina amicitia omni studio colenda ac retinenda.

Si communis amicitiæ ratio illud in hominum animis pondus ac momentum habet , ut nihil huic præponendum mortales existimant : quis erit tam parum æquus rerum æstimator , qui sibi longe potiori jure ardenterique studio , quæ Deum inter & hominem intercedit , amicitiam colendam non putet atque retinendam ?

P R O B A T I O P R O P O S I T I O N I S.

Quia a Deo omnia bonorum genera derivantur .

Etenim cum utilitatis rationibus maxime ducantur homines : quid est in humana vita boni , quod , ut inde acceptum , ita etiam huc referri non debeat ? Si enim vitam dices ? & ipse Deus hanc mortalibus omnibus impertiit . Si honores ? ipse gloriæ omnis justissimus est & æstimator & dispensator . Si voluptates ? futiles sunt & noxiæ , quæcumque ab eo non dimananter . Si divitias ? & in eo tantæ sunt , ut cumulatissime hominis quantumvis avidi cupiditatem explere possint .

A S S U M P T I O.

At vitæ puritas divinæ amicitiae vinculum est.

Atque inde arbitror satis intelligitis , quæ sit divinæ vis amicitiæ , quam qui negligat , næ ille non impius modo , sed etiam stupidus & amens haberi possit . Quod si ita est , qua tandem ope , & cuius rei beneficio bonum illud infinitum consequemur ? An superbia fortasse & cæca mentis temeritate ? vanissime . An vita molli & deliciis luxuque diffluente ? stultissime id quidem . An divitarum jactantia ? nequaquam . Quid est igitur ? qua tandem arte potissimum divinam illam amicitiam nobis conciliare possumus ? Vitæ puritas & morum innocentia hujus est felicitatis

tatis conciliatrix , hujus coniunctionis vinculum & amicitiae nexus . Atque utinam cæci mortales intelligerent , quantum in ea virtute momentum sit ad veram germanamque felicitatem ! utinam omnia studia viresque eo conferrent , ut eam in se morum integritatem efformarent ! Fugerent prosector molles voluptatum illecebras , & quanto cupidius laxioris solutiorisque vita formam consequantur , tanto morum innocentiam ardentius concupiscerent .

PROBATIO ASSUMPTIONIS.

Quia similitudo amicitiam parit .

Neque enim fieri ullo modo potest , quin infinito quodam amore Deus optimus maximus prosequatur eum , quem sui simillimum viderit . Et vero , quæ major cum divina natura fingi similitudo potest , quam si quis ipsius sanctitatem morum innocentia æmuletur , & quantum mortalitas est , in se quasi repræsentet ? Etenim divina mens incorrupta est , & ab omni terrenæ concretionis rerumque corporearum contagione atque affinitate remotissima ; ut etiam ab omnibus corporeæ voluptatis sordibus vita puritas abstrahit . Divina mens immortalis est ; ut & sua est morum innocentia vitaque integratæ immortalitas .

COMPLEXIO.

Colendam esse puritatem .

Quis ergo jam de salute sua sit parum adeo sollicitus , & inimicus puritatis sanctitatisque , ut hanc non summo quodam amore studioque prosequatur , quam noverit esse vinculum , quo humana natura divinæ conciliari possit ? sine qua omnis virtutis splendor extinguitur necesse est & intereat ? quæ mundissimum est speculum , cuius beneficio divinæ in se naturæ similitudinem efformet ? quæ brevis est & compendiosa via , qua ad intimam cum divino nomine coniunctionem homo pervenire possit ?

ARTICULUS IV.

Exempla Ratiocinationis e Cicerone:

Quoniam Ciceronem secuti sumus hactenus viæ ducem, non est integrum, vel cum metas prope contigisse nobis videatur, ad eodem declinare. Videamus ergo, quomodo Ratiocinationem illam perfectam, de qua egimus, ipse pertractet.

Exempla dabit Oratio pro Lege Manilia, n. 16. ubi probat, committendum esse Pompejo Exercitus Romani imperium propter Imperatoris ipsius felicitatem. Hoc ergo argumentum habebat in Ratiocinationem orationem dilatandum. In deligendo Imperatore non bellicarum tantum virtutum, sed felicitatis ipsius etiam ratio habenda est: sed Pompejus bellicas virtutes cum felicitate consociat: igitur Pompejus est Imperator deligidus. Rem ita conficit Ratiocinatione quinquepartita seu perfecta.

PROPOSITIO.

*In deligendo Imperatore non tantum virtutis bellicae,
sed etiam felicitatis habenda ratio est.*

Ego sic existimo: Maximo, Marcello, Scipioni, Mario, & ceteris magnis Imperatoribus, non solum propter virtutem, sed etiam propter fortunam, sepius imperia mandata atque exercitus fuisse commissos.

PROBATIO PROPOSITIONIS.

*Quia summis viris ad magnas res bene agendas divinitus
adjuncta est fortuna.*

Fuit enim profecto quibusdam summis viris quedam ad amplitudinem & gloriam, & ad res magnas bene gerendas divinitus adjuncta fortuna.

ASSUMPTIO.

Pompejus fuit semper felix.

De his autem boni felicitate, qua de nunc agimus, bac utar moderatione decendi, non ut in illius potestis fortunam possum esse dicam, sed ut preterita meminisse, reliqua sperare videamus, ne aut invisa Deis immortalibus oratio nostra, aut ingrata esse videatur.

PROBATIO ASSUMPTIONIS.

Magnas res domi militiaeque, terra marique feliciter gessit.

Itaque non sum praedicatus, Quirites, quantas res ille domi militiaeque, terra marique, quantoque felicitate gessit: ut eus semper voluntariis non modo cives affenserint, socii obtemperant, boles obedierint; sed etiam venti tempestatesque obsecundarint. Hoc brevissime dicam, neminem unquam tam impudentem fuisse, qui a Deis immortalibus tot & tantas rei tacitus auderet optare, quo & quantas Dei immortales ad Cn. Pompejum deislerent. Quod ut illi proprius sit ac perpetuum, Quirites, cum communis salutis atque imperii, tum boni ipsius causa (securi facitis) velle & optare debetis.

COMPLEXIO.

Igitur Pompejus diligendus est Imperator.

Quare cum bellum ita necessarium sit, ut negligi non possit: ita magnum, ut accuratissime sit administrandum: & cum ei Imperatorem preferre possitis, in quo sit eximia belli scientia, singularis virtutis, clavisissima auctoritas, egregia fortuna & dubitatis, Quirites, quin hoc tantum bone, quod vobis a Deis immortalibus obtulit & datum est, in Rem publicam conservandam atque amplificandam conferatis?

Similiter in Milionana hoc instituit argumentum, quod Ratiocinatio perfecta dilat atque exornat. Licit occidere infidulatorum: Clodius fuit infidulator: ergo licuit Clodium occidere.

Nam

Nam propositionem : Licet occidere insidiatorem : pri-
mum exponit, eamdemque probat multis exemplis, a n. 7.
ad 23.

Deinde dilabitur ad Assumptionem: nempe, Clodius fuit
insidiator: cuius probationem afferit in tota cædis nar-
tione, quam ita comparat atque instruit, ut ex singulis
rerum adjunctis appareat, Clodium fuisse insidiatorem,
a n. 24. ad 32.

Sequitur Complexio, qua concludit, jure Clodium occi-
sum fuisse.

Exercitationem geminam more nostro adjungemus, quæ
exactam ad traditas supra leges Ratiocinationem perfectam
referent.

E X E R C I T A T I O.

*Lucilius Cæcilius Metellus Pontifex Maximus, dum Veste
Templo deflagrante, Palladium Troja quondam adiectum
mediis e flammis eripit, oculos amisit. Agitur in illum
contenditurque auferendam illi Pontificiam dignitatem.*

Oratoria Ratiocinatio perfecta.

S T R N O P S I S.

QUærenda i. ratio est, quæ persuadere illud possit ex
Locis Oratoriis. Ducetur illa Consequentibus, quia
non potest amplius eo munere defungi. Unde eruetur
hæc argumentatio Dialectico more. Non debet ille tolerari
in munere præsertim sacro, qui non potest omnino
eo defungi: sed Metellus non potest eo defungi: ergo
non debet in eo retineri.

Deinde hæc argumentatio in quinque partes distribuetur
Oratorio modo. Quarum erit prima pars Propositio :
nempe, Non debet ille tolerari in eo munere, quo de-
fungi non potest: quam sententiam dilatabit in Periodum,
dicetque, Reipublicæ munera non esse vana & inania
nomina, sed complecti illa multa officia, ad quæ adspiri-
re non debet qui illis defungi non possit.

Secunda pars erit Probatio Propositionis. Quia non de-
bet dignitatem geri ab eo, qui illam administrare non
valeat. Amplificabit hoc per varias Interrogationes &
Antitheses. Illud est enim nomine, non re defungi;

Ma-

Magistratus frui emolumentis & honore, quæ officio nullo promereri possis.

Tertia pars Assumptio. Sed Metellus non potest defungi munere Pontificio. Id tractabitur per Apostrophen ad Metellum, vel per Communicationem cum auditoribus. Poterit præire Prolepsis, qua lugebit funeratum & Metelli & Reipublicæ fatum, quod vir tantus inutilis Reipublicæ factus fuerit.

Quarta Pars Probatio Assumptionis, quæ gemina erit. Prima fiet per Enumerationem, recensendo ea omnia officia, quæ Pontifícia dignitas complectitur; ut sunt Auspicia, Haruspicia, Tripudium, Victimarum inspectio, quæ homo cæcus præstare non potest: secunda, quia requiretur quotidie voluntas Deorum a Pontifice, qui hac in re satisfacere interrogantium votis non poterit: hinc Deorum indignatio.

Quinta pars Complexio. Non esse retinendum Metellum. Tractabit illam, hortando Judices, ut aliis muneribus compenſent jaſturam, quam Metellus sui muneric patietur.

O R A T I O.

(Propositio. Non debet ille retineri in ea dignitate, quæ fungi non potest). Non est vanum & inane nomen, aut honorifica tantum appellatio, Pontificis Maximi dignitas, Judices; sed veris necessariisque officiis ita continetur tota, ut qui defungi illis non possit, is ad eamdem vel obtinendam, vel etiam retinendam non debeat adspirare.

(Probatio Propositionis. Quia non decet). Quid enim est non modo ab institutis Reipublicæ alienum magis, sed ipsi etiam rationi minus consentaneum, quam ut decoretur quispiam amplissimo Reipublicæ totius magistratu, qui ad obeundum illum ineptus ex omni parte videatur? Præfulgeat ille scilicet speciosis primariæ dignitatis insignibus, quam ad exercendam ineptus ex omni parte censiſſeri debeat? Plenos honore titulos ambiat, quos nullo labore suo rependere aut compensare teneatur? Eos percipiat fructus & emolumenta sui muneric, quæ nullum obsequium, nullum officium valeat promerer? Hoccine putatis illustrari magistratum, an potius eumdem dedecorari? creditis hoc in honorem Reipublicæ, ac non magis in contumeliam vertendum esse?

(*Assumptio. Non potest Metellus defungi officio Pontificis*). Evidem fateor, Cæcili Metelle, hoc contigisse iuctuoso Reipublicæ fato, quod privatus oculis fueris. Amisimus in te civem optimum, & de hac civitate totoque adeo Imperio bene meritum: dolemus virum egregium, & ad omnia Reipublicæ munera non tam factum, quam natum, ita repente concidisse, ut ad capessendam gerendamque dignitatem, qua functus es tam egregie ad hunc usque diem, ineptus omnino evaserit. Habet sanctissimorum Numinum Religio, quod conqueratur erectum sibi illum Pontificem, qui tanto pietatis studio, tam singulari diligentia res sacras hactenus obierat. Verum quid aliud possit deinceps tua caussa haec civitas, quam dolere quam navare ipsi tibi operam possumus, ex quo oculos amisisti? An superest tibi facultas aliqua, unde supplere oculorum vicem liceat? tune ipse eum retinere magistratum sustineas, cuius peragendis officiis imparem te satis experiris?

(*Probatio Assumptionis. Quia captus oculis non potest observare volatum aut pastum avium, neque inspicere varios palpitantium extorum motus*). Nam quo tandem pacto sacris præpositus & sacrificiorum omnium supremus moderator atque arbiter, aspicere possis volatum avium, aut earumdem pastum observare? qua ratione solemnes ritus & sacras adhibere cæremonias, sine quibus stare Religio non valeat? Tune immolare victimas, & varios palpitantium adhuc extorum motus inspicere, aut perscrutari, captus oculis aggrediare? Tamen haec sunt, quibus Pontifica dignitas continetur, his attendere summum Sacerdotem oportet, & in iisdem totum occupari. Quod nisi exequatur diligenter, ac sedulo peragat, jacebit interim Deorum Religio, cæremoniæ negligentur, & omnis sacrorum ritus penitus exolescat. Erit nimirum, cessante atque otiente Pontifice, qui Deorum voluntatem dubiis in rebus exquirat? qui placare iratos superos per sacrificia satagat? qui Reipublicæ detrimentis ire obviam piacularis offerendo victimas necessarium putet?

(*Complexio. Non est retinendus in Pontificio dignitate*). Videtis ergo, Judices, quanti momenti sit præesse aliquem sacris solemnibus, qui defungi isto munere cum dignitate possit. Quamquam ejicietur turpiter suo de loco civis optimus, & suis in Rempublicam meritis spectatissimus? spoliabitur dignitatis suæ insignibus verendus Pontifex, quem tot virtutum gloria ad hunc usque diem decoravit?

jacebit siue honore , sine virtutis præmio , qui proprio
discrimine sacrum Palladium , præsidium hujus urbis ,
mediis e flammis eripuit ? Absit hoc a nobis Judices :
compensetur , ut par est , tanti viri virtus , & perpetuis
honorum monumentis cumuletur . At numquid est nullum
aliud in Republica munus , quod exercere Metellus etiam
privatus oculis possit ? non habetis dignum aliquod tanto
viro præmium , quod impertiri liceat ? Præficitur illum
consiliis veitris : Rempublicam nostram sapientia sua re-
gat ac moderetur : nihil , quod e re fuerit hujus urbis ,
quod ad Imperii nostri dignitatem pertinebit , sine ipsius
suffragio atque calculo peragatur . Decorate illum peren-
nibus debitisque tantæ virtuti insignibus ; cumulate hono-
ribus domum ejus ; familiam totam liberalitate atque
munificentia vestra exornate . Denique dum suus Reli-
gioni stet honos , dum sit aliquis summus Pontifex qui
varias dignitatis illius vices obeat , nulli rei parcite ,
ut aliquod in hac sua calamitate solatum Metellus con-
sequatur .

ALIA EXERCITATIO.

Metellum in Pontificia Dignitate esse retinendum.

Oratoria Ratiocinatio perfecta .

S T N O P S I S.

1. **R**atio repetetur ab Effectis & Consequentibus , quia
nimirum Respublica eripiendo Pontificiam dignita-
tem Metello sustineret labem ingrati animi , & ingentia
ferret damna : unde eruetur hæc argumentatio . Non debet
illud committere Respublica , unde ingrati animi labem
sustineret , & ingentia ferret damna : sed si auferatur
Metello Pontificia dignitas , Respublica sustineret labem
ingrati animi , & ingentia ferret damna : ergo &c.

2. Tractabit hanc argumentationem , & distribuet in
quinque partes , quarum pars prima erit Propositio : nimi-
rum , Tanto studio cavere debet Respublica , ne ingrata
videatur in cives , quanto ne detrimentum ferat .

Secunda Pars erit Probatio Propositionis . Quia debet
ztere in civibus studium Reipublicæ , compensando accepta
ab iis beneficia : hic est enim stimulus , quo provocantur
ad magna quæque : quod nisi faciat , quis operam Reipu-
blicæ

blicæ navare sustineat? Tractabitur hic Locus per Interrogationem & Subjectionem.

Tertia pars Assumptio. Sed Respublica videbitur ingratia. Hoc tractabitur sola expositione facti.

Quarta Pars Probatio Assumptionis. Ostendet, quam sit ingrati animi, non solum non compensare hominem pro accepto beneficio, sed eumdem privare dignitate sua. Describet hic per Hypotyposim, quemadmodum, deflante Templo, se medios in ignes Metellus miserit, ut servaret Palladium, unde pendet urbis incolumitas. Extolles etiam damna, quæ Respublica patietur, si mercedis loco plectatur Metellus.

Confutabit, quod objectum est ab Adversario, non esse idoneum Metellum ad officia sui muneric: ostendetque, posse ipsum præstatere per ministros, quod facere per se non posset; exemplo Consulum & Imperatorum, qui in orbe toto multa præstant per alios: præfuturum Metellum consilio & sapientia rebus divinis.

Quinta pars Complexio: insectabitur adversarium, qui persuadere Reipublicæ voluerit, ut esset ingrata, & deinceps careat bonis civibus, qui navare ipsi operam velint.

O R A T I O.

(Propositio. Nihil tam reveri Respublica debet, quam ne ingrata videatur). Cum ad singularem Reipublicæ nostræ providentiam pertinere dicendum est, Jüdices, ne quid committat umquam, unde capere detrimentum possit; tum certe non minore studio præcavere illam oportet; ne beneficiorum immemor & in bonos cives ingrata videatur.

(Probatio Propositionis. Quia debet alere in civibus emulationis studium). Etenim cum nihil sit tam potens, tam efficax ad excitandos civium animos ad magna quæque, quam si dignam rei bene gestæ mercedem expectare cum certa fiducia possint; hic autem stimulus ubi semel defuerit, languescere soleant animi, nec pares ad ferendum rerum pondus experiantur: neceſſe est profecto, vel ut bene meritorum de se civium operam ac labores Respublica compenset; vel ut suæ ipsius oblita gloriæ, rerum suarum curam omnem ac sollicitudinem extingui penitus atque emori sustineat.

Nam quid aliud, amabo vos, fuscitavit in unoquoque nostrum robur illud, quod ad tuendam Rempublicam, eamdemque amplificandam & ornandam, sensimus nobis toties affla-

afflari ? quid majores nostros ad tantam rerum gestarum gloriam accendit ? Nisi quod persuaserant illi sibi , uti & nos ipsi facimus , rem habere se cum ea Republica , quæ pro navata quemque opera beneficiis afficeret , & nullius officii memoriam oblitterari pateretur .

(Assumptio . Eset ingrata Respublica , si Metellum removeret a Pontificia dignitate). Quod si bene meritis civibus gratiam non modo Respublica non rependat , sed eos etiam multandos arbitretur ; quis eo comparatam animo non abjicit ? quis ab ea deficiendum non putet ? quis ingrati animi vitio illam non arguat ? Et tamen auctores erimus eidem Reipublicæ , ut Metello Pontificiam dignitatem eripiat ? non videbitur illa vobis ingrata , dum hominis de se tam bene meriti labores aspernabitur , & amissum ipsius caussa lucis hujus beneficium æterno opprobrio cumulabit ?

(Probatio Assumptionis . Quia plesteret eum , cujus egredia merita tenetur remunerare). Revocare animis , Judices , gloriosum Cæciliæ Metelli & dignum perenni memoria facinus . Cogitate , quam proximum ruinæ suæ discrimen hæc civitas adiisset : quantis hodie , quotquot sumus omnes , in angustiis versaremur , nisi viri optimi prudentia , magnanimitas , atque constantia prævenisset malum , & imminentem toti Imperio procellam avertisset . Nihil hic dicam , Judices , quod oculis ipsi vestris usurpare non potueritis ; nihil exaggerabo magnificentius ; nihil ad hominis fortissimi commendationem jactantius prædicabo . Ardebat fatalibus flammis ab omni parte Vestæ templum ; jam superaverant ignes sacrarum ædium fastigia ; nulla spes restinguendi incendii affulgebat : præsens periculum , non evitandæ mortis metus , ipsa temerarii consilii inntilitas ab admovenda operi manu cunctos deterrebat . Interim desflagrabant ipsa sacratissimæ Sedis penetralia , ubi Palladium asservabatur : Palladium illud dico , Judices , Præsidium hujus urbis , Reipublicæ columen , totius Imperii decus & ornamentum ; cujus Numen fortunatissimum tantam Populo Romano gloriam peperit ; quo perire , interituram simul Romæ fortunam Oracula toties declararunt . In communi totius civitatis trepidatione pariter ac luctu , inter gemitus & complorationem ci-vium , in summa populorum desolatione , unus Metellus adfuit , qui jacentes erigeret , recrearet perditos , afflictos consolaretur . Vidistis ipsi , ut oblitus sui , periculi securus , salutis immemor , medios per flamarum globos ac vortices irruerit ; ut crepitantibus circumquaque ignibus , certo vesti-

vestigio in eum perierit locum, ubi furebat incendii vis major; ut suis ipse manibus jam contactam flaminis sacram Palladis imaginem eripuerit, & illas ad nos reduxerit. Vidistis, inquam, obstupuitis, collaudastis hominis fortitudinem, triumphanti applausitis. At ingemuistis multo magis, cuin redemptam tanta Metelli calamitate salutem veitram animadvertis. Nullus fuit e vobis, qui servatum optimo Pontifici oculorum usum suo ipsius periculo non voluisse. Et erit jam aliquis, qui multandum eum dignitatis suae jactura arbitretur? Ecquis erit deinceps, qui positæ paribus in angustiis Reipublicæ opitulari sustineat? qui capitis discrimine præstare vos ineolumes velit?

(Confutatio. *Metellus, vel orbatus oculis, est idoneus ad exercenda Pontificatus munera*). At enim non est idoneus Metellus, ut muneris sui partes per se ipse obeat. Hoc enim unum est, quod tam maligne quam magnifice adversarius noster jactavit; hoc fuit unum causæ ipsius, & prolixæ Orationis firmamentum. Sed esto: multa sunt, quæ deinceps præstare Metellus non valeat: at numquid eadem præstare non potest per alios? An ergo Imperatores nostri, an Consules, an ceteri, quos moderandæ Reipublicæ præfecisti, suis ipsi oculis usurpant omnia, aut omnia per se exequuntur? Quid ergo prohibet, Judices, quominus, quemadmodum illis, ita & Metello digni ministri feligantur, qui de omnibus ad eum referant, dum ipse consilio & prætentia pro more statuet, quidquid ad Religionis sacrorumque curam pertinebit?

(Complexio. *Est Metellus retinendus in sua dignitate*). Valeant ergo adversarii nostri præstiglia, quibus scrupulum injicere religioni vestræ aggressus est: occludite aures perniciöissimis consiliis, quæ tantam nomini vestro labem inferrent; neque in has angustias sinite adduci Rempublicam, ut dum in bonos cives ingrata videbitur, neminem deinceps habeat, qui laboranti succurrere, & egregiam periculo suo navare operam velit.

Hic autem notabis, non servandum esse semper eundem in tractanda Ratiocinatione Propositionum ordinem; sed immutandum plerumque, cum ad dissimulandum Ratiocinationis artificium, tum ad vitandum tedium atque satietatem. Quod ipsum monet Tullius lib. 2. de Oratore, n. 177. Tractatio, inquit, varia esse debet, ne aut cognoscatur artem qui audit, aut defatigetur similitudinis satietate. Proponi oportet, quid afferas, & id quare ita sit, ostendere.

Et ex iisdem illis locis interdum concludere: relinquere alias, alioque transire. Sæpe non proponere: ac ratione ipsa affe-renda, quid proponendum fuerit declarare: si cui quid simile dicas, prius ut simile confirmes: deinde quod agitur, ad-jungas: puncta argumentorum plerumque ut ocellas, ne quis ea numerare possit, ut re distinguantur, verbis confusa esse videatur.

Habes exemplum istius varietatis in Oratione pro Cælio, n. 19. ubi hoc argumentum instituit, quod Ratiocinatio-ne tractat. Quisquis liberalibus disciplinis ac studiis dedi-tus est, non potest servire voluptatibus: sed Cælius libe-ralibus artibus perdiscendis semper deditus fuit: ergo Cæ-lius non potuit servire voluptatibus.

Nam ad dissimulandum artificium Ratiocinationis inci-pit a Probatione Assumptionis, seu a quarta Propositione Ratiocinationis. & probat Cælium deditum fuisse semper liberalibus studiis, hoc pacto. *Audistis, cum pro se diceret: audistis antea, cum accusaret: (defendendi hæc caussa, non gloriandi loquor) genus orationis, facultatem, copiam sen-tentiæ atque verborum, quæ vestra est prudentia, perspe-xistis.* Atque in eo non solum ingenium elucidare ejus videba-tis: quod sæpe, etiam si industria non alitur, valet tamen ip-sum suis viribus: sed inerat, nisi me propter benevolentiam forte fallebat, ratio & bonis artibus instituta, & cura & vigiliis elaborata.

Deinde exposita & probata Assumptione egreditur ad Pro-positionem ipsam Ratiocinationis, & demonstrat, non pos-se eumdem hominem & studiis esse deditum, & servire vo-luptatibus, eodem n. 19. Atqui scitote, Judices, eas cupidi-tates, quæ objiciuntur Cælio, atque hæc studia, de quibus dis-puto, non facile in eodem homine esse posse.

Mox ejusdem Propositionis afferat Probationem, quam fuse amplificat & exornat.... Fieri enim non potest, ut ani-mus libidini deditus, amore, desiderio, cupiditate, sæpe ni-mia copia, inopia etiam nonnunquam impeditus, hoc, quid-quid est, quod nos facimus in dicendo, non modo agendo, ve-rum etiam cogitando possit sustinere. An vos aliam cauſam esse ullam paratis, cur in tantis præmiis eloquentiæ, tanta volupte dicendi, tanta laude, tanta gloria, tanto honore, tam sint pauci, semperque fuerint, qui in hoc labore versen-tur? Omittendæ sunt omnes voluptates; relinquenda studia de-lectionis, ludus, jocus, convivium, sermo etiam pene omnium familiarium deserendus. Quæ res in hoc genere homines a la-bore studioque dicendi deterret; non quo aut ingenia deficiant,

aut doctrina puerilis. An hic, si se isti vita dedisset, Consularem beninam admodum adolescentem in judicium vocavisset? hic, si laborem fugeret, si obstrictus voluptatibus teneretur, in hac acie quotidie versaretur? appeteret inimicitias? in judicium vocaret? subiret periculum capitum, ipsi inspectante populo Romano tot menses aut de salute, aut de gloria dimicari?

Denique subiicit Complexionem, ac velut reportata via storia triumphant, n. 20. Nihil igitur illa vicinus redolent? nihil homini fama? nihil Bajæ dignitas? & loquuntur? &c.

Hujus Ratio inationis hoc prope modo tractatæ sequens Exercitatio exemplum dabit.

E X E R C I T A T I O .

Alexandri Magni ad trecentos Milites Oratio, ut Petram Urbem in rupe inaccessa positam invadant.

S Y N O P S I S .

Hac utetur Ratiocinatione. Petra non debet eos retardare, quos nullæ hactenus difficultates retardarunt: sed nullæ hactenus difficultates vos retardarunt: ergo Petra non debet vos retardare. Ratio, quæ vim argumento sufficit, petitur ab Antecedentibus: Nihil vos hactenus retardavit.

Exordium ducetur a Complexione, nimirum ab ea sententia: Petra non debet vos retardare: quæ sententia ducetur in Periodum. V. gr. Si rem haberem cum iis Militibus, quorum spectata minus virtus esset, &c. sed &c.

Deinde veniet ad Assumptionem: Nullæ ad hunc usque diem difficultates vos retardarunt: quod tractabitur per Interrogationes & Antitheses. Quid enim tam invisum, quod &c.

3. Descendet ad Probationem Assumptionis, quæ tractabitur enumeratione Expeditionum illarum, quas Alexandre Duce perfecerant. Narrabit disjecta munimenta, occupatos inaccessos aditus, juga montium superata, debellatos hostes fortissimos, &c.

Concludet per Propositionem: Petra non debet retardare, quos nihil hactenus retardavit. Nunc igitur tot expugnatores urbium, tot viatores hostium, urbs una moratur? &c. Probationem affret; quia parum honorificum ipsis foret, hic invenire metam victiarum, &c.

O R A T I O .

(Complexio . *Petra non debet retardare Alexandri milites ab eadem oppugnanda .*) Si rem haberem hodie cum militibus , quorum virtus spectata mihi foret minus , quam vestra est , Commilitones fortissimi ; veretur ego plurimum , ne vel ad unum Petræ aspectum , quam natura ipsa adversus mortalium impetus videtur muniisse , arma pariter cum animis abjicerent . Nunc vero dum eos alloquor , qui suam in adeundis periculis constantiam toties approbarunt , non dubito quin , quantum ad infringendos animos vestros offert urbs illa difficultatis atque pertinaciæ , tantum ad eam expugnandam roboris atque audaciæ afferatis .

(Assumptio . *Nihil fuit tam difficile , quod illi non perfecerint .*) Quid enim est tam invium , per quod sibi viam fortitudo vestra non fecerit ? quid tam arduum , quo non alacritas eruperit ? quid tam invictum & insuperabile , quod insitus animo vincendi ardor non fregerit atque expugnarit ?

(Probatio Assumptionis . *Rerum ab Alexandri militibus fortiter & feliciter gestarum enumeratio .*) Nam quid hic ego memoria repetam , quæcumque mihi dedistis ad hunc usque diem virtutis vestræ monumenta ? Urbium invictarum propugnacula disjecistis ; montium juga perenni nive obruta emensi estis ; inaccessos aditus occupastis ; rapidissimos amnes trajecistis ; angustias Ciliciæ intravistis ; vim frigoris in India sine lassitudine perpessi tolerastis : experiendo , quæ ceteri desperaverunt , Asiam tenemus in potestate .

(Propositio . *Petra non debet eos retardare , quos nihil bætenus retardavit .*) Nunc ergo tot expugnatores urbium , tot domitores hostium , tot populorum victores Urbs una moraretur ? Triumphis nostris Petra metam imponeret ? hunc ad scopulum allisa vis atque acies armorum frangeretur ; aut hebesceret ? hic perceptarum animo palmarum ac laurearum spes atque expectatio rescinderetur atque evanesceret ?

(Probatio Propositionis . *Quia esset hoc Alexandri militibus minus honorificum .*) Videte , fortissimi Commilitones , videte , ne cum glorioissimum vobis fuerit , nihil haec tenuis fortitudini vestræ restitisse ; ita foret jam turpissimum , si vos iniquior urbis moles retardaret . Cogitate , quæso , intentos esse in unumquemque vestrum universi orbis oculos , qui facinorum vestrorum splendore perstrictus toties obstu-

puit, & novum in hodierna expugnatione roboris atque constantiae prodigium a vobis expectat. Ite igitur alacres, Alexandro duce atque auspice, & quem tanti facinoris habetis jam hortatorem, eumdem fortitudinis vestrae muneratorem amplissimum speratote.

ARTICULUS V.

De Ratiocinatione Imperfecta, seu quæ Quinque-partita minor est.

HAECENUS ACTUM EST A NOBIS DE RATIOCINATIONE QUINTA-PARTITA, CUJUS PARTES OMNINO QUINTAE IN ORATIONE TRACTANTUR, & QUÆ LIBRO 2. AD HERENNIO, N. 27. VOCATUR RATIOCINATIO ABSOLUTISSIMA & PERFECTISSIMA. QUIBUS VERO DEEST PARS ALIQUA, AUT ETIAM PLURES ILLIUS QUINTAE, RATIOCINATIONS IMPERFECTÆ DICUNTUR, NON QUOD CAREANT ALIQUA PERFECTIONE, QUAM HABERE DEBEANT, FED QUOD QIBUSDAM PARTIBUS DESTITUANTUR, QUÆ PRÄTERMITTUNTUR CONSULTO, & QUAS SUPERVACANEUM ESSET OPEROSIUS PERTRACTARE.

Sunt enim Propositiones quædam tam claræ, tam evidentes, ut probari non egeant, adeoque vel non est illis conquirenda probatio, vel ipsæ etiam indicæ relinquuntur. V. g. initio Orationis Milonianæ hoc instituere argumentum videtur Tullius: Si licet aliquando hominem occidere, maxime insidiatorem: sed licet aliquando occidere hominem. ergo licet occidere insidiatorem.

Operam lufisset Cicero, si Propositionem primam probare voluisse, quæ quoniā revocari non potest in dubium, dilabitur statim ad Assumptionem, quæ facessere sola difficultatem poterat: & probat multis ac variis argumentis, licere aliquando hominem occidere, unde concludat postea, posse jure interfici insidiatorem.

Sic & 7. Philip. n. 9. pacem nullam esse posse cum Antonio contendit, hac Ratiocinatione. Pax Populo Romano cum ullo mortalium turpis esse nulla debet; cui Propositioni per se notæ nullam rationem subjicit. At cum Antonio nisi turpis pax esse nulla potest: hanc vero partem pluribus probat: denique concludit, alienos a pace animos esse oportere.

Quin & unica nonnumquam Propositione constare potest Ratiocinatio. Ita pro Plancio, n. 49. Sed cur ego sic ago? Quasi non comitiis jam superioribus sit Plancius designatus ædilis? Itæ enim voces continent solam Assumptionem hu-

hujus argumenti. Non est reddenda ratio, cur Plancius fuerit Edilis renunciatus posterioribus Comitiis, qui superioribus jam fuerat designatus: sed superioribus jam fuerat designatus: ergo &c.

EXERCITATIO.

Abigailis ad Davidem Oratio, cum is ad perdendam Nabali domum pergeret.

Ratiocinatio imperfecta, in qua Propositio cum ejus Probatione & Conclusio tractantur, relictâ Assumptione.

SYNOPSIS.

UTetetur hoc Argumento a Notatione nominis petito. Nihil tam regium est, quam hostibus parcere: Tu Rex es: ergo debes hostibus parcere.

Exord. Duceatur a Prolepsi: dicetque, non venire se, ut factum conjugis excusat, aut de nimia Davidis severitate conqueratur; dignum esse Nabalum, qui poenas latat, quandoquidem tanti Regis justa despexit: at eo se venisse consilio, ut ad ejus clementiam recurreret. Tum tractabit Propositionem, ostendetque, quam sit dignum magnanimitate regia hostibus parcere.

Probationem afferet petitam a Comparatione: conserisque res a Davide præclare gestas cum eo facinore, quo vindictæ desiderium reprimens Nabalo parceret.

Alteram Probationem afferet petitam ab ipsius Davidis facto, qui Sauli hosti pepercit, cum posset ipsum perdere. Unde elicit argumentum a Majori ad Minus. Tu cum versareris in continuo vita periculo, nolueristi eum occidere, a quo uno timendum habebas: quanto facilius debes homini parcere, a quo nihil tibi timendum sit?

Tum relictâ Assumptione, quæ clara est, per varios modos tractabit Complexionem: Ergo debes Nabalo parcere.

ORATIO.

Supplicem vides tuisque advolutam genibus Abigalem; Rex fortissime; non eo paratam animo, ut infelicis Nabali factum excusat, aut de tua in eum severitate conqueratur. Scio, quam grave scelus foonsus imprudens admiserit: quascumque in eum statueris poenas, etiam

meritis leviores feret , qui regiae contemptor majestatis imperia tua neglexerit . Hoc unum mihi miseris in rebus perfugium est , hæc spes afflictæ salutis una , clementiam ut implorem tuam . Caruissim hodie conspectu tuo , Rex fortissime ; suis se in latebris una cum infelici marito continuissest Abigail fatalem capitis sententiam expectans , nisi tu , quem unum vereri debuimus , spem injecisses aliquam ; nisi benignitatis tuæ fiducia jacentes ac perditos excitasset . (*Propositio . Nihil tam regium est , quam hostibus parcere*) . Novimus enimvero , novimus , & tota , quam late patet , Iudæa spectatum habet , quam regium ad hunc usque diem duxeris hosti vel infenso parcere : hæc tibi semper placuit inter ceteras victoria , quam de te ipso , quam de iracundia retulisses : neque visus tibi est umquam triumphorum tuorum fructus dulcior , quam si ex hoste capitali fecisses quempiam amicissimum .

(*Probatio Propositionis . A comparatione rerum a Davide gestarum*) . Evidem scio , Rex fortissime ; prædicabunt posteri res a te bello & pace præclare gestas , neque de laudibus tuis ulla umquam ætas conticescat . Te Gigantis immanis victorem glorioissimum , te Philistæorum triumphatorem , te domestici tumultus pacatorem extollent . Tuam in capiendis consiliis prudentiam , in agendis rebus fortitudinem , in perficiendis constantiam celebrabunt . At quæ par inveniri poterit Oratio , cum animi tui mansuetudinem , cum temperantiam atque moderationem exornare aggredientur ? Credent illi , qui rerum tuarum historiam olim excipient , extitisse quempiam in victoria tam sui compotem , ut servare mallet , quos vicerat , quam vincendo eosdem perdidisse ? Huic tu gloriæ , cuius socium habes neminem , patere , Princeps invictissime , ut infelix Nabulus cumulum adjiciat . Hoc habet saltem in sua calamitate conjux meus solatium , ut per hunc tot patratis a te tanta cum laude facinoribus aliquid incrementum accedat . Is unus potest aliquid addere ad vulgatam jam de te apud gentes exteris bonitatis famam .

(*Altera Probatio . A comparatione Sævis cui David pepercera , cum Nabalo*) . Imo , imo indulta per te Nabalo venia suscitabit apud omnium animos gratissimam facti illius memoriam , quando inimico Sauli , & persequenti te acrius , cum interficere eum posses , pepercisti . Hic ille David est , inquiet , tam bonus , tam facilis , tam mansuetus ! ut constans sibi ! ut sui semper similis ! ut in parcendo tam imis quam summis semper magnificus ! Hanc tu opinionem man-

mansuetudinis non tuleris modo , si Nabalo parces , sed augebis . Jam haberi contemptor injuriarum nullo tuo periculo potes . qui capitales iras tanto vitæ tuæ discrimine olim condonasti . Nihil tibi jam meruolum habes a Nabalo , cui nihil non erat a Saule pertimeſendum . Quanto stabit tibi illa victoria , quæ tantum tibi laudis arcesset !

(Complexio . Debet David Nabalo parere .) Miseresce igitur , Rex fortissime ; vivat beneficio tuo Nabalus ; & quod ipsi mihique lucis exigendum supereſt , hoc Regis benignissimi clementiæ ac bonitati debeamus .

ALIA EXERCITATIO.

Septimii apud Ptolomæum Ægypti Regem Oratio , qua viclum in acie Pharsalica Pompejum & in Ægyptum confidentem , servandum esse demonstrat .

S T N O P S I S.

GEMINO illo arguento utetur : 1. Quidem Magnamitas est opem ferre miseris : Pompejus est miser : ergo magnanimitatis est opem ferre Pompejo . 2. Turpe est amicum adversa fortuna laborantem deserere : sed Pompejus est amicus tuus : ergo turpe est Pompejum deserere .

Tractabitur 1. Assumptio , 2. Propositio prioris argumenti , deinde sola Assumptio posterioris argumenti .

Ordietur ergo ab Assumptione prioris argumenti : nemp̄ , Pompejus est miser : reprætentabitque miserum ipsius statum per comparationem cum priori fortuna & per Antitheses . Ecce venit ad te Pompejus accisis ac perditis rebus , qui &c. tuam implorat opem , qui &c.

2. Gradum faciet ad Propositionem : ostendetque magnanimitatis esse , miseris opitulari . Ne te illa species supplicantis deterreat : memineris , numquam fuisse tibi oblatam illustriorem occasionem , &c. Nam cur in eo positus es dignitatis gradu , nisi ut &c. Tum relicta probatione Propositionis .

3. Veniet ad Assumptionem alterius argumenti : jubebitque ipsum meminisse , quid Pompejo debeat , qui parentem ipsius de solio deturbatum restituit . Amplificabit beneficium per Narrationem & Hypotyposim . Dejectus pater tuus suorum malevolentia propitium Pompejum expertus est , &c.

4. Veniet ad Complexionem , omissa Propositione . Tunc ergo

ergo dubites referre parem Pompejo vicem ? hunc tu abjicias, per quem regnas, & sine quo non viveres ?

O R A T I O.

(Assumptio prioris Argumenti. *Pompejus est miser.*) Ecce venit ad te Pompejus, Rex fortissime, non in ea quidem majestate ac pompa, qua totius orbis visor ac triumphator incessit ; sed accisis rebus ac perditis, sed victus, & amissio exercito, tristissimos inconstantis fati casus representans ad vivum. Ecce supplicantis in morem alienam opem implorat, qui opitulari ceteris & afterre subdidium laborantibus noverat. Ecce tuam in fidem ac clientelam te recipit, cuius in patrocinio ac defensione tam certum adversus rebelles & contumaces Ægyptios tuus parens, tuque adeo paterni heres imperii praesidium habuisti.

(Propositio prioris Argumenti. *Magnanimitatis est misericordia opitulari.*) Neque te vero funestissimus ille supplicis Principis apparatus ab impertienda, quam enixe petit, fiducia deterreat. Imo cogita, Rex fortissime, numquam illustriorem oblatam tibi fuisse probandæ virtutis & magnanimitatis regiæ commendandæ occasionem, qualem infornati Imperatoris calamitas attulit. Quorsum enim putas ad tantum dignitatis apicem atque fastigium fuisse reges evestos, nisi ut altiore loco positi ad sublevandam misericordiam inopiam ultro descenderent, & læterioris quo fruuntur, fati commoda cum afflictis & iniquam sortem patientibus partirentur ? Hoc enimvero reges habent supra certos mortalium, suas ut opes effundere possint uberioris, & liberalitatis suæ magnificentiam illustrius declarare.

(Assumptio posterioris Argumenti. *Multum debes Pompejo.*) Sed quid ego te accendere istis meditor, aut nihil indigentem stimulis aggredior incitare, quasi Pompejum ignorares; aut quid tanti viri benevolentiae debeas, non meminisses? Nam cur tibi revocem in memoriam, ut pulsus e solio per summum nefas populorum malevolentia Ptolomæus parens tuus, in sola Pompeji Magni liberalitate atque fortitudine praesidium invenerit ? Frustra vicinorum Principum fidem ac clientelam imploraverat : frustra diverterat in varias plagas aliquam afflictis rebus fiduciam rogaturus: frustra uigressus Romam tamquam in asylum & communem gentium omnium portum, Senatus auctoritatem, Magnatum potentiam, veluti ostiatim, emendicaverat.

rat. Inveniebatur nemo , qui jacentem erigeret , recrearet perditum , afflictum consolaretur . Unus repertus Pompejus est , qui amicas misero regi tetenderit manus , & lento s nimis in ferendis suppetiis inflammaret . Nostri , quo demum exitu excitarit unumquemque ad impertiendam quam parrens tuus opem atque benevolentiam postulabat ; qua auctoritate sua ac gratia partem Senatus longe potissimum , ipsosque adeo Consules suam in sententiam ire compulerit ; quo studio rerum vestrarum hanc sibi ipse sumpsuit provinciam , tuum ut solio parentem redderet ; quanto deinde robore , quanta prudentia rem totam promoverit ac feliciter consummarit .

(Complexio . Debes Pompejum adjuvare .) Et tu interim parem referre Pompejo gratiam dubitabis ? hunc tu jacere afflictum patiere , qui parentem tuum erexit ? hunc tu destitutum omni ope abjicies , sine cuius praesidio numquam ereptum tibi regnum recuperasses ? Vide ergo , ne , cum olim Pompejo gloriosissimum fuerit , nulla affectum beneficentia pulso regnis Ptolomaeo tam impense studuisse ; ita turpissimum tibi sit tam singulari provocatum beneficio , nullam supplicanti jam Pompejo benevolentiae partem impertiisse .

ARTICULUS VI.

De Sorite .

DE hac altera Rhetoricae argumentationis specie , quæ Sorites vocatur , dicemus pauca : tum quia non est illa tam frequens apud Oratores ; tum quia non est difficultioris aut operæ aut artificii .

Quid est Sorites ?

R. Est series & veluti catena multarum Propositionum , ex quibus gradatim & acervatim collectis eruitur aliqua conclusio . Ita Cicero per Soritem probat omne bonum esse honestum lib . 5. Quæstionum Tusculanarum , n . 45. Etenim quidquid est , quod bonum sit , id expetendum est : quod autem expetendum , id certe approbandum : quod vero approbaris , id gratum acceptumque habendum : ego etiam & dignitas ei tribuenda est : quod si ita est , laudabile sit necesse est . Bonum igitur omne laudabile ; ex quo efficitur , ut , quod sit honestum , id sit solum bonum .

Et in Oratione pro Flacco , n . 44. Soritem adhibet Tullius . Si Praetor dedit , ut scriptum est , a Questore numeravit ,

vit; Questor a mensa publica; mensa, aut ex vectigali, aut ex Tributo. Numquam erit istud simile criminis, nisi nubi totam rationem omni & personarum genere & literarum explicaris.

Ita pariter si quis rationis præstantiam velit ostendere, ita poterit instituere argumentationem. Age: quidnam est in toto orbe præcipuum, quid optimum? homo. In homine vero quid? animus, mens. Quid in mente? ratio. Quid autem in ipsa ratione? ipsamet ratio, quæ naturæ suæ prærogativa divinam in se similitudinem exhibet.

Observabis autem, lubricum esse Soritem Argumentationis genus, adeoque cavendum esse diligenter, ne in illa serie propositionum ullam admittas vel falsoam vel ambiguam; alioqui tota rueret argumentatio: ut exemplo sequenti patebit. Certum est, Bibliopolam multos libros evolvere frequenter: qui multos libros evolvit sâpe, multum studet: qui multum studet, procul dubio fit doctissimus: qui autem factus est doctissimus, potest cum laude omnes scientias profireri: igitur Bibliopola potest in celebri Academia omnes artes profiteri. Falsa est istuc Conclusionis, ut facile quis intelligat. Quare vero? nisi quia vox illa evolvere ambiguam patitur significationem: hoc est, vel attente legere, vel solis manibus versare, quod ultimum proprium est Bibliopolæ, neque ad doctrinam multum confert.

Hoc etiam animadvertisendum diligenter: tunc valere plurimum Soritem ad amplificationem Conclusionum, cum rebus antea probatis in unam veluti catenam multæ Argumentationes coacervantur. Sit Sorites ille in Exemplum.

Quis dubitet, viros Principes sua in regia tamquam in altissima specula collocatos esse, ut inde oculis quasi peragrantes imperii sui magnitudinem solerti diligentia curave pervigili provideant, ne quid Respublica detrimenti capiat? Quale vero detrimentum acciperet, si pateret hostium incursionibus, si in provinciis atque urbibus, in penetribus ac focis domesticis, barbarorum arma grassarentur? Jam exitialem illam calamitatem evitandam, bella identidem cum irrumpentibus hostium copiis sustinenda sunt. Bellum ut geri possit, conscribenda sunt cohortes, omnibus præsidii legiones instruenda. Quis autem cogere milites, conflare exercitum, instruere aciem possit, nisi stipendio munieribusque propositis, quibus milites incendi consueverunt, atque ad difficultima subeunda pericula stimulari? Porro ad numerandam infinitæ prope multititudini

pecuniam opus est ærario locupletissimo. Quapropter ex omnibus regni partibus atque clientum fortunis necesse est in ærarium regium vestigalia deportari.

ARTICULUS VII.

De Enthymemate.

Quid est Enthymema?

R. Est Ratiocinatio imperfecta, cui deest alterutra ex Propositionibus prioribus Syllogismi, seu Argumenti Philosophici: v. gr. Fortitudine atque prudentia singulari Pompejus præditus est: ergo dignus est, cui administrandi bellū provincia committatur. Omittitur nimirum prima Propositio: Ille dignus est, cui provincia administrandi bellū committatur, qui fortitudine & prudentia singulari prædictus est: sed Pompejus fortitudine & prudentia singulari prædictus est: ergo &c. Vel si quis ita concludat: qui fortitudine & prudentia singulari præstat, imperio dignus est: ergo Pompejus imperio dignus est. Tunc secunda Propositio seu Assumptio omittitur, nimirum: sed Pompejus fortitudine & prudentia præstat: ergo, &c.

Hinc alterutram ex propositionibus quæ deest, si restitueris, ex imperfecta Ratiocinatione perfectam efficies.

Porro hoc argumentationis genus, quod Enthymema vocatur, frequentiori in usu est apud Oratores, quam Syllogismus. Nam quoties Thesis omittitur, & Hypothesis una explicatur, toties pene Syllogismus exsulat, & regnat Enthymema.

Cicero pro Murena, n. 3. probat Enthymemate, a nemine æquius defendi Murenam, quam a se. A quo tandem, M. Cato, est æquius Consulēti defendi, quam a Consule? Quis mihi in Republica potest, aut debet esse conjunctior, quam is, cui Respublica a me unū traditur sustinenda, magnis meis laboribus & periculis sustentata?

Ibidem, n. 6. reddit rationem suæ lenitatis ac misericordiæ hoc Enthymemate, Vincenda mihi fuit olim indoles mea, ut severus essem: ergo nunc, cum me omnia ad mansuetudinem excitent, naturæ servire debeo. Quid si tum, cum Respublica vim & severitatem desiderabat, vici naturam, & tam vehemens fui, quam cogebar, non quam volebam, nunc, cum me omnes caußæ ad misericordiam atque humanitatem vocent, quanto tandem studio debeo naturæ meæ consuetudinique servire?

Quenam est ratio tractandi Oratorii Enthymematis?

R. Duplex. *Prima*, si contrahantur duæ partes in unam: *secunda*, si utraque pars fusius explicetur. *Habes prioris rationis exemplum Philip. 5. n 3. Pacem vult M. Antonius? arma ponat, roget, deprecetur. Neminem æquiorem me reperiet: cui, dum se civibus impiis commendat, inimicus esse, quam amicus, maluit. Nihil est profecto, quondam datus possit bellum gerenti: erit fortasse aliquid quod concedi possit roganti.*

Aliud exemplum habes pro Milone, n. 41. ubi Cicero probat Milonem non cogitasse de occidendo Clodio tunc, cum revera occidit, hoc Enthymemate. Milo non occidere voluit Clodium, cum potuit id impune facere: igitur non est credendus id voluisse, cum exequi non potuit sine summo suo periculo. *Quem igitur cum omnium gratia noluit: hunc voluit cum aliquorum querela? quem iure, quem loco, quem tempore, quem impune non est ausus: hunc injuria, in quo loco, alieno tempore, periculo capitis non dubitavit occidere?*

Fusius vero tractat Enthymematis partes pro Milone, n. 79. *Quonam modo vos ille vivus afficeret, qui mortuus inani cogitatione percussit? Quid? si ipse Cn. Pompejus qui ea virtute ac fortuna est, ut ea potuerit semper, que nemo praetev illum: si is, inquam, potuerit, aut de P. Clodii morte questionem ferre, aut ipsum ab inferis excitare; utrum putatis facturum fuisse? Etiam si propter amicitiam vellet illum ab inferis evocare, propter Rempublicam non fecisset. Ejus igitur mortis sedetis ultores, cuius vitam, si puteris per vos restituiri posse, nolitis: & de ejus nece lata quæstio est, qui si eadem lege reviviscere posset, lata lex numquam esset...*

Hæc autem omnia hoc uno concluduntur Enthymemate. *Nolletis Clodium vivere: ergo non debetis eum afficere poena, qui Clodium occidit.*

Est aliud pene simile Enthymematis exemplum Philip. 2. n. 94. *Igitur a quo vivo nec presens nec absens quidquam æqui boni impetravit, apud mortuum factus est gratiosus. &c.*

EXERCITATIO.

*Cn. Domitii ad Julium Cæfarem post Pharsalicam pugnam
Oratio, ut iis qui contra ipsum arma tulerant, parcat.*

Per Enthymema.

SYNOPSIS.

Hoc utetur Enthymemate. Debes providere, ne quis fuscum a te bellum civile putet non Reipublicæ gratia, sed ut privatas inimicitias ulciscereris: ergo debes iis parcere, qui contra te arma tulerunt.

Exordium sumet a Propositione, dicetque hunc semper visum fuisse animum Cæfaris, ut solius Reipublicæ causa dimicaret.

Rationem afferet Propositionis. Quia id Cæsar revera præstulerat, cum neminem perire voluissest præter eos, qui in acie perierant; revocabitque ipsi in memoriam, quemadmodum suis militibus præceperat, ut civium corporibus parcerent.

Mox veniet ad Complexionem, Cæfarem hortando ut eos servatos velit, quibus belli furor pepercera: ut Deos imitetur, illis condonando, qui Deorum beneficio viverent.

ORATIO.

(Propositio. Debes providere, omnes ut petent, bellum civile unius Reipublicæ gratia a te fuisse suscepsum) Etsi nemo tibi, C. Cæsar, succensere jure potest, si jam armorum tuorum gloria factus rerum omnium dominus justam in tuos atque Reipublicæ hostes severitatem exerceas; tamen cum suscepsum a te civile bellum tuendæ Reipublicæ, non vindicandi proprias inimicitias gratia omnibus semper approbaveris, non dubitavi, quin hosti profligato parcere, quam eumdem perdere præstabilius æstimares.

(Probatio Propositionis. Quia neminem perire voluisti, præter eos qui in acie perierant...) Enimvero liceat tibi revocare in memoriam tempus illud, quod amarissimis lacrymis saepe deflevisti. Meministi, C. Cæsar, nisi forte, qui nihil oblitici soles præter laudes tuas, excidit diei illius recordatio, cum in acie Pharsalica victor lectissimum Romanæ militiae florem cerneret miserabilem ultro in interitum

tum ruere . Meministi , inquam , in illo armorum æstu , qui inimicus ut plurimum consilii est , & omnis expers humanitatis , quis fuerit animi tui sensus ? ut pereuntium vicem doleres unus omnium maxime ? ut civium nostrorum corporibus parcitum velles ? ut salutis publicæ sollicitus magis quam propriarum injuriarum memor , Romanum quoquo modo sanguinem redemptum optares ? Auditivimus illam , quotquot sumus , plenam clementiæ vocem , cum victoriā ipse tuam , quæ tanta cruoris copia constitisset , detestareris ; & cum jam non esset integrum revocare ad vitam , qui inter arma ceciderant , palam ediceres , parta jam victoria , ne quis in superstites belli reliquias peccaret .

Nunc ergo compositis tam fortiter quam feliciter civicis motibus , vide pro tua sapientia , C. Cæsar , qualem te medio pacis in sinu præstare deheas . An gloriæ tuæ sit , quisquam ut suspicetur , plus te privatis oiliis , quam publicæ utilitati serviisse ; neque tam ad arma convolasse , ut laboranti patriæ pacem ac tranquillitatem redderes , quam ut aut ambitionem aut iracundiam expleres . Intentos habet in te universus orbis oculos , & suspensus inter admirationem ac metum expectat , qualem Pompejanis partibus animum allaturus sis , paratus vel applaudere victori , vel funesta bonis omnibus arma detestari . Tuum est moderari hominum judicia , & quid de consilio tuo sentire illos velis , decernere . Non est tibi mora libera , ut in eos , quos armorum æstus aut civilis discordia contrarias in factiones abduxit , statuas quidquam durius , si humanitatis , si clementiæ , si æquitatis ipsius famam affectas . Quidquid in te peccatum est , erroris vitium sicut , non voluntatis . Quare senserint hactenus Pompejani armatum Cæsarem , quamdiu armatum animum retinuere ; nunc victoris benignitatem implorantibus , nefas sit veniam abnuere , quam precantur . Habes in ipsis Diis exemplum , quod sequaris . Quibus illi parcitum voluerunt , eosne tu misericordia indignos arbitrere ? & quos tot erectos periculis conservarunt , iisne tu calamitatem novam ac perniciem rursum arcessas ?

(Complexio . Debes parcere) . Ah ! potius cumula Deorum beneficium tuo : fruantur hostes tui benevolentia illa , quam per te impertiendam Superi censuerunt , rati nullum ipsis fore perfugium certius , quam si tibi dederentur . Age , C. Cæsar , absolve quod incepisti : reportatam tot victoriis gloriam hodierna dies cumulet . Domuisti Pompejanos

janos duces fortitudine insignes , numero prope infinitos : quid restat, nisi ut deinceps vincas clementia , quos armis hactenus superasti ?

ALIA EXERCITATIO.

*Romani cujusdam ad Neronem Oratio , ut a perse-
quendis deinceps Christianis abstineat .*

SYNOPSIS.

HOc Enthymemate utetur ad faciendam fidem . Inutile est Christianos ulterius persequi : ergo debes ab iis persequendis deinceps abstinere .

Exordium . Dicet, nullo se Christianam in gentem amore adduci ad dicendum ; imo sibi illam odio esse & execrationi .

Deinde veniet ad Propositionem : ostendetque per varias Interrogationes, quam sit inutile Christianos persequi, qui nulla poenarum acerbitate, nullo mortis metu a proposito deterreantur . Id probabit ab Antecedentibus , jubebitque Neronem meminisse , quam frustra fuderit hactenus Christianorum sanguinem : crescere illos suis cædibus , non modo illos non extingui .

Idem probabit a Consequentibus . Nihil magis deinde proficies ; tibi , imperio nostro , Diis ipsis timendum , si gens illa perga cresceret .

Complexio . Sine ergo illos suis in tenebris inglorios immori ; parce hujusmodi meditari in eos bella , quæ nullum felicem exitum habere possunt .

ORATIO.

Quamvis gentem in illam, quam tam acriter persequeris , gravissimo memet odio sentiam exstimulari, nullique rei parcitum velim , ut vel ipsa , si fieri possit, Christiani nominis recordatio penitus extinguatur : tamen longa doctus rerum experientia opera pretium esse existimo Princeps sapientissime, ut a cruenta Christianorum cæde tandem aliquando abstineas .

(Propositio . Inutile est Christianos persequi) . Nam quid agimus ? quid molimur ? quid promovemus ? dum nova quotidie suppliciorum genera ad extirpandam nationem illam pessimam excogitamus . Hoc tibi persuaseras , & nemo erat, qui tibi non assentiret , genus istud hominum non esse tam invictum , ut alii poenarum metu deterriti

ad

ad meliorem se frugem non reciperent, alii variis cruciatus ac supriliis perdi tristissimas tecum gentis nefandæ reliquias non sepelirent. Institimus acriter, perfecimus quod erat imperatum, nullam vel sexus, vel ætatis, vel conditionis, vel etiam sanguinis rationem habuimus. Sævitum est in amicos, non est parcitum affinibus aut consanguineis. Fratres ipsi fratres in tuos, parentes in liberos, iu conjuges mariti crudeles existiterunt. (*Probatio Propositionis*) At quo successu tandem? quo exitu? Revoca, Princeps sapientissime, revoca in memoriam, quam multos tot abhinc annis, ex quo funestum cum illis hominibus bellum exercemus, vario tormentorum genere perdideris. Numera, si potes, quot aquis submersi, quot enecti suspedio, quot exusti flammis, quot ferro, quot eculeis, quot rotis absumpti. Vidimus vicos ac plateas natantes eorum sanguine; timuimus non semel huic urbi, ne cadaverum moles immensa luctuosam pestem ac contagem infernet. Exhausimus ipsam tortorum industriam in inveniendis pœnularum monstros, quæ Christianos percillerent. Verum quid promovimus ad hunc usque diem? quid perfecimus? aut quæ spes nobis deinde relicta est? Non modo non est immunitus illorum numerus, sed cœrit; non infractus animus, sed erectus; non accisæ vires, sed confirmatæ furoribus nostris illudunt. Dices fatalem hydram, quæ suis e vulneribus quotidie crescit ac pullulat; sanguis eorum fatalis instar seminis est, unde nova singulas in horas monstræ passim exsurgunt.

Quod si tam frustra gentem in illam certatum est, Princeps sapientissime, qua spe deinceps in eamdem sœvire parabimus? si crescere ulterius pergit, si fors illa suppliciorum est, quibus illam exercemus, ut novum robur sufficiant: nihilne metuendum putas, ne, cum invaluerit tandem aliquando, tristissimam tibi perniciem, cladem imperio, ipsi Deorum religioni ruinam moliatur?

(*Complexio. Ergo abstine a persequendis Christianis*). Patere igitur, Princeps sapientissime, ut illa deinceps cesset carnificina, quam in Christianum genus tam nullo fructu exercuimus. Suis illi addicti erroribus inanes recentis ac novæ religionis larvas consestantur. Emoriantur illi natalibus in tenebris: & quando nullis tanti Imperatoris vel blanditiis, vel precibus, vel minis, vel terroribus revocari ad meliorem frugem potuerunt, permitte illos infeli geñio, neque tuam posthac aut quietem turbent, aut plenam bonitatis clementiam experiantur.

Hanc

Hanc vero argumentationem , quæ Enthymema dicitur , facile est , uti jam monuimus , ad perfectam Ratiocinationem revocare , si nimirum vel Propositio , vel Assumptio , quæ subticetur in Enthymemate , restituatur . V. gr. ex illorū Enthymemate , quod tractavimus , scilicet : Inutile est ulterius Christianos persequi ; ergo ab eorum cæde abstinendum : faceres Ratiocinationem , si propositionem substitueres , quæ subauditur : nempe : Desistendum est a consilio inutili ; sed inutile est persequi Christianos : ergo &c.

Et illud pariter Enthymema , quod primo loco pertractatum est : nimirum : Debes præcavere , ne quis suscepsum a te civile bellum non Reipublicæ gratia , sed ad vindicandas privatas injurias existimet : ergo debes parcere iis , qui contra te arma tulerunt : facile mutabis in Ratiocinationem , si Assumptionem quæ subticetur , restitueris hoc pacto : Præcavere debes , ne quis suscepsum a te bellum existimet non Reipublicæ gratia , sed ad vindicandas privatas injurias : sed nisi pepercenis iis , qui contra te tulerunt arma , multi exiitimabunt , te privatis injuriis , non Reipublicæ utilitate ad suscipiendum civile bellum suisse adductum : ergo debes parcere &c.

ARTICULUS VIII.

De Dilemmate .

QUid est Dilemma ?

R. Est argumentatio constans duabus Propositionibus oppositis , quæ nihil medium patiuntur , adeo ut alteram concedi necesse sit . Tale est illud latronis stricto pugione peregrinum inermem alloquentis : aut crumenam dabis , aut vitam .

Frequentissima sunt apud Tullium hujus Argumentationis exempla . Philip. 2. n. 100. probat Cæsar's acta , quæ vulgarerat Antonius , suisse adulterata . Sed ad Chirographa redeamus . Quæ fuit tua cognitio ? Acta enim Cæsar's pacis causa confirmata sunt a Senatu : quæ quidem Cæsar egisset , non ea , quæ Cæsarem egisse dixisset Antonius . Unde ista erumpunt ? quo Auctore proferuntur ? si sunt falsa , cur probantur ? si vera , cur veneunt ?

Et pro Cælio , n. 50. Clodium perstringit , & purgat Cælium hoc dilemmate . Si qua mulier sit hujusmodi , qualem ego paulo ante descripsi , tui dissimilis , vita , institutoque meretricio , cum hac aliquid adolescentem hominem

habuisse rationis, num tibi perturpe aut perflagitiosum esse videatur? Ea si tu non es, sicut ego malo, quid est, quod objiciant Cælio? sin eam te volunt esse, quid est, cur non crimen hoc, si tu contemnis, pertimescamus?

Duplex est ratio tractandi Dilemmatis: prima consistit in Propositione simplici Dilemmatis, cuius utraque pars nuda effertur, quia veritas clara est. Tale est illud, quod proponit Cicero Philip. 5. n. 15. *Legatos decernitis? si ut deprecentur, contemnet: si ut imperetis, non audiet.*

Et pro Quintio, n. 41. ubi, postquam probavit Quintum nihil debere Nævio, quod is debitum non postulasset sibi persolvi in magna ejusdem petendi facultate, hoc Dilemmate concludit. Restat, *ut aut summa tibi negligentia oblititerit, aut unica liberalitas. Si negligentiam dices, mirabimur: si bonitatem, ridebimus.*

Habes ibidem aliud exemplum Dilemmatis, n. 81. Pro Roscio Amerino, n. 74. Pro Flancio, n. 6. & 85. Philip. 3. n. 22. Phil. 13. n. 17.

Alius modus est tractandi Dilemmatis, cum amplificatione figurata pars utraque Dilemmatis exornatur. Tale est illud, quod habetur Philip. 2. n. 31. *Numquamine intelleges, statuendum tibi esse, utrum illi, qui istam rem gesserunt, homicidii rei sint, an vindices libertatis? Attende enim paulisper, cogitationemque sobrii hominis punctum temporis suscipe. Etenim ego, qui sum illorum, ut ipse fateor, familiaris; ut a te arguor, socius; nego quidquam esse medium: confiteor eos, nisi liberatores populi Romani, conservatoresque Reipublicæ sint, plus quam scarios, plus quam homicidas, plus etiam quam parricidas esse: siquidem est atrocius patriæ parentem, quam suum occidere. Tu homo sapiens & considerate; quid dicas? si parricidae: cur honoris causa a te sunt & in hoc ordine, & apud populum Romanum semper appellati? cur M. Brutus, te referente, legibus est solitus, si ab urbe, plus quam decem dics absuisset? cur Iudi Apollinares incredibili M. Bruti honore sunt celebrati? cur Provincie Cassio & Bruto datæ? cur Questores additi? cur Legatorum numerus auctus? Atque hæc actia per te. Non igitur homicide. Sequitur, ut liberatores tuo iudicio sint: quandoquidem tertium nihil potest esse. Quid est? non conturno te? Non enim fortasse satis, que distinctius dicuntur, intelligis. Sed tamen hæc est summa conclusionis meæ: quoniam scelere & te liberati sunt, ab eodem te amplissimis præmiis dignissimi judicati sunt.*

Et Verr. 1. n. 31. hoc utitur adversus Cæciliū Dilemmate:

mate : probatque, non esse illum idoneum Verris accusato-rem. Tu, Cæcili, quid facies ? utrum hoc tantum crimen prætermittes, an objicies ? Si objicies : idne alteri criminis da-bis, quod eodem tempore, in eadem Provincia, tu ipse fecisti ? audebis ita accusare alterum, ut quo minus tute condemnare, recusare non possis ? Sin prætermittes : qualis erit ista tua accusatio, que, domestici periculi mei, certissimi & maximi criminis non modo suspicionem, verum etiam mentionem per-timescat ?

Et Verr. 4. n. 155. Utrum tibi Siculos, publice, priva-timque amicos, an inimicos existimari vis ? Si inimicos : quid de te futurum est ? quo configubies ? ubi nitere ? modo aratorum honestissimorum hominum, & locupletissimorum, & Siculorum, & civium Romanorum numerum abs te abalienasti : nunc de civitatibus Siculis quid ages ? Dices, tibi Siculos esse amicos ? qui poteris ? qui (quod in nullo homine antea fecerunt, ut in eum publice testimonium dicerent, cum præsertim ex ea Pro-vincia condemnati sint complures, qui ibi Prætores fuerunt, duo soli absoluti) buc conveniunt cum literis, veniunt cum mandatis, veniunt cum testimoniiis publicis.

Similiter probat adversus Pisonem Dilemmate, eum oportuisse esse cupidum prædæ, qui se cupidum fuisse triumphi negaverat. Oratione in Pisonem, n. 56.

Item & pro Cornelio Balbo probat insigni Dilemmate, non fecisse quidquam Pompejum contra sœdera, n. 13. In his omnibus locis utramque Dilemmatis partem tractat magnifice, & diligeretur exornat.

Duplex est autem Dilemmatis diluendi ratio. Prima, cum Dilemma totum invertitur. Scitum est illud Antigoni Regis, a quo frater cum peteret, ut caussa quam habebat, non in foro palam, sed domi privatim cognosceretur, respondit Antigonus hoc Dilemmate : Si causam injustam habes : cur litigas ? si justam : cur conspectum hominum fugis ? Cui frater respondere potuisset, utraque parte in-versa : Si justa caussa est : melius & facilius domi cognoscetur : si injusta : minorem infamiam privatim subibo, quam publice.

Altera ratio diluendi Dilemmatis, cum una dumtaxat pars Dilemmatis infirmatur. Sic Herus ille servum percu-tiens, roganti servo, cur ipsius opera uteretur, si eset improbus ? cur percuteret, si probus eset ? respondit : non percutio te, quia probus es : sed quia improbus, ut probo uti possim.

E X E R C I T A T I O .

*In eos , qui de eventuris sibi calamitatibus Divinos
& Hariolos consulunt .*

Exemplum Dilemmatis .

S Y N O P S I S .

Exord. **D**ices , quosdam esse in Itorquendis seipsis ingeniosos , quasi non satis multa evenirent contra voluntatem ferenda .

Propositionem efferet per Apostrophen ad eos , qui de futuris calamitatibus Divinos consulunt : dicetque , illos esse miserrimos .

Confirmatio petetur ab hoc Dilemmate , quod ita proponet . Vel illi quod enunciant , eventurum est ; vel non eventurum : statuite ergo , quod vultis ; versate vos in omnem partem : nam alterutrum necesse est , ut admittatis .

Tum tractabit prius Dilemmatis membrum : ostendetque , insipientes eos esse , si calamitates de quibus Hariolos consulunt , eveniant ; quia stultum est ante tempus se mactare , bis miseri &c.

Deinde posterius membrum tractabit : probabitque non minus eos infelices esse , si nihil eorum eveniat , quod Divini mentiuntur ; quia nihilominus torquebuntur perpetuo inanique metu .

Concludet deterrendo ab ejusmodi curiositate .

O R A T I O .

Cum tam multa sunt in hac , quam vivimus , vita homines miseri , quæ contra spem ac voluntatem nobis ab adversis rebus ferenda passim occurront ; tum certe mirum est , inveniri quosdam in torquendis semetipsis macerandise tam ingeniosos , ut novum quemdam malorum cumulum ultro ac volentes sibi arcessere non dubitent .

Nam quid aliud , amabo vos , facere dicendi sunt , qui insanabili quadam curiositate correpti eventuras sibi olim calamitates ex Hariolis Divinisque sciscitari gestiunt : & quod prudens rerum omnium moderator atque arbiter Deus , non sine amabili providentiæ suæ ordine occultandum censuit , id per fas ac nefas magno sui ipsorum damno ambiunt peryidere ?

Age enim, quisquis es hujusmodi tam inimicus felicitatis tuæ, ut, si quid credis tibi metuendum gravius, id conjicere ex Hariolorum responsis & malas per artes augurari gestias. Quis hanc misero mentem injecit, ut torquere te multo antequam oporteat, atque etiam macerare frustra, ut plurimum; mediteris? Unum te volo imprudentiae tuæ testem ac judicem; non ad aliud, quam ad tuum ipsius tribunal appello. (*Dilemma*) Dic mihi, quæso: vel illa evenient aliquando, quæ inanes illi Augures enunciant mala; vel ab illis eventura falso prædicantur. Quid tibi videtur? ede responsum: quid files? an facere tibi fucum velle videor? an captiosis argumentis credulitati tuæ insidias paro? Nullæ hic ambages, nullus latet hic dolus, clara sunt omnia & aperta, nisi quod velis intervenire medium, ubi esse non potest. Fateris ergo, quod nemo sanus revera negaverit: aut eventura illa, quæ nosse curiosius ambigis; aut certe non eventura? Bene est, utor responso tuo, & rem ulterius persequor. (*Pars prior Dilemmatis*) Si, quod illi malum tibi perscrutanti cupidius præcinunt, eventurum revera est, uti dictitant: næ tu hominum inconsultissimus, qui tantopere te maceres ac torqueas ad eas evitandas calamitates, quas declinare non possis. Cur non quieto potius ac tranquillo expectas animo, quidquid Superi de te statuerint? Numquid illa, quæ reformidas, mala cruciabunt te satis, cum evenerint, nisi te ipse ante tempus ultro vexaveris? Bis miser & infelix, quem impendentis fati metus multo gravius jam cruciet, quam ipso forte malo, cum incidet, cruciandus sis. (*Pars posterior*) At si numquam evenient illa, quæ tibi jam tum solicitudinem tantam pariunt: quantæ scutitiæ est inanibus perturbari malorum umbris puerorum more, & dum in portu navigas adversas tempestates formidare?

(*Complexio*) Videte ergo vos, quotquot mala istæ prurigo incessit hactenus, ne vos ullo fructu atque emolumento, sed magno atque incredibili vestro suppicio torqueatis; abstinetе ea velle percunctari, quæ sibi uni supremus fatorum omnium arbiter ac moderator Deus cognoscenda reservavit; hoc agite multo diligentius, ut æquam rebus omnibus, non adversis minus quam prosperis, mentem præparetis; & quidquid vobis demum contigerit, facite ne vos aut elatius extolli, aut deprimi humilius patiamini.

ALIA EXERCITATIO.

In Degeneres Christianos.

SYNOPSIS.

Degeneres Christianos urgebit hoc Dilemmate. Vel estis Christiani ; vel non estis. Si Christiani estis : cur Christi legibus non paretis ? si non estis : cur gloriosum illud nomen usurpatis ?

Exord. Dicet Orator defecisse Christianos a majorum suorum virtute , & plerosque nihil retinere præter inanem Religionis umbram .

Deinde proponet laudatum jam Dilemma , idque urgebit variis interrogatiunculis , & quasi punctis .

Tertio . Priorem partem Dilemmatis per Subjectionem exponet . Si Christiani estis : cur igitur Christi legibus morem non geritis ?

Quarto . Secundam partem tractabit : petetque , cur Christiani nomen usurpent , qui nihil hominis Christiani habeant , præter inane nomen ? Jubebit illos gloriosam istam appellationem deponere , qua temere superbiant .

Denique concludet per Ironiam , hortando illos , ut aliam religionem amplectantur , nisi malint ad meliorem frugem se recipere .

ORATIO.

Quonam deplorando temporum nostrorum fato fieri dicam , ut cum Majores nostri Christianæ Religionis institutum tam sedulo , tam severe coluerint , sic ab eorum virtute & sacra velut hereditate nepotes defecisse videantur , nihil ut præter vacuum & inane dumtaxat Christiani nomen , mendacemque religionis larvam retineant ?

Nam quo , degeneres animæ , quo pristina pietas abiit ? quo prius recessit ardor ? ubi prioris illius fortitudinis extant vestigia , qua mediis vel in suppliciis parentes vestri invicti perstiterent ? Quo ego vos nomine jam appellem , in quibus nulla avitæ pietatis exempla video ? Statuite tandem ipsi quales velitis esse , quales appellari . (Dilemma) Christiani estis ; an non ? responsum date . Nolite facere fucum hominibus , aut ementitam virtutis faciem prætendere . Nunc opus est , omnes ut intelligent , quo

quo nomine vobis placeat unumquemque vestrum designari.

At enim audio communem omnium vocem : Christiani sumus , exclamatis . (Pars prior Dilemmatis) Id ipsum piacularibus sacri lavacri fontibus abluti professi sumus ; hoc praeclaro gloriatur nomine ; Christianorum sacramenta usurpamus ; Christianis institutis ac religionibus utimur . Cur igitur nomen tam sanctum flagitiis vestris polluitis ? cur alienam a vita Christi vitam vivitis ? cur praceptis ipsius ac legibus rebelles usque ac contumaces , hanc ipsam quam videmini profiteri , doctrinam abjicitis ? Christus voluptates damnavit , vos consecravimini : Christus opibus maledixit , vos inhiatis : Christus honores contempnit , vos omni studio ac labore per fas ac nefas aucupamini .

(Pars posterior) Facestis , mendacissimi hominum : larvati Christiani , facestis : parcite speciosum illud nomen jaetare ambitiosius : non est Christianum nomen positum in verbis , sed in factis : integritate vita , morum innocentia , virtutum exercitatione gloria isthac appellatio continetur . Non capiunt sordes vestrae , foeditas animi , morum corruptela , tantum nomen , tam caeleste , tam divinum .

Ite , ite ad Mahumetanos , turpissimos illos foedissimum voluptatum cultores : Religionem eorum amplectimini , quorum mores imitari vos non piget . Hic licebit omni vitiorum genere inquinare vos , hic spurcissimis deliciis indulgebitis impune ; non erit quisquam , qui depravatam morum vestrorum turpitudinem arguat . Sed quid ego haec ? Ah ! potius , si qua vos salutis vestrae remordet cura , si quis Christianæ Religionis amor tangit , recipite vos ad meliorem frugem , & Christiani nomen quod usurpare placet , omnibus Christianæ virtutis officiis decorare .

ARTICULUS IX.

De Dilemmate captioso.

Quid est Dilemma captiosum ?

R. Est argumentatio ita concludens ab utraque parte , ut adversarium simplicem & imperitum illudat , nisi illius eludendæ artem noverit . Talis est ista argumentatio , qua Sacerdos quædam utebatur , ad suadendum filio , ne apud populum diceret . Nam si injusta dixeris , inquietab illa : Deos habebis iratos . Si justa : homines . Quam argu-

mentationem sic invertit Adolescens ingeniosus , & in matrem retorsit . Imo expedit apud populum dicere . Nam si justa dixero : Deos amicos . Si injusta : homines inveniam .

Huc referendæ sunt mentientes Propositiones, quæ seipſas negant, vel si se includunt, falsum affirmant. Sic Poeta Cretensis , cum dixisset omnes Cretenses esse mendaces , Propositionem certe mendacem attulit . Nam si Cretenses omnes sunt mendaces : ergo & ipse mendax , cum Cretensis ipse omnes mendaces Cretenses dixerit . Si neget se mendacem , falso dixerit Cretenses omnes esse mendaces : erit itaque & simul mendax & simul verax .

Denique eo etiam revocantur Crocodili , quos vocant, seu callidæ interrogations , quæ ſucum faciunt rudibus & imperitis . Dicuntur autem Crocodili propterea quod commenti sunt Poetæ , Crocodilum , rapto mulieris viduæ filio , ſic cum ea fuiffe collocutum : Reddam tibi filium , ſi verum dixeris . Responde igitur, utrum ſim tibi redditurus , an non ? Negavit illa fore , ut redderet , & ob eam cauſam reddi debere , quod verum dixiſſet . Cui Crocodilus : Atqui non reddam , inquit ; ſi enim reddidero , verum non eris locuta : ſin me redditurum dixeris , faltum dices , non enim certo reddam .

Similis est ludicra & captiosa Adolescentis illius argumentatio , qui, cum ſe cuidam Rhetori instituendum tradidiffet , grandi mercede paetus , ſi primam cauſam apud Judices evinceret , belle tandem eruditus mercedem negavit . Cui diem Magister cum dixiſſet , nihil debeo tibi , retulit Discipulus . Nam ſi viceris : ex Judicium ſententia ſolutus ac liberatus ſum . Si vincor : ex paetus nihil tibi debeo , ea tibi lege tantum obſtrictus , ſi prima in cauſa palmam referrem .

At Discipulo perito Magister ipſe peritior : Imo , mercedem debes , ſubjecit : ſi viceris , ut paetus es ; ſi non viceris , ut condemnatus . Cauſam illam utrinque oratorie traſtabimus ad Rheticarum Exercitationum complementum .

EXERCITATIO.

Thisias Adolescens Syracusanus adversus Coracem Rhetorem Magistrum suum.

Dilemma captiosum.

S T N O P S I S.

Exord. **S**umet a Prolepsi. Significabit dolorem suum, quod adversus Magistrum adhibere cogatur artem illam, quam ab eo didicerat.

Deinde allata Propositione narrabit breviter, qua lege cum Corace pactus fuerit.

3. Per interrogationem quæret a Magistro, qua tandem in re positam artem putet, quam ab ipso didicerat? tum per Subjectionem respondebit: in persuadendo.

4. Proponet hoc Dilemma. Vel persuasero Judicibus nihil me tibi debere, vel non persuasero. Si persuasero: dicta caussa est, ipso Judicum calculo solutus ac liberatus sum. Si non persuasero: nihil est, quod mercedem petas, quam ex pacto nullam debeo, nisi caussa vincerem. Hoc argumentum urgebit variis interrogatiunculis.

Peroratio. Judices obtestabitur, ut jus suum sententiis confirmant.

ORATIO.

Etsi injustus ego quibusdam, aut saltem accepti beneficii parum memor videri possum, qui post exactam sub eruditissimi Magistri disciplina adolescentiam, hac ipsa quam sum edoctus ab eo, dicendi facultate adversus eumdem abuti mediter; tamen cum res mihi sit hodie apud Judices æquissimos & maxime perspicaces, ita dicturum me spero, ut non iniqui tantum, sed ingrati animi suspicionem penitus amoliaer.

Postulor ego negatæ mercedis reus quam sibi debitam Corax eruditus Rhetor vindicat. Nam injurius revera sim, Judices, & dignus criminatione, quæ mihi clarissimos apud viros infertur, si defraudare hominem velim re sua, & quam pro jure suo repetat, abnuam persolvere. Verum hoc agitur inter nos, Judices, hoc contentionis hodiernæ caput: an debita sit merces illa, quam Corax pertinaciter exi-

exigit . Affirmat ille quidem confidenter ; vocat me vestrum ad tribunal ; infraactæ fidei & immemoris animi crimen objicit . Ego vero , Judices , non confidenter minus quam vere debitam nego mercedem , quam ille petit : adsum paratus diluere calumniam , qua me provocat , & inustam nomini meo labem accusatoris poena multari postulo . Utri nostrum ratio militet & æquitas , per vosmet ipsos judicate .

Permotus ego Adolescens Coracis eruditæ Rhetoris fama , veni ad eum Eloquentiæ perdiscendæ cupidissimus . Ille , ut me aspexit , atque etiam interrogatiunculis quibusdam ingenii mei , si quod est , fecit periculum , non dubitavit affirmare , esse in me non ita contemnendam ad capessendam Eloquentiam facultatem , quæ si diligentí studio & perito in primis magistro excoletetur , fructus habere aliquando posset minime poenitendos . Exarsi continuo magis ac magis nova divinæ illius artis cupiditate , & ad Coracem conversus , agesis ergo , dixi , hominum peritissime : ecce trado me tibi præceptis tuis instituendum : hoc in me perfice , quod polliceris , nec levem impensi laboris mercedem exspecta . Accepit ille conditionem ; pacta merces est : veni ad eum assidue ; excepti diligenter doctas periti Magistri lectiones ; uno verbo artem didici , perdidici imo , si qua homini fides est , novi ut quisquam optime . Mihi non ita videtur , Judices : uter nostrum opinione fallatur sua , vestrum est facere conjecturam .

Age vero , Rhetor facundissime : qua demum in re arteri illam , quam edocetum esse me a te venditas , positam arbitraris ? opiuor in persuadendo ; hoc enim decantasti nobis centies ; hoc ipso , medius fidius , Scholæ nostræ parietes singulis prope diebus personuerunt . Nunc igitur attendite , Judices , in ea facultate quid possim : quantum sub Coracis disciplina profecerim , pro vestra cum æquitate , tum perspicacia judicate .

Vel enim persuasurus sum vobis , Judices , tibique adeo ipsi , Rhetor eruditissime , debere me tibi omnino nihil , vel non sum persuasurus . Nam alterutrum necesse est , ut eveniat ; nisi forte quid medium putes interesse , ubi esse non potest . Si persuasero : cur tu mercedem exigas , homo disertissime , quam non Judicum modo suffragias , sed tuo ipsius calculo non debitam fateare ? an vicisse caussa possum , simul & perdere ? Quod si non persuasero : o frustra tot exantlatos labores ! o collocatam male industriam ! o te hominem , ne quid dicam pejus , minime providum ! qui mercedem eo nomine repetas , quod nihil artis illius quam

quam profitere , quidquam in me contuleris . Vide , qua-
to , Rhetor facundissime , ne , cum ad eam qua polles , do-
ctrinam minus bene vertat , quod in instituendo adolescen-
te , quem ingeniosum esse jaicitabas , tam parum profe-
ris ; multo sit turpius eam mercedem postulare , quam ea
tantum conditione promissam non diffiteris , ut me in arte
tua peritissimum efficeres .

Quamobrem peto a vobis , Judices integerrimi , ut quam
influxit mihi Corax , imprudens quidem , quod ego luben-
tius crediderim , ingrati animi labem , pro vestra æquita-
te eximatis ; statuatisque , vel ut me suis præceptis dili-
gentius erudiat , vel ut ab efflagitando præmio , quod non
est meritus , deinceps absistat .

A L I A E X E R C I T A T I O .

Corax Rhetor adversus Thisiam Discipulum suum.

Ratio diluendi captiosi Dilemmatis .

S Y N O P S I S .

Exord. **D**Icet , non existimare se , locutum serio fuisse
Thisiam , cum oratione publica pactam nega-
vit solvere pecuniam . Probabit hoc ab opinione , quam
habet de Adolescentis optimi moribus . Sed voluisse eum
ostentare ingenium , & artis quam didicerat , facere pe-
riculum .

2. Rem gestam eo modo , quo narravit Thisias , fatebi-
tur , nec alio se velle uti arguento ab eo quod Thisias
adhibuit .

3. Eodem utetur Dilemmate , quod sic invertet . Vel per-
suasit vobis Adolescens eruditus , vel non persuasit . Si per-
suasit : dicta caussa est ; hanc enim sibi dixit ipse legein ,
ut cum persuadendi didicisset artem , pactam numeraret pec-
uniam : insistet maxime in ea tractanda Propositione . Si
non persuasit : ergo , vobis Judicibus , mihi debet pecuniam .

Conclusio . Hortabitur Judices , ut caussam iudicram fe-
ria sententia finiant .

O R A T I O .

Et fucum faciet eruditione sua Discipulus ille noster ?
artem in eum , a quo didicit , impune convertet ? nudam

ac simplicem eloquentiae sinceritatem compositis ad fallendum verborum phaleris perperam adhibebit? Fallor, Judices: alius est ille prorsus ab eo, quem forte existimat. Novi adolescentem, novi mores, novi ingenium. Scio, qua mente, quo consilio rem illam, quam suspicari falsi nemini veniat in mentem, quam inficiari ipse serio non audeat, revocare in dubium tentaverit. Voluit scilicet Adolescentis minime malus publica quadam exercitatione & frequenti clarissimorum virorum confessu probare omnibus, quid posset dicendo, & quantos apud me progressus fecisset. Gratulare tibi, Adolescentis ingeniose: id evicisti, quod volebas: habes laborum tuorum fructum amplissimum: hoc tu consecutus es omnium judicio, ut disertus, ut tersus, ut politus Orator haberere. Nemo non suspexit ingenii tui soleritiam: concinnitatem in scribendo, in agendo gratiam omnes laudavere. Quid ambis ultra? quid moliris? quid petis? Addam & illud, si voles, ad commendationem tui nominis singularem: quod sapiens ante pilos, quod praeter aetatem eruditus, quod supra hominum conditionem ac naturam, in ipsa adolescentia, quae ut plurimum fugitans est laboris, strenuus ac diligens videare. Estne aliquid amplius, quod ab amantissimo Magistro tuo desideres? Suspicor ego, quid velit, Judices: nollet haberi se a me durius in hac caussa, vel dum se mihi adversarium profitetur.

Esto: dabimus hoc etiam illi perlubenter, Judices: minime illum vexabo; consulam indoli ipsius; parcam ingenuæ morum suavitati: non inficiabor quidquam ex iis, quæ differuit tam eleganter in hac caussa; fatebor rem ita gestam esse, uti ipse narravit, in quo maxime Discipulum agnovi, non adversarium. Ludam ergo juveniliter in verbis, quod ille fecit tam subtiliter; nec aliud armorum genus stringere in eum velim, quam id ipsum quo me aggressus est.

Age, Adolescentis erudite, ingredere ipse campum illum, quem aperuisti tu mihi: eamdem permitto tibi, quam permettebas modo exspatiandi liberius facultatem. Verte te ergo partes in omnes; statue, quod volueris; quære etiamnum, quod præstitisti jam tam mirifice, unde ingenium & artem ostentes. At alterutrum fateare necesse est: aut persuassisse te, quod volebas; aut non persuassisse. Si persuasisti: habes, quod tantopere petebas, cum venisti ad me. Te unum testem volo, nitor enim maxime ingenua Adolescentis sinceritate, unum te, inquam, testem appello. Quid postu-

postulasti aliud , cum divertisti Ludum in nostrum , nisi ut persuadendi artem disceres ? Hoc si consequereris , nihil esse ajebas , quod Magistro tuo donandum non censeret ; promittebas montes aureos . Composuimus : pacta merces est : quid igitur hodie renuis pactam numerare pecuniam ? quid ambages queris ? quid negas ? quid affirmas ?

Quamquam , Judices , laudo Adolescentem , qui in eo , non me ut illuderet , sed ut daret aliquod ingenii sui specimen , in primis elaboravit . Suspexitis enimvero , & mirati estis , ut rem clarissimam prope obscuraret Oratoriis artibus , & caussam quam pro sua perspicacia noverat ipse desperatissimam , dicendo ficeret probabilem , tantum non veram . Optandum fuisset Adolescenti ingenioso , ut in deligendo argumento cautior ac solertior extitisset .

At enim , inquiet aliquis , non persuasit ; patuit sutilis & captiosæ Argumentationis artificium . Numquam evincet ille , ut debitam quis non putet , quam repeto pro jure meo , mercedem . Audio : restat hoc unum Adolescenti persugium : non persuasi , reclamat ille . Bene est ; non persuasisti ? igitur dijudicata res est ; caussa viæta est : quin pactam solvis pecuniam , quam mihi non deberi persuadere nemini potuisti ? Quid adhuc dubitas , quid tergiversaris ? quasi vero esset quid medium , in quo ludere etiamnum juveniliter posses ? Sed jam omisso ludo ad seria veniamus .

Videte ergo , Judices , ut de re tota pro vestra perspicacia & æquitate statuatis , ut caustam illam ludicram seria sententia terminetis ; ut Thisias , cui pro vestra humanitate indulxistis ut gravissimum hunc confessum jocando nungandoque recrearet , non jam iuantes Figurarum phaleras , sed solidos & bene probatos nummos expediat .

Ultimæ huic Exercitationi aliquam Forensis Causæ Formam dabimus , constituendo super ea controversia Judicem , qui litem dirimat .

J U D E X .

Novum prorsus Causæ genus , Judices , & ante hunc diem inauditum , vestris dirimendum sententiis hodierna die delatum est . Ecce Adolescentis ingeniosus cum nobili Rhetore , Discipulus cum Magistro , Thisias cum Corace componitur . Ecce non tam de mercede fragili , quam de ingenii gloria , non tam de pecunia , quam de eruditionis laurea certatur . Atque hæc certaminis ratio , Judices , est ,

est ejusmodi , ut alteri sit gloriiosius vinci , quam vincere ; alteri sine dedecore contingere non possit ab altero superari . Nam quid sit honorificum magis Adolescenti ingenio , quam si vestris omnium judiciis eam adeptus in dicendo facultatem videri possit , ut pactam ea conditione pecuniam peritissimo Magistro solvere debeat ? Quid vero sapientissimo Rhetori eveniat funestum magis , quam si ad inscriptos nullo emolumento labores is accedat ignominiae cumulus , ut nihil boni Thisiam docuisse judicetur ?

Verum , quoniam non cadit in hodiernam contentio-
nen , quid utrumque deceat magis aut minus , aut quid ad eorum utilitatem detrimentumve pertineat , nisi con-
junctum idem cum æquitate censeri possit ; video nostrarum esse partium excutere diligenter litigantium jura , &
quibus ad caussam adjumentis accendant , sedulo demonstrare . Quod ut asequamur facilius , operæ pretium est vide-
re , quid dederit hodiernæ controversiæ causam ; ac licet Coracem inter ac Thisiam satis super ea re conveniat ,
hoc ipsum tamen , uti gestum est , perstringere breviter non
pigebit .

Non potuit ignorare Thisias vel in hac ætate tam tene-
ra , quanta Corax apud nos Eloquentiæ fama floreret ; at-
que ut is fuit etiam ab infantia bonarum artium percipi-
dus , nihil antiquius habuit , quam ut se totum doctissimo
Rhetori ad eam quam ille profitebatur , artem informan-
dum permitteret . Venit ergo Thisias ad Coracem , consi-
lium aperit suum , & montes aureos pollicitus , si tanti
Magistri sub disciplina peritum in Rethorem olim evade-
ret , facile persuasit homini , suam ut Candidato navaret
operam , neque ad eundem instituendum labores ullos subi-
re detrectaret .

Quippe sensit Corax in Thisia , postquam pertentavit A-
dolescentis ingenium , quosdam fortunatae indolis ignicu-
los , qui si foverentur assiduis institutionis bonæ laboribus ,
uberrimos fructus aliquando promitterent .

Verum hæc fuit pacta Discipulum inter ac Magistrum
mercedis conditio , ut Coraci Thisias nihil rependeret , ni-
si cum persuadendi artem , qua tota constat Rhetorica ,
affecitus videretur .

Ita profecit brevi Coracis in Schola Thisias , ut jam pe-
ritus Magistri sui judicio Rhetor haberi possit , & pactam
solvere pecuniam teneatur . Id porro negat Discipulus , Ju-
dices ; atque , ut aliquod facultatis illius quam adeptus
dicitur , faceret vestro in conspectu periculum , voluit per-
sua-

suadere vobis , nihil esse , quod suus ille institutor mercedem exigat , aut eamdem ipse erogare cogeretur .

At quam solerter id aggressus est , Judices , quam processit ingeniose , quam subtiliter peroravit ! Rem pene adduxit eo , ut suam nos in sententiam pertraheret : tam probabili in speciem , tam idoneo ad faciendam fidem argumento usus est . Etenim nisi revera persuaderet vobis , nullis se pactæ cum Corace pecuniæ nominibus obligari , vestraque omnium eo confluenter judicia , ut ab omni exsoldvæ mercedis lege Adolescens solveretur : quid erit ultra , quod a Discipulo suo Corax exposceret , cui promissa merces ea tantum conditione fuissest , cum persuadendi artem Thisias videri posset attigisse ?

Hic enimvero triumphavit Adolescens : hoc argumento fretus veterano Rhetori ac pugili jam dudum exercitato novitus ac candidatus joculariter illusit . Actum erat de Adversario , nisi rem cum peritiore , quam esset ipse , Magistro ingeniosus Discipulus habuisset .

Suspexitis enimvero Coracis industriam , quem non ille artificiosæ orationis fucus perstrinxit , non dejecit triumphantis Adolescentiæ cavillatio , non ipse datus confessu in celeberrimo plausus perturbavit . Diceres versutum quemdam & longa experientia contritum Ducem , qui comparatas ab hoste speculatus insidias , non irruit statim , illas ut dejiciat ac labefactet ; sed conscientius ipse sibi , quid sit acturus , & quem ex paratis sibi laqueis possit fructum percipere , operitur tantisper hostem , eumdem etiam patitur propius accedere , donec suis ipsum in retibus implicit , tantoque illustriorem habeat ab eo victoriæ , quanto certiore ad triumphum ille properabat . Neque enim disertissimus ille vir locuplete de penu , aut de armentario suo varia deprompsit arma , quibus insultantem hostem conficeret ; non recurrit ad amplam communium , quos vocant , Locorum segetem , unde validissimis argumentationibus adversarium obrueret ; non adhibuit illa orationis lumina , multiplices Tropos ac Figuras , quibus in tractandis exercitatus jam pridem vestram omnium admirationem raperet , & de iudicibus suis totidem faceret causæ suæ patronos ac defensores : sed habuit satis , hostem si suum propriis armis confederet ; si , quam instruxerat ille fallaciam , eadem in ipsum abuteretur ; si præstigias , quibus ille fucum fecerat , easdem ad retegendarum malignioris Discipuli versutiam converteret . Nam , Judices , reposuit Corax , si meus ille Discipulus persuasit vobis quod volebat : videtis , quanto meo

meo jure postulem , quam oppigneravit mihi ea lege mercedem , si persuadendi peritus evaderet . Sin minus oratione perfecit sua , ut , quam repeto mihi pecuniam , hanc non deberi persuaderet : qua tandem æquitate illius persolvendæ necessitatem eludat ?

Ex iis potestis intelligere , Judices , quam parum afferat captioia utriusque oratio præsidii ad præsentem contentiōnem dirimendam , nisi rem totam magis serio , quam sit hactenus pertractata , excutiamus . Quare ut certi quodpiam statuatur in caussa ejusmodi , hanc ineundam esse rationem putavi , quæ , uti spero , neque meritissimo Rhetori displateat , neque Adolescenti ingenioso accepta esse non possit . Nolite existimare , Judices , hoc fuisse umquam Thisiæ consilium , ut susceplos institutionis suæ gratia labores debita mercede defraudaret . Novimus liberalem optimi Adolescentis indolem , & plenam animi gratissimi memoriam ; sentit unus omnium maxime , quantum Magistro suo debeat , cujus beneficio ad eam , quam suspicitiis , eruditionis ac facundiæ laudem pervenit . Imo non censuit compensandam satis pro rei dignitate , quam accepisset a Corace educationem fortunatam , nisi hanc ipsam omnium in oculis & in confessu tam honorifico demonstraret . Voluit notum vobis omnibus facere , quantum sub ipsius disciplina profecisset , & ex sua ipsius in dicendo facultate de Præceptoris peritia fieri conjecturari . Hinc susceptum ab eo illud causæ genus , in quo tanto majus ederet cum ingenii tum eloquentiæ specimen , quanto difficilerem ingressus aleam viseretur . Quid fecisset ille in caussa bona ac seria , qui malam & ludicram non probabilem modo , sed vero proximam effecit ?

Gratulare tibi , Rhetor peritissime , discipulum tam solertein , tam benevolum , tam amabilem . Plus ille tua laboravit gratia , dum mercedem paetam negare visus est , quam si eamdem statim lubens ac volens condonasset . Quis erit in hac civitate cupidus bonarum artium Adolescentis , qui se tibi erudiendum ultro non tradat , cum tales e tua schola prodire discipulos intellexerit ? Concurret Ludum ad tuum , mihi crede , nobilioras tota , neque præter te deinceps quemquam ambiat Rheticæ artis institutorem .

Igitur , Judices , sic adjudicemus Coraci , quam promeruit mercedem , ut Thisiæ Adolescentis optimi ingenium ac solertiam admiremur , qui subtili Oratiuncula sua ingentem sibi ipsi eruditionis laudem , Magistro suo singularem

larem gloriam , nobis omnibus honestam peperit delectationem .

Parcimas dicere de aliis Argumentationum generibus , vel quia non egent longiori explicatione , vel quia de illis iam diximus in alio Libro .

Tale est Epichirema , quod est Argumentatio quædant quasi ad manum , & quæ unica propositione totam vim argumenti continet : v. g. Impie vivat Christianus ? his enim paucis verbis tota hæc Argumentatio continetur : Christianus vivere impie non debet : tu Christianus es : ergo vivere impie non debes .

Numerantur etiam Inductio & Exemplum , de quibus abunde egimus in Libro de Locis communibus .

ARTICULUS ULTIMUS.

*Quomodo Argumentationes illæ omnes sint in
Oratione vitandæ.*

IN hoc totum hujuscce rei momentum vertitur , qua ratione variari debeant istæ Argumentationes cum in Oratione usurpantur , cum ad levandum tedium , tum ad prolixitatem fugiendam .

*Queres ergo , quibus variari modis debeant Argumentationes ?
R. Variam esse rationem ac multiplicem .*

Prima . Cum rationes multæ , quæ tractandæ occurrunt , non eodem , sed vario Argumentationum genere pertractantur : v. gr. Si ad primam rationem amplificandam & ornandam adhibita sit Ratiocinatio , secundæ Enthymema deserviat , tertiæ varia Epichiremata , aliis vel Dilemma , vel Inductiones , vel Exempla .

Exemplum dabit Tullias prima Catilinaria , in qua rationes quatuor , quibus probat Catilinæ in exsilium esse abeundum , varietate Argumentationum illuminat . Prima est , quia ejus conjuratio patet , quam rationem Quadripartita ratiocinatione tractat , n. 6. Etenim quid est jam amplius , Catilina , quod expectes , si neque nox tenebris obscurare cœsus nefarios , nec privatæ domus continere parietibus vocem coniurationis tue potest ? si illustrantur , si erumpunt omnia ? Muta jam istam mentem : mihi crede : obliviscere cœsis , atque incendiorum . Teneris undique : luce sunt clariora nobis tua consilia omnia : quæ etiam mecum licet recognoscas .

Rationem afferat Assumptionis , a n. 7. ad 10. Meministi ne , me ante diem XII. Kalendas Novemboris dicere in Sena-

tu, certo die fore in armis Cajum Mallium, audacie satellitem atque administrum tuæ? &c.

Secunda ratio est, quia nihil eum in urbe delectare potest, quam per Enthymema amplificat, cuius hæc est prima propositio. Tibi nihil in urbe jucundum est, a n. 13. Quid enim est, *Catilina*, quod te jam in hac urbe delectare possit? in qua nemo est, extra istam conjurationem perditorum boni numeri, qui te non metuat; nemo, qui te non oderit? Quæ nota domestica turpitudinis non int̄sta vita tua est? quod privatū rerum dedecus non hæret infamie? quæ libido ab oculis, quod facinus a manibus umquam tuis, quod flagitium a toto corpore absuit? cui tu adolescentulo, quem corruptelarum illecebris irretisses, non aut ad audaciam, ferrum, aut ad libidinem, facem prætulisti?

Concludit, n. 20. *Egredere ex urbe, Catilina: libera Rem-publicam metu: in exsiliū, si hanc vocem expectas, proficisci.* &c.

Tertia ratio est, quia omnes boni cupiunt vehementer illum egredi: quam rationem illustrat, a n. 20. Optat Senatus, Equester ordo, Populus, &c. De te autem, *Catilina*, cum quiescunt, probant: cum patientur, discernunt: cum tacent, clamant. Neque hi solum, quorum tibi auctoritas est videlicet cara, vita vilissima: sed etiam illi Equites Romani, honestissimi atque optimi viri, ceterique fortissimi cives, qui circumstant Senatum; quorum tu & frequentiam videre, & studia perspicere, & voces paulo ante exaudire potuisti: quorum ego vix abs te jam diu manus ac tela contineo: &c.

Conclusio, n. 23. *Quamobrem, ut s̄epe jam dixi, proficisci: ac, si mibi inimico, ut prædicas, tuo conflare vis invidiam; recta perge in exsiliū: vix feram sermones hominum, si id feceris: vix molem istius invidiae, si in exsiliū ieris jussu Consulis, sustinebo. Sin autem servire laudi mea mavis, egredere cum importuna sceleratorum manu: conferre ad Mallium: concita perditos cives: secerne te a bonis: infer patriæ bellum: exulta impio latrocinio, ut a me non ejectus, ad alienos; sed invitatus, ad tuos iſſe videaris.*

Quarta ratio, quia ipse cupit ad Mallium proficisci: quam tractat Enthymemate, n. 24. *Quamquam quid ego te invitem, a quo jam sciam esse præmissos, qui tibi ad forum Aurelium præstolarentur armati? sciam pac̄tam & constitutam esse cum Mallio diem? &c.*

Secundus modus variæ Argumentationis. Cum Propositiones ipsæ immutantur, aut imminuantur, uti jam diximus,

ita ut, si primo loco ponatur Assumptio & ejus Probatio, secundo loco ponatur Propositio & ejus Probatio, & vicissim: vel omittantur etiam Propositiones, maxime cum claræ sunt & non egent probatione.

Tertius denique modus. Cum variantur Figuræ, quæ ad amplificandas & exornandas Argumentationes adhibentur. Hæc enim exornationis diversitas facit, ut eadē Argumen-tationis forma quasi altera appareat. Multum etiam conserunt ad eamdem varietatem Transitiones, quibus ab una ratione gradus fit ad aliam. Sed hæc omnia melius depre-hendit atque observari non possunt, quam ex attenta assi-duaque Ciceronis lectione, & singulari in scribendo dili-gentia.

Finis Rhetoricae.

INDEX RERUM ET VERBORUM.

- A
- A** Bigail ad Davidem pro Nabal conjugē. 357
 - A** Adjuncta quid, & quotuplicis generis sint. 250. Quis eorum usus. 252. Quomodo amplificandus & ornandus hic locus. 253. Adjuncta Præcedentia. 250. Consequētia. 251. Eorum exempla. a p. 261. ad 267. Comitania. 251. Eorum exempla. *ibid.* & a p. 253. ad 261.
 - Adjunctio, seu Zeugma. 97. Exempla. 98. 101. 103.
 - Adverbia. 223. Quomodo tractentur. *ibid.* Eorum exempla. a p. 224. ad 229.
 - Adulatio pernicioſa: Sententia varias in periodos conformata. 33. & seqq.
 - Alexander Magnus cum Philippo patre comparatus. 96. Opes iua in amicis habendis positas censebat. 135. Ejus Oratio ad milites, ut Petram invadant. 355.
 - Allegoria cum exemplis. 76. 77. 79. & seqq.
 - Ambrosii Oratio ad Theodosium Imperatorem post cædem Thessalonicæ peractam. 48.
 - Amici, opes viri Principis. 134.
 - Amicitia Divina, omni studio colenda. 342.
 - Amicus fidelis ac sincerus, necessarius in vita: Sententia varias in periodos conformata. 30. & seqq.
 - Amilcar filium Annibatem adigit sacramento, ne faciat umquam cum Romanis pacem. 233.
 - Amplificatio quibus e locis eruenda sit: & singulorum exemplia. a p. 62. ad 74.
 - Anaphora, seu Repetitio, cum exemplis. 83. 86. 88.
 - Andromaches ad Ulyssem Oratio, cum hic Astyanacta ad mortem repeteret. 108.
 - Annibal, argumentum Orationis, cum Capuz otia retur. 115.
 - Annominatio, seu Paronomasia, cum exemplis. 89. 90.
 - Antimetathesis, seu Antimetabolē, cum exemplis. 94.
 - Antitheton, seu Antithesis, ut est figura verborum, cum exemplis. 93. 95. & seqq.
 - Antithesis, figura sententiarum, cum exemplis. 150. 153.
 - Antonius non audiendus de pace: Oratio ad Ciceronis imitationem. 40.
 - Antonomasia, sive Pronominatio. 76.
 - Apodosis, periodi pars posterior. 11. 12.

- Aposiopesis figura, cum exemplis. 134. 135.
 Apostrophe figura, cum exemplis. 119. 123. & seqq.
 Argumentum quid sit, & unde querenda argumenta. 165.
 De ratione eruendi argumenti. 166.
 Argumentatio quid sit. 338. Quotuplex. 339. In quo differat argumentatio Rhetorica a Philosophica. *ibid.*
 Argumentatio Rhetorica quid & quotuplex. 340. Quomodo varianda. 385. Exempla. *ibid.* & seqq.
Asella Vinnius: Horatii apud eum excusatio, quod paterno ipsis nomini visus esset illudere. 197.
 Auxesis, seu Incrementum, amplificandæ periodo deservit. 48.

B

- B**Acchanalium infectatio. 131.
 Bacchus, vini inventor, accusatus a Minerva. 185. Se ipse defendit. 186.
 Beatitudo æterna consecranda: Oratio parænetica ad mortales. 277.
 Bimembris periodi exempla. 10. 13. & seqq. 30. 33. 37. 39. 44.
 Blancæ Oratio ad filium: ad imitationem Ciceronis. 38.
 Britannicus defenditur a Burrho apud Neronem. 92.
 Bruti infectatio ob interfictum Cæsarem. 87.

C

- C**Æsar Julius. Ad eum Oratio, ut iis parcat qui contra ipsum arma tulerant. 365.
 Catachresis quid sit. 76.
 Caussa quid & quotuplex sit. 268. Quomodo ducatur argumentum a Caussis. 269. Caussæ efficientis exempla. 269. 275. 278. Quis illius usus. 269. Caussæ materialis exempla. 270. 275. 278. Quis illius usus. 271. Caussæ formalis exempla. 271. 275. 279. Quis illius usus. 272. Caussæ finalis exempla. 272. 276. 279. Quis illius usus. 273. Caussæ valent ad amplificandum. 66.
 Christiani Heroes profanis præstant. 97. Frustra poenarum metu, aut acerbitate, a profitenda Religione sua deterrentur. 367. Christiani degeneres hoc nomine indigni. 374. Christus infans Orator disertissimus. 100.
 Cicero quomodo legendus & imitandus. 4. 5.
 Cicero, imperfectus ab Antonio, vindicatur a filio pro patre perorante. 163.

- Ciceronis prudentia extollitur , cum in exsilio ultro cederet . 60. Eidem gratulatio post redditum . 61. Ejus Oratio de necandis Catilinæ sociis . 295. Ejusdem Oratio post interfectos Catilinæ socios . 147.
- Cinna , conjurationis reus , apud Augustum pro se dicit . 178.
- Climax , seu Gradatio , cum exemplis . 84. 88.
- Communicatio figura cum exemplis . 114. 116. 118.
- Compar , sive Isocolon , cum exemplis . 89. 91. 93.
- Comparatio quid sit . 288. Quotuplex . *ibid.* Quomodo fiat argumentum a majori ad minus . *ibid.* a minori ad maius . 289. 290. a pari 291. 292. Singulorum exempla . a p. 288. ad 297.
- Complexio figura , seu Symploce , cum exemplis . 83. 86. 88.
- Concessio figura cum exemplis . 141. 142. 146. 149. Formulæ Concessionis . 143.
- Concordia inter fratres tuenda : Oratio . 221.
- Conduplicatio , cum exemplis . 84. 86.
- Congeries , sive Synathroesmus . 99.
- Conjugata . 191. Exempla . 192. 195. 198. Quomodo standus hic locus . 192.
- Conscientiæ bonæ & malæ descriptio . 173.
- Consequentium frequentatio valet ad amplificandum . 64.
- Contradicentia . *Vide Repugnantia.*
- Contraria amplificationi deserviunt . 64. *Vide Opposita.*
- Coriolanus a solvenda Romæ obsidione deterretur . 266.
- Conversio , sive Epiphora , cum exemplis . 83. 87. 88.
- Correctio figura alia verbi , alia sententiæ , cum exemplis . 111. 116. 118.
- Coturnix : Defensio adolescentis accusati , quod coturnici oculos effodisset . 81.
- Greusæ ad Æneam Oratio , ad imitationem Ciceronis . 43.
- Crocodilus . Dilemma captiosum . 376.

D

- D**Ecussata periodus unde sic vocetur . 11. Exempla . 11. 26. 32. 36. 44.
- Definitio amplificandæ periodo deservit . 45. 63.
- Definitio quid & quotuplex apud Oratores . 167. 168. Exempla . *ibid.* Fit per enumerationem . *ibid.* 175. per similitudinem . 169. 173. per congeriem . 169. per caussas . *ibid.* per effecta . 170. 175. per negationem & affirmationem . 171. 177. 179.
- Demonstrhenis eloquentia populi ingenio accommodata . 137.
- Dilem-

- Dilemma quid sit , & quomodo tractandum . 369. 370. Exempla . *ibid.* 372. & seqq. Quomodo diluendum . 371. Dilemma captiosum . 376. Deprecatio , cum exemplis . 155. 156. 161. 163. Diogenes defenditur , quod accensa face hominem quareret media luce . 85. Disjunctio , cum exemplis . 98. 101. 103. Dissimilia valent ad amplificandum . 65. Dissimilitudo quid sit , & quomodo amplificetur , ac ornatur . 212. Exempla . 221. Distributio figura sententiarum . 139. Exempla . 139. 144. 148. Distributio figura verborum , cum exemplis . 98. 102. 103. Dubitatio figura verborum & sententiarum , cum exemplis . 112. 115. 117. Quis illius usus . 113.

E

- E**ffecta quid & quotuplicis generis sint . 280. Quomodo ab effectis ducatur argumentum . *ibid.* Quomodo tractandus hic locus . *ibid.* & seqq. Quis loci hujus usus . 282. Valet ad amplificandum . 67. Elocutio Oratoria qualis esse debeat . 7. Eloquentiae commendatio . 283. Emphasis figura . 134. Exempla . 136. 138. Enthymema . 363. Quomodo tractetur . 364. Exempla . *ibid.* & seqq. Enumeratio partium quid sit . 179. Quotuplex . 180. Fit per partes , ex quibus constat . *ibid.* vel per partes integrantes . 181. vel per species . *ibid.* vel per caussas . *ibid.* 182. vel per effecta . 182. 186. 187. 189. vel per congeriem . 183. Per quas figuratas tractetur . a p. 183. ad 190. Deseruit amplificandæ periodo . 46. Epiphonema figura , cum exemplis . 158. 161. 163. Epiphora , seu Conversio . 83. 87. 88. Ethopœja figura , cum exemplis . 127. 129. 131. Exclamatio figura , cum exemplis . 158. 159. 161. 163. Execratio figura , cum exemplis . 157. 161. 163. Exempla valent ad amplificandum . 69. Exemplum , præstantissima similitudinis ratio . 210. 226. 220.

F

F Ama quid sit: Locus a fama quomodo confirmetur. 310.
Quomodo infirmetur. *ibid.*

Figuræ sententiarum. 104.

Figura quid sit, & quotuplex. 83. In quo differat a Tro-
po. 74. Figurarum usus. 164.

G

G Enevefa S. Heroibus quibuscumque illustrior. 153.
Genus quid sit apud Oratores', & quomodo trahatur
argumentum a Genere, & quis illius usus. 198. Exem-
pla argumenti a Genere. a p. 199. ad 207.

Germanicus, Pisonis insidiis sublatus, post mortem ulto-
rem invenit. 261.

Gloria: In ea appetenda servanda moderatio. 101.

Goliath a Davide prostratus. 257.

Gradatio, seu Climax, cum exemplis. 84. 88.

H

H Arioli. In eos, qui de futuris rebus hariolos consu-
lunt. 372.

Herodias postulat sibi dedi caput Joannis Baptiste. 306.
Confutatio ejusdem petitionis. 308.

Hippolytus a noverca accusatus defenditur. 324.

Homerus. Consolatio ad eum, quod cæcus factus fuisset. 236.

Hyperbaton, seu Transgressio, tropus. 77.

Hyperbole, cum exemplis. 77. 80. 81.

Hypotyposis figura, cum exemplis. 126. 129. 131.

I

J Acobi Iustus, cruentatam Josephi tunicam aspicientis. 56.
JESU nomen celebratur. 90.

Imitatio Ciceronis in quo posita. 4. 5. Imitatio periodo-
rum Ciceronianarum. a p. 13. ad 26.

Incisum, seu Kouua, quid sit in periodo. 9.

Incisim dicere quid sit. *ibid.*

Inductio, prout est pars similitudinis. 209. 215. 219. 222.

Innocentius IV. S. Ludovicum ad expeditionem Hierosoly-
mitanam proficiscentem hortatur. 274.

- Interpretatio , five Synonymia , amplificandæ periodo de-
servit . 46. Exempla . 98. 100.
- Interrogatio figura , cum exemplis . 104. 107. 108. Ejus
usus . 105.
- Inventio quid sit . 165.
- Jonathæ ad Saulem Oratio p:o Davide . 183.
- Jonathas defenditur apud Saulem , quod contra latam a
a Rege legem paululum mellis gustasset . 205.
- Josephus a Juda defensus , dum in cisternam mitteretur . 160.
- Ironia , cum exemplis . 78. 80. & seqq.
- Isocolon , seu Compar . 84. 91. 93.
- Israelitæ ob aureum vitulum accusati . 328. defensi . 330.
- Judas Josephi defensionem suscipit adversus fratres . 160.
- Judithæ Oratio ad Bethulienses , reciso Holopernis capi-
te , ad imitatione Ciceronis . 42.
- Jusjurandum quid sit . 304. Quomodo hic locus confirme-
tur . ibid. Exempla . 305. 306. Quomodo refutetur . 305.
Exempla . 305. 308.
- Juventus studiosa per liberales artes exercenda . 218. Ei-
dem præmia laudabiliter propnuntur . 286.

L

- L**abor improbus omnia vincit . 217.
- Leges , seu Præjudicia , quid sint . 297. Lex quotuplex .
ibid. Quomodo confirmetur locus a Lege . ibid. Exempla .
298. 300. & seqq. Quomodo confutetur . 298. Exempla .
299. 303.
- Licentia figura . 140. Ejus usus . ibid. Exempla . 141.
144. 148.
- Loci assumpti , seu extrinsecus petitæ , qui & quot sint .
297.
- Loci Oratorii , eorum divisio & distributio . 165. Quo-
modo eruantur argumenta a locis Oratoriis . 166. 167.
- Ludovicus Magnus posteritati commendandus . 201.
- Ludocicus S. ad expeditionem Hierosolymitanam ab Inno-
centio IV. Papa incitatus . 274.

M

- M**Achabæorum mater inter filiorum funera triumphans .
128.
- Manlius contra datam legem dimicans accusatur . 300.
defenditur . 302.

MARIÆ Conceptio illibata . 79.

Maria Scotorum Regina conjurationis accusata . 334. defensa . 336.

Matris supposititiæ accusatio coram Salomone . 226.

Melampus celebris Medicus accusatur , quod orasset Deos sibi fortunari redeuntem annum . 315. defenditur . 317.

Membrum , seu Κῶλον , quid sit in periodo . 9. Quomodo fiat amplificatio membrorum periodi . 37. 45. & seqq.

Membratim dicere quid sit . 9.

Metalepsis quid sit . 76.

Metaphora quid sit , & quis esse debeat ejus usus . 75.

Metellus , ob Palladium incendio subductum excæcatus , accusatur tamquam inhabilis ad Pontificium munus . 346. defenditur . 349.

Metonymia quid sit . 75.

Modestia adolescentiæ dignissima . 174.

Moysis Oratio ad Israelitas reditum in Ægyptum cogitantes . 49.

N

Nabal Abigailis precibus a Davide servatus . 357.
Negantia . Vide Repugnantia .

Nero numquam fuit Imperator . 195.

Nero , Christiani nominis hostis , a persequendis Christianis deterretur . 367. Ad Neronom , Christianorum apologia . 71. In eumdem , quod Britannicum inter epulas veneno sustulit . 59.

Nobilitas vera , posita in virtute . 176.

Notatio nominis , cum exemplis . 190. 193. & seqq.
Quomodo ornandus hic locus . 191.

Numerus Orationis quid sit . 27.

O

Onomatopœja , quid sit . 76.

Opposita , seu Contraria , quid , & quotuplicis sint generis . 223.

Optatio , cum exemplis . 157. 162. 163.

Orator popularis quis habendus . 136.

Oxymoron quid sit . 94. Celebre ejus exemplum . ibid.

- Pacifici nomen magnificis quibusque nominibus præferendum. 193.
- Parabola quid sit. 208. Quis ejus usus. 209. Exempla. 209. 215. 218. 221.
- Paradiastole, seu discriminatio. 99.
- Parenthesis figura. 152. Exempla. *ibid.*
- Particulæ, periodi vincula, quotuplicis sint generis. 28.
- Paupertas. In hac veræ sunt divitiæ. 239.
- Periphrasis, seu Circumlocutio. 77.
- Periodicus ambitus quadrigarum cursu designatus. 7. 11.
- Periodi varia definitio. 7. 8. Ejus partes. 8. vincula. 36. divisio. 10. *Vide* Bimembris, Trimembris, Quadrimembbris, Quadratæ, Rotundæ, Decussatæ periodi exempla.
- Periodi ad Ciceronis imitationem exactæ. a p. 13. ad 26.
- Periodi artificium. 28. Venustas. 27. Ratio periodos alias connectendi cum aliis. 36.
- Periodice dicere quid sit. 9.
- Permissio figura, cum exemplis. 151. 153. 155.
- Petra: Ad hanc expugnandam adhortatio Alexandri. 355.
- Philippus Macedo cum Alexandro comparatus. 96.
- Piso Germanici interficti reus in Senatu accusatus. 261.
- Polytoton, cum exemplis. 99.
- Polysynthon, cum exemplis. 100. 101.
- Pompejus victus, & in Ægyptum fugiens, patronum habet apud Ptolomæum. 359.
- Porsenæ suadetur pax cum Romanis facienda. 320. disuadetur. 322.
- Posthumius patris injussu pugnans & vincens pro se perorat. 117.
- Præjudicia, seu præjudicatae opiniones, & quomodo his occurrentum. 310. Exempla. 315. & seqq.
- Præmia quam laudabiliter laboriosæ juventuti proponantur. 286.
- Prætermissio figura. 138. Ejus usus & exempla. 138. 139. 145. Quibus formulis exponantur. 139.
- Privantia quid sint, & quomodo tractetur hic locus. 235. Exempla. *ibid.* & seqq.
- Prolepsis. Figura quid sit, & quot modis fiat. 109. 110. Exempla 110. 115. 117.
- Prosopopœja figura, cum exemplis. 120. 121. 123. 125. Deservit amplificationi. 69. 70.
- Protasis, periodi pars prior. 11. 12.
- Puritas vitæ, Divinæ amicitiæ vinculum. 342.

Q

QUadrata periodus quænam vocetur. 11. Exempla. 25.
 Quadrigarum cursus periodicum ambitum designat. 11.
 Quadrimebris periodi exempla. 12. 22. & seqq. 32. 35.
 37. 43.
Quætitio. Vide Tormenta.

R

Ratiocinatio Rhetorica quid & quotuplex. 340. Exempla. a p. 342. ad 349. In tractanda Ratiocinatione immutatur plerumque propositionum ordo. 352. Exempla. 353. & seqq.
 Ratiocinatio Imperfetta, seu quinquepartita minor. 356. Exempla. 357. & seqq.
 Reguli ad Carthaginienses Oratio, cum infecta re, quam ipse dissuaserat, Carthaginem reversus esset. 50. Eiusdem Oratio de non permutandis captivis. 143.
 Relata quid sint. 230. Quomodo amplificetur hic locus. *ibid.* Quis illius usus. *ibid.* Exempla, a p. 230. ad 234.
 Religio Christiana per totum orbem propagata, ingens miraculum. 247.
 Repetitio, seu Anaphora, cum exemplis. 83. 86. 88.
 Repugnantia, Negantia, seu Contradicentia, quid sint. 241. Quot modis erui potest argumentum ex hoc loco. *ibid.* Quomodo tractandus. 243. Quis illius usus. 242. Exempla. a p. 241. ad 249. Valet ad amplificandum. 65. 66. 73.
 Responsio figura, cum exemplis. 105. 107. 108.
 Rhenus trajectus a Gallis, hoste ripam defendente. 259.
 Rotundæ periodi exempla. 11. 24. 25.
 Roscius cædis paternæ accusatus defenditur. 243.

S

SAlomon suppositiæ matris judex. 226.
 Saul Samuelis umbram ab inferis evocat. 122,
 Scævolæ ad Porsenam Oratio. 155.
 Senecæ a Nerone ad mortem damnati consolatoria Oratio. 228.
 Similiter cadens, sive Homœoptoton, cum exemplis. 89. 91. 93.
 Similitudo quid sit. 207. Quotuplex. 208. Quomodo ornan-

- nandus hic locus . 210. Exempla . a p. 207. ad 220.
 Valet ad amplificandum . 68. 73.
 Simonis Hebræorum Ducis ad commilitones de vindicanda
 fratris nece Adhortatio . 292.
 Symploce , seu Complexio , figura , cum exemplis . 83. 86. 88.
 Sorites , cum exemplis . 361. & seqq.
 Stoicorum morosæ severitatis insectatio . 214.
 Stylus , seu Elocutio Oratoria . 7.
 Subjectio figura . 105. Ejus usus . ibid. Exempla . 107. 109.
 Subtentatio figura , ejusque duplex usus . 133. Exempla .
 133. 135. & seqq.
 Syllogismus quid sit . 339. *Vide Ratiocinatio.*
 Synathrœimus , seu Congeries , figura , cum exemplis . 99.
 Syncdoche tropus . 75.
 Synœcrosis figura verborum . 94.
 Synonymia , seu Interpretatio . 98. Exempla . 100.

T

- T**Estes . Locus a Testibus quomodo confirmandus . 312.
 Quomodo infirmandus . 313. Exempla . 312. & seqq.
 Testimonium quotuplex . 311. *Vide Testes.*
 Theodorici ad caput Symmachi , in capite piscis repræ-
 sentati , apostrophe . 124.
 Tormenta , seu Quæstio , quid sit . 332. Quomodo confir-
 mandus hic locus . ibid. Quomodo infirmandus . ibid.
 Exempla . a p. 332. ad 338.
 Traductio figura verborum , cum exemplis . 84.
 Trimembris periodi exempla . 10. 12. 18. & seqq. 29. 31.
 34. 40. 41.
 Tropus quid sit . 74. Tropi in uno verbo . 75. in pluri-
 bus . 76.

V

- V**Erba . Quæ virtutes in verbis quærendæ . 27. Quæ cavenda
 vitia . ibid. Quæ verba in clausulis adhibenda . ibid.
 Verba . Quænam præcipue habeant vim amplificandi . a p. 51.
 ad 55.
 Veturiae Oratio ad filium Coriolanum . 106.
 Vinnius Afella . *Vide Afella.*
 Vini insectatio . 185. Ejusdem apologia . 186.

Z

- Z**Eugma . 97. *Vide Adjunctio.*

EXERCITATIONES RHETORICÆ AD GENUS
JUDICIALE SPECTANTES.

- B**Acchus ob vinum inventum accusatur . 185. defenditur .
 186.
 Carthaginiensibus ultro reum se sistit M. Attilius Regulus . 10.
 Christiani ab Ethnico defensi apud Neronem . 71.
 Cicero ob occisos Catilinæ socios ad Senatum pro se perorat . 147.
 Cicero junior patris sui intersectorem Antonium apud Augustum accusat . 162.
 Cinna conjurationis reus ad Augustum pro se perorat . 178.
 Coracis adversus Thisiam discipulum . 379. & hujus contra Coracem actio . 377.
 Coturnici oculos eruens adolescens defenditur . 81.
 David a Jonatha apud patrem defenditur . 188.
 Diogenes homines quærens defenditur . 85.
 Herodiades contra Joannem Baptistam . 306. & pro hoc contra illam Actio . 308.
 Hippolytus a noverca accusatus defenditur . 324.
 Horatius Asellæ se purgat , quod ad asinæ nomen allusisset in tua ad eum epistola . 196.
 Jonathas paululum mellis gustans defenditur . 205.
 Josephus in cisternam missus a Juda defenditur . 160.
 Israelitæ ob aureum vitulum accusati . 328. defenduntur .
 330.
 Manlius contra datam legem pugnans accusatur . 300. defenditur . 302.
 Maria Scotorum Regina conjurationis accusata . 334. defenditur . 336.
 Matris supposititiæ accusatio coram Salomone . 226.
 Melampus Medicus accusatur . 315. defenditur . 317.
 Metellus ob Palladium incendio sublumum excæcatus , accusatur ut inhabilis ad Pontificium munus . 346. defenditur . 349.
 Pisonis Germanicum occidentis accusatio . 261.
 Posthumius patris injussu pugnans se defendit . 117.
 Roscius paternæ cædis accusatus , defenditur . 243.
 Thisiæ adversus Coracem . 377. & hujus adverius illum actio . 379.

EXERCITATIONES RHETORICÆ AD GENUS
DELIBERATIVUM PERTINENTES.

- A** Bigailis ad Davidem oratio, ut Nabalo parcat. 357.
Æneæ suadet Creusa, ut commune Trojæ exèdium
 propulsset. 43.
Alexander **Magnus** hortatur Milites, ut Petram invadant.
 354.
Amilcar filio Annibali dissuadet pacem cum Romanis. 233.
Andromache Ulyssi dissuadet cædem Astyanactis. 108.
Annibali, Capuæ otianti, suadetur obsidio urbis Romæ. 115.
Bellica expeditio filio suadetur a patre. 231.
Blanca S. Ludovicum filium hortatur ad moderandum rite
 imperium. 38.
Cicero suadet cædem sociorum Catilinæ. 295.
Concordia suadetur filiis a patre moribundo. 220.
Coriolano suadetur expugnatio Urbis Romæ. 266. dissuade-
 tur. 106.
Dei amicitia omni studio colenda. 342.
 Dissuadet pacem cum Antonio. 40.
Felicitas vera amplectenda proponitur. 277.
Gloriæ appetendæ moderatio suadetur. 101.
Herodias suadet Herodi cædem Joannis Baptistæ. 306. dis-
 suadetur. 308.
Homero suadetur, ut cæcitatem æquo animo ferat. 236.
Iraelitis dissuadetur a Moysè reditus in Ægyptum. 49.
Juventus studiosa incitatur ad artes liberales. 218.
Julius Cæsar rogatur, ut parcat iis, qui contra ipsum
 arma tulere. 365.
Ludovicus S. animatur ad expeditionem Hierosolymita-
 nam. 274.
Metelli amotio a Sacerdotio suadetur. 346. dissuadetur.
 349.
Mutii Scævolæ ad Porsenam Oratio. 154.
Nero deterretur a persequendis Christianis. 367. Eidem
 dissuadetur cædes Britannici. 92.
Pompejus recipiendus & servandus a Ptolomæo Ægypti Rege,
 suadente Septimio. 359.
Porsenæ suadetur pax cum Romanis. 320. dissuadetur. 322.
Romanis dissuadetur permutatio captivorum Chartaginien-
 sium. 143.
Saul deliberabundus, Pythonissam consulit. 122.
Simon dux Hebræorum ad vindicandam fratris necem suos
 hortatur. 292.

EXERCITATIONES RHETORICÆ, QUÆ AD GENUS
EXORNATIVUM REFERRI POSSUNT.

A Lexandri *Migni* cum Philippo patre comparatio . 95.
Amici , opes viri Principis . 134.

Bacchanalium inseſtatio . 130.

Bruti ob Cæſarem interfictum objurgatio . 87.

Christiana Religio per universum orbem mirifice propagata .

247.

Christiani degeneres exagitantur . 374.

Christiani Heroes profanis præferendi . 96.

Christus infans , orator dicitissimus . 210.

Cicero in exsilium ultro migrans laudatur . 59. Ejusdem glorioſus in Urbem reditus . 61.

Conſcientia bona & mala . 173.

Demoſthenes , orator popularis laudatur . 133.

Diogenis , face accensa de die homines quærēntis , laus . 85.

Eloquentiæ commendatio . 283.

Galli , inspectante hoste , Rhenum trajiciunt . 259.

Genovesa , Heroibus quibusvis illuftrior . 152.

Goliatho a Davide prostrato , insultatur . 257.

Hariolos consulentes increpantur . 372.

Jacob filium Joseph velut a fera occitum luget . 56.

JESU nomen angustissimum celebratur . 90.

Juditha ab Holopherne devicta redux . 42.

Ludovicus Magnus poſteritati commendandus . 201.

Machabæorum mater , inter filiorum funera triumphans .
128.

MARIÆ conceptus purissimi celebrantur . 79.

Modeſtia , inter ceteras virtutes adolescentiæ dignissima . 174.

Neronis , Britanicum occidentis , inseſtatio . 57.

Nero numquam fuit Imperator . 195.

Nobilitas vera , in una virtute posita . 176.

Pacifici nomen magnificis quibuscumque nominibus præfrendum . 193.

Paupertatis divitiæ demonstrantur . 239.

Præmia juventuti laboriosæ laudabilissime proponuntur .
286.

Senecæ , a Nerone ad mortem damnati , laus & consola-
tio . 228.

Stoicorum morosa severitas reprehenditur . 214.

Theodosius a S. Ambroſio ob cædem Theſſaloniciæ peractam
increpatur . 47.

Theodoricus furiis agitatur ob occisum Symmachum . 124.